

ՍՈՂՈՄՈՆ ԹԷՅԼԻՐԵԱՆ

ՎԵՐՅԻՇՈՒՄՆԵՐ

(ԹԱԼԷԱԹԻ ԱԶԱԲԵԿՈՒՄԸ)

Գրի առաւ

ՎԱՀԱՆ ՄԻՆԱԿՈՐԵԱՆ

Բ. ՏՊԱԳՐՈՒԹԻԻՆ

Տպ. «ՅՈՒՍԱՔԵՐ»

Գ ա հ ի ր է

1 9 5 6

ARAM webaram.com

ARABIC SCRIPT

ARABIC SCRIPT

ARABIC SCRIPT

ARABIC SCRIPT

ARABIC SCRIPT

ARABIC SCRIPT
ARABIC SCRIPT
ARABIC SCRIPT

ԴԱՏԱՍՏԱՆԸ ԵՒ ԴԱՏԱՎՃԻՌԸ

«Դատավարուքիւն Թալէաթ փաշայի» գիրքէն առնելով՝ ստորեւ կուտանի կազմուքիւնը թէ՛ այն ատեանի, որ դատած է Սողոմոն Թէհլիբեանը, եւ թէ՛ պատահէնը իր արձակած վնիոյի:

ԱՏԵԱՆԻ ԿԱԶՄՈՒԹԻՒՆԸ

Ա. ՆԱԽԱԳԱՀ

ԴՐ. ԼԵՄԲԵՐԳ, վարիչ նահանգային դատարանի:

ԴԱՏԱՒՈՐՆԵՐ

ԲԱԹԷ, նահանգային դատական խորհրդական:

ԴՐ. ԼԱՔՍ, օգնական դատաւոր:

ԱՏԵՆԱԳՊԻՐ

ՎԱՐՄԲՈՒՐԳ, հետամուտ դատաւորութեան:

Բ. ԴԱՏԱԽԱԶ

ԳՈՂՆԻԿ, դատախազ:

Գ. ԵՐԳՈՒԵԱԼՆԵՐ

ՎԻԼՀԵԼՄ ԳՐԱՌԻ, որմնադիր Նաուեն, Բերլինի

մօտ:

ՐՈՒՏՈԼՖ ԳՐՈՍԷՐ, վաճառական, Բերնաու

(Մարկ):

ԿՈՒՐՏ ԲԱՐԹԷԼ, ակնավաճառ, Բերլին:

ԱԳՈԼՖ ԿԻԻՀՆԷ, ռանտիէ, Բերլին-Պանկով:

OSSO ԷՎԱԼԹ, տանտէր, Շարլոտտենբուրգ :
OSSO ՎԱԳՆԷՐ, յարկաժաժկ, Շարլոտտենբուրգ :
OSSO ԲԻՆՏԷ, երկաթագործ, Շէօնբրիինդէ :
OSSO ԲԱՅՆԵԿԻ, վերին գործավար, Տեգել :
ԷՕԺԷՆ ԴԸ ՊՐԻՍ, ներկարար, Բերլին - Վիրմերս-
դորֆ :

ԱԼԲԵՐՏ ԲԷԼԼԻՆԳ, դեղարանատէր, Շարլոտտեն-
բուրգ :

ՀԵՐՄԱՆ ԳՈԼԴԷ, երկաթագործ, Շարլոտտեն-
բուրգ :

ՐՈԲԵՐՏ ՀԱՅՁԷ, աղիւսի գործարանի տէր, Շար-
լոտտենբուրգ :

ՓՈՆԵԱՆՈՐԴՆԵՐ

ՅՈՒԼԻՈՍ ՖՈՒՐՀ, տանտէր, Շարլոտտենբուրգ :

ԱՈՒԳՈՒՍՏ ԲԼԻՋԵՆԷՐ, մսագործ, Տեգել :

Դ. ՊԱՇՏՊԱՆՆԵՐ

ԴՐ. ԱԳՈԼՖ ՖՈՆ ԳՈՐԴՈՆ, իրաւական գաղտնի
խորհրդական, Բերլին :

ԴՐ. ԻՕՀԱՆՆԷՍ ՎԵՐԹԱՈՒԷՐ, իրաւական խոր-
հրդական, Բերլին :

ԴՐ. ՆԻՄԱՅԷՐ, գաղտնի խորհրդական եւ պրո-
ֆէսոր Կիլի համալսարանի իրաւագիտական բաժնին :

Ե. ԹԱՐԳՄԱՆՆԵՐ

ՎԱՀԱՆ ԶԱՔԱՐԵԱՆ, առաջին թարգման :

ԳԷՈՐԳ ԳԱԼՈՒՍՏԵԱՆ, երկրորդ թարգման :

ԱՏԵԱՆԻ ՎՃԻՌԸ

Դատավարութիւնը վերջացած ըլլալով՝ ատեանին
նախագահը՝ Դր. Լեմբերգ՝ օրէնքով սահմանուած
հարցումները կ'ուղղէ երդուեալներուն : Այս վերջիննե-
րը մեկուսանալով ժամուան մը խորհրդակցութիւն

կ'ունենան, ապա երդուեալներուն գլխաւորը կը ներկայանայ դատատեանին եւ «պատուով եւ խիղճով կը վկայէ» հետեւեալը, որպէս որոշումը երդուեալներու .

Յանցաւոր է ամբաստանեալ Սողոմոն Թէհլիրեանը 1921 Մարտ 15ին Շարլոտտենբուրգի մէջ դիտաւորեալ կերպով մարդ մը, Թալէաթ փաշան, սպաննած ըլլալուն համար :

Ո՛Չ

Օտտօ Բայնիկէ, երդուեալներու գլխաւոր (մեծ շարժում սրահին մէջ եւ ծափահարութիւններ) :

Նախադահ .— Ես կը ստորագրեմ որոշումը եւ կը խնդրեմ պ. ֆարտուղարէն՝ նոյնը ընել եւ կարդալ ի լուր որոշումը :

Ֆարտուղարը կը կարդայ որոշումը, որ կը թարգմանուի ամբաստանեալին :

Նախադահ .— Ապա ուրեմն կ'ագդարարուի հետեւեալ դատավիճը .

«Ամբաստանեալը անպարտ կ'արձակուի պետական անտուկին հաշուոյն» (նոր շարժում եւ ծափահարութիւններ) :

«Համաձայն երդուեալներու որոշումին՝ ամբաստանեալը յանցաւոր չէ իր վրայ իբր մեղադրանք ծանրացող պատժելի արարքին համար» :

Յետոյ կը ծանուցուի հետեւեալ որոշումը .

«Բանտարկութեան հրամանը ամբաստանեալին նընկատմամբ կը ջնջուի» : (Ամբաստանեալը կը շնորհաւորեն իր պաշտպանները, հայրենակիցները եւ ներկայ գտնուող հասարակութիւնը) (*):

*) «ԴԱՏԱՎԱՐՈՒԹԻՒՆ ԹԱԼԷԱԹ ՓԱՇԱՅԻ» (Սղագրական գեկուցում), Վիեննա, Միփարեան տպարան, 1921, էջ 1 եւ 210:

ՍՈՂՈՄՈՆ ԹԷՀԼԻՐԵԱՆ

(ԿԵՆՍԱԳՐԱԿԱՆ ՆՈԹԵՐ)

Սողոմոն Թէհլիրեան ծնած է 1896 Ապրիլ 2ին (հ.տ.), Դարանաղեաց (Կամախ) գաւառի վարի Բագառին գիւղը :

Հայրը՝ Խաչատուր, մայրը՝ Հնագանդ, Գաթրնեան Տէր Յարութիւնի աղջիկը : Ունեցած են հինգ մանչ գաւակներ : Երկրորդ գաւակը 3—4 տարեկանին մեռած է, մնացեալները՝ Միսաբ, Սեդրակ, Աւետիս եւ Սողոմոն :

Կամախի շրջանի գիւղացիները իրենց աշխատանքին արդիւնքով չէին կրնար ապրեցնել իրենց ընտանիքները, բաւականաչափ մշակելի հողեր չունէին : Այրերը կ'երթային արտասահման, մասնաւորաբար պալքանեան երկիրներ, բանի մը տարի չարաչար աշխատելով դրամ կը խնայէին եւ կը վերադառնային երկիր :

1898ին Սողոմոնի հայրը, երկրորդ քէ երրորդ անգամ ըլլալով, կը մեկնի գիւղէն, կ'երթայ Սերպիա, ուր իր եղբօր հետ առեւտրական գործ հաստատած էր : Նախ եղբայրը կը վերադառնայ հայրենիք, իսկ 1905ին կարգը կուգայ Սողոմոնի հօրը :

Մեծ դէպք էր գիւղին համար պանդուխտի մը վերադարձը : Հարսանիքէն շատ աւելի կարեւորութիւն կը տրուէր Սիլաճի դիմաւորութեան հանդէսին եւ *տէնկերու* պաշտօնական բացման : Պանդխտութենէ վերադարձողը նուէրներ կը բերէր բոլորին :

Զատիկին գիւղ պիտի հասնէր Սողոմոնի հայրը :

Այսպէս շարք օր կառապան մը երկու սնտուկներ կը քերէ, բայց սիլաճին չկար: Շուտով կ'իմացուի, քէ քուրֆերը զինք բանտարկած են Տրապիզոն՝ նաւէն դուրս ելլելու ատեն: Ուրախութիւնը կը վերածուի լաց ու կոծի: Վեց ամիս Տրապիզոն բանտարկուած պահելէ ետք՝ հաշատուր աղան կը վերադաձնեն Սերպիա:

Բայց, մեկնելէ առաջ, առիթ կ'ունենայ տեսնուելու իր հայրենակից Միսաք Պոլոյեանի հետ եւ կը խնդրէ անկէ գիւղ երթալ եւ ընտանիքը փոխադրել Երզնկա:

Յետոյ կ'իմացուի, որ հաշատուր աղան ձերբակալուած էր, որովհետեւ 1898ին Տրապիզոնէն մեկնելու ատեն ռուսական նաւ առած էր. իբրեւ կասկածելի արձանագրած էին զինք:

1905— 1906ի ձմրան, Սողոմոն Երզնկայի բողոքականաց վարժարանը կը յանախէ: Յաջորդ տարեշրջանին կ'անցնի Եզնիկեան վարժարանը, մինչեւ 1911: Վերջին տարին, ուսուցիչներու պակասի հետեւանձնով, գրեթէ ամբողջ դասարանով, կը փոխադրուին Կեդրոնական վարժարան, ուր եւ կը վերջացնէ ուսման ընթացքը:

Պալեանեան պատերազմին կարգ մը ուսուցիչներ կը ստիպուին զինուոր երթալ: Եւ հոգաբարձութիւնը մախակրթարանի առաջին դասարանը վարելու պաշտօնը կուտայ Սողոմոնին:

1913ին, վերջապէս, Սողոմոն իր 17 տարեկան հասակին կը տեսնէ իր հայրը: 1908ի Սահմանադրութեան ազատօրէն կրնար երկիր երթալ, բայց գործերու բերումով հինգ տարի կ'ուշանայ:

1913ի աշնան Սողոմոն կը հեռանայ Երզնկայէն ու կ'անցնի Սերպիա. ուր մտադիր էր պատրաստուիլ եւ յաջորդ տարին երթալ Գերմանիա ուսանելու: Բայց համաշխարհային առաջին պատերազմը ամէն բան տակն ու վրայ կ'ընէ, բոլոր ծրագիրները ջուրը ձգելով...

Թէկլիբեան գերդաստանը Երզնկայի մէջ եւ Բագանին գիւղը, մինչեւ 1915ի սարսափի օրերը, իր մէջ կը համբէր 85 հոգի, բացի արտասահման, պանդխտութեան մէջ գտնուողներէն :

Այդ 85 հոգիէն *միայն ու միայն* Սողոմոնի մեծ եղբոր՝ Միսաֆին մէկ աղջիկը կ'ազատի : Երզնկա ռուսերու կողմէ գրաւուելէ ետք, քիւրտի մը մօտէն կը զըտնեն 12 տարեկան հասակին :

Սողոմոնի մայրը, երկու մեծ եղբայրներուն կիները իրենց գաւակներով, եղբայրը Աւետիս — Պէյրութի ամերիկեան բժշկական համալսարանի ուսանող — գոհուեցան 1915ի կոտորածի օրերուն :

1914ի գարնան, գործի բերումով Սողոմոնի հայրը եւ Սեդրակ եղբայրը կը ձգեն Երզնկան ու կ'անցնին Սեբասիա ու այդպիսով կը փրկուին ստոյգ մահէ :

Սողոմոնի հայրը մեռաւ վերջին համաշխարհային պատերազմի ընթացքին, 84 տարեկանին : Եղբայրները՝ Միսաֆ եւ Սեդրաֆ՝ իրենց պարագաներով կ'ապրին Եուկոսլաւիոյ մէջ : Վերամուսնացած ու գաւակներու տէր են : Թոռներ իսկ հասցուցած :

Սողոմոն ամուսնացած է Թիֆլիս հաստատուած Երզնկացի Նշան Թաթիկեանի աղջկան՝ Անահիտի հետ : Թաթիկեան մօտիկ գործակիցը եղած է Երզնկացի Քեռին (Շիշմանեան) : Քաղաքին մէջ իր դիրքը վտանգըւած ըլլալուն՝ խոյս կուտայ Երզնկայէն եւ կ'անցնի Կովկաս 1895ի տեսները եւ կը հաստատուի Թիֆլիս : Հետագային կ'ամուսնանայ Յակոբ Շաւարշի աղջկան հետ :

Յակոբ Շաւարշ *Միացեալ*ի հիմնադիրներէն մէկը եղած է իր ժամանակին :

Սողոմոն եւ Անահիտ երկու մանչ գաւակ ունին :

Ե Ր Կ Ո Ւ Խ Օ Ս Ք

Մի հիմնաւորց ժողովուրդի քաղաքական դատ առաջնա լուծե-
լու համար, Թուրքիա, օգտուելով առաջին մեծ պատերազմից,
որոշեց այդ ժողովուրդը ազգովին քնաջնջել:

Ու տեղի ունեցաւ 1915ի Ապրիլեան Մեծ Եղեռնը, որ իր նա-
խընթացը չունի բովանդակ մարդկային պատմութեան մէջ:

Չունի ո՛չ իբրեւ յղացում եւ ոչ էլ իբրեւ գործադրութիւն:

Այդ բուսականից վեց տարի յետոյ, 1921 Մարտ 16ին, Մոսկ-
ուայի մէջ, ստորագրուեց բուրքեւոնու դաշնագիրը:

Մոսկուայի Խորհրդաժողովում Ռուսաստանը ներկայացնում
էին «յեղափոխական» բոլշեւիկները, իսկ Թուրքիան՝ «յեղափո-
խական» ֆէմալականները:

Մոսկուայի դաշնագրի տակ Ռուսիոյ կողմից կան ստորագրու-
թիւններ՝ Գ. Զիչերինի եւ Զ. Կորկմասովի, իսկ Թուրքիոյ կող-
մից՝ Իսուֆ Ֆէմալի, դոկտ. Ռիզա Նուրի եւ Ալի Ֆուադի:

Սակայն պատմականօրէն նշտուած եւ ստուգուած է, որ Մոս-
կուայում բուրքեւոնու Խորհրդաժողովի մէջ, բանակցութեանց
փաստական վարիչներն էին — ձեւական բանագնացների միջոցով՝
— Ռուսիոյ կողմից՝ Լենինը եւ Ստալինը, իսկ Թուրքիոյ կողմից՝
Ֆէմալը:

Այս անձերն էին, որ 1917 Հոկտեմբերեան յեղաշրջումից ան-
միջապէս յետոյ սերտօրէն բարեկամանալով՝ հետագային այդ բա-
րեկամութիւնը աւելի եւս խորացրին, աւելի ուշ, 1921ի Մարտին,
Մոսկուայի Խորհրդաժողովում այդ բարեկամութիւնը բոլշեւիկ —
ֆէմալական ուխտով պսակելու համար:

1921 Մարտ 16ին, այն պատմական օրը, երբ Մոսկուայում

ստորագրում էր ուսերուրբ դաշնագիրը, Հայաստանը իր ազատութիւնը տակաւին պահում էր. նա անկախ երկիր էր:

Մոսկուայի խորհրդաժողովը դառնում էր գրեթէ բացառաբար Հայաստանի շուրջ. Նախիջեւանի հարցի մէջ է միայն, որ շօշափում էին նաեւ Ազրբէյջանի շահերը: Սակայն այս գոյգ պետութիւնները՝ Հայաստանն ու Ազրբէյջանը՝ Մոսկուայում չկային: Բացակայութեան պատճառը — այս երկրների մէջ իշխող իրաւակարգը չէր. Մոսկուա չհրաւիրուեցին ոչ Հայաստանը՝ որ տակաւին խորհրդայնացած չէր եւ ոչ էլ Ազրբէյջանը՝ որ արդէն խորհրդայնացած էր:

Այսֆան մեծ էր արհամարհանքը դէպի տկար ու փոքր ժողովուրդները:

Ու չնայած այս գոյգ պետութեանց բացակայութեան, խորհրդաժողովը նրանցից մէկի՝ Հայաստանի հողային ամբողջականութեան մաս կազմող Նախիջեւանի շրջանը գտնում էր Հայաստանից եւ դնում միւսի՝ Ազրբէյջանի հոգատարութեան տակ. բնաւ հաշուի չառնելով այն ծանր իրողութիւնը, որ Նախիջեւանը բաժան էր Ազրբէյջանից Հայաստանի մաս կազմող Զանգեզուրով — մի իսկատիպ միջնորմ, որ յիշեցնում էր երկրորդ մեծ պատերազմի կըրակների վրայ իւր լեցնող «դանցիգեան միջանցք»ը Լեհաստանի մէջ:

Աւելին:

Այդ նոյն խորհրդաժողովում որոշած լինելով զինակցաբար վերջ տալ անկախ Հայաստանի գոյութեան, Ռուսաստանը դաշնագրի 15րդ յօդուածով պարտաւորում էր Թուրքիոյ առջեւ՝ Հայաստանի նկատմամ իր ստանձնած յանձնառութիւնները հետագային *պարտազրկել* Հայաստանի, երբ այս վերջինը խորհրդայնացած կը լինի:

Այս յանձնառութիւնը Ռուսաստանը կատարեց Մոսկուայի դաշնագրի ստորագրումից եօթը ամիս վերջ, կարսում, իր ներկայացուցչի նախագահութեամբ գումարուած խորհրդաժողովի մէջ, ուր կային նաեւ արդէն խորհրդայնացած Հայաստանի պատ-

ուիրակները՝ Ասֆանագ Մուսեան (արտաքին գործոց գործավար) և Պօղոս Մակինցեան (ներքին գործոց գործավար) :

Անկասկած է, որ 1921ի Մարտին, Մոսկուայում առնուած էր նաեւ այն որոշումը, թէ հետագային Խորհրդածոզով պիտի գումարուի Կարսի մէջ, մասնակցութեամբը անդրկովկասեան հանրապետութեանց. նշտուած չէր միայն *Թուսկանը*. Խորհրդածոզովը պիտի գումարուէր, երբ հանրապետութիւնները — խօսքը գրեթէ բացառաբար *Հայաստանի* մասին էր — խորհրդայնացած կը լինէին :

Ռուսիա եւ Թուրքիա, լուսութեան ու խաւարի մէջ, գլուխ գլխի ու սիրտ սրտի, դուրս էին ծրագրում, հոգեր բաժանում ու ազգային դատեր «լուծում», առանց դատատէրերի շահն ու կարծիքը հաշուի առնելու :

1921ի վախճանին անդրկովկասը ոչ միայն ամբողջութեամբ խորհրդայնացած էր արդէն, այլ եւ նրա երեք հանրապետութիւնները՝ Հայաստան, Վրաստան եւ Ազրբէյջան՝ կազմաւորուած՝ եւ օժտուած էին Մոսկուայից նշանակուած եւ նրա կամքին լրիւ ենթակայ կառավարութիւններով :

Պահը հասած համարելով, Կրեմլը, համամտութեամբը Անգարայի, 1921 Հոկտ. 13ին կարսում գումարեց ծանօթ Խորհրդածոզովը, նախագահութեանը տակ Լենինի եւ Ստալինի մտերիմներից ետևով Գանեցկիի — մթին անցեալով հարուստ մի վատանուն բոլշեւիկ — եւ այդ Խորհրդածոզովում անդրկովկասեան հանրապետութեանց պատուիրակների ստորագրութեամբ նուիրագործեց Մոսկուայի 1921 Մարտ 16ի դաշնագիրը, որ գրեթէ *նոյնութեամբ* — եւ *ամբողջութեամբ* — կրկնում էր Կարսի դաշնագրի մէջ (*):

(*) Էական փոփոխութիւններից մէկը վերաբերում էր Նախիջևանի շրջանին, որի հոգաւարութիւնը, Մոսկուայի դաշինքով, Ազրբէյջանը չէր կարող ուրիշին փոխանցել, մինչ Կարսի դաշինքով այս արդեւիքը լուրջէայն, առանց որեւէ բացաւարութեան, վեր-

Այս վերջին դաշնագրի տակ իր ստորագրութիւնը դնելով՝ Հայաստանը հանդիսաւորապէս գալիս էր աշխարհին վկայելու, որ ինք կամովին հրաժարոււմ է.

1.— Բովանդակ թրջահայաստանից՝ այդ երկիրը ամբողջութեամբ նկատելով թրջական հող:

2.— Հրաժարոււմ է Արդահանի, Օլթիի, Կաղզուանի եւ Կարսի շրջաններից՝ այդ հողերը եւս թրջական նկատելով:

3.— Հրաժարոււմ է թուրքին երբեք չպատկանած Սուրմալուի շրջանից՝ այդ հողամասը եւս թրջական նկատելով. անցողակի յիշատակենք, որ Սուրմալուն չէր իսկ մտնում քէմալական Ազգային Ուխտով զծուած թուրքիոյ սահմանների մէջ:

4.— Հրաժարոււմ է Նախիջևանի շրջանից, յօժարելով, որ իր շնչափողը հանդիսացող այդ կարեւորագոյն հողամասը, սահմանակից չլինելով հանդերձ Ազրբէյջանի, պատկանի այս վերջինին եւ զտնուի նրա հողատարութեան տակ:

Բոլշեւիկ հրապարակագիրներից Բ. Բորեան — հետագային գնդակահարուած — իր երկհատոր ծաւալուն աշխատութեան՝ «Արմենիա»-ի մէջ, որ լոյս տեսաւ Մոսկուա, 1929ին, խօսելով Մոսկուայի եւ Կարսի դաշինքների մասին՝ նկատում էր.

«Աւելի ծանր եւ աւելի աննպաստ խաղաղութիւն, քան Կարսինն է, պատմութեան էջերի վրայ հազիւ թէ կարելի է դտնել»:

«Այդ դաշնագիրը — ամենավատթար եւ ամենախայտառակ դաշնագիրն էր Հայաստանի համար»:

Առանձնաբար Նախիջեւանի շրջանի մասին խօսելով՝ Բ. Բորեան նկատում էր.

«Կարսի դաշնագրի այն յօդուածը, որով Նախիջևանի շրջանը կազմում է մի ինքնավար երկրամաս, Ազրբէյջանի հողատարութեան տակ, լրացնում էր Հայաստանի անձնատուութիւնը թուրքիոյ առջեւ» (*):

ցրւած էր (տե՛ս մեր յօդուածը՝ «Բոլշեւիկները Նախիջեւանի հարցին մէջ», «Հայրենիք» ամսագիր, 1949 Սեպտ., էջ 13—34):

(*) Բորեանը բոլշեւիկների մէջ միակ պայքարողը չէր Մոսկ-

Նորից ենք յիշեցնում. Կարսի դաշնագիրը նոր իրաւաբուզք չէր, նա ԿՐԿՆՈՒԹԻՒՆՆ էր Մոսկուայի դաշնագրի. ինչ որ Խ. Հայաստանի պատուիրակները զիջում էին Կարսում, այդ ամէնը ամիսներ առաջ ԿՐԵՄԼԸ, Մոսկուայի 1921 Մարտ 16ի դաշնագրով արդէն զիջած էր Թուրքիոյ:

Բ. Բորեանի ահանիչը ոչինչ է բաղդատմամբ այն մեծ ոնիրի, որ Մոսկուայի եւ Կարսի գոյգ դաշինքներով գործուեց մեր ժողովուրդի ու մեր հայրենիքի նկատմամբ:

Անվարան կարելի է ասել, որ այդ ոնիրը իր հեռաւորագոյն նմանակը չունի մեր ժողովուրդի արիւնոտ պատմութեանը մէջ:

Մեր Դատի շուրջ երբեւէ այսօր անխիղճ ու անմարդկային առուծախ տեղի ունեցած չէ:

Մոսկուայի եւ Կարսի դաշնագիրները տարբեր բան չէին, քան նուիրագործումը 1915ի Ապրիլեան Մեծ Եղեռնի:

Մեր Մէկ Միլիոնի նահատակութիւնը միայն գազանային անօրինակ սրածում չէր, այլ նաեւ քաղաքական մի մեծիմաստ ակտ:

1915 Ապրիլ 24ին ազգովին մեզ բնաջնջելով՝ Թուրքիա երազում էր տէր դառնալ մեր դարաւոր հողերին՝ բովանդակ թրքահայաստանին:

Թուրքիոյ այս երազն է, որ եկաւ նուիրագործելու Մոսկուայի դաշնագիրը:

1915 ԱՊՐԻԼ 24 ԵՒ 1921 ՄԱՐՏ 16 — ՔԱՂԱՔԱԿԱՆ ԱՌՈՒՄՈՎ ՆՈՅՆԱՐԺԷՔ ԵՒ ՆՈՅՆԱԿՇԻՌ ԱԿՏԵՐ ԵՆ ՍՐԱՆՔ:

Ապրիլ 24ը՝ գործադրութիւնն է Մարտ 16ի, բայց միայն կեանքի մէջ:

Մարտ 16ը՝ նուիրագործումն է Ապրիլ 24ի, բայց միայն դիւանագիտական ակտի միջոցով:

ուայի եւ Կարսի դաշինքների դէմ, նա պայքարողներից մէկն էր: Ի դէպ, խորհրդահայ պատուիրակներից Ասքանազ Մաւեան, Կարսից Երեւան դառնալով, անձնասպանութեամբ վերջ տուաւ իր կեանքին: Յամառ լուրեր կային, թէ այս անձնասպանութիւնը կապ ունի Կարսի դաշնագրի հետ:

Քաղաքական միեւնոյն արգանդից աշխարհ եկած երկուոր-
եակներ են սրանք, ոսկրը՝ ոսկրից եւ արիւնը՝ արիւնից:

Զոյգ արարներով — Ապրիլեան եւ Մարտեան — *ամբողջացաւ*
Մեծ Եղեռնը եւ լուծուած յայտարարուեց Հայ Դատը...

Եթէ կարելի չէ մոռանալ 1915 Ապրիլ 24ը, կարելի չէ մոռա-
նալ նաեւ 1921 Մարտ 16ը:

Եթէ առմիշտ, դարեր անընդհատ պիտի յիշուի Ապրիլեան
Ոճիրը, գուգակցաբար միշտ պիտի յիշուի նաեւ այն միւս Ոճիրը,
որ մեր նկատմամբ գործադրուեց 1921 Մարտ 16ին:

Շտապենք յայտնել, որ Ապրիլեան Եղեռնը առաջին անգամ
կարմիր կրեմլի կողմից նուիրագործուեց Բրեստ-Լիտովսկում,
1918 Մարտ 3ի դաշինքով:

Այդտեղ, Բրեստ-Լիտովսկի հորհրդածոդովում, Թուրքիան
ներկայացնում էր Թալէաքը:

Այս մարդն էր, որ իր կուսակիցների հետ յղացաւ ու գոր-
ծադրեց Ապրիլեան Եղեռնը. նոյն մարդը երեք տարի վերջ իր գի-
նակիցներով Բրեստ-Լիտովսկ եկաւ եւ Ռուսիոյ հետ 1918 Մարտ 3ի
դաշինքը ստորագրեց՝ բովանդակ թրքահայաստանը թրքական հող
հռչակելով եւ դրանով իսկ Ապրիլեան Եղեռնը նուիրագործելով:

Ինչ որ աւելի ուշ, 1921 Մարտ 16ին, տեղի ունեցաւ Մոսկուա-
յում, այդ նոյնը կանխապէս արդէն եղած էր Բրեստ-Լիտովսկում:

Սակայն շուտով, Բրեստ-Լիտովսկի դաշնագրի ստորագրումից
հինգ-վեց ամիս վերջ, պատերազմի բովանդակ ընթացքը փոխուեց
եւ յաղթական Թուրքիա մէկէն անցաւ պարտուած պետութեանց
շարքը:

Պատերազմում շահած իր բոլոր վաստակները Թուրքիան կոր-
ցրեց՝ կորցնելով նաեւ Բրեստ-Լիտովսկի դաշնագիրը:

Թալէաք, որ օժտուած էր քաղաքական սուր հոտառութեամբ
եւ արքունի բնագոյով, զգաց, որ պարտուած Թուրքիան միայն մէկ
բարեկամ ունի — կարմիր Մոսկուան:

Ճիշտ այս համոզումով, հազիւ Թուրքիոյ պարտութեան լուրը
աշխարհին հասած, երիտասարդ-թուրքերը, որոնք նախարարական
եւ այլ պատասխանատու պաշտօնների մէջ պատերազմը վարեցին

և Ապրիլեան Եղեռնը նիւթեցին, բողին Թուրքիան եւ գաղտնօրէն սլացան դէպի Գերմանիա՝ այնտեղից Մոսկուա անցնելու համար։ Էնվէր, Ջէմալ փաշա, դոկտ. Նազրմ եւ ուրիշներ յաջողեցին մըտնել Ռուսաստան, մինչ Թալէաք, դէպի Ռուսիա թռիչք կատարած պահին, օդանաւային անակնկալ արկածի բերումով, անկարող եղաւ ռուսական սահմանը կտրել եւ մնաց Գերմանիա։

Այս պարագան ոչինչ փոխեց սակայն հետագային տեղի ունեցած դէպքերի մէջ։

Եթէ Թալէաք անմիջօրէն չբերաւ իսկ իր մասնակցութիւնը այն դաշինքին, որ 1921 Մարտ 16ին ստորագրուեց Մոսկուայի մէջ, եղաւ, սակայն, մին ամենաերջանիկ բուրքերից, տեսնելով որ Մոսկուայում վերահաստատուում է այն մեծ գործը, որ ինք առաջին անգամ կատարեց Բրեստ-Լիտովսկում՝ նուիրագործելով Ապրիլեան Եղեռնը եւ բովանդակ Թրքահայաստանը թրքական հող հռչակելով։

Անիմանալի են գուգադիպումները։

1921 Մարտ 16ի դաշնագիրը լրիւ պատրաստ էր *Մարտ 15ին*. դաշնագրի *ստորագրման* արարողութիւնն է միայն, որ կատարուեց Մարտ 16ին։

Եւ ահա, Մարտ 15ին, երբ դաշնագիրը լրիւ պատրաստ էր եւ ստորագրման արարողութեան մանրամասներն էին նշտուում յաջորդ օրուան համար.

Երբ Ապրիլեան Մեծ Եղեռնը երկուստեք մարսուած, նուիրագործուած եւ դաշնագրային կերպարանք առած էր.

Երբ Ռուսիա եւ Թուրքիա, երկրորդ անգամը լինելով Բրեստ-Լիտովսկից յետոյ, բով-բովի եկած եւ ուրացած էին հայութեան դարաւոր Գատը.

Այդ պատմական ու խորհրդաւոր ժամին, մէկէն, Սողոմոն Թէհլիրեանի ձեռքով, Բերլինի փողոցներից մէկում, պարպում է հրագէնը եւ Մեծ Ոնրագործի անշնչացած դիակը փուում է գետին։

Կեղծ անցագրով, իբրեւ ծաղտեալ օտարական, Թալէաք ապաստ-

տան գտած էր բարեկամ ու զինակից Գերմանիոյ մէջ, այն յոյ-
սով, որ ինք անյայտ ու անծանօթ պիտի մնայ:

Սլօալած էր իր հաշիւների մէջ:

Թալէաքներին պատուհասող բազուկը գտած էր նաեւ Թալէ-
աքի տեղը:

Գծուար է խորաչափել ֆաղափական կշիռը այն գնդակի, որ
1921 Մարտ 15ին Բերլինի մէջ Սողոմոն Թէհլիրեանի ձեռքով
պարպուեց Թալէաքի վրայ:

Աշխարհի վարիչներից ո՛չ ոք մեր Մէկ Միլիոնի հաշիւը պա-
հանջեց Թալէաքներից:

Ո՛չ ոք նրանց դատի ֆաշեց ու նրանց խօսքը լսեց այն մասին,
թէ ինչո՞ւ արդեօք նրանք Ապրիլեան եղեանը գործեցին մի անմեղ
ու անպաշտպան ժողովրդի նկատմամբ:

Լուռ մնալով՝ Աշխարհ մեղսակից դարձած էր Թալէաքներին:
Աւելին:

Հօրներից Ռուսիա, 1921 Մարտ 16ին բարեկամական ուխտ
կնքելով Թուրքիոյ հետ եւ բովանդակ Թրֆահայաստանը քրֆա-
կան հոգ հոչակելով. Ապրիլեան եղեանը ոչ թէ դատապարտում,
այլ յայտնապէս սրբագործում էր:

Ոնրագործը ոչ թէ պատժում, այլ բարձրադասակ վարձա-
տրո՛ւմ էր:

Այս համատարած խաւարի մէջ է ահա, որ պարպում էր Սո-
ղոմոն Թէհլիրեանի գնդակը:

Այդ գնդակը գալիս էր հնչեցնելու Արդարութեան ձայնը ի
լուր բոլոր դահիճների:

Գալիս էր վկայելու, որ եթէ մեռած է խիղճը համայն մարդ-
կութեան մէջ, մեռած չէ սակայն ՊԱՏՈՒԻ զգացումը հայ ժողո-
վուրդի մէջ:

Ողջ Բերլինը, Սողոմոն Թէհլիրեանի դատավարութեան օրե-
րին, ապրում եւ շնչում էր այդ դատավարութեամբ:

Շատ ֆիչ անգամներ գերման մայրաքաղաքը այդքան բուռն
հետաքրքրութեամբ եւ հոգեկան այդքան սուր լաթումով հետեւած
է որեւէ դէպքի:

Հսկայ մայրաքաղաքը զգում էր կարծես, որ դատաստանում
զատում էր ոչ թէ մի պարզ հայ, այլ դատում էր համայն մարդ-
կութիւնը, որ անպատիժ ձգեց մի անմեղ ժողովրդի նկատմամբ
գործադրուած Ապրիլեան անօրինակ եղեռնը:

Դատում էր նաեւ կարմիր Մոսկուան, որ նուիրագործեց Ապ-
րիլեան եղեռնը՝ Թուրքիոյ հետ նախ Բրեստ-Լիտովսկի եւ ապա
Մոսկուայի դաշինքները ստորագրելով:

Մեծ դէմքերի աշխարհածանօթ կենսագիրը՝ Էմիլ Լուդվիգ՝
1944ին Մոնտրէալի մէջ լոյս ընծայած իր մի աշխատութեան մէջ —
«David et Goliath» — անդրադառնալով Թալէաթի սպանու-
թեան եւ այդ առթիւ տեղի ունեցած դատավարութեան Բերլինի
մէջ — նկատում է.

«Պալէ Բուրբոնի բեմից Դընի կոշէնը բացագանչել է. — «Ես
կարգապահութեան մարդն եմ եւ պատկանում եմ աջակողմին,
սակայն ոնիրներ կան, որոնք ինձ դարձնում են յեղափոխական.
սրանցից է անպաշտպան մի ժողովրդի կոտորածը»:

«Այսպէս էր զգում համայն աշխարհը:

«Մի անգամ եւս մարդկային խիղճը պոռկաց ի նպաստ մի
մարդասպանի — Սողոմոն Թէհլիրեան — որ դատարան չէր գտել
ամբաստանելու համար իր պատիւը ազարտողներին եւ այդ պատ-
ճառով՝ իր անձնական կորովը դարձնելով լուռ քարգմանն ու
պերնախօս վրիժառուն իր ժողովուրդի՝ արդարութիւնը վերա-
կանգնեց: Զգտնուեց մի մարդ, որ պատիժ պահանջէր սպանիչին
համար այն փաշայի, որ երէկ հօրագոյն անձնաւորութիւնն էր
մի ամբողջ կայսրութեան: Արդարութեան մի զգացում եռաց
սրտերի մէջ այն ինքն գերման երդուեալ-դատաւորների, (*) որոնք
վնիռ արձակեցին: Եւ այսպէս բռնակալ մի կառավարութիւն դա-
տապարտուեց եւ անգոր մի ժողովուրդի վրէժը լուծուեց» (էջ 136
— 137):

Այսօր մեծ եղաւ հմայքը այն գործին, որ Սողոմոն Թէհլիրե-
անի ձեռքով կատարուեց Բերլինում:

(*) Երդուեալ-դատաւորները 9 հոգի չէին, այլ 12. — Ն.

Իր պարպած գնդակի արձագանգը՝ ալիք առ ալիք ծառայեց դէպի աշխարհի բոլոր անկիւնները:

Խուճապի մատնուած էին Ապրիլեան Եղեռնի ոճրածին հեղինակները:

Նրանք զգում էին, որ մի արդար ու պատուհասու բազուկ հրապարակ իջած է իրենցից հաշիւ պահանջելու համար:

Զգում էին, քէ ո՛ւր էլ որ լինեն, ի՛նչ պաշտպանութիւն էլ որ վայելեն, ի՛նչ անունի տակ էլ որ քազնուած մնան, միեւնոյն է, այդ բազուկը իրենց պիտի գտնի եւ իրենց պիտի տայ արժանի պատիժը:

Թալէաքից քիչ աւելի ուշ, 1921 Գեկտ. 6ին, Հոռմի մէջ պատուհասուած էր Ապրիլեան Եղեռնաշրջանի բուրք վարչապետը՝ Սայիդ Հալիմ փաշա:

Թալէաքի անարեկումից 13 ամիս յետոյ, նոյն Բերլինի մէջ, 1922 Ապր. 17ին, միաժամանակ պատուհասուեցին հոչակաւոր Բէհաէդդին Շաքիրն ու Ճէմալ Ազմին:

Քիչ աւելի ուշ, 1922 Յուլիս 25ին, Թիֆլիսի մէջ, Մեծն Պետրոսի անուան փողոցի վրայ, նիշտ Զեկայի շէնքին առջեւ, փոռուած էին դիակները Զէմալ փաշայի եւ իր երկու սուրհանդակների:

Ինչպէս յայտնի է, Ապրիլեան Եղեռնը իր արձագանգն ունեցաւ նաեւ Կովկաս, մասնաւորաբար Շիրակի շրջանին մէջ, ու նաեւ Բագու եւ Շուշի:

Այս Եղեռնի հեղինակներից Ազրբէյջանի վարչապետը՝ Խան Խոյսկիյ՝ 1920ին պատուհասուած էր Թիֆլիս, իսկ իր մերձաւորագոյն գործակիցը՝ Զիւանշիր՝ պատուհասուեց Պոլիս՝ 1921 Յուլիս 19ին:

Անշուշտ նոյն ցակատագիրը պիտի ունենային նաեւ Էնվեր ու դոկտ. Նազըմ, եթէ երբեք նրանցից առաջինը իր մահը չգտնէր Թուրքիստանում (*), իսկ երկրորդը՝ Անգորայի մէջ՝ Կախաղանի վրայ, 1926ին:

(*) 1922 Օգոստ. 4ին, Ստալինարդի շրջանում, Բալչուանի

— «Ո՞ւր է էնվէրը, արդեօք Մոսկուա՞ է», — այս պարզ հարցումին, ուղղուած — Թալէաթի սպանուրիւնից յետոյ — մի տկանատը ու լատտեղեակ բոլշեւիկի, որ կարելոք առաքելութեամբ Ռուսիայից եւրոպա եկած էր, որտեղից կրկին վերադարձաւ Ռուսաստան, այս վերջինը պատասխանում է.

— «Մոսկուա է, ապրում է կարախանի մօտ: Լենինը վախ աւնենալով ձեզանից՝ թէ էնվէրին կարող էք խփել, նրա կեանքի ապահովութիւնը վստահած է կարախանի: ՄՈՍԿՈՒԱՅԻ ՄԷՉ ՁԸ-ԽՓԷՔ, ԽՓԵՅԷՔ ՄՈՍԿՈՒԱՅԻՅ ԴՈՒՐՍ»:

Գաշնակցութեան ուժին ու հմայքին լատտամօք բոլշեւիկը, որ, ի դէպ, Լենինի սիրելիներից էր — հետագային Ստալինի գոհերից — այս բարի խորհուրդով վերջացրեց իրեն ուղղուած պարզ հարցումի պատասխանը...

Ամէնքը կը զգային ու գիտէին, որ Հոսի, Բերլինի, Պոլսոյ ու Թիֆլիսի մէջ պատուհասող բազուկը, կարող է ատուհասել նաեւ բուն իսկ Մոսկուայի մէջ:

Ինչ որ 1921 Մարտ 15ին Սոզոմոն Թեիլիբեանի ձեռնով կատարուեց, պարզ տեսելում չէր, այլ մի պատմական արար, որ մշտապէս պիտի ապրի սերունդների արդար յիշողութեան մէջ, ինչպէս որ պիտի ապրի Ապրիլեան Մեծ Եղեռնը:

Կրեմլի բարձրախօսներից Ա. Միլլեր, 1948ին Մոսկուայում հրատարակ հանելով — հրատարակութեամբը Խ. Միութեան Գիտութեանց կանառի — Թուրքիոյ նուիրում իր մի աշխատութիւնը — «Ակնարկներ Թուրքիոյ նորագոյն սրամտութեան շուրջ» (*) — այդ գործին կցած է մի գլուխ, հետեւեալ խորագրի տակ՝ «Ճամանակարանութիւն կարեւորագոյն դէպքերի»:

Այդ գլուխի մէջ, գրքի 257 էջի վրայ, իբրեւ 1 Օգոստ. 1914ից առ 25 Յուլիս 1948 տեղի ունեցած «կարեւորագոյն դէպքերից» մէկը, արձանագրած է հետեւեալը.

տակ տեղի ունեցած կռուի մէջ, ուր էնվէր ապստամբ բաւձանների գլուխն սնցած՝ կուում էր կարմիր զօրքերի գլմ:

(*) Նոյն գործի 258րդ էջի վրայ կայ հետեւեալ արձանագրու-

«16 ՄԱՐՏ 1921.— Թալէաթ փաշայի սպանութիւնը Բերլինի մէջ, դաշնակ ահաբեկիչներէ ձեռքով» (*):

Կրեմլի բարձրախօսը պիտի ուզէր ուրանալ կարեւորութիւնը Բերլինի մէջ տեղի ունեցած արարի:

Պիտի ուզէր մանաւանդ այդ արարի կարեւորութիւնը չխոստովանել և՛ Միութեան իր բազմահազար ընթերցողներին:

Սակայն դէպքը շատ էր մեծ ու ցնցող՝ այդքան դիւրութեամբ ուրանալու եւ նրա կարեւորութիւնը չխոստովանելու համար: 1921 Մարտ 15ից յետոյ, ամիսներ շարունակ, էնվէրներին ու Զէմալներին տուն ու պատասպարան շնորհած բոլշեփկները, ամէն խօսակցի — դուրսը, արտասահմանի մէջ — մէկ հարցում ունէին, — *«՞՞ սպանեց Թալէաթին...»*

Այժմ Միլլէրները գալիս են յայտնելու, որ իրենք իրենց շահագրգռող հարցումի պատասխանը ունեն արդէն, հակառակ այն իրողութեան, որ Թալէաթի սպանութեան շուրջ ցարդ Դաշնակցութեան կողմից որեւէ պաշտօնական յայտարարութիւն եղած չէ:

* * *

Բախտի մի բարի խաղով 1921 Մարտ 15ին ողջ մնաց հայութեան սիրելին՝ Սոզոմոն Թէհլիրեան:

Եթէ այս բարի դիպումը չլինէր, իր յուշամատենը մենք պիտի չունենայինք այսօր:

Մի լուսաւոր դէմք՝ վահան Մինախորեան՝ որ Ապրիլեան Եղեռնի մէջ ողջակիզուեց հոգիով ու ջախջախուեց մարմնով, պահելով հանդերձ իր մտքի պայծառութիւնը, Թալէաթի ահաբեկչի՞ր սպաս դրաւ իր գրիչը եւ գրի առաւ նրա յուշերը:

Թիւնը.

«21 ՅՈՒԼԻՍ 1922.— Զէմալ փաշայի սպանութիւնը Թիֆլիսի մէջ, դաշնակ ահաբեկիչներէ ձեռքով»:

(*) Թուականները Միլլէրի կողմից սխալ են յիշատակուած. ինչպէս իր տեղում ասացինք, Թալէաթը խփուած է Մարտ 15ին, իսկ Զէմալը՝ Յուլիս 25ին:

Հոգիով նոյնացած էին երկուսն էլ, բէ՛ յուշ պատմողը եւ բէ՛
այն գրի առնողը:

Ապրիլեան Եղեռնի վերապրողներից լինելով՝ Վահան Մինա-
խորեան հեղինակեց այդ Եղեռնին նուիրուած ամենէն ցնցող երկը՝
«1915 ԹՈՒԱԿԱՆԵԸ»:

Սողոմոն Թեհլիբեանի յուշերը գրի առնելով՝ «Արհաւիրքի-
օրեր»ի հեղինակը որոշ իմաստով ի՛ր յուշերն էր գրի առնում եւ
ի՛ր կեանքն էր պատմում:

Նշխարի արժէքով մի բան է նաեւ այն յառաջաբանը, որ Վ.
Մինախորեան՝ մեր Մէկ Միլիոնի նահատակութեան վկան՝ կցած
է Սողոմոն Թեհլիբեանի յուշերին:

Իր յուշերը արդար իրաւունքով կարող էր գրի առնել նաեւ
ինքը Սողոմոն Թեհլիբեանը:

Օժտուած արթուն բնագոյով, սուր մտքով եւ գուսպ ու հաւա-
սարակչիւ գրչով՝ Սողոմոն Թեհլիբեան բոլոր տուեալներն ունէր-
իւր կեանքի ցնցող վէպը մեզ պատմելու իր սեփական գրչով:

Սակայն, աւելի առարկայական լինելու համար, նա այդ պա-
տիւը վերապահեց Վահան Մինախորեանի, մի մարդու, որ իր
հոգին դրաւ Թեհլիբեանի բերանից ելած իւրաքանչիւր բառի մէջ,
միշտ յիշելով, որ երկուսով միասին, գլուխ գլխի ու սիրտ սրտի,
հանրային դատաստանին ներկայացնելու համար պատրաստում են
մի աշխատանք, որ սահմանուած է Մեծ Եղեռնի պատմութեան
մնայուն ազրիւրներից մէկը դառնալու:

Սողոմոն Թեհլիբեանի յուշերը — Թալէաքի սպանութեան
լրիւ պատմութիւնը չէ:

Տակաւին հասած չէ պահը տեսեկման ամբողջական պատմու-
թիւնը հանրութեան սեփականութիւնը դարձնելու համար:

Այս երախտաշատ գործը կը մնայ մեզ յաջորդող սերունդին:

Ապրիլեան Մեծ Եղեռնի գալիք պատմիչը Թալէաքի սպանու-
թիւնը իր բոլոր ծալքերով ներկայացնելու համար՝ առատ նիւթ-
պիտի գտնի նաեւ Հ. Յ. Դ. Դիւանի մէջ:

Սակայն Սողոմոն Թեհլիբեանի ներկայ յուշերը միշտ պիտի
կազմեն եիմնական ատաղձը այդ պատմութեանը մէջ:

Եւ այդ գիտակցութեամբ, իբրեւ մի մեծարժէք ու պատաս-
խանատու աշխատակի, այդ յուշերը գատ հատորով հայ ժողո-
վուրդի սեփականութիւնն ենք դարձնում:

Համայն հայութեան մէջ գրեթէ ընտանիք չկայ, որ արեան
զծով կապուած չլինի Ապրիլեան Մեծ Եղեռնին:

Թալէաք սուգով պատեց բովանդակ Հայոց Աշխարհը եւ ար-
եան տուրք առաւ իւրաքանչիւր հայ ընտանիքից:

Եւ բնական է, արդար ու հասկանալի, որ Սողոմոն Թէհլիր-
եանի յուշերը, իբրեւ արձագանգը մեր Աշխարհում քափուած այդ
ծով արեան, իրենց տեղը ունենան մեր յարկերից ներս:

Պէտք է գտնուի ոչ իսկ մէկ հայ ընտանիք, որ չունենայ մխի-
թարանքի եւ հպարտութեան այս մտտեանը իր տան սեղանին վրայ:

Թշնամին մեզանից խլեց մեր խնկելի հայրենիքը:

Նա խլեց մեզանից մեր Մէկ Միլիոնը՝ զանգուածային տեղա-
հանութեամբ, սովահարութեամբ, ջարդով ու սրածուժով:

Ազգովին առմիշտ փոշիացած զանգուած պիտի լինէինք, եթէ
քշնամին մեզանից կարողանար խլել նաեւ մեր ՊԱՏԻԸ՝ այն վեր-
ջին իրաւունքը, արդարացնում է մեր գոյութիւնը աշխարհի
եւ պատմութեան առջեւ:

Այս գանձը մա մեզանից չկարողացաւ խլել:

Թէհլիրեանի պաշտպան-փաստաբաններից դր. Նիմայէր—Կիլի
համալսարանի իրաւագիտական բաժնի ուսուցչապետ — իր պաշտ-
պանողական հառում արդարօրէն նկատում էր.

«Սողոմոն Թէհլիրեան ինքը չէր, որ փողոց կ'իջնէր Թալէաք
փաշան սպանելու. իր մէջ կ'իջնէին դարերը, միլիոնաւոր սպան-
ուածները: Ան, կարելի է ըսել, կը տանէր իր առջեւ դրօշակը իր
ամբողջ ժողովուրդի պատիւին, դրօշակը խոշտանգուածներուն,
դրօշակը իր լիկուած ընտանիքին» (*):

1921 Մարտ 15ին Սողոմոն Թէհլիրեանի ձեռքով պարպուած

(*) «ԴԱՏԱՎԱՐՈՒԹԻՒՆ ԹԱԼԷԱՔ ՓԱՇԱՅԻ» (Սղազբական զե-
կուցում), Վիեննա, Միլիթարէան Տպարան, 1921, էջ 204:

գնդակը մէկ արձագանգն է մեր մէջ սպրոզ այս մեծ ու հզօր ըզ-
գացումի:

Ակամայ մեր յիշողութեան է գալիս Պատմաօր խօսքը.

«Զի քէպէտ եւ եմք ածու փոքր եւ քուով յոյժ ընդ փոքու
սահմանեալ, եւ գօրութեամբ տկար, եւ ընդ այլով յոյժ անգամ
մուանեալ քազաւորութեամբ, սակայն բազում գործք արութեան
գտանին գործեալ եւ ի մերում աշխարհիս. եւ արժանի գրոյ յիշա-
տակի»:

«Արութեան գործքը — Սայիդ Հալիմին, Բէհաէդդին Շաքի-
րին, Զէմալ Ազմին, Զէմալ փաշային ու Թալէաքին պատուա-
սելը չէր:

«Արութեան գործքը — մեծերի պաշտպանութիւնը վայելող
այս ծպտուած դահիճներին երկրից երկիր սրունել եւ գտնելն էր:

Այս «գործքերից է այն ակտը, որ Սողոմոն Թէհլիրեանի ճեռ-
նով կատարուեց Բերլինում, 1921 Մարտ 15ին:

Վ. Ն.

Յ Ա Ռ Ա Ջ Ա Բ Ա Ն

Ս. Թէ՛հ չլիբեանի վերջիչումներէ առանցքը կազմում է Թուրքիոյ նախկին մեծ վեզիր Թալէաթ փաշայի սպանութիւնը: Դէպքը կապուանի հայ ժողովուրդի մեծազոյն ողբերգութեան հետ, որ տեղի ունեցաւ 1915—16 թուերին: Այդ տարիներին, երբ Թալէաթ փաշան Թուրք կայսրութեան ճշմարիտ տէրն էր, բնաջնջուեց արեւմտահայութեան ստուարագոյն մասը, — նուազագոյն հաշուով շուրջ մէկ միլիոն երկու հարիւր հազար մարդ: Իսկ բնաջնջումից ճողոպրածները տեղահան եղան՝ ապաստանելով մեծ մասամբ Անդրկովկաս: Թէ՛եւ Թուրքիոյ մէջ շատ արիւն է հոսել, բայց ազգերի պատմութեան մէջ հայկական սպանդը աննախընթաց է: Բալկանեան ժողովուրդների ազատագրական շարժումների շրջանից սկսած՝ Թուրք կառավարութիւնը դիմել է ջարդերի քաղաքանութեան բոլոր այն դէպքերում, երբ անկարող է եղել դոհացնելու հպատակ ժողովուրդների ազգային պահանջները եւ զգացել է վտանգուած իր երկրի ամբողջականութիւնը: Հայկական ջարդերը Համիտի օրով բացառութիւն չէին եւ կազմում էին Թուրք կառավարութեան ազգային քաղաքականութեան մէկ էջը:

Խնդիրը այս ընդհանուր ձեւով դրադեցրել է շատերին: Յաւատանջ երեւոյթի պատճառը ոմանք տեսել են տիրող եւ հպատակ ժողովուրդների կրօնական տարբերութիւնների մէջ, ոմանք ջարդերը համարել են աշխարհակալ պետութիւնների հակամարտութեան եւ դիւանադիտական սաղջանքների արդասիք, ուրիշներ իրրեւ պատճառ նկատել են ազգերի ազատագրական, անջատողական շարժումները: Մեզ թւում է, որ այդ բոլորի հիմքում կայ մի հնազոյն ընկերային պատճառ, որ բաւականաչափ չի պարզուած:

Թուրքերը՝ դալով դրսից եւ ժառանգելով բիւզանդական կայս-

ըութիւնը՝ դարերի ընթացքում անկարող եղան փաստօրէն իւրացնելու այդ ժառանգութիւնը: Նրանք չկարողացան ո՛չ ենթարկել, ո՛չ ձուլել տիրուած ժողովուրդներին եւ ոչ էլ իւրացնել նրանց քաղաքակրթութիւնը: Իրենց չեքթին, տիրուած ժողովուրդները, անցեալ փառքից մղուած, միշտ ծառայած մնացին տիրողների դէմ: Տիրողն ու տիրուածները ներքին կեանքում դարձան անհաշտ. սրոնց մէջ բացուած անջրպետը հետզհետէ խորացաւ թէ՛ կրօնական, թէ՛ մշակութային, թէ՛ ազգային, թէ՛ անտեսական հիմքերով: Առեւտուր, արհեստ, արդիւնարեւութիւն, գրեթէ մինչեւ առաջին Մեծ պատերազմը, ինչպէս կար, հիմնականում մնաց տիրուածների սեփականութիւն: Իսկ տիրողներին բաժին ընկան զէնքն ու զրահը եւ վարչական իշխանութիւնը, որ աւելի պաշտօն էր, քան փաստական տիրապետութիւն:

Նոր ժամանակներում, ցարական իշխանաւորները, իրենց շահերին հետամուտ, ամէն կերպ հրահրեցին այլազան պատճառներից ծնունդ առած հակամարտութիւնները: Եւ այս անյարիւր դրութիւնը ծնունդ տուեց Թուրքիոյ կեանքում մի շարք ազգային ողբերգութիւնների, սրոնցից ամենամեծը եւ ահռելին եղաւ հայկական ողբերգութիւնը:

Պատմական իրադարձութիւնների դասաւորութեամբ, հայերի ազատագրութիւնը այնքան ուշացաւ, որ հայերը այլեւս դիւրութեամբ չէին կարող թօթափել իրենց լուծը: Օսմանեան հզօր կայսրութեան շուրջ երկու դարերի անդամահատութիւններից յետոյ, այդ շրջանում «Հիւանդ Մարդ»-ու ժառանգութեան խնդիրը ծանրացաւ: Ամէն մի նոր նուաճում, «ազդեցութեան շրջան», անգամ առանձնաշնորհում այժմ դառնում էր կոուախնձոր: Դիւանագիտական պայքարների այդ թո՛ւ ու բո՛ւր օրերին, շատ արիւնտուեց հայ ժողովուրդը եւ եթէ կարողացաւ վերջնական բնաջրջումից ազատուել, այդ էլ պարտական էր իր շրջահայեցութեան: Բոլորովին սխալ է, թէ նա ձգտում էր անջատման, «ծովից-ծով» մի Հայաստան կազմելու տենչով: Իր բովանդակ ազատագրական շարժման ընթացքին, հայ ժողովուրդը ո՛չ ունեցել է եւ ո՛չ էլ հետապնդել է այդպիսի մի նպատակ: Անկախութեան գաղափարը,

որպէս գործնական խնդիր, ծնունդ է առել պատերազմից յետոյ
և արծարծուել խաղաղութեան բանակցութիւններէ շրջանում,
ևրբ արդէն հայ ժողովուրդը երկրին մէջ բնաջնջուած էր: Քանի
դեռ ժողովուրդը ապրում էր, իր միակ ձգտումը բարենորոգու-
թիւններ էին, այսինքն ապրելու և աշխատելու հնարաւորութիւ-
նը: Մտաւոր — բարոյական իր ոգորումները բնաւ չեն նշանակում
քաղաքական ծրագիր, որ առաջին օրից եղել է Բերլինի վեհաժող-
ովի 63րդ յօդուածը և իր մահուան նախօրեակին կազմել է
1913ին հաստատուած բարենորոգութիւնների ծրագիրը: Ու սխալ
է նաև, թէ հայութիւնը վարում էր դուռ ազգային քաղաքակա-
նութիւն, միայն ի՛ր բախտին հետամուտ: Առարկայօրէն, միջազ-
գային պայմանները խիստ աննպաստ էին, հայ ազատագրական
շարժման շրջանին, այդպիսի մի քաղաքականութեան համար: Եւ
աւելի շատ էին ու հիմնաւոր տուեալները՝ երկրի ընդհանուր բա-
րեկարգութեան հունով ձեռք բերելու ազգայնօրէն մի տանելի
կեանք: Ենթակայօրէն նա երբեք չի ձգտել դատել իր կեանքը հա-
րեան ժողովուրդների կեանքից, և իր ուժերը ներածին չափ
նպաստել է երկրի ընհանուր յառաջադիմութեան իրեն մատչելի
բոլոր ասպարէզներում: Ինչ էլ որ ասուի, ո՛չ ոք չի կարող ուրա-
նալ Թուրքիոյ առևտրի, արհեստի, դեղարուեստի, դիւղատնտե-
սութեան բարձր զարգացման մէջ հայերի կատարած դերն ու ար-
ժէքը:

Երկրի ընդհանուր և իր կեանքի բարենորոգութեան յոյսերը
հայ ժողովրդին միշտ մղել են համազործակցութեան Թուրքիոյ
բոլոր ընդդիմադիր տարրերի հետ: Եւ Թուրքիոյ տիրող տարրե-
րը, իրենց խաւարամիտ արբանեակներով, դիտել են հայերին ոչ
այնքան իրրել պատճառ արտաքին միջամտութիւնների, — որոնք,
ի դէպ, շատ էլ չէին վտանգում նրանց շահերը, — որքան իրրել
թուրք յեղափոխութեան վարակիչ մանրէն: Յամենայն դէպս, հայ
ժողովուրդը Թուրքիայում աւելի շատ արիւն է տուել ընդհանուր
հիմքերով, քան իր ազգային ազատագրական շարժման բերումով:
Պատահականութիւն չէ, որ այդ շարժումը գործօն բնոյթ է ստա-
նում Թուրք յեղափոխութեան սկզբնաւորութեան շրջանում: Այդ

օրերին է, որ թափ է ստանում թուրք յեղափոխական շարժումը
երիտասարդ թուրքերի նախահօր՝ Միահաս փաշայի ջանքերով:
Ֆլորիստոսում ծնունդ են առնում «Իթթիհաս» եւ «Հուրիէթ» յե-
ղափոխական թերթերը, որոնց էջերում երիտասարդ թուրքերը
քննադատում են Հին կարգերը եւ պահանջում սահմանադրութիւն:
Նրանց ազգեցութեան տակ երկրի մէջ աճող դժգոհութիւնները
իրենից վանելու համար, կառավարութիւնը թուրքերին մղում է
քրիստոնեաների եւ, առաջին հերթին, հայերի դէմ: Գրոսի քա-
ղաքական իրադարձութիւնների հետեւանքով, 1877ի Մարտին,
բացում է թրքական առաջին Խորհրդարանը, որ յոյսեր է ներ-
շնչում հպատակ ազգերին, որոնց մէջ եւ հայերին: Բայց հէնց
որ Համիտը ամբանում է դահի վրայ, նոյն տարուայ վերջերին նա
ցրում է Խորհրդարանը, իր երկարատեւ գահակալութեան շրջա-
նում այլեւս երբեք չհրաւիրելու համար: Միաժամանակ շնորհա-
գուրկ է լինում մեծ վեզիր Միահաս փաշան, քիչ յետոյ Արարիա-
յում խեղդամահ լինելու համար: Յաջորդ տարուայ Մայիսին
բռնկում է Ալի Սուալիի ապստամբութիւնը Պոլսում, ուր, այդ
օրերին, ուսում-թրքական պատերազմի հետեւանքով, կուտակուել
էին Բալկաններից դադթած շուրջ 150 հազար դադազած մուհա-
ճիրներ: Ապստամբութեան ճնշումից յետոյ, Համիտը ցրում է այդ
դադազած ամբոխը գաւառներում ու զրդում նրանց հայերի դէմ:
Հակառակ այս կացութեան, առաջին քաղաքական, յեղափոխական
հայ կազմակերպութիւնը, կամ, աւելի շուտ, հոսանքը, յանձինս
Արմենականների, այդ օրերին հանդէս է գալիս ոչ թէ անջատ-
ման, ազգային անկախութեան պահանջներով, այլ ընդհանուր
հայրենիքի բարեկարգութեան ծրագրով: Շարժման գեկավար Մ.
Փորթուղալեանը բանաձեւում էր իր հանրային աշխատանքը, որ-
պէս «իւր ազգի եւ օսմանեան աէրութեան զայդ շահերին նուիր-
ուած գործ»...

Ութսունական թուականներին համիտեան սեփիմը այլեւս կա-
յուն է ու ներքին ընդդիմադիր ուժերի դէմ՝ հզօր: Իր արիւնկալ
քաղաքականութեան մէջ Համիտը յենած է արտաքին զրամապլուխ-
ների ու ներքին աւատապետական — կղերական ուժերի վրայ:

Հայաստանում ստղատակում են «Համխախէ» եւ քիւրտ տէրերէյ-
ները. հայերից խլւում են լաւագոյն հողերը, բարձրանում են
տուրքերը, յաճախագէտ գառնում են աւարառութիւնները, սպա-
նութիւնները, սակզձելով դժոխային մի վիճակ: Եւ, սակայն, այդ
օրերին հանդէս եկած Հնչակեան կուսակցութիւնը, հակառակ իր
ծրագրի, ո՛չ թէ հետապնդում է Հայաստանի անկախութիւն, այլ
երազում է այնպիսի կարգերի մասին թուրքիայում, որ հնարա-
ւոր պիտի դարձնեն ընկերվարութեան իրագործումը այդ երկ-
րում...

Իննսունական թուերի առաջին օրերին դեռ քնած է թուրք յե-
ղափոխական շարժումը: Երկրի մէջ դրութիւնը մազաչափ անգամ
չի փոխուում. Համխախէն սեփմի արեան ու թալանի նոյն քաղա-
քականութիւնն է տիրում: Երկրից դուրս, Կովկասում, յեղափո-
խական դատ – դատ խմբերի խմորումներից կազմւում է Հայ Յե-
ղափոխական Դաշնակցութիւնը: Ըստ էութեան, նոր կուսակցու-
թիւնը հնչակեաններից տարբերւում է աւելի կազմակերպական
ձեւով ու գործնական ձգտումներով եւ գտնւում է գերազանցապէս
ուսու նարոզնիկների մտաւոր–բարոյական ազդեցութեան տակ. նա
դէմ չէ ընկերվարութեան, բայց նախապէս անհրաժեշտ է համա-
րում քաղաքական ազատութիւն թուրքիոյ բոլոր ժողովուրդների
ու ազգերի համար. անջատման ու անկախ Հայաստանի ստեղծման
մասին իրօք չկայ նրա ծրագրում: Մտաւորապէս նոյն ժամանակ,
1892ին, վերականգնւում է թուրք յեղափոխական շարժումը եւ Ահ-
մէտ Ռիզան Փարիզում հիմնում է Երիտասարդ թուրքերի նոր օր-
դան «Մէջվէրէթ»ը: Քիչ յետոյ սուլիի պէս բուսնում են յեղափո-
խական թերթեր: «Իթթիհատ վէ թէրագղը»ի հիմնադիրներից Իս-
հակ Սիւքիւտին եւ Արտուլլահ ձեւեաւը ժընեւում հիմնում են
«Օզմանլըն»: Մուրաա պէյը հրատարակում է ռազմաշունչ «Մի-
զան»ը: Եզիպոսոսում լոյս են տեսնում Հոջա Գատրիի «Կանոնը
էասսի»ն եւ Ահմէտ Սանբայի «Սանջակ»ը: Թուրք պալատական
յառաջգիմականներից իշխան Սալահէտտին Փարիզում լոյս է ընծա-
յում «Թէրագղըն»: Եզիպոսոսում «Շուրա Օսմանի» ու «Ենի Յիբը»
թերթերը արծարծում են նրա գաղափարները:

Այս ուշանում եւ Երիտասարդ Թուրքերի գործունէութիւնը՝ Արեքիւտին, Ճեւեռաբար եւ Իբրահիմ Տենոն 1894ին Պոլսում հիմնում են «Իթթիհատ վէ Թէրազզը»ի անդրանիկ կազմակերպութիւնը: Հիմնականի մէջ նրանք հետապնդում են Միահատ փաշայի սահմանադրութիւնը — պատասխանատու նախարարութիւն, ազգերի հաւասարութիւն օրէնքի առաջ, մամուլի եւ խղճի ազատութիւն, անձի եւ սեփականութեան ապահովութիւն եւ այլն:

Թեւ առած՝ յեղափոխական տրամադրութիւնների այս բարձրացումից, թափ է ստանում եւ հայ ազատագրական շարժումը. տեղի են ունենում հայ-թուրք ընդդիմադիրների համագործակցութեան փորձեր: Ու Համիտը իր մազձը թափում է հայ ժողովուրդի վրայ. սկսում են 1895—1896ի ջարդերը, որոնց զոհ գնացին 300 հազար հայեր: Երկրի մէջ գործող թուրք յեղափոխականներից ձերբակալուեցին միայն մօտ հարիւր հոգի. 13 հոգի դատապարտուեցին մահուան, 68 մարդ բանտարկելութեան...

Նոր դարի սկզբին, հայ ազատագրական շարժման զեկավարները, թուրք յեղափոխութեան վրիպումներից յուսահատ, ձեռնարկում են հայ — մակեդոնական շարժման համագործակցութեան: 1903ին Մակեդոնիայում բռնկում է ապստամբութիւն, որ անմիջապէս ծնունդ է տալիս արտաքին շահագրգռութիւնների. Աւրստրիան ձգտում է ձեռք անցընել Սելանիկը եւ իր համար ստեղծել պատուանդան դէպի Արեւելք: Ռուսաստանը վախենում է Աւստրիոյ ուժեղացումից Բալկաններում եւ պնդում է միջամտել հաւաքաբար: Սեպտեմբերին երկու երկրների վեհապետների տեսակցութիւնը յանդում է համաձայնութեան, որով մակեդոնացիները ստանում են բարենորոգութիւններ՝ աւստրիոսլաւական «բաղաբացիական գործակալների» հսկողութեան տակ: Օրինակը վարակիչ էր եւ յուսադրիչ: Յաջորդ տարին Սասունում բռնկում է ապստամբութիւն: Բայց այս անգամ պետութիւնները լուռ են: Ու Համիտը իրեն պարտադրուած զիջման վրէժը Մակեդոնիայում լուծում է հայերից. սկսում է Սասունի ջարդը: Երկրի մէջ հայերը լիզում են վէրքերը: Երկրից դուրս նրա ազատագրութեան

գեղավարները նորից փորձում են ընդհանուր հակառակ ստեղծել թուրք ընդդիմադիրների հետ: Դեռ երկու տարի առաջ, 1902ին, թուրք ընդդիմադիրների համագումարից յետոյ Փարիզում, այդպիսի մի համագործակցութեան հնարաւորութիւնը ներշնչում է յոյսեր: Միայն թէ այժմ թուրք ընդդիմադիրները բաժանուում են երկու հոսանքների: «Ազգակենտրոնացման Լիգան»՝ իշխան Սապա-հէտաինի ղլխաւորութեամբ՝ անհրաժեշտ է գտնում թուրքիոյ մէջ սահմանադրական կարգեր հաստատելու գործում գիմել եւրոպական պետութիւնների աջակցութեան: Ազգայնականները, որոնք համախմբուած են «Իթթիհատ վէ թէրազզը»ի մէջ, Ահմէտ Ռի-զայի ղլխաւորութեամբ, անհրաժեշտ են նկատում շարունակել յեղափոխական գործունէութիւնը սեփական ջանքերով՝ երկրի մէջ ստեղծելով յեղափոխական մարմինների ստղծեր, խստորէն կենտրոնացուած հիմքերով: Եւրոպայի կողմից բազմիցս խարուած հայ ազատագրական շարժման գեղավարները այս վերջիններէ հետ են:

Ռուս առաջին յեղափոխութիւնը մեծապէս ազդեց յեղափոխական արամադրութիւնների վրայ թուրքիայում: Սակայն նաեւ անկախարար այս յեղափոխութիւնից, նրա նախասեմին իրար յետեւից անցնում են կովկասեան Հայաստանի սահմանը թումանի, Արսորդ Գէորգի, Խանի, Զալլատի, եւ այլ պարտիզանական խումբերը: Բուն երկրի մէջ ծաւալում են Անդրանիկի, Մուրատի, Սեպուհի եւ այլոց հայդուկային խմբերի շարժումները: Այս անգամ շարժումը համակում է աւելի լայն խաւեր նաեւ թուրք ժողովուրդի մէջ, զօրքի եւ նաւաստիների շարքերում տեղի են ունենում անկարգութիւններ: Երկրի ընդդիմադիր արամադրութիւնները ազդում են արտասահմանում հաւաքուած թուրք յեղափոխականների վրայ: 1907 Դեկտ. 27—29ին Փարիզում տեղի է ունենում թուրքիոյ ընդդիմադիր տարրերի համագումար: «Իթթիհատ վէ թէրազզը»ից զատ համագումարին մասնակցում են «Ազգակենտրոնացման Լիգան», Հ. Յ. Դաշնակցութիւնը, մակեդոնական, արարական, հայկական զանազան թերթերի, ինչպէս նաեւ հրէական ու եգիպտական ընդդիմադիր հոսանքների ներկայացուցիչները: Այստեղ

չատ մեծ է հայ յեղափոխականների ազդեցութիւնը ընդունուած որոշումների վրայ, բոլոր ընդդիմադիր ուժերը պիտի գործեն հաւաքաբար. դիտարկելու նպատակն է Համիտի գահընկէցութիւնը եւ սահմանադրական կարգերի հաստատումը. այդ նպատակին հասնելու համար ժողովը քուէարկում է այն բոլոր միջոցները, որոնք կիրարկուած են ռուսական յեղափոխութեան մէջ:

1908 Յունիսին, ռուս եւ անգլիական վեհապետների տեսակցութիւնը Ռեւալում եւ համաձայնութիւնը՝ հաւաքաբար միջամակու մակեղոնական խնդրին, հարկադրեց երիտասարդ — թուրքերին հանդէս դալ աւելի շուտ քան ենթադրուած էին: Եարժումը սկիզբ առաւ Սելանիկում, զնդապետ Նիազիի նախաձեռնութեամբ: Նրան ենթակայ յեղափոխական ուժերին շուտով միացան ուրիշները, ի թիւս որոնց եւ էնվերը: Համիտի կողմից ապստամբների դէմ ուղարկուած զօրքերը միացան նրան: Զգալով իր անխուսափելի պարտութիւնը, Համիտը ստիպուած եղաւ Յուլիս 24ին յայտարարել վերականգնուած այն Սահմանադրութիւնը, որի հեղինակին երեսուն տարի առաջ խեղդել էր: Այդ միակ ելքն էր դահի վրայ մնալու ու ժամանակ շահելու: Իր հերթին, թուրք յեղափոխութեան վարիչ ուժը՝ «Իթթիհատ վէ Թէրազզը», միշտ խուսափելով շարժման տալ լայն ժողովրդական բնոյթ, ներկայ դէպքում որոշում է յեղափոխութիւնը պահել «խաղաղ, սահմանադրական հուն»ի մէջ: Այդ օրերին Պոլսում կուսակցութեան ղերազոյն խորհուրդը որոշում է դահի վրայ պահել Համիտին, քանի դեռ նահաւատարիմ կը մնայ Սահմանադրութեան...

Ի՞նչ էր այդ օրերին հայ ժողովուրդի զգացածը. դժուար թէ նա կարող լինէր բաժանել թուրքիոյ բոլոր ժողովուրդներին համակած ցնծութիւնը. քանի Համիտը դահի վրայ էր, նրան չէր կարող փրկել նոր պատուհասներից եւ ոչ Սահմանադրութիւն: Ու այդպէս էլ եղաւ, ամիսը շանցած Համիտը լարեց հայերի դէմ մոտոյլ ու խաւարամիտ եւ կղերա-աւատապետական տարրերի միամբոխ, որ Ատանայում սրի քաշեց շուրջ քառասուն հազար հայեր: Նոր զանգուածային ջարդերի նախերգանքն էր այդ: Բայց նախ քան այդ՝ Համիտին անհրաժեշտ էր մաքրել իր հաշիւները

յեղափոխութեան հետ: 1909 Մարտին Պոլսում ծայր տուեց հա-
կայեղափոխութիւնը: Սակայն, այս անգամ բախար դաւաճանեց
Համիտին: Ապրիլ 26ին հակայեղափոխութիւնը ճզմուեց եւ Համի-
տը դահճնկէց եղաւ: Այդ օրը վերջապէս հայ ժողովուրդը տօնեց
իր յաղթութիւնը: Բայց, դժբախտաբար, նրան վիճակուած չէր
այդ յաղթութեան պտուղները վայելել...

Անցաւ երեք տարի, յոյսերի, ակնկալութիւններ, սպասում-
ներ, տարիներ, որոնց ընթացքում հայ յեղափոխական կուսակցու-
թիւններ եւ համայն արեւմտահայութեան միակ կարգախօսը օս-
մանեան ընդհանուր հայրենիքի վերածնունդն էր. կան անհամար
որոշումներ, յայտարարութիւններ ժամանակի հայ յեղափոխական
զբաղանդութեան մէջ այդ մասին: Եւ սակայն ոչինչ չփոխուեց. յե-
ղափոխութեան նախօրեակին իթթիհատի տուած բոլոր խոստում-
ները հայ ժողովուրդի կեանքի եւ ապահովութեան մասին՝ ջուրն
ընկան: Հայկական դաւաճներում կողոպուտներն ու մասնակի
սպանութիւնները շարունակուեցին, հողային յափշտակութիւնները
ստացան ծաւալուն բնոյթ: Վկայ են այս բոլորին Պոլսոյ Պատ-
րիարքարանի անհամար բողոքագրերը, որոնք ուղղուել են կառա-
վարութեան այդ մտայլ դէպքերի առթիւ, 1912ի ընթացքին:

Այդ օրերին հայ յեղափոխականների մէջ բարոյալքումը ընդ-
հանուր էր: Ոմանք քարոզում էին նորից «լեւո բարձրանալու» ան-
հրաժեշտութիւնը: Բայց ընդհանրապէս նրանց հայեացքները ուղ-
ղում են դէպի դրսի ուժերը: Ռուսաստանում նրանց խոստանում
են իրական բարենորոգութիւններ, որոնց համամիտ են Անդլիան
եւ Ֆրանսիան: Բազմաթիւ սին խոստումներից յետոյ, թեթեւ
սրտով չէր, որ հայ յեղափոխականները մօտենում էին այդ ելքին.
բոլոր միջոցները սպառած էին, ուրիշ ելք չկար: 1913ին բարե-
նորոգումների խնդիրը կարծես ստանում է իրական հանգամանք:
Յաջորդ ամբան հասնում է Պոլիս եւրոպացի երկու բարենորոգիչ-
ներից մէկը, արդէն ընդունուած բարենորոգութեանց գործին ձեռ-
նարկելու համար: Բայց բռնկում է պատերազմը, ու մէկ տարի
յետոյ Հայաստանում այլեւս հայ չկայ...

Ի՞նչպէս կարելի եղաւ իրագործել այդ ահաւոր դէպքը մեր դարում: Արեւմտահայ ժողովուրդի բնաջնջումը միայն Իթթիհատի եւ նրա զեկալար դէմքի՝ Թալէաթի դործը չէր: Կար մի հին, արիւնոտ անցեալ, որ դարերի յեաեւից զեւ ցցած էր իր մռայլ դէմքը: Թալէաթը ժառանգել էր տիրողների միջեւ գոյութիւն ունեցող այդ հին՝ — արիւնոտ ու ատելալատ — անցեալը: Սա-կայն նաեւ Թալէաթի անձը, անկախաբար այդ անցեալից, իր մեծ դերն ունեցաւ: Թալէաթ իր հրէշային դաժանութեամբ զերազան-ցեց հայ ժողովուրդի բոլոր հին ու նոր դահիճներին:

Ո՞վ էր այդ մարդը, որ այսպիսի ճակատագրական դեր կատարեց հայ կեանքում: Ըստ տեղեկութիւնների, Թալէաթը պոմաք էր, բուլղարական ծագումով, որի նախահայրերը դարեր առաջ բնգունել էին մահմեդականութիւնը: Որքան ճիշտ է այդ, չգիտենք. յիշում ենք միայն, որ պատերազմի շրջանում հակառակորդ իթիլաֆականները նրան որակում էին «տոնմէ», ատելալատ մի արտայայտութիւն, որ նշանակում է դաւանափոխ, աւելի շուտ՝ ուրացող: Իրեն համար կրօնական հանդամանքները ոչ մի արժէք չունէին. նա անտարբեր էր եւ հաւասարապէս դէպի բոլոր կրօնները: Հայրը՝ Գրքճա Ազի, Զէփէճի դիւզից, գատական պաշտօնեայ էր: Ըստ թրքական ազբիւրների, զեւ երիտասարդ հասակում Թալէաթը բանտարկուել էր Ազբիանուպոլսում, ուր եւ յարել է յեղափոխական շարժումին: Իննսունական թուականներին, երբ երիտասարդ Թուրքերի դլուխն էր անցել Ահմէտ Ռիզան, Թալէաթը հեռագրական պաշտօնեայ էր: Իր յեղափոխական կնքահայրն է եղել Իփէկի երեսփոխան Իրբահիմ բէյը, որ բնգունել էր երիտասարդ Թալէաթին կազմակերպութեան մէջ եւ յանձնարարել նրան՝ «Մէշվէրէթ»ը տարածելու դործը: Քիչ յետոյ, Թալէաթը կարգուում է Սելանիկի հեռագրական քարտուղար, ուր եւ մտնում է «Օսմանլը Հուրիէթ ձէմիէթի» մէջ, իրրեւ դործօն անդամ: Իր բնկերներն էին Մանեսաի Զատէ Ռէֆիզ, ձուխտ, Միտհատ Շիւքրի, Նազրմ եւ Զամփոլատ, որոնք կազմում էին Սելանիկի կազմակերպութեան կորիզը:

Ե՞րբ են սկսել իր յարարերութիւնները հայ յեղափոխական-

ների հետ, ստուգապէս չզխտենք: Յայտնի է միայն, որ իր անբա-
պառ եռանդով, յամառ կամքով եւ, մանաւանդ, շրջապատը դրա-
ւելու բացառիկ ընդունակութիւններով, նա շատ շուտով ձեռք է
բերում որոշ գիրք ու ազգեցութիւն Երիտասարդ Քուրքերի մէջ
եւ բարեկամներ՝ հայ յեղափոխականների շարքերում: Իր այս
հայ բարեկամների մօտ է, որ թալէաթ 1909 Մարտ 31ի հակայե-
ղափոխութեան օրերին ազատտան դասու, պահուեց, մինչեւ որ
իրեն յաջողուեց փախչել եւ անվտանգ Աելանիկ հասնիլ:

1911ին թալէաթը ներքին գործոց նախարար է եւ միաժամա-
նակ Իթթիհատի նախագահ: Այդ օրերին է, որ յառկապէս վտա-
թարանում է հայ դաւառի կացութիւնը, ուր հոգային յափշտա-
կութիւնները, աւարառութիւնները եւ մասնակի սպանութիւնները
վերջ չունին: Իր գիրքի, ազգեցութեան ու պաշտօնի բերումով նա
կարող էր հիմնապէս արժատախիլ անել այդ երեւոյթները: Բայց,
եթէ արդէն իսկ սպասում էր յարմարագոյն պահուն իր գիւային
ծրագիրը գործադրելու, հասկանալի է դառնում նրա թոյլատու-
րնթացքը:

Թալէաթը մնաց զեկավար գիրքերում զրեթէ մի ամբողջ
տասնամեակ, բայց Քուրքիոյ կեանքի եւ ոչ մի ինդիր լուծում
չստացաւ նրա երկարատեւ իշխանութեան ընթացքին: Ներքին վե-
րանորոգութիւնների բոլոր խնդիրների լուծման մէջ նա ցոյց տը-
ւաւ՝ մի քառասային պատեհապաշտութիւն, որ համիական սեփմինը
յատուկ էր միայն՝ արտաքին խնդիրների լուծման մէջ: Գալով
այս վերջիններին ուշադրաւ է, որ թալէաթը եւ իր կուսակցութիւ-
նը թէ՛ Տրիպոլիսի, թէ՛ Բաղիանեան պատերազմի, թէ՛ մեծ պա-
տերազմի նման բախտորոշ խնդիրների լուծման ժամանակ բիրտ
ու պարզունակ ելքերից զատ ուրիշ միջոց չգտան: Թալէաթի հետ
գործ ունեցած եւրոպական դիւանադէաները, ինչպէս նաեւ Քուրք
թէ օտար հասարակական գործիչները, չեն նշմարում նրա մէջ իր
գիրքին, պաշտօնին համապատասխանող մտաւոր պարաստութիւ-
նը եւ պետական անձին անհրաժեշտ փորձառութիւնը: Բայց յիշա-
տակում են մի շարք տուեալներ, որոնց ուժով նա խոնարհ խա-
ւերից հասաւ ամենաբարձր գիրքերի, — կամք, եռանդ եւ ան-

դուր աշխատանք նորանոր գիրքեր գրաւելու, խօսելու, հմայելու, անխառն գուարթութեամբ շրջապատը իր հետ կապելու արտակարգ բնդունակութիւն, միայն իրեն յատուկ հզօր բնազդ՝ գիմացինի թաղուն մտադրութիւնները կանխելու, շափաւոր եւ անզամ «գեմակրատ» կենցաղ մասնաւոր կեանքում, «անկեղծութիւն», երբ դուազրում է. «բարեկամութիւն», երբ կատաղի թշնամի է: Այսպէս էին իր յատկութիւնները եւ քաղաքագիտական իմաստութիւնը: Իսկ այդ բոլորը շատ քիչ էր վերածնունդ Քուրքիան նոր ուղիներով առաջնորդելու համար:

1914ի ամբան գումարուեց Չ. Յ. Դաշնակցութեան հերթական Ընդհանուր Ժողովը: Այդ Ժողովը մասնաւորապէս Թոսասմի պընդումով գումարուեց էրզրումում: Բայց թալէաթը ուրախ էր, որ Չ. Յ. Դ. Ընդհ. Ժողովը գումարում է էրզրումում: Հայ յեղափոխականները այդ հանգամանքը նկատում էին բարեկամութեան վերականգնման մի ցոյց թալէաթի կողմից: Ու նորից վերապարթնում էին յոյսեր հայկական բարենորոգութիւնների գործադրութեան շուրջ: Իրականին մէջ թալէաթը, այդ ճակատագրական օրերին, ցանկացել էր իր ձեռքի տակ ունենալ հայ ականաւոր յեղափոխական գործիչներին: Ժողովը դեռ չէր վերջացել, երբ սկսուեց Ընդհանուր պատերազմը: Քիչ յետոյ, էրզրումում յայտնուեցին թալէաթի երկու պատուիրակները՝ Իթիհասաթի կեղբոնական կոմիտէի քարտուղար Բէհաէասին Շաքիրը եւ յայանի Իթիհասաթի գործիչ Նաջի բէյը: Նրանք եկել էին բանակցելու հայ յեղափոխականների հետ, Քուրքիան պատերազմին մասնակցելու պարագային նրանց բռնելիք գիրքի մասին: Վստահ, որ Թոսաստանը պատերազմում պիտի ջախջախուի, թալէաթի պատուիրակները չէին ծածկում պատերազմին մասնակցելու իրենց մտադրութիւնը: Նրանք, համակուած սազմաշունչ տրամադրութեամբ, առաջարկում էին հայ յեղափոխականներին գործօն աջակցութիւն ցոյց տալ իրենց. յատուկ յայտարարութեամբ հանդէս դալ արտաքին աշխարհի առաջ՝ հայ-թուրք միացեալ ճակատով. ղէնքի տակ քաշել բոլոր հին հայդուկային իմբերը. հայ կամաւորական բանակներ կազմել, կսովկասում առաջ բերել սպասում-

բութիւն եւ ուսանելի թիկունքը քայքայել. ամէն կերպ նպաստել թուրքերի առաջխաղացութեան ղէպի Անդրկովկաս: Հայ յեղափոխականները մերժեցին այդ արկածախնդրութիւնը, յորդորելով յետ կենալ պատերազմին մասնակցելու մտքից, որ կարող է կործանարար լինել Օսմանեան կայսրութեան համար ու առարկելով, որ հայ ժողովուրդը կարող է կատարել միայն իր քաղաքացիական պարտականութիւնները պատկանեալ երկրների նկատմամբ: Ընդհանուր ժողովը իր օրակարգը չսպասած փակուեց. պատգամաւորներից ոմանք բանտարկուեցին, ոմանք արտոնուեցին, ոմանք էլ յաջողեցին փախչել ուր կարող էին: Աշնան սկիզբներին, երբ դեռ թուրքիան պատերազմի մէջ չէր, արդէն սկսուել էին մասնակի անդհանութիւններն ու ջարդերը էրզրումի, Մուշի ու Բիթլիսի շրջաններում: Այս վայրերում կատարուեմ էին զանգուածային ձերբակալութիւններ ու զինաթափութիւն: Այդ օրերին Քալէաթը թուրքիոյ միահեծան տէրն էր... Դառնաղէտ ղէպերի զարգացման եւ Քալէաթի դերին քիչ - շատ ծանօթ մարդկանց համար այնուամենայնիւ մնում է մութ այս մարդու հողեկան աշխարհը, որ ընդունակ եղաւ մի ամբողջ ժողովուրդ ոչնչացնել եւ արմատախիլ անել թուրքիոյ մէջ: Բայց այդ մասին մենք չենք կարող աւելին ասել, քան թուրք նշանաւոր զբաղէտ ձէնապ Եէհապէտաինը, որ այս գրքի յաւելուածի վերջում զետեղուած իր զրութեան մէջ տալիս է Քալէաթի բնութագիծը:

Գրի առնելով Մ. Քէհլիբեանի վերմիշումները՝ մենք մէկ նպատակ ունեցանք, — յայտնել այն ամէնը՝ ինչ կապ ունի հայ ժողովուրդի մեծագոյն ողբերգութեան հետ, եւ յանձնել պատմաբանի ու շարժութեան այն ամէնը՝ ինչ կարող էր ասել այդ մասին Քալէաթի ահարեկիչը:

1943, Մայիս Վ. Մ. (*)
Բելգրատ

*) Վահան Մինախոբեանի հեղինակն է «1915 ԹՈՒԱԿԱՆԸ» մե-

ծարժէք գործին, լոյս տեսած 1949ին, հեղինակի մահէն հինգ տարի ետք: Մինախոսքեան հանրային հարուստ անցեալով անբասիր անուն մըն է: Կ'անդամակցէր Սոցիալիստ - Յեղափոխականներու կուսակցութեան: Մեռաւ տարագրութեան մէջ. Բելգրադ, 1944ին:

«ՅՈՒՍ»

Մ Ա Յ Ր Ի Կ Ի Ս . . .

Անհունի աղջամուղջին մէջ յիշատակդ իսկ թառամելու, առ յաւէտ կորսուելու գաղափարէն զարհուրած՝ փնտոեցի քեզ, մա՛յր իմ . . .

Թափառեցայ երկրէ երկիր, անապատէ անապատ: Անցայ մեր տարաբախտ ու աւերակոյտի վերածուած հայրենիքի քաղաքներն ու գիւղերը, սարերն ու ձորերը . . .

Զուր եղան իմ բոլոր որոնումները . . . Ամէն կողմ ամայութեան զարհուրելի համայնապատկերը կը ներկայանար իմ աչքերուն: Զկար այլեւս այն կեանքը, եռ ու զեռը, դաշտերու հմայիչ երելոյթը, առուակներուն կարկաչիւնը, թռչուններուն ուրախ գուարթ նրունողիւնը . . .

Բոլորքը, բոլորքը չքացեր էին արիւնոտ բորենիին զագանային բնագոյին բաւարարութիւն տրուած ըլլալու հետեւանֆով:

Բուերու թագաւորութիւնն էր տիրապետողը մեր հայրենիքին մէջ . . .

Ամայութիւն, ամայութի՛ւն . . .

Եփրատը անհանգիստ ու գժտուած էր ձեր խոշտանգուած դիակներէն իր անսկիզբ ժամանակներու ընթացքը խանգարուած ըլլալուն . . . Բողոքի ու ըմբոստութեան մռնչիւնները մի-

այն կը լսուէին իր կոհակներէն: Ան եւս կ'ող-
բար իր անցեալը:

Վնիտ ու յստակ ջուրերը ներկուած էին
հայ մայրերու, երեխաներու, երիտասարդնե-
րու եւ ծերերու անմեղ արիւնով... Իր հոգին
եւս վրդովուած էր հայ ցեղի ահռելի ողբեր-
գութեան կենդանի վկան ու ականատեսը ըլլա-
լուն համար...

Հեռաւոր եւ անձանօթ անապատները
անողոճ ու լուռ էին: Կարծես յագեցած լինէին
իրենց հրկիզեալ աւազներուն վրայ ցրուած
ոսկերոտիքէն...

Դառնօրէն ողբացի ի տես մարդկային
պատմութեան մէջ տեղի ունեցած արհաւիրք-
ներու այս ամենագարհուրելիէն: Տատանում-
ներ ունեցայ մինչեւ յուսահատութեան անփա-
ռունակ ոլորտները տանող, բայց կսկիծը, ող-
բերգութեան ահաւոր տեսարանները ցնցեցին
իմ հոգին, ուժ ու կորով ներշնչեցին ինձի՝ ապ-
րելու, կեանքը շարունակելու մարմաջը պար-
տադրելով: Թերեւս անոր համար, որ առիթը
ունենամ քեզի հանդէպ, մայր իմ, եւ քեզ հետ
քիւրաւոր հայ մայրերու, որոնք խաչուեցան
հայ գողգոթային վրայ, իմ՝ հայ զաւկի՝ տար-
րական պարտականութիւնս կատարելու... որ-
եւէ ձեւով յաւերժացնելու յիշատակը թափուած
արեան գետերու...

Դուն, մա՛յր իմ, որ կեանք տուիր ինձի,
արտասուաթոր աչքերով համբուրեցիր զիս
դառն զգացումով մը լեցուած, թէ այլեւս պի-
տի չտեսնուէիմ. իրաւունք ունէիր: Ճիշդ էր
նոյնպէս քու հառաչանքը եւ արդարացի՝ «հա-
գիւ մեծցուցի, թեւ առիր ու կը թոխ կը հեռա-

նաս ինձմէ»։ Այո՛, հեռացայ։ Այլեւս քեզ յա-
ւիտեանս չտեսնելու պայմանով, բայց քու տը-
ւած կաթը, քու ունեցած մայրական անսահ-
ման գուրգուրանքը այնպիսի խոր արմատներ
ձգած էին իմ հոգիի ալիքերուն մէջ, որ մոռնայ
այդ բոլորը, անտարբեր մնալ, մանաւանդ քու
եղերական վախճանէն յետոյ, կարելի չէր...

Այսօր, խորհրդապաշտ հաւատացեալի մը
նման, ուզեցի «Անծանօթ մօր անյայտ գերեզ-
ման» մը կառուցանել իմ հոգիիս մէջ ու երկիւ-
ղածօրէն երկրպագել այդ կոթողին առջեւ.
որպէս հնամենի բագիւնի մը... Ուզեցի, իմ հե-
թանոս աղօթքի խորհուրդները, միացուցած
խունկի ու կնդրուկի բուրումնաւէտ ծուխին,
ցրուել ու հասցնել անհունի առեղծուածային
բարձունքները, որպէս իմ սրտագին պաշտա-
մունքը քու անմոռանալի յիշատակին, մա՛յ-
րիմ, ինչպէս նաեւ հազար – հազար ողջակիզ-
ուածներուն, որոնք նահատակուեցան մեր ցե-
ղի ազատագրութեան պայքարին համար ու
անէացան առ յաւէտ՝ առանց հողակոյտի,
առանց շիրիմի...

ՍՈՂՈՄՈՆ



Լուսանկարուած Երզնկա, 1910ին: *Ս. Ա. Վ. Վ. Վ. Վ.* (ձա-
խէն աջ). Սողումնի եղբօր՝ Միսաֆիս կինը՝ Հոիփսիմէն
(նահատակուած), աղջիկը՝ Արմենուհին (ափսորէն ազատ-
ուած) Սողումնի մայրը՝ Հնազանդ (նահատակուած) եւ եղ-
բայրը՝ Միսաֆ, Սողումնի Թէհլիթեան: *Բ. Կարդ.* — հօրեղբօր
աղջիկը՝ Բերսաբէ եւ եղբայրը՝ Աւետիս (երկուքն ալ նա-
հատակուած):



Լուսանկարուած Եռկոսլաւիա, 1921ին: Ա. Կարգ (ձա-
խէն աջ). Սողոմոնի մօրեղբօր գաւակը եւ եղբօր՝ Միսաքի
աղջիկը Արմենուհի: Բ. Կարգ, նստած, հօրեղբայրը՝ Օս-
կիան, Սողոմոնի հայրը՝ Խաչատուր, հօրեղբայրը՝ Ասա-
տուր: Գ. Կարգ.— Միհրան Տէր Ղազարեան (Արմենուհիին
ամուսինը), հօրեղբօր տղան՝ Ներսէս, եղբայրը՝ Սեդրակ եւ
Սողոմոն:

ՍԵՐԲԻԱՅԻՑ ՎԱՍՊՈՒՐԱԿԱՆ

Երզնկայից նոր էի հասել Սերբիայի դաւառական քաղաք Վալեւոն, երբ տակն ու վրայ եղաւ ամէն բան: Սարակեւոյում մի սերբ ուսանող ատրճանակի երկու հարուածներով սպանել էր աւստրիական դահաժառանգ Ֆրանց Ֆերտինանտին: Ենթադրում էր, որ պատերազմ կը լինի: Այնուհետեւ ղէպքերը դարդացան գլխապառչտ արադութեամբ: Յուլիսի վերջերին Ռուսաստանը ղէնքի տակ տուաւ իր ծովային եւ ցամաքային ուժերը: Օգոստոս լին Գերմանիան կանխեց նրան՝ յայտարարելով պատերազմ: Ֆրանսան հանդէս եկաւ իր դաշնակցի կողքին: Բայց ղէնքի առաջին հարուածները իջան Բելգիայի գլխին, ինչ որ հանդիսացաւ լաւագոյն առիթը Անգլիոյ համար պատերազմ յայտարարելու Գերմանիոյ դէմ: Այսպէս սկսուեց պատմութեան առաջին մեծ սպանդը:

Սերբ ժողովուրդը սկեւորութեամբ փարեց ղէնքի հասել էր իր ազգային իղձերի պատկման ժամը: Լաւ ուսող, խմող, արեւելեան մեղկ անուրջների տակ թմրած Վալեւոյի բնակչութիւնը շարժման մէջ էր: Տեղի էին ունենում բազմամարդ հաւաքոյթներ եւ սազմաչունչ ցոյցեր: Ժողովուրդի առաջնորդները իրենց հասերում յիշում էին Ստեփան Նեմանիայի, Տուշան Սիլնիի ժամանակները, նրանք հրաւիրում էին ժողովուրդը ներշնչուել Մարիցայի հովիտի, Գոսովոյի նահատակ հերոսների ոգիներով:

Օգտատուի կէսերին, պատերազմի հրդեհը հասաւ Սերբիոյ սահմաններին. աւտորիացիները երկու բանակներով մտան Սերբիա, մէկ հարուածով վերջ տալու յսխարտացող թշնամուն: Բայց չորս օրուան ծանր կռիւներից յետոյ ստիպուած եղան յետ քաշուիլ: Հարուածը այնքան անսպասելի էր, որ աւտորիացիները կրկնեցին իրենց ներխուժումը միայն չորս ամիս անցած, երբ արդէն պատերազմի մէջ էին նաև թուրքերը:

Ի՞նչ էր կատարուած Վալուսից դուրս, յայտնի չէր: Քաղաքի վեց - եօթը հայերը գրեթէ ամէն օր մեկ մօտ էին: Կարծես պատերազմի բովանդակ ծանրութիւնը վիճակուել էր նրանց: Բոլորն էլ ընտանիքներ ունէին երկրում: Բոլորն էլ խիստ մտահոգուած էին նրանց բախտի մասին, եւ ամենից շատ՝ հայրս, եղբայրներս: Ինձ համար անհասկնալի էր այդ. ի՞նչ կարող էր պատահել կանանց, երեխաներին, երբ համիտեան ռեժիմը արդէն սաստիկուած էր, ու երկրում տիրում էր Սրիէ, նրանց օրով եղան Ատանայի ջարդերը, բայց ո՞վ չի տեսարդ թիւրքերի արդարախոհ իշխանութիւնը: Ճիշտ գիտեր, որ այդ վերջին տուրքն էր թուրք հակայեղափոխութեան, որ պէտք է վճարէին հայերը, իբրև թուրք յեղափոխութեան գլխաւոր ազգակիր, կամ նրա առաջին արտայայտիչը:

Ու ես աշխատում էի սիրտ տալ նրանց՝ երկրից բերած դեռ շատ թարմ տպաւորութիւնների հիմքերով: Խօսքերս սփոփիչ ազդեցութիւն էին ունենում նրանց վրայ: Բացառութիւն էր հայրս, որ լսում էր գլուխը քիչ թեք, ծնօտը ձեռնափայտին յենած, ասակիների պէս անշարժ աչքերը դէմքիս յստած: Նրա այդ հայկացքը միշտ շփոթութեան էր մատնում ինձ:

Տարուան վերջերին նա մի նամակ ստացաւ Սոֆիոյից: Գրում էր իր հին բարեկամ Ղուկաս աղան, որ ասարիներից ի վեր Բուլղարիայում կատարում էր հա-

սարակական, յեղափոխական աշխատանք: Ղուկաս ազան գրում էր, թէ հասել է հայ ժողովրդի վերջնական ազատագրութեան ժամը թրքական լծից, թէ Բուլկարիոյ հայութիւնը կազմում է կամաւորական խմբեր՝ կովկասահայերի ձեռնարկած ազատագրական շարժման միանալու համար եւ, եթէ տարիքը ներէր, ինքն էլ ղէն ի ձեռին պիտի միանար այդ խմբերին, դարաւոր թշնամուն ղէմ կուելու համար: Նամակին կցուած էր մի կոչ, որ հրահանգում էր ղէնքի բնգունակ բոլոր հայերին արձանագրուիլ կամաւոր:

Հաղիւ 18 տարեկան էի, եւ նամակը ինձ ցնցեց իր սկզբունչ բովանդակութեամբ: Բայց, հակառակ սպասածիս, այդ ամէնը խիստ ծանր տպաւորութիւն թողեց մերսնց վրայ:

— Վերջացաւ, ասաց հայրս բոլորովին ընկճուած, սէտք է մտածել թէ ի՞նչպէս կարելի է դուրս բերել այն դժոխքից անեցիներին:

Ինձ չէր գրադեցնում այդ հարցը, եւ սղջ էութեամբ համակուած էի Բուլկարիա անցնելու դադափարով, որ առանց հօրս համաձայնութեան, առանց անցադրի այդ օրերին դիւրին չէր: Քաղաքում սերբերի սկեւորութիւնը հասել էր իր գագաթնակէտին. Ռատեխի շրջանում նոր, ջախջախիչ ջարդ էին կրել աւսարիացիները եւ անկանոն կերպով նահանջել: Դաշնակիցները, բոստեղեկութիւնների, յաղթական էին ամէն տեղ, թէ եւ, բացի սուսական ճակատից, կռիւները տեղի էին ունենում իրենց իսկ հողերում: Ռուսները մտել էին Սիլեզիա, Պոզնան եւ իրր թէ շուտով վար պիտի հասէին կարպատներից: Վիեննայի, Բուստափեշթի, անգամ Բերլինի օրերը հաշուելու էին:

Նոյեմբեր ամսի վերջերին, սերբ - բուլկարական սահմանում ինձ ձերբակալեցին իրրեւ լրտես, բայց ինձ յաջողուեց ստարգել այդ թիւրխմացութիւնը եւ անցնիլ

Բուլկարիա : Այդ օրերին , երկու սլաւ ժողովուրդները
տրամադրութիւններէ մէջ տարբերութիւն չկար : Բուլ-
կար ժողովուրդի համակրանքը նոյնպէս դաշնակիցնե-
րի կողմն էր . նա ոչ մի քինախնդրութիւն չունէր երէկ-
ուան թշնամի սերբերի հանդէպ : Բայց այլ էր պետա-
կան շրջաններէ տրամադրութիւնը : Մակեդոնիայի բա-
ժանումը , Տոպրուճայի բուլկարական մասի կորուստը
դեռ շատ թարմ էին : Բուլկարիան չէզոք էր , բայց ար-
դէն այդ օրերին պարզ էր , որ իր չէզոքութիւնը նպա-
տակ ունի ժամանակ շահիլ՝ յարմար վայրկեանին փոխ
վրէժի դիմելու համար :

Սոֆիայի հայերին մէջ տիրում էր արտակարգ
եռուզեռ , ժողովներ , հաւաքոյթներ , փայլուն ծրա-
դիրներ ամէն տեղ : Մարտիկեանի «Շէտզի Սեպտեմբեր»
սրճարանը ծայրից ծայր լիքն էր շարքային դսրծիչնե-
րով : Նրանք վիճում էին դէպքերի հաւանական դար-
զացման մասին : Թանձրամարմին , միջահասակ , հին
կաղնու բունի պէս հաստատուն Ղուկաս աղան այստեղ
էր : Նա կտրականապէս մերժեց ինձ մտցնել կամաւո-
րական խմբերի ցանկի մէջ , երբ իմացաւ , որ եկել եմ
առանց հօրս դիտութեան : Բայց աւելի լաւ դրութեան
մէջ չէին եւ միւսները : Մի շարաթ առաջ արձանադրու-
ածներին էլ չէին ճամբում : Եւ Ղուկաս աղային շրբ-
ջապատել էին արեւմտահայ երիտասարդներ , որոնք
դադաղած պահանջատէրերի նման սեղգում էին նրան
հարցումներ .

— Ինչո՞ւ , մինչեւ ե՞րբ , ի՞նչ է այս ճգնաժամները
պատճառը :

Ղուկաս աղան , որին անուշութեամբ , որին խրոխ-
տաղին , հրաւիրում էր կարգի՝ տալով խուսափողա-
կան պատասխաններ :

— Պէտք է սպասէք , կարգադրուած է մի առ ժա-
մանակ կամաւորների առաքումը դադարեցնել . ի՞նչ

կարող ենք անել, չէ՞ որ պէտք է վերին մարմնի հրահանգին ենթարկուիլ:

Բայց ոչ ոք միտք չունէր այդ անյայտ մարմնի հրահանգին ենթարկուելու: Ազգի ազատագրութիւնը սկսել էր, եւ ամէն մարդ ներքին բուռն պահանջ ունէր այդ սուրբ գործին օր առաջ մասնակցելու:

Մի խմբի հետ յաջողեցի անցնիլ Ռուսաստան: Պուքրէշում խմացայ, որ հայրս հետագրել է ինձ յետ ճամբել: Բայց արդէն ուշ էր. մի քանի ընկերներով, ուսական դեսպանատան աջակցութեամբ, նոյն գիշերը մեկնեցի Ռուստով:

Կայարանում ամէն տեղ իրարանցումը արտակարգ էր. զնայք զնայքի ետեւից մեկնում էր ծանրաբեռնուած թնդանօթներով, ռազմամթերքով, զինուորներով, ձիերով: Տեղ-տեղ կատարւում էին շոնդալից հրաժեշտի ցոյցեր զէպի ճակատ մեկնողներին: Ապա զնայքի յետեւից շարժւում էին թաշկինակներ, ու երբ ցոյցով սղեւորուածները ցրւում էին, մայթերի վրայ մնում էին կանգնած ծեր, երիտասարդ կանայք, աղջիկներ, որոնք քիչ առաջ դուարթօրէն պարզած թաշկինակները ամանում էին աչքերին ու ծածուկ լաց լինում:

* * *

Արդէն Թիֆլիս էի, արձանագրուել էի կամաւոր: Ինձ հետ հասած ընկերների եւ նախապէս արձանագրուածների հետ միասին տեղաւորուել էինք Վելեամինովրսկայա փողոցի ծայրին աղբային մի ընդարձակ կալուածքի մէջ, որ կազմում էր կամաւորական հանրակացարաններից մէկը: Կալուածքը դուրսորդում էր Բուսարանական Այդու շրջանին, ուր եւ կատարում էինք զինավարժութեան փորձերը: Թէեւ անցել էր մի շաբաթ, բայց նոր էի ընտելանում բազմազիմի Թիֆլի-

տին, որ ստաջին օրից հմայել էր ինձ: Իրիկնապահե-
քին սոսորարար իջնում էի վեկեամինովսկայա փողոցի
երկարութեամբ եւ կանգ առնում քաղաքապետարանի
անկիւնի գեղարանի մօտ:

Փետրուարին մեր սարերն ու ձորերը դեռ պատած
էին լինում ձիւնով: Այնինչ այստեղ արեւի ջերմ ճառա-
գայթների տակ փայլիլում էր գեղատեսիլ Երեւանեան
հրապարակը: Մանր քարերով սալայատակուած այդ
ընդարձակ հրապարակը կարծես ներկայացնում էր
Թիֆլիսի մանրանկարը՝ շրջապատուած հիւրանոցնե-
րով, վաճառատներով, խանութներով, գեանափոր դի-
նետներով, Թամամշեւի ընդարձակ քարեանսարայով,
որ քաղաքապետարանի դիմաց բռնում էր հրապարակի
ամբողջ ճակատը՝ հարիւրաւոր կրտակներով:

Այդ օրերին Երեւանեան հրապարակն էր հայ քա-
ղաքական կեանքի կենտրոնը: Կային երեք անկիւններ,
ուր սոսորարար խմբում էին հայ ազգային, հասարա-
կական, յեղափոխական գործիչները: Գեղարանի գէ-
մուղէմ, փողոցի անկիւնից քիչ ներս, դեռ լերկ ու
իրենց պարզարանքներին սպասող ծառերի տակ ընկած
էր «Անատոլիա» ճաշարանը, որ պահում էր մի էրդ-
րումցի հայ: Այստեղ կարելի էր տեսնել Թիֆլիսում
եղած բոլոր խմբապետներին, գինուորներին, կամաւոր-
ներին, որոնք սեղանների շուրջ խմբուած՝ վիճում էին
կամ աղմկարար ծիծաղում: Միւս անկիւնը, որ դանր-
ւում էր Թամամշեւի քարեանսարայի տակ, ներկայացը-
նում էր հռչակաւոր «Թիլիպուճուրին», գեանափոր
ստաջնակարգ մի գինետուն, որ յայտնի էր իր ընտիր
խորովածով, Կախէթի լաւադոյն գինիով. պատկանում
էր Թիֆլիսեցի մի հայի: Այստեղ խմբում էին գէպքե-
րի հետեւանքով իրենց հայութիւնը յանկարծ գորա-
դած Թիֆլիսեցի վրացախօս, սուսախօս հարուստ հա-
յեր, Անգրկովկասի դանապան շրջաններից Թիֆլիս

ձեկած հայ հասարակական գործիչներ, ինչպէս նաեւ այդ օրերին ազգային գործունէութեան նուիրուած հայեր: Երբօրդ անկիւնը «Սակայանի կանգիտերակին» էր, Էւրոպական իմաստով մի առաջնակարգ սրճարան, որ բռնում էր Երեւանեան հրապարակից զգալի գառիվերով բարձրացող Սուրբազ թաղամասի անկիւնը: Այստեղ հաւաքւում էին դերասաններ, դրաղէտներ, կուսակցական յեղափոխական գործիչներ, ուսուցիչներ, ուսանողներ, առհասարակ ամէն կարգի հայ մտաւորականներ:

Բոլոր այդ ժամադրաւայրերում կեանքը ետում էր. Հայր, Հայաստանը, հայկական հարցը, սպտերազմը, կռուող ուժերի գործնական ու տեսակարար կշիռները, զանազան ճակատներում ստեղծուած դրութիւնը թունդ էին հանում մարդկանց: Յոյզերի եւ յոյսերի մի աննախընթաց շրջան էր ապրում կովկասահայութիւնը զգալով իրեն սերունդների փայփայած ազգային երազների իրադործման նախօրեակին:

Պարտաւճիւններից ազատ բոլոր ժամանակս զրեթէ միշտ անցրնում էի իմ միակ հայրենակից Եանրդեանի մօտ, որ «Աեվերնիյէ Նոմերա» հիւրանոցի տակ ունէր մի համեստ կաթնատուն: Ամսուան վերջերին սպասահարար իմացայ, որ Թիֆլիս Էն գանւում նաեւ թաթիկեանները: Երկու եզրայրներից ճանաչում էի միայն սր. Խաչատուրին, որ մեկնել էր Երզնկայից ընդամէնը երեք - չորս տարի առաջ: Այնքան դեռ մեծ էր ծննդաւայրիս կարօտը, որ անմիջապէս հասցէն առի ու դնացի մօտը:

Պր. Խաչատուրի համեստ մանրավաճառանոցը գանւում էր Միքայէլեան փողոցում, որ գետի եզերքին շուգահեռ երկարում էր Վորոնցովի կամուրջի թիկունքից մինչեւ Մուշտայեաի սարտէզը:

Տեսնելով ինձ անմիջապէս ճանաչեց եւ նստած տե-

դից այնպէս վեր թուաւ, որ յարուցեց մօտը կանգնած մանկահասակ մի աղջկան ընդոտա ծիծաղը: Վայրկեանի մէջ այնքան հարցումներ ուղղեց ինձ, որ չգիտէի ո՛ր մէկին պատասխանեմ. շփոթութեան մատնեց ինձ նաեւ մանկահասակ աղջիկը, որ լրջացած՝ սեւ մեծ աչքերով անթարթ նայում էր, կարծես ես նրան տեսել էի կամ նման մէկի մասին երազել:

— Է՛, յետո՛յ, ձերոնք ո՞րտեղ են, — շարունակում էր պր. Խաչատուրը:

— Հայրս, երկու եղբայրներս Սերբիայում, մնացածները՝ Երզնկա:

— Իսկ դո՞ւ ինչ ես անում այստեղ:

— Կամաւոր եմ, շուտով պիտի մեկնեմ ճակատ, ասացի խիստ ուրախ աղջկան ներկայութեամբ այդ մասին խօսելու առիթից:

— Հայրդ գիտէ՞:

— Նախանցեալ օրը գրեցի:

— Այստեղի՞ց:

— Այո՛:

— Իսկ Սերբիայից մեկնելի՞ս:

— Գիտէ՛ր, գիտէ՛ր...

— Հա՛, ծանօթացի՛ր, եղբորս աղջիկն է, մեր Անահիտը:

Աղջիկը համարձակ նայեց ինձ:

— Վերջին անգամ ի՞նչպէս տեսար մերոնց, ասաց պր. Խաչատուրը:

— Լաւ էին:

— Հիմա ի՞նչ պիտի լինի մեր Շահէնի վիճակը. սպայից վարժարանը այս տարի պիտի աւարտէր, ուրեմն եղբայրը եղբոր դէ՞մ՝ մէկը կամաւոր, միւսը ակամայ:

— Այո՛, ի՞նչ տրած, նա էլ պէտք է իր քաղաքա-

ցիտական սպարաքը կատարէ , թէև չեմ կարծում , որ նորաւարաներին ճակատ ուղարկեն :

— Աստուած խօսքդ լսէ , մինչև այս սրտերազմք վերջանայ , հողիներս կ'ելնէ : Վերջին անգամ գրել էր , որ Ռուրէն էֆէնտին պիտի գայ եւ ամէն բան կը սրտամէ , բայց չեկաւ : Նրանք ի՞նչպէս էին :

— Որո՞նք :

— Մամճեանները :

— Գործերը յաջող , լաւ էին :

— Ինչ որ է , պէտք է եղբօրս հետ ծանօթանաւ . նա էլ , անշուշտ , կը ցանկայ տեղեկութիւններ իմանալ :

— Այո՛ , հայրիկս ուրախ կը լինի ձեզ տեսնելով , սարնն , — սարդութեամբ ասաց այջիկը :

Մեկնեցի առաջին առիթով հանդիպելու խոստումով : Գնում էի ինքս էլ զարմացած ինձանից , հողիս ճօճանակի պէս նեւուում էր վեր - վար՝ անձանօթ յոյգերի տարափի տակ : Ոչ տեսնում , ոչ լսում , ո՛չ զգում էի շրջապատս : Հասնելով հանրակացարան՝ բնկայ բակի խորքում հաստատուած նստարանի վրայ : Կարծես հարբած էի . ոչ մի ստոյգ միտք չկար դիտիս մէջ : Մթնշաղբ թանձրանում էր : Թռչունները , յարակից սարակզի ծառերին , կսկորդ էին սրտուում վայրազ ու կրքոտ կանչերով : Նրանք թռչում էին դէս ու դէն՝ հազիւ նշմարելի շիւղ կտուցներին : Գաղջ հողի , բացուող կանաչների ու փթթող ծառերի գարնան բոյբերերում էր օդի մէջ : Մթնել էր , երբ սկսեցի հասկանալ , թէ ի՞նչ է կատարում ինձ հետ : Կարելի՞ է արդէս եօք , որ անձանօթ մէկը , առաջին հանդիպումին , այնպէս կաշկանդէ մարդուն , ինչպէս եղաւ ինձ հետ : Ամէն սարսաղայի մէջ , այդ չէր ներդաշնակում առաջադրած նպատակիս հետ :

Քնից սթնափածի պէս եւ ելայ ու մտայ հանրակացարան : Ըստ սովորութեան այժուիկ էր : Օրուան յու-

զող խնդիրը Սոյի շրջանում տեղի ունեցած Տիւզ - Տաղի կռիւն էր, որի ընթացքում առաջ է եկել ինչ որ անհասկացողութիւն հայ կամաւորների եւ ուս զօրաբաժնի պետերի միջեւ: Գնդապետ Նալգիւնը հրահանգել է կամաւորներին ճակատից դրաւել Տիւզ - Տաղը: Բայց հաշուի առնելով, որ այդ անհնարին է, ըստ էութեան նպատակ է ունեցել ճակատից լրջօրէն դրաղեցնել թըշնամուն, որպէսզի ինքը իր զօրամասով անցնի լեռան թիկունքը եւ հակառակորդի ուժերը բնաջնջի: Հայերը դրաւել են Տիւզ - Տաղը ու թշնամին ելել է դաշտ, մինչեւ գնդապետի հասնիլը: Այսպէսով թշնամին փոխանակ բնաջնջուելու, փախել էր՝ խլելով հայերից մի քանի տասնեակ զոհեր . . . :

* * *

Անցաւ երկու շաբաթ: Լման դարուն էր: Ազգային Բիւրոյի կարգադրիչ մարմնի որոշման համաձայն պիտի մեկնէինք ճակատ: Հակառակ խոստումիս, Թաթիկեանների մօտ չգնացի, ինձ թւում էր, որ լաւ է այլեւս չտեսնել այն դպրոցական աղջկան, որ այնքան մտածել տուեց ինձ: Սակայն, մեկնումիս նախօրեակին, տեղ չէի դաժնում ինձ քաղաքում եւ ուր էլ գնում էի, կարծես աչքիս առջեւն էր նրա դէմքը: Ես որոշել էի բախտին թողնել այդ խնդիրը, այժմ անհրաժեշտ էր կատարել ազգային պարտականութիւնս, ապագայում, եթէ ողջ մնացի եւ եթէ բախտը ցանկանար, նա կարող էր իմս լինել: Ու պէտք չէր, որ ինքս ընթացք տայի այդ հարցին, թող ինքն իրեն լուծուէր: Մի տարօրինակ նախազգացումով անգամ թւում էր ինձ վտանգաւոր միջամտութիւնս: Եւ սակայն մեկնումից առաջ նրան մի անգամ էլ տեսնելը հօր պահանջ էր դարձել ինձ համար:

Վորոնցովի կամուրջում դեզերում են ինձ նման

անգործներ: Մի գեղջուկ կանգնած է կամուրջի անկիւնում, թեւի տակ սեղմած առասպելական ճանճի նման պարկապզուկը տղզում է: Տասնամեայ մի տղեկ, նրա մօտ կանգնած, յողնած աչքերով դիտում է անցորդներին: Հայր եւ որդի միասին պէտք է հայթայթեն թերեւս բազմանգամ ընտանիքի օրուան ապրուստը այդ ձեւով: Այդ էլ բախտի խնդիր է, նայած թէ անցորդներից ով ուշադրութեան կ'առնէ նրանց: Տղեկը յանկարծ նայեց ինձ, եւ մօտս եղած բոլոր մանրուքը տուի նրան: Ծշմեց, հօր նուազը ընդհատուեց:

Կուր գետը յորդել էր, տիղմի պէս պղտորել: Թափով քշում տանում էր յորձանքների մէջ ընկած փայտեր, մացառներ, եղերքներից տեղահան արած ծառերի կոճղեր: Կամուրջի տակ նա հարկադրուած է դժութիւնը շափաւորել, եղերքներից կոհակները խուժում են դէպի ներս ու կենտրոնում պտուտակածեւ լճանում: Կամուրջի միւս ծայրին ջուրը բարձրացել է այնքան, որ մնում է մեղրաչափ մի բարձրութիւն անկիւնի գինետան բութ պատին բացուած կլոր օդանցքներին հասնելու համար: Այնտեղ մարդիկ, կամուրջի երկաթեայ ճաղերին կոթնած, նայում են պատին: Սաժէնաչափ պատի օդանցքներից մէկով մի կատու առաջացել է դէպի գետը այնքան, որ գլուխը մնացել է դուրս, մարմինը անցքի մէջ, նա չի հասկանում յետ - յետ գնալու հնարաւորութիւնը ու սարսափահար դիտելով առջեւը բացուած յուզուած ջրերը, մեծ զգուշութեամբ փորձում է մարմնով դառնալ: Բայց օդանցքը նեղ է, փորձերը աւելի են վտանգում դրութիւնը: Այն ժամանակ նա սկսում է աղերսագին մլաւել դէպի կամուրջը՝ մարդու պէս խնդրելով օգնութիւն: Մի ուս կին գլխասպասառ իջնում է գինետուն: Վայրկեան շանցած կատունը դիւահարի պէս նետում է գետը ու կոհակների մէջ

չքանում: Պատի անցքից յայտնում է մի կեռ փայտ,
որ կոչուած էր նրան փրկելու:

Իրիկնադէմ էր: Աղեքսանդրեան այգու վարի մա-
սերում դեղերում էին զինուորներ, արեւածաղիկ չրո-
թացնող աղախինների հետ: Աւելի վեր, նորարողքսջ
ծառերի կատարներին խումբով աղմկում են ճնճողուկ-
ներ: Դուրս ելայ Գուլոփինեան պողոտան: Միւս մայ-
թին, քիչ վարը, գտնում է Նշան Թաթիկեանի խանութ-
թը: Ես կարող էի նրան այցելել խանութում, առանց
խախտելու աղջկան շտենելու սրտումս: Բարձրահա-
սակ, դեռ երիտասարդ, համակրելի դէմքով մէկն էր
այ. Նշանը, որ նայեց ինձ հարցական, մինչև ինքնու-
թիւնս յայտնեցի: Այն ժամանակ հայրենակցութիւնը
համազօր էր աղգականութեան եւ այդպէս էլ ինձ ըն-
դունեց: Շուրջ մէկ ժամուան հարցութորձից յետոյ,
առաջնորդեց ինձ ընակարան, որ գտնում էր նոյն շէն-
քի մէջ երրորդ յարկում, թիկունքի մուտքով: Անահի-
տը՝ տեսնելով ինձ՝ յանկարծակիի եկաւ, բայց շնոր-
հալի բարեւեց եւ անմիջապէս չքացաւ: Ապա ներսը
ինչ որ տեղ, երեւի խոհանոցում, թնդաց մի ծիծաղ:
Այդ ինձ շփոթութիւն պատճառեց:

Թէև տարիուկէս էր հայրենիքից մեկնելս եւ տե-
ղեկութիւններս թարմ չէին, բայց նոյն բծախնդիր հե-
տաբրքութիւնն էր արտայայտում նաև տիկինը, ան-
գամ աղջիկները, որոնց համար Երզնկան անուն էր:
Երեւի գիտէին, որ իրենց հայրը հին սեփմի օրերին
անցեալ ունեցել է, մի համեստ անցեալ, իրրեւ Ռուբէն
Շիշմանեանի՝ Տերսիմի Քեռու գործակից: Այդ սերուն-
դը բաղկացած էր լաւ մարդկանցից ու լաւ հայերից:
Եւ այ. Նշանի մասին կարելի է տեսլ, որ նա առաջ մարդ
էր, յետոյ հայ: Այդպէս էր գոնէ իր լայնախոհու-
թեամբ: Դեռ Ծոական թուականներին նա փարում է այն
տեսակէտին, որ արեւմտահայութեան բարեկեցութիւնը

ու ազատութիւնը կախուած է նրա անմիջական հարե-
ւանների, յատկապէս քրդերի, համադործակցութիւ-
նից: Նա ջանք չի խնայում Գալուստ Արխանեանի, Շիշ-
մանեանի այդ ուղղութեամբ թափած ջանքերին նպաս-
տելու, մինչեւ որ վերջինը ձերբակալուած է, եւ ինքը
յաջողում է ճողոպրիլ կովկաս: Բայց այնուհետեւ էլ
նա չի կտրել կապը այդ գաղափարի հետագայ բախ-
տին հետ: Նա դիտէ, օրինակ, որ Շիշմանեանի յաջորդ-
ները աշխատել են համադործակցութեան կապեր հաս-
տատել Տիարպէքիւրի քիւրա Իբրահիմ փաշայի, Սլիվա-
նի քիւրա հզօր ցեղերի հետ, որոնք մեծ ազդեցութիւն
ունէին հայկական բարձրաւանդակի աշխրէթների վը-
րայ: դիտէ Ղասըմ պէյի հետ հաստատուած հայե-
քիւրա համաձայնութեան տխուր վախճանը, դըմլիկ-
ցիները հետ վարած բանակցութեան անյաջողութիւնը,
աշիրաթապետ Զէյնալի ողբերգական մահը Բինգէօ-
լում եւ այլն:

Բայց այդ բոլորը դիտէ այլեւս իրրեւ տեղեկու-
թիւն: Այժմ պ. Նշան սահմանափակուել է ընտանեկան
հողսերով, դաւակները դաստիարակել է հայ ոգւով՝
պայքար մղելով ուսուսացման վտանգի դէմ: Իր հարուստ
գրադարանի մէջ ունի Արովեանի «Վէրք Հայաստանի»-ն
եւ բողմաթիւ այլ հայերէն գրքեր: Խիստ օրէնք է տան
մէջ հայերէն խօսելը: Պ. Նշանը նաեւ իրազեկ է տեղի
ունեցող իրադարձութիւններին: Նա դիտէ, որ հնչել է
հայ ժողովրդի ազատութեան ժամը եւ որ Հայաստանը
պիտի ծաղկի, քաղաքակրթուի եւ ինքն էլ, վերջա-
պէս, իր դաւակներով մի անկիւն պիտի ունենայ ծնըն-
դավայրում:

Նա քիչ քիչ դուարթացաւ եւ ընթրիքին, բաժակ
բաժակի յետեւից, ազգային կենացներ առաջարկելով
ու խմելով՝ խանդավառուեց մօտ ապագայի յոյսերով:
Եւ յանկարծ սկսեց երգել:

— «Բարի՛, գեղեցիկ, առափնի ընկերը մարդու, որ փայլեցնում է արեւի պէս պատկերը մարդու»...

— «Ինչ մարդ ունեցայ իր մօտը հաւատարիմ ընկեր, ցերեկի նման անցնում է մութ գիշերը մարդուն»:

Անահիտը յանկարծ սկսեց ծիծաղել: Հայրը ժրպտալով դարձաւ նրան.

— Աղջիկս, քո այդ ծիծաղը ուսերէն է, հայ աղջիկները այդպէս չեն ծիծաղում:

Ու գառնալով ինձ՝ յարեց.

— Խօսք չունիմ, երախաներս լաւ են, բայց դարձեալ այն չեն ինչ կ'ուզէի որ լինեն: Ինչ որ է, այս էլ լամենք «սուրբ դործի» յաջողութեան կենացը:

Կէս գիշեր էր, երբ պ. Նշանը արածոնեց ինձ մեկնել: Մինչևէ բակի դուռը ինձ ճանապարհեց Անահիտը:

— Այժմ բարեկամներ ենք, յոյս ունիմ, որ երբեմն կը հանդիպէք:

— Ուրախութեամբ պիտի գայի, օրիորդ, բայց վաղը կը մեկնիմ:

— Ո՞ւր, գոչեց նա այնպէս անակնկալի մասնուած, որից ակնյայտ էր, թէ խնդիրը նրա համար անարժէք չէ:

— Դէպի ճակատ, օրիորդ:

— Ա՛խ, այդպէս, ասաց կարծես ինքն իրեն եւ անտարբերութեամբ յարեց.

— Երբ վերադառնաք, մեզ շնորհակալ:

— Իսկ եթէ չվերադառնամ, յոյս ունիմ, որ ինձ իբրեւ բարեկամի երբեմն կը յիշէք:

— Ի հարկէ, ասաց անմիջապէս անկարեւոր բանի մասին խօսելու ձեւով...

* * *

Մարտի 28ին շուրջ երկու հարիւր հոգուց բաղկա-

ցած մեր զօրախումբը մեկնեց կայարան եւ տեղաւորուեց վազոններում : Հազարների հասնող բազմութեան ցնծութեան ազազակները թնդում էին երկաթուղապոստի ուղղութեամբ՝ կայարանից ահագին հեռաւորութեան վրայ : Հայ ժողովրդի օգեւորութիւնը անսահման էր, տեսարանը յուզիչ, կարծես սերունդների ազգային իղձերի մարմնացումը մե'նք էինք : Ու մի անօրինակ տակնուվրայութիւն էր տիրում մէջս, երբ յիշում էի համիտեան օրերի Երզնկան, հօրեղբօրս ձերբակալութիւնը, յեղափոխական խլրղային աշխատանքները, ջարդի մշտական վախերը, Կովկասից սահմանն անցնող բազում հայդուկային խմբերի նահատակութիւնները ու համեմատում մեր շոնդալից մեկնումի հետ :

Գնացքը շարժուեց եւ շուտով բռնեց Ալեքսանդրապոլ — Երեւան — Զուլֆա ուղղութիւնը : Հողը յետ էր փախչում ընթացքի թափից : Գծին յարակից, մերթ ընդ մերթ սպառահող մենակեաց շէնքերը աչք էին թարթում մեզ վրայ : Զօրս կողմս նստած էին անուանի հայդուկներ՝ երիտասարդ, տարիքոտ, զուարթադէմ, մտադրազ : Անցնելով վրացական շրջաններից, գնացքը ընդունեց աւելի ու աւելի զիկզակաձեւ ընթացք : Լուսարացին անցնում էինք Լօսիի կիրճով՝ քերելով համանուն գետի եզերքը : Երբեմն թւում էր, որ գնացքը նկատում է հանդիսակաց ապառաժների լանջին՝ ջարդ ու փշուր լինելու մի թափով : Բայց մէկ էլ տեսար հրաժեշտ տուեց գետին, ծալծլուեց, մտաւ գետնի տակ դղրդաց, բարկացաւ, փրփրեց, դռաց ու յանկարծ զուարթօրէն սուլելով, նորից ընկերացաւ կիրճերի մէջ՝ ազազակող գետին : Գետն ու գնացքը, քոյր ու եղբօր պէս, կարծես խաղում էին նրանք շնչահատ մի պահ դարձեալ վազվզեցին դէս ու դէն, մինչեւ որ գնացքը դատուելով, սկսեց հոգեվարքի պէս տնքանքալ ու մազլցիլ բարձրարեւծ սարերը : Եւ բոլորովին ուժամ-



ՍՈՂՈՄՈՆ, ՍԱՄՈՒԷԼ և ՅՈՎՍԷՓ
ԹԵՀԼԻՐԵԱՆ (հօրեղբորդիներ)



ՍՈՂՈՄՈՆ ԹԷՀԼԻՐԵԱՆ
1921ի վերջին

ARAM webaram.com

դաս՝ կանգ առաւ անտառապատ մի սարի լանջին: Սա-
նահնի կամուրջն էր: Փարթամ բնութիւնը նոր էր արթ-
նանում յօրանջելով:

— «Ղօ՛...» լսուեց օդի մէջ. կարծես օդը բաղկա-
ցած էր անտեսանելի բշտիկներից ու լսում էր նրանց
ճաթառոցը:

— «Ո՛ւ... հո՛ւ...», սուլում էր զնայքը:

— «Ղօ՛... օ՛...», արձագանդում էր կիրճի մէջ՝
խեղդուած դետը:

Անդունդից կախուած՝ զնայքը շարժւում է ու ող-
նու պէս կծկուած, դողահար մաղկցում կամուրջը:
Ստորեւ նշմարւում են թղաչափի գեղջուկներ: Ապա,
յանկարծ, ստքերի տակ հող զգալով՝ զնայքը նորից
սկսում է վազիվել՝ սարերը իր հետ քաշելով տանելու
խենթութեամբ: Ճեղքելով թաւշանման մարգագետին-
ներ, անվերջ սահում են վար: Չորերի մէջ անտառը
զգեստաւորուած է: Վերերում ծառերը դեռ սպասում
են իրենց դարդարանքներին: Գնայքը զանդապում է.

— Ղարաքիլիսէ՛, գոչում են ներսից:

— Ուռոս՛, թնդում է բաղմութիւնը կայարանի
մայթի վրայ:

Փոքրիկներ ծաղկեփունջերով, գեղջուկներ դիւղա-
մթերքներով, դարաչուխալունների մի ամբօխ, որ ջրը-
ւում է, շմորած աչքերով դէս ու դէն նայում, տրա-
հարայ-հրոցով խմբւում մի այլ տեղ ու գտում.

— Ուռոս՛... ա՛... .

Այստեղից օձապատյտ ուղիներով անցնում ենք
լերկ սարեր, որոնց լանջերին կայծկլտում է արեւը:
Ապա մտնում ենք մի տարածուն ձոր, որից կարծես ելք
չկայ: Ճամբուն ընկած սարի լանջին նշմարում եմ մի
սեւ կէտ, որ խոչորանում ու խողովակաձեւ բացւում
է: Յանկարծ, անասելի զղրդոցով մեզ համակում է
խաւարը: Ջաջուռի ներքնուղին է: - Վեց եօթը վաչր-

կեանք թուում է յաւիտենականութեան չափ երկար : Սաբա խաւարը սկսում է աղջամուղջի սկսնս նօսրանալ սե նօրից դուրս ենք բնկնում լոյս աշխարհ : Հեռուն նրչմարում է Ալեքսանդրապոլի սպիտականերկ կայարանը : Այստեղ դաուլ - տիտիւկի նուազի տակ, մայթին ազարում են կինտոյատիպ մարդիկ . . .

Ապրիլին Սարմատա էինք : Աւելի մեծ էր այդ օրերին խանդավառութիւնը պարսկահաշայերի մէջ : Ձեռքից ձեռք էին խլում կամաւորներին՝ իրենց մօտ հիւրընկալելու համար : Մի քանի օր յետոյ մեզ ուղարկեցին Վարդանլու գիւղը՝ լրացնելու Անդրանիկի գնդի Սեպուհի վաչարը : Յետէ պատերով, եղէգնածածուկ կաւորներով անհրապոյր հիւղակներ, նեղ, ծուռ ու մուռ, փոշոտ փողոցներ, աղբակոյտեր, որոնց վրայ ճախրող խոշոր հանձերը կարծես թաւջութակով նուազահանգէս էին տալիս :

Վաչար բազկացած էր 250 զինուորներից, որոնց մէջ կային մեր երկրի բոլոր վաչրերից մարդիկ : Նոր էր վերջացել Դիլմանի ճակատամարտը, եւ Վարդանլու եղած զինուորների գրոյցները դառնում էին նրա շուրջ : Նրանց մէջ ունէի երկու հայրենակիցներ՝ Գէորգ Յովհաննէսեանը, որ դեռ Քեմալում յայտնի էր իրրեւ բանիմաց յեխափոխական գործիչ եւ աւելի երիտասարդ՝ Քերովրէ Երէցեանը : Ձինավարթութիւնից ազատ ժամանակս անցրնում էի նրանց հետ : Քերովրէն քաջ ու յանդուգն զինուորի համբաւ ունէր, բայց կռիւների մասին պատմելու ժամանակ բնկնում էր աճյնպիսի չափազանցութիւնների մէջ, որ Գէորգ յաճախ ստիպուած էր լինում նրա «փէշը քաշելու» :

Պարսկական ճակատում նախկին յեղափոխական շեզէոնի մնացորդներից, Անդրանիկից դատ, կային Սեպուհի, Կիւմիւշխանցի Աւօն, Սմբատը : Անդրանիկը կենդրոնական դէմք էր, իրրեւ կամաւորական Ա. գնդի

հրամանատար : Վերջին երկուսը գեռ պահել էին յանդրգնութեան , համեստութեան եւ անձնագոհութեան հին բարոյական արժէքները : Գրանցից ճանաչում էի միայն Աւոյին . կինը երգնկացի էր , որդին՝ Նշանը՝ դասընկերս , իսկ իրեն տեսել էի եօթը տարի առաջ , երբ յեղափոխութեան մեղրամիսին Մուրատի հետ եկել էր Երզնկա :

Մայիսի 2ին մեր վաշար շարժուեց դէպի Արատու , ուր քաշուել էր մի շարաթ առաջ Գիլմանի կուռմ պարտուած Սալիլ վաշայի գորամասը : Մեզ ընկերանում էր կողակների մի ջոկատ , 400 հոգուց բաղկացած : Երբ հասանք Սոուկ Բուլակի գաղաթը , պարզուեց , որ թշնամին պատրաստուած է ընդունելու կսիւր Արատլի վրայ : Այս աշն լեռն է , որ Սանասորի արշաւանքի ժամանակ դարձաւ հայ սաղմիկների շուկէտը դէպի Մազրիկ քրդական վրանները :

Կողակների մի հարիւրեակ եւ Աւոյի ձիաւորները հրաման ստացան առաջանալու դէպի լեռը : Ապա զքնազան կողմերից սկսեցինք մագլցել նաեւ մենք : Կոխը գնալով տաքացաւ : Վերից վար կարկուտի պէս տեղում էին գնդակներ ու սրստում երկու կողմի թնդանօթները : Արդէն հասել էինք լեռան բարձունքներից վար նստած մի բլրի գաղաթը , երբ յանկարծ ստքերիս տակ գետին ընկան հեծեալ կամաւորներից ողմեցի Սիմոնը : Թո՛հ ու բո՛հի մէջ հաղիւ մէկ քայլ փոխեցի ու ընկայ նաեւ ես : « Հէյ վա՛րս , դեռ ոչ մի գործ չտեսած զարնրեցի » , անցաւ դիտովս , ու թուլութիւն եկաւ վրաս : Մէկը կոնակն առաւ ողմեցի Սիմոնին , վար տարաւ :

— Տօ՛չեղնես մի՞ , գոչեց մի հսկայ : Ես վեր ցատկեցի , շօշափեցի ինձ . ոչինչ չէր պատահել : Ամօթի զղացումը ինձ այնպէս մտրակեց , որ բուն կատաղութեամբ խոյացայ առաջաւոր դիրքը :

— Ուռա՛ , հնչեց թիկունքից : Վաշաի մէջ ողմեցի

Միմոնի անկումը կատաղեցրել էր բոլորին : Բառիս բուն
տառումով հրաշքներ գործեցին կամաւորները մի քանի
անգամ թուապէս գերազանց թշնամու դէմ : Իրիկուան
թուրքերը լքեցին Արաուլի բարձունքները եւ սկսեցին
նահանջել դէպի Բելերի : Մութի հետ կռիւը գնալով
թուլացաւ ու մարեց : Կարգադրուած էր դիրքեր բռնել ,
աչալուրջ հսկել թշնամուն , սպասելով լուսարացին :
Հեռուները , դաշտի մէջ աստղազարդ խաւարը ճեղքում
էին կանթեղների պէս ցրիւ եկած կրակներ , կայուն վի-
ճակը մատնում էր խարոյկներ , որ վառել էր թշնամին :
Սաստիկ ցուրտ էր . կրակ էինք վառել նաեւ մենք : Կէս
դիշերը անց՝ մեր խմբի պահակութեան հերթը հասաւ
ինձ : Կրակներից բաւական հեռու մի տեղ կանգնած՝
անքթիթ նայում էի դիմացս : Լերան վրայ ցուրտը սպա-
նիչ էր : Չէր կարելի ծխել : Անսովոր գործը , օրուան
տպաւորութիւնները այնպէս էին ջլատել ինձ , որ կանդ-
նած տեղս կարծես քնած էի : Ճիգ էի գործադրում աչ-
քերս քաց պահելու , լաւ նայելու չորս կողմս , բայց
ի դո՛ւր . կոպերս անջիղ մտակոյտերի պէս իջնում էին
աչքերիս : Անց ու դարձ անելը հակառակ էր տրուած
հրահանգներին , իսկ միեւնոյն տեղը հոյի պէս դառնա-
լը ձանձրալի : Մուշտակիս մէջ կծկտած՝ նստեցի մի
քարի տակ , որ պաշտպանում էր դիմացից փչող ցրտա-
շունչ հովից : Երկինքը աստղազարդ խորութեամբ հըս-
կում էր լեռը : Աչք ու ախանջ չորս արած , լարուած ու-
շաղրութեամբ դիտում էի դաշտի կանթեղաձեւ կրակ-
ները : Բայց եւ քնի պահանջը գնալով սաստկանում էր :
Հինգ վայրկեան միայն եթէ քնէի , կարող կը լինէի
հինգ ժամ հսկել :

— «Դո՛ւ , որին յանձնուած է խմբի ապահովու-
թիւնը» , մտածում եմ ես եւ ընդոստ վեր կենում .
«պէտք է վարժուիլ . թուլութիւնը համազօր է դաւա-
ճանութեան . պէտք է բարեխղճօրէն կատարել ստանձ-

Նա՞ծ պարտականութիւնս, միայն այդ ձեւով կարող եմ
աւանալ տասնապետ, յետոյ յիսնապետ, վերջապէս
խմբապետ» . . .

Հետուներից անցաւ մի մոլորած գնդակ՝ չարագու-
ժօրէն սուլելով: Սարսուռը ցնցեց հողիս. նստեցի:
«Հայր մեր, որ յերկինս ես», մրմնջացի: Ու կրկին
տիրեց լուսթիւն: «Եւ ինչո՞ւ միայն խմբապետ», մտա-
ծում եմ ես, «ո՞վ դիտէ ինչ փայլուն ապաղայ է սպա-
սում ինձ. ինչո՞ւ չեմ կարող բարձրանալ ամենամեծ
աստիճանների, ի՞նչ էին նախապէս Լորիս - Մելիքովը -
Մատաթովը» . . .

Ու ինձ թւում է, որ դօրաւարի փայլուն հագուստ-
ներով դանւում եմ Թիֆլիսում: Աղեքսանդրեան այգու
դիմաց մի բարձր շէնք վերից վար յատկացուած է ինձ:
Տան դիմաց կանդնած է պահակ: Երկրորդ յարկում
տիրում է արտակարգ եռուղեռ, այդտեղ եմ ընդունում
ես զանազան դորձերով եկած աղերսարկուններին: Այս-
տեղ մուտքի մօտ կանդնած է ոսկեթել հագուստներով
դռնապանը: Միջանցքում խմբուած են մարդիկ. նրա-
տածները ընդոստ վեր են կենում ու բարեւում ինձ:
Յաջորդ սենեակում նստած են պաշտօնեաներ, նրանք
եւս վեր են կենում ու ցցուած մնում: Ապա իմ առջեւ
բացւում է ընդունելութեան ընդարձակ դահլիճը, ուր
կան դորձավարներ, օղնականներ: Դահլիճին յաջոր-
դում է թաւշապատ մի սենեակ, որտեղ նստած է անձ-
նական քարտուղարս՝ Անահիտը: Վերջապէս, բացւում
է առանձնասենեակս: Ես թաղում եմ բազկաթոռի մէջ
ու քիչ սպասելով՝ դրասեղանից վերցնում եմ արծաթէ
ժողովիկ դանդակը ու դանդաճարում: Ներս է մտնում
Անահիտը ու կանգ առնում շեմքին:

— «Սկսեցէք ընդունիլ», ասում եմ ես ու սիկարո
վառում:

— «Այստեղ կայ մի աղջիկ, որ, իբր թէ, ճանաչում է ձեզ Բուլկարիայից, ուզում է ձեզ տեսնել»:

— «Ա՛խ, այն փարթամ մազերով աղջիկը», ասում էմ յանկարծ, յիշելով Ղազար աղայի աղջկան:

— «Ո՛չ, մազերը կեղծ են, ես տեսայ, բացառաւորում է Անահիտը»:

— «Միեւնոյնն է, թող դայ»:

— «Ուրեմն, դուք ուզո՞ւմ էք այդ աղջկան տեսնել», ասում է տհաճութեամբ Անահիտը:

Ես դարձացած թօթւում էմ ուսերս ու նայում: Այն ժամանակ նա դուրս է դալիս առանձնասենեակից ու վայրկեան չանցած ներս մտնում մի պառաւ կնոջ հետ, որ հազիւ է շարժւում մինչեւ դրասեղանս՝ դողդոջուն ձեռքին մի թուղթ բռնած. նա դարձնում է դէպի ինձ թօչնած սերկելիլի պէս դեղնած դէմքը եւ շրթունքները շարժում կաղամբ ուտող նապաստակի պէս: Նայում էմ Անահիտին.

— «Սա աղջկան մայրն է», ասում է նա չքմեղանքով:

— «Ի՞նչ է ուզում», հարցնում էմ ես:

— «Ուզում է, որ տղան զինուորութիւնից ազատէք, այսինքն՝ բաց թողնէք», ասում է Անահիտը ու պառաւի ձեռքից առնելով թուղթը՝ դնում առջեւս:

«Բաց թողնել», դրում էմ ես թղթի վրայ ու զիկզակաձեւ ստորագրում... վզզ՛զ... նորից սուլում է մի դնդակ ու նուաղելով մարում: Յիսո՛ւս Քրիստոս, մրմնջում էմ ես ու զսպանակից նետուածի պէս վեր թռչում: Ո՛չ, բան չկայ: Իսկ եթէ, յանկարծ, դնդակ ստանամ ու ողնեցի Սիմոնի պէս դետին փռուիմ... մտածում էմ ես ու նորից նստում...

Յիշելով ցերեկուայ ընկնելս ու «մեռնելս»՝ սիրտս լեցւում է դոհունակութեամբ, որ մեռան ուրիշները, իսկ ես ողջ մնացի: Դէպքը, ի հարկէ, շատ էլ հաճելի

բան չէր : Բայց թո՛ւ ու բո՛հի մէջ ամէն մարդ կարող է սայթաքել եւ ընկնել : Միայն կարծեմ քիչ երկար տեւեց իմ երեւակայական մահը, ու մէկը գոչեց . «Տօ՛ր ի՞նչ ես երկարել, չեղնե՞ս մի՞» . . .

Ոչի՛նչ, մի օր երեւի պատերազմը կը վերջանայ, կը վերադառնամ հայրենիք ու մօրս, եղբորս, հարսներիս, հարեւաններին կը պատմեմ բոլորը, սկզբից մինչեւ վերջ : Յանկարծ յիշեցի Ալաշկերտից նոր փախած Աշոտի սարսափելի պատմութիւնները ու սարսուռը ցնցեց ինձ . . . «Այր, կին, ծեր, երեխայ կոտորւում են անխնայ», ասում էր նա : Հասցա՛ եթէ ջարդերը հասել են մինչեւ Երզնկա : Մէկը շարժւում էր իմ կողմը, գոզը բռնեց ինձ :

— Ո՞վ է, գոչեցի, բայց ձայնս պահանջուած խրոխտութեամբ դուրս չելաւ . . .

Պոլսեցի Լեւոնն էր . եկել էր ինձ փոխարինելու : Ատղերը դալկանում էին : Քարանձաւի մէջ կրակը ընդունել էր պղնձէ գոյն : Գէորգը պատմում է Խանասորի արշաւանքի մասին : Լսածներս ցնդում են ու գլխիս մէջ միայն մնում են անունները՝ Սաքօ, Խէչօ, Կարօ, Բիձա, Դուման, Սարգիս, Վարդան, դարալուսեացցի Տէր Գրիգոր . . .

— Աղբակի բոլոր կոտորածների վրէժն էր ու միաժամանակ յեղափոխական դատ ու դատաւտան, պատմում է Գէորգը . . .

Մնկաչօք, նստած, կրակի շուրջ երկարած՝ լսում են նրան :

— Առաջին զօրասիւնը բաղկացած էր երկու հարիւր յիսուն կուուողներից, մութ էր, երբ նրանք այս տեղից շարժուեցին դէպի վար, դէպի Շարաֆ պէկի . երկու հարիւր յիսուն վրանները, ահա այնտեղ, դաշտի մէջ, մէկ փարսախ հեռու, հարիւրները երկարելով՝ պատմում է ցրտահար Գէորգը : Բոլորովին մօտեցիք

էին, երբ կիսախաւարի մէջ քիւրա պահակը ճայն տուեց .

— Լօ՛, լօ՛ հուն չի՞ մարիփն . . .

Ու հրացանները սրտապին : Մնացած երեք հազար եօթ հարիւր յիսուն կառուողները օղակեցին դաշար հեռեկալ ուղղութիւններով .

Ու ասածներից մնում են գլխիս մէջ դարձեալ միայն անուններ՝ Սիփան, Արաօս, Վարապ, Առնոս, Կորգուայ լեռներ, Սուրբ Բարթուղիմէոս . . .

Փայտացած մասների արանքներից պղնձապոյն կրակի բոցերը բնկնում են խմբի տղաներից սրա կամ նրա դէմքին ու փափախների տակ ծամածուռ ստուերներ գծում : Ու մտածում են, թէ ո՞վ պիտի սղջ մնայ եւ ո՞վ պիտի մեռնի . . .

* * *

Լոյսը չբացուած պարզուեց, որ թշնամին նահանջել է : Մենք անարգել իջանք Խանասորի դաշար եւ քահակ գրինք Սուրբ Բարթուղիմէոս վանքի մօտ : Այստեղ մեր առջեւ պարզուեց ջարդերի առաջին պատկերը, որու մասին խօսուում էր, երբ Թիֆլիս էի : Նահանջող թշնամին սրի էր քաշել Հարխան գիւղի բնակիչներին : Կին, երեխայ, ծեր, պառաւ կողք-կողքի, դատ դատ, խորտակուած դոնների մօտ, հիւղակներում, պատերի տակ, դամերում, կաուրներին, ծառերի ներքեւ, ամէն տեղ բնկած էին ծուռ ու մուռ գիրքերում, ցաւը վրան պաղած դէմքերով : Ճամբից դուրս, փլատակների մօտ բնկած էին շուրջ քսան աղջիկների զիակներ՝ բզկատուած հազուսաններով, սարսափից ապակիացած, կապոյտին յառած աչքերով . . .

Մայիսի 4ին մեր վաշար մեկնեց գէպի Չուխակետուկ : Խմբապետ Աւօն իր ձիաւորներով մեկնել էր առաջ : Միշտ մի հմայք կար այս համր ու քաջարի մար-

դու մէջ, կռիւների ժամանակ նա ամէն տեղ էր, առաջին շարքերում, կռիւներից յետոյ մարդ չէր տեսնում նրան. քնած էր կամ մի տեղ մենակ նստած:

Երբ հասանք Չուխակետուկ, Աւոյի ձիաւորները արդէն գրաւել էին ուժեղ դիրքեր: Ծառ ծանր էր կռիւը. Հարիսան գիւղի նախճիրը թունդ էր հանել բոլորին: Բայց թշնամին էլ կատաղել էր, նահանջից գազազած թուրք բանակը այստեղ, ըստ երեւոյթին, որոշել էր վճռական ճակատամարտ մղել: Ըստ տեղեկութիւնների, թշնամին Վանից ստացել էր օգնական ուժեր եւ յաջողութեամբ դիմադրում էր, խլելով մեզնից զոհեր: Քիչ վերջը, երբ հասան մեր թնդանօթները, կացութիւնը փոխուեց: Երջապատը դղրդում էր երկու կողմի թնդանօթների որոտից, քսանից երեսուն հազար հրացան էր սլարպւում չորս կողմը, ծուխը, փոշին երբեմն պարուրում էին ամէն բան: Կէսօրից յետոյ թշնամու ձախ թելը թուլացաւ, բայց կենտրոնում յամառօրէն դիմադրում էր: Հետեակ, ձիաւոր խառնուել էին իրար, աջ, ձախ, վեր վար վզվզում էին մահաբեր գնդակներ:

Կամաւորները ընկնում, գլտորւում, վեր էին կենում ու վրէժ գոռալով խոյանում: Մարդկանց համակել էր ցասումը, գիտակցութիւնը մթազնել էր: Իրիկուան դէմ թշնամու ձախ թելը տեղի տուեց: Աւոյի ձիաւորները յայտնուեցին թշնամու թիկունքին, բայց հետեւակների շարժումը ուշացաւ, եւ Սալիլ փաշայի բանակի մնացորդները դարձեալ յաջողեցին ճողոպրել՝ ճանապարհին ջարդելով հայ անդէն ժողովուրդը:

Աւելորդ է ասել, որ մեզ հետ կռուող ռուս զօրքերը յետ չէին մնում կամաւորներից քաջութեամբ եւ շատ մեծ չափով գերազանցում էին իրենց կարգապահութեամբ եւ կռուելու հմտութեամբ: Բայց որքան կարողացայ դիտել Արաուլ եւ այստեղ, վճռական պահին կռուի բախտը որոշում էին կամաւորները:

Մայիսի 5ին սկսեցինք հետապնդել նահանջող թըշ-
նամուն: Մինչև իրիկուն հալածեցինք: Բայց Սալիէ
փաշան բռնեց Վանի ուղղութիւնը՝ ճանապարհին մահ
սփռելով ամէն տեղ: Նոյն օրը գրաւեցինք Պաշգալէն:
Թուրք բնակչութիւնը փախել էր, հայերը մինչև յիւր-
ջին մարդ բնաջնջուած էին: Յաջորդ երկու օրուայ մէջ
հետապնդումը շարունակուեց անընդհատ: Մտանք երեք
- չորս ամայի գիւղեր: Աւոյի ձիաւորները ազատեցին
քիւրաերի կողմից առեւանգուած մի քանի հայ աղջիկ-
ներ, որոնք ուղարկուեցին Սալմաստ: Այդ տեւական
առաջխաղացման ընթացքում շարժումը առաջնորդում
էին հայ ձիաւորները, նրանց յետեւից դնում էին մեր
վաշտերը. ապա գալիս էին հեծեալ կողակները, որոնց
յաջորդում էին ուս հետեւակները. այնուհետև հրե-
տանին ու դարձեալ ուս հետեւակազօրքեր. վերջա-
պէս՝ պաշարակիր դումարտակը:

Մայիսի 15ին դուրս ելանք Ռազանից եւ իրիկունը
ուշ հասանք Էօմէրզատէի լեռներին: Թեթեւ կռիւ ունե-
ցանք թշնամու յետսապահների հետ, բայց մութը վրայ
հասաւ, եւ կռիւը դադարեց: Այդ գիշեր շկարողացայ
աչք փակել. անհաշիւ տարակուսանքներ համակել էին
ինձ մեր ձեռնարկած գործի նպատակայարմարութեան
մասին. թշնամին նահանջելով կոտորում էր հայերին,
մենք գրաւում էինք լքուած, ամայի գիւղեր...

Աղջամուղջին իմ առջեւ պարզուեց արտասովոր մի
տեսարան. բացւում էր լոյսը. արեւելքը շառագունում
էր, ու կիսախաւարի անորոշութեան միջից իրար յե-
տեւից յայտնւում էին Էօմէրզատէի ոսկրազոյն ապա-
ռաժները, որոնք հեռուից նման էին կմախքների կոյ-
տերի: Օդի մէջ ինչ որ խուլ ճարճատիւն կար: Ապա-
ռաժների թիկունքից հորիզոնը բոցավառւում էր, կրա-
կի լճի պէս տարածւում: Սոռոշների միջից մաղլցում
էին ստուերներ ու երերալով չքանում:

Առաւօտեան հրաման ստացանք հետապնդումը շարունակել՝ աշխատելով ճակատելու մղել թշնամուն: Բայց թուրքերը շարունակեցին նահանջել ու մտան էօմէրզատէի տարածուն կիրճերը: Մենք արիւն-քրտինք ժտած հետապնդում էինք, բայց թշնամին այլևս կարելորութիւն չէր տալիս մեզ. նա անվրդով նահանջում էր դէպի Սղերդ, Բիթլիս՝ ճանապարհին մահ սփռելով իր շուրջը: Մայիսի 18ին, առաւօտեան, կարծես բոլորովին մօտեցել էինք թշնամուն ու պատրաստում էինք կռուելու: Բայց արեւը ծագելուն պէս պարզուեց, որ թշնամին նահանջել է եւ հետքն անգամ չէր երեւում:

Այժմ շղթայաձեւ առաջանում էինք Նորտուզի լեռի ու մոխրապոյն կածաններով: Յուզում ու ջարդոււած էինք, բայց աւելի ծանր էր հեծեալների վիճակը: Սար ու ձոր լեցուած էր սշխարի հօտերով, անսպաս հարստութիւններ թափուած էին ճանապարհին ամէն տեղ. թանկարժէք դորդեր, զանազան իրեր, մթերքներ եւ այլն:

Լեռներից իջանք Սիկունիս հայ գիւղը, քարայրների միջից յայտնուեցին մէկ-երկու խենթացած պառաւկանայք: Գիւղը բնաջնջուած էր: Թուրք զօրքերը անցել էին Տիգրիսը եւ ուղղուել դէպի Ճարճալան լեռները:

Ամսուայ վերջերը մտանք Վասպուրական եւ հասանք Վան, որ ապաստարուել էր շնորհիւ իր կորովի դիմադրութեան, զրսից հասած կամաւորական խմբերի օգնութեան, մանաւանդ իր անվհճեր առաջնորդ Սրամի ջանքերի: Սա միակ միխթարութիւնն էր համատարած թշուառութեան մէջ: Մեր վաշտը ժամանակաւորապէս ցրուեց այստեղ: Ռուս հրամանատարութիւնը յետաձգել էր գրեթէ պարզուած Բիթլիսը գրաւելու որոշումը, ինձ եւ կիւրինցի Սահակին հիւրընկալել էր տեղական ընկերներից Գրիգորը: Երկու օր շարունակ դիտում էինք փառաւոր դիմադրութեան աւել:

քահանայերը: Անգամ այդ կիսաւեր դրութեամբ հոյակապ էր Վանը: Ջիմզիմ Մազարայից մեր դէմը պարզուած Արնոսի, Արտասի, Գրգուռի անհուն լեռնաշղթաները փակուած էին հորիզոնը. վեհափառ Սիփանի ձիւները կորչուած էին ամպերի մէջ: Այդ բարձունքներից հոյր մեղմօրէն իջնում էր մինչեւ մեծ դաշտը, ուր նիրհում էր վճիտ Վանայ ծովակը: Ջինջ երկնակամարի տակ փայլիլում էր Վարադայ սարի փէշերին բացուող ընդարձակ հովիտը, ուր խաղում էին ստուերներն ու լոյսերը բազմերանդ գոյների մէջ եւ արեւի տակ փողփողում կանաչները, ոսկու ու մարջանի փայլով: Շամիրամի հնադարեան ամբութեան ժայռը պարուրում էր հովիտը, որ ապա եզերում էր կանաչների մէջ թաղուած Արտամէա գիւղին եւ Աւանց նաւահանգստին: Կոնիների ընթացքում, բուն քաղաքի վրայ թուրքերը թափել էին 16,000 թնդանօթային ումբեր:

Ջիմզիմ մազարայից իջնում ենք դէպի վար հայկական ամբութիւնների, խրամների գծերով, ուր անմահ հերոսներ պաշտպանել են քաղաքը: Վանի մէջ այդ օրերին երեւի կար ոչ նուազ քան 80 հազար բնակիչ, որովհետեւ տեղացիների վրայ մի այդքան էլ տեւյացել էր շրջանի գիւղերից քաղաք ապաստանածներից: Չնայած այդ խճողման, ընդհարումների գործածուելին, Վանը ապրում էր խանդավառութեան, վերաշինութեան աննախնթաց օրեր: Գիշերը մինչեւ լոյս լսում էինք Գրիգորի պատմութիւնները Վանի հերոսամարտի մասին, որ մեծ զօրավիգ էր մեր լքուած հողիների համար: Բայց երկար չտեւեց այդ: Յունիսի առաջին օրերին սկսեց ուս զօրքերի ընդհանուր նահանջը: Ստեղծուեց մի կացութիւն, որից ոչ ոք բան չէր հասկանում. նահանջում էր բոլոր ճակատների վրայ ջարդուած թշնամին. նահանջում էր նաեւ ուս յաղթական զօրքը, նահանջում էինք եւ մենք: Բայց մեր նահանջի

զծից այն կողմը թողնում էինք զազազած թշնամուն մի
անտէր ժողովուրդ, որից այլեւս մարդ չէր կարող
փրկուել...



Հ. Յ. Դ. ԿԱՐՆՈՅ ԸՆԴՀ. ԺՈՂՈՎԻՆ
Նստած՝ Ա. ՎՌԱՄԵԱՆ, Ռ. ՏԷՐ ՄԻՆԱՍԵԱՆ
Ոստի՝ Վ. ՄԻՆԱԿՈՐԵԱՆ, Ս. ՎՐԱՅԵԱՆ

Բ . ԳԼՈՒԽ

Մ Ե Մ Ե Ղ Ե Ռ Ն Ը

Յունիսեան նահանջի հետեւանքով Թուրքահայաստանից տեղահան եղած տարազիրները կլոր թուով կազմում էին 250,000 մարդ : Դրանցից պէտք է դուրս հանել շուրջ 20,000 մարդ, որոնք շարժուելով Բերկրիի շրջանից՝ անկարող եղան միանալ նահանջի ընդհանուր հոսանքին եւ ոչնչացան : Մնացածները շարժւում էին երեք ուղղութեամբ՝ Կարսի, Իգտիրի եւ Ջուլֆայի : Այդ տարազիրներից ուստական հող հասան 207,000 հոգի : Մնացածները փճացան ճանապարհին : Կովկաս հասնողների ստուարագոյն մասը կազմում էին կանայք եւ երեխաներ . հարիւրից հազիւ 10ը տղամարդ էր եւ այն էլ մեծ մասամբ ծերունիներ :

Գաղթականների ընդհանուր հոսանքը շարժւում էր Իգտիրի ուղղութեամբ, շուրջ 170,000 հոգի : Այս հոսանքի հետ էի եւ ես : Մեր յետեւից գալիս էին ուշ մնացածներ, աւելի հեռու վայրերից փախածներ, ու փոշու ամպերի մէջ կորած այդ շարքերի վերջը յայտնի չէր : Թրքական սահմանադրութիւններում կարգուած էին ձիաւորներ՝ փնտռելու ցրուած մանուկներին ու հիւանդներին : Այդ վայրերից մինչեւ Իգտիր, արտերում, դաշտերում, այգիներում, ընդարձակ տաքածութիւնների վրայ ցրուած էին գաղթականներ : Բուն Իգտիրի մէջ խճողուած էին 20,000 հոգի : Էջմիածնում կուտակուել էին 45,000 հոգի : Ազլաստան փնտռողների մի

խոշոր հոսանք շարժում էր դէպի Երևան՝ ճանապարհին մօրեխի պէս հնձելով օգտակար բոյսերը եւ որթատունկերի արմատները կրծելով : Սահմանադրութիւններում հսկող ձիաւորները առաջին երկու օրուայ մէջ հաւաքեցին մօտ 500 լքուած կամ կորսուած երեխաներ : Նոյն օրերին էջմիածնի մէջ թաղեցին 103 դաղթականներ , իսկ յաջորդ օրը՝ 80 :

Յանկարծական նահանջը անհնար էր դարձրել կանխապատրաստութիւն տեսնել նման մի բազմութիւն ընդունելու համար : Տեղ չկար , բաւարար քանակութեամբ հաց , տաք սնունդ , բժշկական օգնութիւն չկար , այնինչ դաղթականների մեծ մասը հիւանդ էր :

Երևանի եւ էջմիածնի մէջ եղած հիւանդանոցները հողիւ կարողացան ներս առնել 1500 մարդ : էջմիածնում հիւանդների մեծ մասը տարածուած էր ներսիսկան լճակի շորս կողմը , ծառերի եւ վանքի պատերի տակ : Շատ մեծ էր մանաւանդ հիւանդ մանուկների թիւը : էջմիածնի ձեւարանում խոնուած էին 3500 մանուկներ , որոնց ծնողները չկային : Երբորդ օրուայ իրիկունը Մեծ սրահի մէջ եւ հաշուեցի 110 մանուկներ , որոնք պառկած էին տախտակամածին , գրեթէ մերկ . ոմանք քնել էին , բայց մեծ մասը լալիս էր :

Օգնութեան գործը խիստ դժուարանում էր կազմակերպութեան բացակայութեան պատճառով : Պատահական մէկը դառնում էր «կարգադրիչ» , ամէն մարդ հնազանդութեամբ ենթարկւում էր նրան , մինչեւ որ յայտնւում էր մի ուրիշը : Ես ինքս ինձ նշանակել էի որբերի եւ մանուկների ինամակալ եւ գրադւում էի այդ գործով : Բայց երկար այդպէս չտեսեց , բազմութիւնները սկսեցին նօսրանալ , եկան Թիֆլիսի , Մոսկուայի ազգային կոմիտէները . Քաղաքների Միութեան օգնութեան մարմինները իրենց բազմաթիւ մասնաճիւղերով :

Վերջինի մասնաճիւղը Երևանում ինձ տուեց «որբեր հաւաքող»ի պաշտօն, որ արդէն փաստօրէն կատարած էի: Այդ գործը կարծուածին չափ պարզ չէր, անհրաժեշտ էր նախապէս ստուգել, թէ տուեալ երեխան արդեօք չունի՞ ազգական, որի մօտ կարող է ժամանակաւորապէս մնալ, մինչեւ նոր որբանոցներ հաստատուելու եղածներին էլ քիչ շատ կարգի բերելը: Կար եւ ուրիշ դժուարութիւն, հաւաքուած որբերից խելահասները, մէկ երկու օր անցած, փախչում էին այսպէս կոչուած որբանոցներից՝ նախամեծար համարելով մուրացկանութիւնը: Այդպիսիներին կարելի էր բռնել միայն լուսարացին, խանութների դռների տակ, ծառերի քների ներքեւ, խուլ փողոցների անկիւններում, կամ քանդուած շէնքերի փլատակներում քնած վիճակի մէջ, որովհետեւ արթնանալուն պէս ձեռք չէին բնկնում: Սակայն, որքան բարեխաւուեցին որբանոցների պայմանները, այնքան փախտականների թիւը նուազեց: Բայց, դրա փոխարէն, հանդէս եկաւ նոր դժուարութիւն, օրէց օր յայտնուում էին «կեղծ» որբեր. անծայր թշուառութեան ենթակայ տարազիր ծնողները, անկարող՝ դաւակների գոյութիւնը ապահովելու, բերում էին քաղաք երեխաներին ամենահեռուոր գիւղերից եւ, թողնելով փողոցում, հարազատ դաւակներից փախչում էին դէպի գիւղ: Այս «կեղծ» որբերը մեծ մասամբ տեղաւորում էին հայ բնտանիքներում, որոնց եւ յայտնուում էր ծնողների անուանները, եթէ կարելի էր լինում հասկանալ:

Որբերի մէջ ամենից անհանդիստ տարրը գաղթից առաջ որբացածներն էին: Սրանք, քիչ բացառութեամբ, բաղկացած էին մանչերից, 8 — 12, հազուադէպօրէն մինչեւ 14 տարեկան: Ջարդերի բնթացքում նրանք փախել էին քիւրակերի մօտից ու վերադարձել իրենց լըքուած գիւղերը՝ իրենց գոյութիւնը քաշքշելով այնտեղ,

մինչև քնդհանուր նահանջը, ապա, միանալով առաջ անցած այս կամ այն կամաւորական խումբին, գաղթել էին: Տասնըչորս տարեկան մի որր յաջողել էր քիւրտերի մօտից ոչ միայն փախցնել իր հինգ տարեկան քրոջ, այլ և շալակած հասցնել նրա մինչև Կովկաս: Յանդուզն, բանիմաց, տոկուն էին սրանք: Չէին սիրում խօսիլ ծնողների մասին եղած հարցումներին պատասխանում էին մէկ և միեւնոյն բառով՝ «սպանուած են»:

Չէր երեւում, որ նրանք ցաւ են պղում այդ առթիւ: Միայն մէկը ասաց, որ թոնրի մէջ պահուած էին և այնտեղ էլ այրեցին, ու լաց եղաւ: Գրեթէ բոլորն էլ ունէին իրենց «ողիսական»ը: Մնացած որրերի մէջ աւելի դիւրահաղորդ էին աղջիկները, քան մանչերը: Սակայն, առաջինները աւելի դիւրութեամբ էին ընտելանում տղամարդկանց, քան որրախնամ կանանց հետ: Ըստ երեւոյթին, յանձին օտարի դիջում էին հօր, հօրեղբոր, եղբոր, բայց ոչ երբեք մօր տեղը:

Արո՞նք էին Յունիս 2ի նահանջի ռազմապիտական հիմքերը և ի՞նչ յարաբերութեան մէջ էին այդ նահանջի հետ Թուրքիայ մէջ ծայր տուած ահաւոր ջարդերը, ևս չգիտեմ: Բայց գէպքերը զարդացան այսպէս՝ նահանջից անմիջապէս յետոյ տեղահանուեցին Բիթլիսի, Մուշի և Սասունի շուրջ 150,000 հայերը, Յունիսի 7ին տեղահան եղան Երզնկայի 20,000 հայերը, Յունիսի 16ին՝ Էրզրումի 18,000 հայերը, Յունիսի 28ին՝ Տրապիզոնի 14,000 հայերը, 29ին Բարերդի, Սվազի, Պարբերդի հայերը և ամսուան վերջերին Սվազ - Պարբերդ գծով արդէն գնում էր գէպի գերեզման շուրջ կէս միլիոն ժողովուրդ...

Երեւանի հայութիւնը սուգի մէջ էր: Նահանջը տակնուվրայ էր արել հայ կեանքը ու ամէն տեղ ջղային մթնոլորտ ստեղծել: Վիճի պէս մի անջրպետ էր

բացուել հայ ժողովուրդի եւ երէկուան «բարեկամ»
ուսու կառավարութեան միջեւ: Մարդ չկար, որ նա-
հանջի մէջ շար դիտաւորութիւն շտեմնէր: Դատողու-
թիւնների հիմքն էր «Հայաստանը՝ առանց հայերի»
հնաւանդ թեզը: Ամէն տեղ խօսուում էր ջարդերի մա-
սին: Թիֆլիսի հայ թերթերը, որ մինչեւ այդ դրադած
էին Վանի դէպքերով, նահանջով, Պոլսոյ հայ մտաւո-
րականութեան աքսորով, մասնակի կոտորածների լու-
րերով, այժմ հնչեցնում էին ահադանդը համայն արեւ-
մտահայ ժողովուրդի ոչնչացման: Թուրքիայի ամենա-
հեռաւոր անկիւններից դեռ հասնում էին հատ ու կէստ
փախստականներ, որոնց ահաւոր պատմութիւնների
մէջ վայրագութեանց, ջարդի եւ մահուան տեսարաննե-
րը յաջորդում էին իրար...

Կոնտ թաղամասի որբանոցից քիչ վար ապրում էր
Համազասպ Բարազամեանը, տիվրիկցի մի համեստ
երիտասարդ, որ նախապէս վարում էր կազմակերպ-
չական աշխատանքներ կամաւորների շարքերում, իսկ
նահանջից յետոյ մեկնեց Թիֆլիս: Այժմ նա վերադար-
ձել էր Երեւան «Հորիզոն»ի թղթակցի հանդամանքով
եւ օրն ի բուն դառնում էր նորեկ տարադիրների մէջ,
դէպքերի մասին տեղեկութիւններ հաւաքում:

Տարադիրների մէջ հանրածանօթ դէմք էր, իրրեւ
«թղթակցի Համօ», եւ ամէն մի նոր փախստական
առաջին առիթով լինում էր նրա մօտ: Նրա մօտ էի
անցրնում եւ ես բոլոր ազատ ժամանակս, Երզնկայից
տեղահանուածների մասին մի բան իմանալու ակնկա-
լութեամբ: Բայց ամէն կողմից տեղեկութիւններ կա-
յին, բացի Երզնկայից: Թէեւ հարադատներիս բախտը
տարակոյս չէր վերցնում, բայց անյայտութիւնը հիւ-
ժախտի պէս մաշում էր ինձ եւ հիւանդագին դրութեան
մատնում: Օգոստոսի սկզբներին Համոյի մօտ տեսայ
Տրապիզոնից նոր փախած մի մանկահասակ կին, որ

միալար պատմում էր, թէ ի՛նչպէս ծովամսյն արին քաղաքում ձերբակալուած շուրջ 500 հայ մտաւորականներին, որոնց, իբր թէ, աքսորում էին Մամսոն: Այնքան սրտաճմլիկ էին կնոջ նկարագրութիւնները, որ խիստ դժուար էր լսել: Համոն, քննիչի անտարբերութեամբ, նոթագրում էր առջևը գրուած երկարաւուն թղթերի վրայ՝ նոր հարցումներ ուղղելով կնոջ: Երբ կինը սկսեց նկարագրել Ճեւիզլիկի ջարդը, ինքս ինձ բռնադատում էի լսելու.

— Նախապէս այրերը բաժնեցին կիներէն եւ դաւակններէն, — պատմում էր նա, — ապա սուրի հարուածով, դանակի հարուածով, հրացանի սուխններով, անդթութեան հազար նրբութիւններով կը սպաննէին դանոնք: Սոսկումի աղաղակները գաշտը կը լեցնէին: Հողը, խոտը արիւնով թաթաւուած էր: Տղաքը, գարհուրանքէն խոշորցած աչքերով, երկար կականներ կ'արձակէին: Կիները բազուկնին կ'երկնցնէին, կ'ապերսէին, կը նուազէին. ամէն կողմ տարածուած էր արիւնի տաք հոտը...

Յանկարծ, ինձ թուաց, թէ տեսնում եմ այդ ամէնը, լսում աղիտղորմ ճիշեր, սարսափի ու ցաւի աղաղակներ, բուռն աղերսներ, խելագարութեան ու հողեվարքի դոշխուններ. տեսնում դիակները ճիշդ այնպէս՝ ինչպէս նրանք տարածուած էին Հարխան գիւղում. զգում արեան տաք հոտը: Մղձաւանջով համակուած ոտքի ելայ, որ դնամ ու այլեւս ոչինչ չլսեմ, բայց գլուխս դարձաւ, եւ ընկայ...

Երբ ուշքի եկայ, կինը չկար: Համոն թեւանցուկ առաջնորդեց ինձ սենեակս: Գիշերը չկարողացայ աչք փակել. բաւական էր, որ քիչ շատ թմբութեան մէջ ընկնէի, եւ ինձ պատկերանում էին զանազան սարսափելի տեսարաններ, իբր թէ մայրս Սիկունիս գիւղի քարանձաւին մէջ է. իբր թէ մեր բոլոր երեխաները

Թոնրի շուրջ ընդհանուրապես միաբերան ճշում են, իբր թէ
եղբայրս ջախջախուած գլխով ընկած է պարտէզում...
Ու ամէն անգամ, երբ ի վիճակի էի լինում դատելու,
աչքիս առջեւ պատկերանում էր Թալէաթի փքուն, ինք-
նազոճ գէմքը, որի պատկերը առաջին անգամ տեսայ
Վանում: Բռնել, վզից թոկ կապել, շան պէս քաշքշել
մինչեւ իր կողմակերպած սպանդանոցների վերջին
կայանը եւ մահամերձ դռների առջեւ արիւնաքամ ը-
նում: Բայց այդ օրուանից ժառանգեցի գլխապառայի
եւ ուշագնացութեան մի հիւանդութիւն, որ մէջ ընդ
մէջ հարուածում էր ինձ:

Սեպտեմբերի կէսերին Թիֆլիսի հայկական թեր-
թերից մէկում կարդացի Խարրերդի ամերիկեան ներ-
կայացուցչի Յուլիս 11 թուակիր պաշտօնական տեղե-
կագրի թարգմանութիւնը, որի մէջ ասուած էր.

«Յուլիսի առաջին օրերին, ցնցոտիներէ մէջ, սո-
վալլուկ, հիւանդ, Կարինից, Երզնկայից Խարրերդ հա-
սան առաջին կարաւանները: Նրանք երկու ամիս անցել
էին ճանապարհներին գրեթէ առանց սնունդի եւ ջրի:
Մայրերը յօժարակամ տալիս էին իրենց դուակները
ընդ որ նրանց, որոնք ուզում էին առնել: Հարուստ
թուրքեր բժիշկների քննութեան են ենթարկում երի-
տասարդ աղջիկներին եւ ամենից գեղեցիկներին առնե-
լով՝ քաշում են իրենց հարեմների համար: Այդ դրժ-
րախտների պատմածների համաձայն, մեծ մասը բռնի
կորզուած կամ սպանուած են քիւրտերի կողմից, որոնք
տեւական յարձակումներ են գործում կարաւանների
վրայ:

Շատերն էլ մեռել են ճանապարհին անօթութիւնից
եւ ուժասպառութիւնից: Երկու օր յետոյ, նոր կարա-
ւաններ հասան: Տարագիրների մէջ երեք քոյրեր կա-

յին, որոնք անգլերէն գիտէին: Իրենց ընտանիքի 25
 անդամներէից տասնըմէկը արդէն սպանուած էին ճանա-
 պարհին, ողջ մնացած արական սեռի տարէցը ութ տա-
 րեկան էր: Իրենց տեղերից մեկնելու ժամանակ, տա-
 քադիրները ունէին ձիեր, դրամ, կապոցներ, բայց ճա-
 նապարհին ամէն բան կողոպտուել է, նոյն իսկ իրենց
 հազուսաները, եւ այլիկներից մէկը բոլորովին մերկ
 էր: Սարբերդի մէջ տարադրութեան կարգադրութիւն-
 ները սկսուեցին հազարաւոր այր մարդկանց ձերբակա-
 լութիւններով: Գիշերը նրանց տարին մօտակայ լեռնե-
 րը, եւ այլևս ոչ ոք չվերադարձաւ: Նրանց մէջ էին հա-
 յոց առաջնորդը, ամերիկեան գոլէճի ուսուցիչները եւ
 քաղաքի ծանօթ գէմքերը: Ինչպէս նաեւ բոլոր հայ զին-
 ուորներն ու բոլոր նրանք, որոնք զինուորական տարի-
 քի մէջ բէտել էին վճարել: Յունիսի 5ին ձերբակալուե-
 ցին եւս ութ հարիւր այրեր: Հետեւեալ օրը նրանց տա-
 րին լեռների անապատային մասը, այնտեղ տասնըչորս
 հոգինոց խմբերով իրարու կապեցին-որովհետեւ իրենց
 ունեցած սպարաններով տասնըչորս մարդուց աւելի կա-
 րելի չէր կապել — եւ հրացանի բռնեցին: Մերձակայ
 գիւղի մէջ հայերի ուրիշ խմբեր արդելափակուեցին:
 Երեք օր առանց ուտելիքի եւ ջրի պահելուց յետոյ,
 նրանց մօտակայ ժայռերի առաջ կանգնեցրին եւ հրա-
 ցանադարկ արին. որոնց վրայ որ դեռ շունչ կար՝
 սուիններով ու դանակներով սպանեցին: Յունիսի տաս-
 նին հազարաւոր հայերի նոր ջարդեր եղան քաղաքից
 երկու ժամ հեռու: Նոյն սպանութիւնները շրջակայ
 բոլոր գիւղերի մէջ»...

Նոյեմբերի վերջերին Թիֆլիս հասաւ Սվազցի Մու-
 րատը, որ, տասն ամիս շարունակ կռիւններ մղելով լեռ-
 ներում, 13 ընկերներով Սվազից հասել էր Սամսոն եւ՝
 քոնադրաւելով մի առապատանաւ յաջողել էր ցամաք

իջնել Բաթումում : «Հորիզոն»ում տպագրուած էր այդ առասպելական փախուստի պատմութիւնը «Մուրատի ողիտականը» խորագրով, որից կարելի էր դադափար կազմել Սամսոն-Սվայ ուղղութեամբ կատարուած զանգրւածային տեղահանութիւնների եւ ջարդերի մասին :

Յաջորդաբար սկսեցին լույս տեսնել զանազան միսիոնարների, իտալական դիւանագիտական ներկայացուցիչների սահմուկեցուցիչ տեղեկագիրները, որոնք պարզում էին, թէ իրենց ծաւալով ու կազմակերպուած բնոյթով հայկական ջարդերը դերազանցում էին պատմութեան բոլոր այդօրինակ դէպքերը :

Տարուայ վերջերին լուրեր հասան բնաջնջուած Ժողովուրդի մի շարք ընդվզումների մասին . ապստամբել էին Շապին - Գարահիսարը, Ուրֆան, Այնթապը, Չէյթունը, Ճէպէլ - Մուսայի ապստամտ բարձունքների հայութիւնը . . .

Այլեւս պարզ էր, որ հայկական սպանդը կարող էր վերջ գտնել, երբ ընդհանուր պատերազմը վերջանար : Բայց դինուորական նախարար լորդ Կիչները յայտարարում էր, թէ Անգլիան կարող է գործօն մասնակցութիւն ունենալ պատերազմին միայն երկու տարի յետոյ, իսկ ցամաքի երկու դիտաւոր ճակատներում գրութիւնը աւելի քան անմխիթար էր : Չնայած, որ գերմանացիները իրենց ուժերի մի խոշոր մասը արդէն նետել էին արեւելեան ճակատ, բայց տարուան ընթացքում անդլիացիների եւ Ֆրանսացիների բոլոր ջանքերը ասպարդիւն անցան Սոմմի շրջանում ճեղքելու գերմանական ճակատը : Բովանդակ արեւմտեան ճակատում կռիւր ընդունել էր «դիրքային» բնոյթ, որ Գերմանիային ընձեռում էր հնարաւորութիւն՝ մնալ այնտեղ նուազագոյն ուժերով պաշտպանողականի վրայ՝ արեւելեան ճակատում իր հաշիւները ուսաների հետ նախապէս մաքրելու համար :

Նեղուցներում, Մարտ 18ի անյաջողութիւնից յետոյ, երբ դաշնակիցները կորցրին չորս խոշոր սաղմահաւեր, անգլիեֆրանսական նուաւորմը այլևս փորձաւորաւ Գարդանէլը անցնելու: Իսկ Գելիպոլուի եղերամասերում ցամաք իջած Համիլտոնի բանակը ամբողջ տարուայ ընթացքում ոչ մի յաջողութիւն չունեցաւ:

Բալքաններում մինչև այդ հերոսաբար դիմադրող խոքրիկ Սերբիան Հոկտեմբեր - Դեկտեմբեր ամիսներին ջարդ ու փշուր եղաւ աւստրօգերմանական, բուլղարական դերազանց ուժերի ճնշման տակ, որոնք ներս խուժեցին միաժամանակ հիւսիսից եւ արեւելքից՝ Մակեդոնի ընդհանուր հրամանատարութեան տակ:

Աւելի անմիտօրէն էր կացութիւնը սուսական ճակատում: Կրակովի շրջանում կենտրոնացած գերմանական ուժերը դեռ Մայիսին, մի քանի ուժգին հարուածներով, հարկադրեցին սուսներին յետ քաշուել եւ Վիսլայի ձախ ափով նահանջել: Քիչ յետոյ սուսները թողին Պերեմիշը եւ Լվովը, իսկ ամբան վերջերին բովանդակ Գալիցիան պարպուեց նրանց կողմից: Աշնան, գերմանացիները յաջորդաբար դրաւեցին Կովնոն, Գրոզնոն, Բրեստ - Լիտովսկը: Այնուհետև սուսները սկսեցին նահանջել ամբողջ ճակատով, երբեմն միայն մղելով թեթեւ կռիւներ թիկունքում պատրաստուած ամբուլթիւնների վրայ...

* * *

1916ի սկզբներին մեր բարոյալքումը հասաւ իր գագաթին, երբ իմացանք, որ Համիլտոնի բանակը պարպել է Գելիպոլուն: Մեր ժողովուրդի մնացորդները կեանքը փրկելու ամէն յոյս օդը ցնդեց:

Երեւանում, ամէն տեղ, նրբամիտ մտաւորականներ խնդիրը բացատրում էին անգլիւսուս հակամարտութեամբ: Իբր թէ Անգլիան եթէ ցանկանար, կարող

էր դրուել Նեղուցները : Բայց որովհետեւ այդ պարագային ստիպուած պիտի լինէր Պոլիսը զիջելու ուսններին , մի տարի ճշտելով յետ քաշուեց . . .

Միջազգային փախած բժիշկ թորոյեանը այդ օրերին հասել էր Թիֆլիս եւ զեռ ողջ մնացած տարազիրների վիճակի մասին յայտնում էր .

«Միջազգային տարազրուած իմ զժբախտ հայրենակիցները բազկացած են մեծ մասամբ կիներից , աղջիկներից : Դժբախտները հազիւ են ծածկուած իրենց մերկութիւնը ցնցոտիներով , եղանակի խստութիւնների դէմ պաշտպանուելու համար ոչինչ չունեն . սմանք , հողերին ծալապատիկ նստած , փորձում են լաթերի կլաւորներից միացած հովանոցների շուքի տակ պաշտպանուել , բայց մեծ մասը զուրկ է նաեւ այս խեղճուկրակ ապաստանից : Աւազուանների մէջ , ամէն տեղ , բարձրանում են հողաթմբեր , որոնց շուրջը գտնուած են զազապած շներ : Դիակներից շատերը մնում են անթաղ : Հազարներ են այդ կմախքացած զժբախտները՝ փոսացած այտերով , մարած կամ շատ փայլուն աչքերով , խօսելու վարժութիւնից զրկուած , տառապանքից ապուշացած դէմքերով» . . .

Եթէ մինչեւ այդ իմ մէջ զեռ մնում էր մի յոյս , որ հարազատներս կարող էին ողջ մնացած լինել անապատներում , այժմ այդ յոյսն էլ մարում էր : Մնում էր մի բան , ի՞նչպէս կարելի է Պոլիս ընկնել եւ Թալէաթը գտնել : Միայն նրա մահը կարող էր քիչ շատ ամոքել ապրած կսկիծս : Տեւական մղձաւանջի պէս , երբեք հանդիստ չէր տալիս ինձ այս զազափարը . երբեմն նա համակում էր ինձ այնպէս , որ մոռանում էի ամէն բան : Քաղաքների Միութեան մէջ զեռ շարունակում էր պաշտօնս , բայց ոչինչ չէի անում :

Քիչ յետոյ ուսները դրուեցին էրզրումը : Եւ ետնում ումբի պէս պայթեց այդ լուրը , ոչ ոք յոյս ունէր կովկասի ուսն բանակի մարտունակութեան վրայ . ար-

դէն յայտնի էր, որ այդ բանակի լաւագոյն ուժերը փոխադրուել էին ոուս - ուսմանական ճակատը, իսկ մնացածները պահանջուած քանակութեամբ ուղմանիւթ չունէին յարձակման համար:

Այժմ բացուած էր յոյսերի մի նոր շրջան. մարդիկ նորից կեանք առան. դեռ կորած չէր ամէն բան: Ո՞ր ժողովուրդն է ազատագրուել թրքական լծից առանց զանգուածային ջարդերի, ինչո՞ւ սպասել, որ մենք բացառութիւն կազմէինք, ո՞րքան մարդ կար երկրում, երբ ազատագրուեց Բուլղարիան, — այսպէս էին այժմ տրամադրութիւնները: Ու սկսուեց նոր շարժում դէպի ճակատ: Համոն նոյն օրը, թղթերի պարկը շալակած, եկաւ ինձ հրաժեշտ տալու: Գնում էր իբրև թղթակից թարմ լուրեր բերելու: Յաջորդաբար մեկնեցին կամաւորական խմբերից Երեւանում եղած բոլոր ընկերներս: Սակայն, այժմ կամաւորական խմբերը ցրուած էին, իբրև այդպիսին՝ նրանք իրենց դերը կատարել վերջացրել էին. նորակազմ խմբերը, ինչպէս նաև նախկին խմբերի մնացորդները, վերածուած էին հայկական հրացանաձիգ զնդերի եւ՝ վկայեալ սպաների ենթակայ՝ մուծուած ոուսական բանակը:

Մարտի վերջերին ես հազիւ կարողացայ ապաքինել հիւանդութիւնից ու մեկնել: Գնում էի Քաղաքների Միութեան գործերով: Սարըղամիշից հաճոյքով ընդունեցին ինձ իրենց մօտ ոուս բանակի թնդանօթաձիգ երկու սպաներ՝ Տէր Ակորով եւ Տէր Պետրոսով, որոնք ապրանքատար ինքնաշարժով տանում էին էրզրում դաշտային կապի եւ հեռախօսային հաղորդակցութեան պիտոյքներ:

Այս դժով ես առաջին անգամն էի մտնում Երկիր: Սար ու ձոր վկայում էին պատմական հին ու նոր արնաներկ անցեալը: Երեկոյեան հասանք Գարաուրկան: Հաճելի, քաղաքավար ընկերներս, տեսնելով որ նոր

եմ ապաքինել հիւանդութիւնից, ինձ հանգէպ ցոյց էին տալիս խնամք եւ ուշադրութիւն: Յաջորդ օրը, Ձիվի- նի ճանապարհով ուղղուեցինք դէպի Քէօփրիւ-Քէօյ: Աղջամուղջի շղարշից նոր պարզուող Ձիվինը յիշեցնում էր Վաղարշակ - Կայծակի խմբի նահատակութիւնը, որի մասին կարդացել կամ լսել էի շատ տարիներ առաջ: Մեր վաղեմի Վաղարշաւանում կանգ չառանք: Երեկոյ- եան հասանք Հասան - Քալէ, ուր հազար չորս հարիւր տարի առաջ ամբացել էր իր քաջերով Մամիկոնեան Վահանը՝ իրեն հալածող պարսիկ բանակների դէմ: Լուսարացին մեկնեցինք, ճանապարհը դժուար էր, բայց օդը լաւ: Մայրամուտ էր, երբ բարձունքներով շրջապատուած Կարինը յայտնուեց կրկէսի պէս խոր ինկած տարածութիւններում: Արեւի վերջին ճառագայթները խաղում էին մինարէների նրբին ու սուր ծայրերին:

Քաղաքում ամէն քայլափոխի, պատահում էին զինուորականներ, զօրքեր, բեռնաւորուած սայլեր, ուղտի կարաւաններ: Յանկարծ տեսայ կիւրինցի Սահակին, որի հետ միասին նահանջից յետոյ էջմիածնում զրազուում էինք որբերի գործով: Ջլապինդ Սահակը առաւ ինձ բազուկների մէջ: Ապրում էր Սանասարեան վարժարանի մօտերը: Առաջնորդեց իր մօտ: Ամերիկայից իր հետ մեկնած կամաւորներից էրզրումում ոչ ոք չկար, եւ ինքն էլ մտադիր էր գնալու վերադարձուած Վանի, Բիթլիսի ուղղութեամբ:

Էրզրումի 18,000 հայերից մնացել էին 120 մարդ՝ նահանգի գիւղերի բոլոր հայերը ոչնչացուած էին:

Առուօտեան ներկայացայ Տիգրան Աղամալեանին, որ Քաղաքների Միութեան լիազօրն էր. բարձրահասակ, տժգոյն դէմքով, մեծ, մեկամազձոտ աչքերով մէկը, որ կլանուած էր գործերով: Մօտակայ շրջաններում գտնուած մի քանի տասնեակ որբերը արդէն ճամ-

բըւած էին Ալեքսանդրասոյլ : Բայց այդ ուղղութեամբ , մինչև Խնուս , կատարելիք շատ դժուար կար :

Քիչ վերջ Համոյի մօտ էի , դեռ Երեւանում կարգացել էի նրա սահմակցուցիչ թղթակցութիւնները Օսմանեան պարլամենտի անդամներ Սէյֆուլլա եւ Ինկլիլ Ահմէտ բէյերի , հրամանատար Քուդի բէյի , Բէհա-հատին Շաքիրի եւ Հաճի բէյի կաղմակերպած ջարդերի մասին : Համոն այժմ էլ զբաղած էր նոյն դժուար : Նրա կեանքը թեքումներ չունէր : Տրամադրութիւնը բարձր էր : Մի քանի բառով ինձ պարզեց կացութիւնը . եղածը եղել էր , հիմա անհրաժեշտ էր զալիքի մասին մտածել :

Աճապարում էր ինչ որ յիշատակարան գիտելու հերթական թղթակցութեան համար : Նա գրպանեց սեղանից մի արցակ երկարաւուն թղթեր ու ստքի ելաւ :

— Ի միջի այլոց , դու կարող ես ինձ այստեղ օգտակար լինել , գնա՛նք , ճանապարհին կը խօսենք :

«Յիշատակարանը» մի կիսաւեր շինութիւն էր , որ դանդում էր հայկական գերեզմանատանից քիչ վար , մի բլրապարզ դաշտի վրայ : Կոչուած էր լինելու Իթթիհատականների ամենամեծ ակումբը , խաղասրահներով , մարդանք բաժիններով , լիճով , ճեմիլիքներով եւ այլն : Մնացել էր կիսատ , քաղաքը ուսանների կողմից գրաւուելու պատճառով : Շէնքի երկու մետրաչափ պատերը կառուցուած էին հայկական գերեզմանատանից բերուած տապանաքարերով . ըստ երեւոյթին , վայրը ընտրուած էր շինութիւններին մօտ լինելու նպատակով , քանի որ աւելի վար պարզում էին ծաղկազարդ գեղեցիկ դաշտեր : Այժմ Բարազամեանը ինձ նստեցրել էր շինութեան կենդրոնից քիչ հեռու քարերին , որ թելադրածները գրի առնեմ :

— Գրի՛ր ,— դոչում էր նա , գլուխը դուրս հանե-

լով այնտեղից .— Արեւելեան սրտ , ճախից աջ , առաջին շարք . առաջին հանգչի . . .

— Ի՞նչ :

— «Աստ հանգչի Խնուսցի Յակոբեցի Նախրանի որդի տիրացու Գեորգը , որ դառնակակիծ մահուամբ , առաջի կենացս 1845 թուականին» . . . Գրիբ յաջորդը .

— «Այս է տապանն հանգստեան դուստրի Նուրի խարուկին , որ առաջին ծննդաբերութեանն որ էր ջուխտ՝ հանգաւ առ Քրիստոս , ինքն եւ մակկուսի իւր , որ էր կողակից Իփեֆնու Յովհաննէս Չէլէպուն որ մականուամբ Չուխուր կոչեն» . . . Գրիբ երրորդը .

— «Աստ հանգչի Մուղտուսի Մատթէոս , որ կարուածէն փոխեցաւ յաշխարհս . որք հանդիպիք աւէք զՀայր մեր եւ գողորմին» . . . Երկրորդ շարք , զրե՛ր .

— «Ընդ հովանեաւ այսմիկ շիրմի հանգչի Հայկազըն էրզրումցի , որ Աւագեան մականուանի , յազգէն մերմէ Հայկազունի , սա փափաքեալ դամբարանի Առաքելոյն Սուրբ Պետրոսի» . . . Ափսո՛ս , զրե՛ր միւսը .

— «Այս է տապանն էրզրումցի Մահտեսի Յակոբին դուստր Սուրբուհուն , որ մահ տարածամի եղաւ թվն . 1889» : Դրա տակը զրե՛ր .

— «Որք հանդիպիք յայսմիկ տապան մի անցանէք քաց օրհնութեանց , զի աշխարհս անցողական առիթ է մեզ միշտ գլտարման» . . .

Սիրտս նեղում էր , վրաս տաքութիւն իջնում : Համոն մտել էր շէնքի ներսերը եւ այն տեղից հազիւ գլուխը դուրս հանելով՝ գոչում էր . «առաջին հանգչի» , «առաջին հանգչի» :

— Գրե՛ր , «Դամբարան Քէհրիբարի վանատական Միւսա աղայի , կողակից Հանրմայի» . . .

— Բաւական է , զոչեցի ես :

— Գրե՛ր , զրե՛ր , այս շարքի մէջ վերջինը . «Աստ հանգչի Թադէոս Աղայն , որ էր որդի արքունի վանո-

դապետ Մահտեսի Առաքել ամիրայի ՉԸՔՆՔԲԵԱՆ՝
Դրա տակը գրիր. — «Ո՛վ անցաւորք փանապարհի կեն-
ցադուոյս, եկայ ի տես ի տեսարան իմ հոգւոյս»...

* * *

Ապրիլին ուսները գրաւեցին Տրապիզոնը, իսկ
Յուլիսի կէսերին՝ Երզնկան: Էրզրումի գուշտում ամէն
տեղ յայտնուած էին ոսկրացած, վայրենական վիճակի
մատնուած մանուկներ, որոնց մեծ մասը իր գոյութիւ-
նըն էր պահպանել աւերուած հայ գիւղերի փլատակնե-
րում: Չեռք ընկնողները զսղում էին աշնան տերեւի
պէս. մեծ ջանք էր պէտք հասկացնելու, որ իրենց այ-
լեւս վտանգ չի սպառնում: Մոռացել էին լեզու, հո-
յութիւն, մարդկութիւն: Խնուտում գրանցից խմբուած
էին շուրջ երկու հարիւր հոգի: Ամէն տեղ առաջնակարգ
արժէք էր ստացել որբերի գործը. ամէն մի որբուկ մի
նոր աղիւս էր ազգը վերակառուցանելու համար: Եւ
ճղնում էի օր առաջ աւարտել իմ բաժին աշխատանքնե-
րը Երզնկա մեկնելու համար: Օգոստոսի վերջերին մեզ
մօտ յայտնուեց Մուրատի հետ փախած տղաներից Յով-
նանը, որ եկել էր Բաթում - Թիֆլիս - Կարս դժով եւ
զնում էր Մուրատի մօտ: Կիւրինցի Սահակի եւ նրա
հետ մեկնեցինք:

Ճանապարհը բռնուած էր անհաշիւ եզան սայլե-
րով, որոնք տանում էին ռազմամթերք եւ պարէն՝ ուսու
գինուորների ուղեկցութեամբ: Գնում էինք Քաղաքճերի
Միութեան երկճի սայլով, որ պիտի յետ դառնար Եր-
զրնկա խմբուած որբերով: Սայլապանը՝ Թիկնեղ, կլոր,
սիրուն ոչխարային աչքերով մշեցի Գարեգինը՝ կիսով
չափ թեք նստած աւելի շատ լսում էր Յովնանի պատ-
մութիւնը Մուրատի եւ ընկերների փախուտի մասին:

քան վարում սայլը : Եւ յաճախ մնում էինք բեռնակիր արարների պոչերին գամուած : Ամէն անգամ , երբ Յովնանը պատմում էր փախուստի այս կամ այն դժուարութեան կամ խմբի անհուսար կռիւների մասին Սվազից - Սամսոն երկար ճանապարհին , Գարեղինը շքմորած բացաղանջում էր . « Հէ՛յ , Մշոյ Սուլթան Սուրբ Կարապետ » կամ քթի տակ սրտամորմոք մրմրնջում՝ « Եա՛ , Էա՛ » : Տեղ - տեղ , իրօք որ , խիստ յուզիչ էր Յովնանի անպաճոյճ պատմութիւնը : Օրինակ , երբ Մուրատը եւ ընկերները , մի քարանձաւի մէջ դարանակալ , դիտում են հարազատների տեղահանութիւնը , բազմութեան մէջ ճանաչելով մայր , քոյր , եղբայր , զաւակ՝ անկարող գնդակ արձակելու ջարդարարների վրայ . — Ի՛նչ ընէինք , մենք պիտի սպաննէինք հինդ տասը մարդ , անոնք՝ բոլորին , ասում էր նա :

Կամ երբ նրանք հասնում են սուրբ Տաճար , եւ Մուրատը այստեղ նամակ է ստանում կնոջից , որի մէջ նա գրում է . « Իմ մասին երբեք մի՛ մտածեր , ես ինքզինքս կը սպաննեմ , ինդրեմ գրէ դեղապործին , որ ինձի քիչ մը թոյն տայ » . . .

Հասանք Մամախաթուն : Մեծ փոփոխութիւններ էին կատարուել այստեղ . կառուցուած էին տախտակի հսկայական մթերանոցներ , հանրակացարաններ , պահեստներ : Հրապարակը բռնուած էր եղան , ձիու սայլերով , գինուորներով , ռազմամթերային բեռներով : Հազիւ մէկ ժամ մնացինք այստեղ : Քոթուր Քէօփրիի մօտ Եփրատը վեհափառօրէն ճեղքում - անցնում էր ճանապարհը : Որքան մօտենում էինք հարազատ վայրերին , այնքան յուզումը համակում էր ինձ :

Յաջորդ օրը մեր գիմաց պարզուեցին դէպի Տրապիզոն եւ Կարին տանող ճանապարհների միացման կէտում ընկած գօրանոցները , որոնց վրայ այժմ ծածանում էր սուսական գրոչակ : Քիչ վարը բարձունքից ար-

դէն նշմարում եմ Ննի - ձամիի սրածայր գազաթը :
Մեկի վար արեւը փողփողում էր Սուրբ Նշան, Սուրբ
Փրկիչ եկեղեցիների զմբէթներին :

Իրիկնամուտ էր, երբ մտանք Երզնկա : Թրքական
թաղի առաջամասում, թուրք տղեկներ, մէկ ձեռքով
վարտիքների զօտուց բռնած, թանձր փոշու մէջ վա-
ղելով՝ աշխատում են հասնել սրընթաց սայլին : Պա-
տերի տակ, ստուերներում յայտնուում են կկղած, մտա-
դրազ թուրքեր : Մայթերով անցնող թրքուհիներ խը-
նամքով պարուրում են ծածկոցների մէջ :

Մտնում ենք թաղի կենտրոնական հրապարակը,
ուր աջ ու ձախ, դէմ դիմաց ցցուած սպայակոյտի, կա-
ռավարատան, քաղաքապետարանի եւ Միւշիր Սարայի
շէնքերին ծածանում են ոռւսական դրօշակներ : Կար-
ձես ոչինչ չի պատահել. փոխուել է միայն իշխանու-
թիւնը :

Բայց շատ կարճ տեւեց այս խարկանքը : Երբ Գա-
րեղինը թեքուեց դէպի աջ, իմ առջեւ պարզուեց Եկե-
ղեաց թափուր հրապարակը, այն ընդարձակ հրապա-
րակը, որ միշտ խճողուած էր լինում բաղմութեամբ :
Աջ կողմից միայնակ ցցուել է որբացած Սուրբ Սարգիս
Եկեղեցին, մանկութեան օրերի գատկական հաւկթա-
խաղի կենտրոնը : Դէմ - դիմաց, ուղղակի հրապարակի
ձակատին, մեր տունն է : Վար ցատկելով սայլից՝ հօր
թափ ունեցայ վաղելու այնտեղ, բայց մի սուր, տհաճ-
զգացում թափս կոտրեց. անյայտութիւնը նախամե-
ծար էր այն ամէն բանից, ինչ կարող էի տեսնել : Ուղ-
ղուեցի դէպի ձախ, դէպի կենտրոնական դպրոցը, Եր-
րորդութեան Եկեղեցին, Առաջնորդարանը :

Կենտրոնական վարժարանը վերածուել էր որբա-
նոց - հիւանդանոցի : Վարիչն էր բժիշկ Արշակ Պօղոս-
եանը՝ թիկնեղ, քիչ կորաքամակ, հանդարտ ու խելօք
աչքերով մօտ քառասուն տարեկան մի համակրելի

մարդ : Ձուր էին ակնկալութիւններս . որբերի մէջ ոչ ոք չունէի : Արդէն Երզնկայից մէկը չկար , բոլորը հաւաքուած էին շրջաններից : Երզնկացիներից մնացել էին միայն 2—3 ընտանիք , որոնց մէջ նաեւ մեր հարեւան Թառիկեանները : Գուրս ելայ ինչ անելս չիմանալով : Մեր տան զիմաց կանգնած էր մի սպայ :

— Ի՞նչ էք ուզում , գոչեց նա :

— Մեր տունն է , կ'ուզէի տեսնել . . .

— Այս ձեր տո՞ւնն է :

— Այո՛ . . .

— Ո՞ր տեղից էք գալիս :

— Էրզրումից :

— Կամաւո՞ր էք :

— Ո՛չ , Քաղաքների Միութեան պաշտօնեայ :

— Ձեր հարազատները այստե՞ղ էին :

— Այո՛ :

— Իսկ հիմա՞ :

— Չգիտեմ . . .

Համակրելի մարդը զլուխը կախեց , սպա ծխախոտ հանելով ասաց .

— Հրամեցէք . . .

Հանրակացարան էր դարձել մեր տունը , բայց ներսը մարդ չկար : Թիկունքում շէնքի մի մասը քանդուած էր : Վարի յարկում փայտարանը , մառանը , խոտի , ալիւրի , մրդի բաժինները , ինչպէս նաեւ թոնրատունն ու խոհանոցը լեցուած էին անծանօթ իրերով : Վերը՝ խոշոր «Մասէին»ը , ուր նստում , ճաշում , ընթրում էինք ամբան , և չորս սենեակները բռնուած էին զինուորի աղքատիկ անկողիններով : Պատմական յիշատակարանի բնոյթ էր ստացել աչքիս մեր տունը : Իմ փոքրիկ ննջասենեակից յայտնուեց մի զինուոր . չհասկցայ ինչ ասաց : Կոկորդս սեղմուած էր , հազիւ էի պահում արտասուքներս : Վար իջայ , դուրս ելայ : Բնակարանը

եղերող բոլոր ծառերը, հին ու հաւատարիմ բարեկամները պէս, շարքով կանգնած՝ նայում էին ինձ: Ես դիտէի նրանց վրայ եղած բոյները եւ հասկանում էի թռչունների ծլւրլոցը: Ես պատուհանից նետում էի հացի միջուկից զնդիկներ: Գիտէի, թէ ո՛ր ծառը խէժ է արձակում ամբան: Զմբան եւ նրանց սատերը աղատում էի թանձր ձիւնից, որպէսի վեր ձգուին: Մտաւրի շարքը երկարում էր մինչեւ մեր բնդարձակ պարտէզի առաջամասը: Այստեղ պաղատու ծառերի մեծ մասը կտրտուած են կամ արմատներով դուրս հանուած: Ամէն տեղ դոյացել էին թումբեր ու փոսեր: Ներսում մի քանի ծառեր, թեւերը կախ, թախծոտ նայում էին ինձ: Ստորեւ թփեր, վայրի բոյսեր տարածուած, պառկած կամ ցցուած էին դէս ու դէն: Այստեղ այլեւս կեանք չկար: Երազի պէս չքացել էին մանկութեան բոլոր յիշատակներս: Միայն պարտէզի խորքում մնացել էր անվթար մի անկիւն, ուր մանուկ օրերին՝ Աւետիսը փիլոնի պէս նետում էր ուսերին մօրս սեւ շայր ու քահանայի նման կոկորդալիւր երգում «Սո՛ւրբ Աստուած», «Սո՛ւրբ Աստուած» եւ զանազան շարականներ: Բայց այստեղ դոյացել է մացառապատ մի մեծ թումբ: Ի՞նչ առթիւ եւ ի՞նչպէս, քանի որ ծառերը իրենց տեղն էին . . . Սարսուռը ինձ ցնցեց, զգացի զազջ արեան մի պաղ օդ ու գլուխս դարձաւ: Զարհուրանքով յետ նետեցի ինձ, բայց բնկայ . . .

Երբ ուշքի եկայ, թանձր մթնշաղ էր: Գոցահար դուրս ելայ պարտէզից: Հրապարակի ծառերին ազմկելով թառում էին ապուսներ: Գլխիս մէջ քաոս էր եւ ուր զնալս շգիտէի, ջերմի պէս մի դոդ մերթ բնդ մերթ ցնցում էր ինձ: Թառիկեանների բակում նկատեցի մէկին. ի՞նչ էր այս, ցնո՞ւրք, թէ իրականութիւն. նա շատ նման էր մեծ եզրօրս՝ Միտաքին: Այնպիսի մի անակնկալ էր այս, որ հաղիւ վստահութիւն ունեցայ

ձայն տալու : Նա՛ էր : Միտաք եղբայրս : Իմ Սերբիայից
Հեռունալէս մօտ մի տարի վերջ նա եւս կարողացել էր
դուրս գալ այդ երկրից , Ռուսականի վրայով անցնել
Կովկաս : Մենք , երկու եղբայրներ , իրարու հանդիպե-
ցինք 1915ի նահանջից յետոյ Քանաքեռ , Անդրանիկի
բանակում , երբ ան վերակազմուելու վրայ էր : Վանի
վերադարձման եւ դէպի Պիթլիս - Մուշ արշաւանքի ըն-
թացքին , մինչեւ Արճէշ միասին էինք բանակին մէջ :
Արճէշում բժաւոր ատֆից վարակուելով Վանի գին , հի-
ւանդանոցը փոխադրուեցայ : Այդպէսով զերար կոր-
սընցուցինք մի առ ժամանակ : Երզնկայի գրաւումէն
մի քանի ամիս յետոյ ահա նորից իրարու կը հանդի-
պէինք :

— Հիւս՞նդ ես :

— Ո՛չ , բայց երէկ գիշեր ճանապարհին մի քիչ
սլաղ առի :

— Ներս գնանք , Թառիկեանների մօտ եմ :

Ինքը , կինը եւ երեխաները : Իրենց յիշում եմ :
Կարծում են , թէ եղբայրս է գտել ինձ : Թառիկեանը
սղջագուրում է ինձ , կինը ուրախութիւնից արտաս-
ւում . . . թէյ , սլանիր , հաց , խաչած հաւկիթներ , հին
հիւրընկալների դուարթ շարժուձեւեր , բայց՝ կիսա-
կարծան ու պարսպ տուն :

Փախել են եւ հրաշքով մահից ազատուել : Երկար
գեղերելով Տէրսիմի ձորերում ընկել են մի քիւրաի
ձեռք , որ խնայել ու պահել է նրանց , պայմանով , որ
խալամութիւն ընդունին : Դեռ թարմ են նրանց քաչած-
ները ու պարոն Թառիկեանը ներքին պահանջ ունի , որ
ամէն մարդ իմանայ իր ապրած սարսափները , գոյու-
թիւնը պահելու հնարամտութիւնները : Եղբայրս լսում
է նրան լարուած ուշադրութեամբ՝ անելով լրացուցիչ
հարցումներ քաղաքի օստիկանապետ Մէմտուհ բէյի
գժտիային գերի , Քեմախ Բողազի զանգուածային ջար-

դերի եւ այլ այլ կարգի դէպքերի մասին : Գնալ, գնալ էի ուզում այլ տեղից, բայց ո՞ւր...

Կինը երեւի զգաց վիճակս, վեր գնաց ու քիչ յետոյ յայտնուելով՝ ասաց, թէ կարող եմ գնալ վեր հանգրստանալու, եթէ ուզում եմ : Վերնայարկում եղբորս յատկացուած սենեակի միակ պատուհանը նայում էր վերի հօրեղբորս բնակարանի պարտէզին, որի հետ կապուած էին մանկական անհաշիւ յիշողութիւններ : Թուխ ամպեր անցնում էին երկնքով՝ մերթ բնոյ մերթ ծածկելով լուսինը : Վրայ դրի պատուհանի փեղկերը ու մտայ անկողին, բայց հնամաշ վերմակը ջերմութիւն չունէր : Գլուխս հնոցի պէս այրում էր, մարմինս գողում : Ելայ ու վերարկուս նետեցի վրաս : Օդուտ չունեցաւ, մարմինս զրնգում էր : Մտածում եմ, որ արդահատելի եմ, անպէտք, անօգնական մէկը. զգուանք եմ զգում իմ հանգէպ, գոյութեան նպատակ, կամք ունեցող մարդիկ ինձ պէս չեն. օրինակ՝ Համոն, լուսփատ անսայթաք վարում է իր գործը, տեղեակ պահում հայ ընթերցող հասարակութեան իրազարծութիւններին : Տեսնես ի՞նչ եղաւ տասպանաքարերի արձանադրութիւնը, ծիծաղելի չէ՞ մեռած մարդկանց շիրիմները արձանադրել, երբ քար քարի վրայ չի մնացել եւ սար ու ձոր բռնել են անթաղ շիրիմների սակորներ... Անկարող եմ հասկանալ, թէ ի՞նչպէս եղաւ, որ այս չէն քաղաքում, քսան հազար հայերից մնացին միայն մի քանի բնատանիք, որոնց մէջ նաեւ մեր բարեկամ Թառիկեանները իրենց երեխաներով. նախախնամութեան բնորրեալները, իբրեւ վկաներ աննախընթաց նախճիրի : «Ո՛չ, չէր կարող այսպէս լինել, եթէ մի հօր ձեռք յարատեւօրէն ու խղճի մտօք չվարէր սպանողը», ասաց մի անգամ Համոն, երբ խօսում էինք ջարդերի մասին... Ու իմ առջեւ դարձեալ պատկերանում է Թալէաթի փը-

քուն, ինքնապոհ դէմքը, որ մթութեան մէջ կարծեօ
վեր է հանում բրդոտ թաթը...

Ա'իս, կտրել այդ ձեռքը ու թողնել, որ արխնաքամ
լինի հրէշը, որ կարող լինի զգալ ու հասկանալ իր կա-
տարած ոճիրի ահաւոր չափերը... Հաւատա՞լ արդեօք,
որ մի օր, երբեւիցէ, կը լինի մի արդար դատաստան
... Հողիս լեցում է ջերմեռանդութեան մի զգացու-
մով, որ յատուկ էր ինձ եօթը տարի առաջ այստեղ,
պատից այն կողմը, իմ փոքրիկ ննջասենեակում, ուր
ամէն գիշեր մօրս թելադրութեամբ ես քնելուց առաջ
մրմնջում էի՝ «Հայր մեր, որ յերկինս ես»...

Եւ, իբր թէ, ես եկել եմ մեր տուն շատ հեռու տե-
ղերից, փոշու մէջ կորած երկարավիզ կօշիկներ հա-
գած. Տէ՛ր Աստուած, ո՛րքան ճանապարհ եմ անցել:
Սարեր ու ձորեր կտրելով: Վերջապէս հասել եմ Ղույ-
պաշին եւ այն տեղից ուղիղ գծով անշեղ քայլելով՝ ա-
հաւաստիկ գտել եմ մեր տունը: Դեռ ներս չմտած բար-
տինների տակ տեսնում եմ մի գլուխ, որ ցատկոտելով,
զլորուելով դալիս է դէպի ինձ: Մայրս է, մօրս գլու-
խը, բայց դարձանալի է, որ բաց է՝ փշոտ գլխակապը
ականջների տակով հանգուցած ծոճրակին:

— «Արի հո՛ն, որ չտեսնեն քեզ, գաւակս», ասում
է նա ոտքերիս մօտ, շնչահատ:

— «Ո՞ւր, մայր»:

— «Հո՛ն, հո՛ն, պարտէզը, մացառների տակ, ա-
մէնքս հոն պառկած ենք»:

— «Իսկ մարմինդ ո՞ւր է, մայր»:

— «Հո՛ն է, հո՛ն, գաւակս, շո՛ւտ»...

Ու գնում եմ ես մօրս գլխի յետեւից որ անհետա-
նում է թուփերում... Իրաւ որ բոլորն էլ այստեղ են,
մացառների տակ անշշուկ երկարած: Ահա եղբայրս.

— «Աւետի՛ս, բարեւ», շնջում եմ ես...

— «Աւետի՛ս»... Սըսս՛... մեղմ հովի տակ սու-

լում են բարտիները: Եղբայրս բաց աչքերով նայում է
երկնքին, ու մօրս գլուխը քնել է՝ մարմնի մօտ նստած:

— Դուք այտեղ, այսպէ՛ս», մրմնջում եմ շքմած:

«Հոխիսիմէ, Մարգար, Պայծառ, վե՛ր կացէք»:

Յանկարծ, եղբայրս նայում է ինձ ու ասում:

— «Դու ո՞վ ես եւ ի՞նչ ես ուզում մեզնից»:

— «Ձե՞ս յիշում», ասում եմ ժպտալ ջանալով:

— «Ո՛չ», ու եղբայրս մեղմօրէն բացասաբար շար-
ժում է գլուխը:

Ամպերի միջից յանկարծ դուրս է ընկնում լուսինը
ու դալուկ դէմքով նայում դէպի վար: Նոր եմ տես-
նում, որ եղբորս գլուխը ջարդուած է:

— «Սողոմոնն եմ, Աւետի՛ս», ասում եմ դարձու-
բանքից սարսափած ու վար թեքելով ուզում գլուխը
դրկել: Բայց, յանկարծ, նրա դէմքը մթազնում է ու
շուրթերին յայտնւում մի պաղած ժպիտ:

— «Ախ, դո՛ւ... այո՛, նման ես, բայց ո՞ւր էիր,
երբ մենք փախանք այտեղ, ինչո՞ւ դու էլ պառկած
չես մեզ հետ եւ ինչո՞ւ եկել ես ինձ փաղաքշելու գողի
պէս գիշերը, գնա՛, գնա՛, ես չեմ ճանաչում քեզ»...

Ու ես աղու պէս ապիտղորմ լաց եմ լինում՝ թփի
տակ ծնկաչոք...

— Սողոմոն... :

Ընդոստ արթնցայ.

— Ա՛յ տղայ, ի՛նչ ես ցուլի պէս բառաչում, գոչե՛յ
Միսաքը:

Լուսանում էր...



ԿԱՅԾԱԿ ԱՌԱՔԵԼ

Մ ՈՒ Ր Ա Տ Ի Հ Ե Տ

Առաւօտեան ներկայացայ Մուրատին: Նրան տեսել էի միայն մի անգամ, եօթը տարի առաջ, այստեղ՝ Երզնկայում, Եկեղեցի հրապարակի վրայ, ապա Երրորդութեան Եկեղեցում, ուր նա խօսում էր խունրազմութեան առաջ թուրք յեղափոխութեան եւ «Օսմանեան ընդհանուր հայրենիքի» մասին: Այն ժամանակ նա բրնձի, ձուլածոյ կազմուածքով մէկն էր: Խորունկ, կրակոտ, անհանդիստ աչքերը կայծկլտում էին թաւու թանձր սեւ յօնքերի տակ: Առնական պարանոցի վրայ ունէր մի դլուխ, որի յետ սանտրուած իւրերձի պէս առատ մազերը յիշեցնում էին դասադրքիս մէջ նկարուած առիւծի բաշը: Այժմ նախկին Մուրատից մնացել էին միայն աչքերը, մազերը: Դէմքին դոյացել էին կնճիռներ: Կորցրել էր աշխուժութիւնը, դարձել անժպիտ: Կայծկլտուն աչքերի մէջ մի ցաւ կար, շատ խորունկ մի ցաւ, որ լեզու չունի. հպարտ, տիրական դէմքը խեղճացել էր:

Ա՛յնքան շատ դորձ կար եւ այնքան քիչ մարդ, որ Մուրատը անմիջապէս ինձ մտցրեց իր տղաների խմբի մէջ, որոնք տեղաւորուած էին Քրիստինեանց ազջկանց վարժարանում: Տղաների մէջ ամենից առաջ ուշադրութիւնս դրաւեց Վահրամ Տէր - Մանուէլեանը, որին անուանում էին «Չմշկածաղցի», նա ուրիշ էր Մուրատի կազմակերպած «որոնող խմբերի»: Բարձրահասակ,



ՍԵՒԱՍՏԱՅԻ ՄՈՒՐԱՏ

բարեձեւ, հազիւ 25 տարեկան մի հմայիչ երիտասարդ էր: Առոյդ կազմուածքը յատուկ դրաւչութիւն էր տալիս նրան. լայն, քիչ դուրս ընկած ճակատի տակ փայլփլող մեծ, վառվռուն աչքերը ներշնչում էին բացարձակ վստահութիւն: Իր յաղթ կազմուածքի զարդն էր դուրս ընկած կուրծքը, որ հանդստի պահերին գրեթէ միշտ ծածկում էր ջլապինդ թեւերը վրան խաչաձեւելով: Քայլերը առնական, հաստատուն էին: Պատասխանները՝ կարճ ու կտրուկ: Կեցուածքը յարգալից եւ սպասողական, որ դիմացինը խօսի: Գործի ժամանակ դէմքին վարանումի հետք չկար, լարուած ու կենտրոնացած ուշադրութեամբ լսում էր իրեն ուղղուած հրահանգները՝ խոհուն աչքերը Մուրատի դէմքին յառած եւ, առանց որեւէ ցուցական ինքնավստահութեան, դլխով թեթեւ հաստատական նշաններ անելով: Նրա մէկ ոտքը Տերսիմ էր, միւսը՝ Երզնկա. յաջողել էր քիւրտերու հետ կապեր հաստատել, որոնց մէջ Մուրատի «մէկ հայ՝ մէկ ոսկի» ազդարարութիւնը լայն ժողովրդականութիւն էր ստացել: Չմշկածազծին ճշգրտօրէն կատարում էր այդ հրահանգը՝ վճարելով քիւրտերի կողմից ներկայացուած ամէն մի հայի համար մէկ օսմանեան ոսկի եւ այդ միջոցով ամէն օր յայտնւում էին քաղաքում նոր ու նոր ազատագրուածներ:

Ոչ նուազ ուշագրաւ էր ձէպէճի Սարգիսը, որ դրկում էր ազատագրուածներին եւ արջի պէս բազուկների մէջ ճմլելով՝ բացազանչում. «Վա՛յ, որո՞ւ ես», առանց իմանալու, թէ ով է: Զուարթ, կենսուրախ, յանդուզն, անվեհեր ձէպէճին Մուրատի ներկայութեան նորահարսի պէս էր: Իրենց քաջութեամբ եւ անձնազոհութեամբ նրանից յետ չէին մնում քեմախցի (Աւազ - վանքէն) Մխիթարը, բազառիճեցի Գալուստը, կովտունցի Մարտիրոսը, Յարութիւն Չաչանեանը, Աւետիս Մուշմուշեանը եւ այլն: Սվազ - Սամսոն - Բա-

Թուժ գծով Մուրաաի հեա փախաժ ընկերներից , Յովնանից դաա , աչքի էին ընկնում Նչանը , Արմենակը , Վարդանը : Վէրջինը ցուլի ուժ ունէր , բռնաժ ընկերոջ ահնթարթի մէջ դնում էր տակը ու վեր կենալով անձայն ծիծաղում՝ ոչխարի դմակի պէս շարժելով դանդուաժային մարմինը : Ընդհանրապէս բոլորն էլ անձնըւէր , փորձուաժ , աժէն դոհողութեան պատրասա երկտասարդներ էին :

Մուրաաի մօտիկ դորժակիցներն էին բժիշկ Արչակ Պօղոսեանը եւ դէնքի հին ընկեր Կայժակ - Առաքելը : Բժիշկ Պօղոսեանը Քաղաքների Միութեան ներկայացուցիչն էր Երզնկայում : Խնամում էր իրեն յանձնուաժ որբերին , հիւանդներին : Արաաքնից դատելով հաղիւ աչքի ընկնող բան կար վրան . խորհրդակցութիւններին հանդարա նստաժ , թուժ էր առանց լսելու մաքերով թափաոում էր հեռուները : Մտադրաղ , դայուկ դէմք ունէր , քիչ էր խօսում , կարճ նախադասութիւններով ու դրեթէ միշա դորժնական առաջարկ անելու առիթով : Ընկերները մեժ ուշադրութեամբ էին լաում նրան : Կայժակ - Առաքելը քառասունը անց , ջղերից ու ոսկորից կաղմուաժ , արեւից խանձուաժ մորթով մի մարդ էր , որի մղաժ կոխները Համխաի ուժիմի դէմ յայտնի էին բոլորին . այժմ նա ջանասիրութեամբ նուիրուել էր «հայ հաւաքելու» դորժին : Հին յատկանիշներից մնացել էր դայլի պէս առաջ ցցուաժ ծնօտը :

Այս անձնուէր մարդկանց անդուլ աչխատանքները , մէկ երկու աժսուան մէջ , մեժ արդիւնք էին տուել . «Մէկ հայ՝ մէկ ոսկի» աղղարարութիւնը մեժ դորժաեաաւ : Շրջակայ քիւրա գիւղերից հարիւրաուր մարդիկ ազատուեցին գերութիւնից : Բախաը ժպաաց նաեւ մեզ՝ եզրօրս Միսաքին . գտնուեց նրա գաւաէներից տասր տարեկան Արմենուհին :

Կարճ ժամանակում Երզնկայի թափուր հս յկական

Թաղը սկսեց նորից կեանք առնել : Կատարուած էին վերաշինութեան տենդային աշխատանքներ : Աւերակ տները նորոգուած էին . ծուխը վերստին բարձրանում էր երդիքներից , դաշտերը հերկուած էին . պատրաստուած էր աշնանային ցանքը . անօրինակ կենսունակութիւն էին արտայայտուած օրը օրին իրենց յարկի տակ դարձող մեր ժողովուրդի մնացորդները :

Երզնկա հասած տեղեկութիւններից երևում էր , որ նման շարժումով համակուած էին բոլոր վերադրուած վայրերը : Ըստ այդ տեղեկութիւնների , ամէն տեղ վերաշինուած էին գիւղերը , մշակուած արտերը ծածկուած էին կանաչով : Աշխատանքը ամէն տեղ եռում էր : Հայ գիւղացին ամէն տեղ քրտինքով ողողում էր հայրենի հողը եւ ողբերգութեամբ վերաշինում այն , ինչ կործանել էր թշնամին եւ պատերազմը : Գոյութիւն ունէր վերարձակեցման ծրագիր , այդ դորձը վարաց վարչութիւն : Յատկացուած էին մեծագումար վարկեր եւ ձեռք առնուած միջոցներ , որ գաղթականութիւնը վերադառնայ իր տեղերը : Բացի կառավարական հաստատութիւններից , գրուած վայրերում աշխատում էին բարեգործական եւ մշակութային մարմիններ՝ Կովկասի Հայոց Բարեգործական Ընկերութիւնը , Եզրայրական Օգնութեան Կոմիտէն , Մուկուայի Կոմիտէն , Քաղաքների Միութիւնը , Գաղթականական Կենտրոնական Կոմիտէն , դանազան Հայրենակցական Միութիւններ եւ այլն : Դիտելով այդ խաղաղ աշխատանքի ու վերաշինութեան մի նմոյշը Երզնկայում , թւում էր , թէ հայ ժողովուրդի գոյութեան դէմ նիւթուած դաւերը անցել են ապարդիւն :

Բայց այդ՝ խնդրի մէկ երեսն էր : Դեռ նախորդ տարուայ Յունիսի նահանջից եւ հայ կամաւորական բանակի ցրումից յետոյ , ուսւ միապետութեան վերաբերմունքը դէպի հայերը փոխուել էր : 1916ի ձմրան

այլևս չէր խօսուում «Հայկական Ինքնավարութեան»
մասին: Ըստ տեղեկութիւնների, այժմ Ռուսաստանում
դանում էին բաւարար՝ հայերին «դպրոցական, եկեղե-
ցական ինքնավարութիւն» շնորհել եւ այն էլ «որքան
այդ թոյլ կը տան տեղական պայմանները»: Այդ ոգիով
էլ վարում էր դործերը, գրուման շրջաններում, Կով-
կասի կառավարիչ մեծ իշխան Նիկողայ Նիկողայեւիչը:
Այդ շրջաններում նրա կողմից նշանակուած բնդհանուր
նահանգապետ զօրավար Պեչկովը լեցնում էր հայաբնակ
վայրերը հայատեաց պաշտօնեաներով:

Միապետութեան այդ կարգի դործակալներից էին
Երզնկայի զինուորական ուժերի հրամանատար զօրա-
վար Կալետինը եւ սպայակոյտի պետ Լաստոչկինը:
Քաղաքի սօտիկանապետն էր թրքահայտակ մի վրա-
ցի: Թուրք բանակի նախկին գնդապետ Սայրի բէյը
նշանակուած էր Կալետինի կողմից քաղաքապետիս:
Թուրք լրտեսներ, որոնք մնացել էին Երզնկայում քա-
ղաքացիական պաշտօնեայի հանգամանքով, թուրքե-
քի նահանջից յետոյ, վիտում էին ամէն տեղ: Կարիքի
դէպքում, թուրքերը ուղարկում էին մարդիկ նաեւ բա-
նակից. այսպէս, օրինակ, Քէմախի ճակատի Տրդ գնդի
հրամանատար Մուսթաֆա Վէֆա բէյը, Սայրի բէյի
նամակ – հրաւերի վրայ, իբր թէ «փախաւ» թրքական
բանակից, իբրեւ Իթթիհատական կառավարութեան
«հակառակորդ» եւ Տերսիմում հաստատուած՝ գրադ-
ւում էր հետախուզութեամբ իր երկրի օդաին: Ահա
այս թեր ու դէմ տուեալներով էր, որ մենք գիմաւորե-
ցինք նոր տարին Երզնկայում:

* * *

Փետրուարի սկիզբներին, կարճատեւ հիւանդու-
թիւնից յետոյ, Երզնկայում մահացաւ Կայծուկ Առու-

քելը՝ վաստակաւոր յեղափոխականը, բազում մահա-
ռիթ կռիւնների առաջնորդող ուղին, որ գիւմուշխանեղի
Աւոյի սէս, իր մահկանացուն կնքեց անկողնում: Նա
սլառկած էր անշուք դադաղի մէջ՝ ծանրօրէն ընկած
բարձին, գլուխը կքած, մեղրամոմի սէս գեղին ճակա-
տը բաց ու վարի ծնօտը քիչ առաջ նետած. դէմքի ար-
տայայտութիւնը աւելի ուշադրաւ, քան ուղջ եղած ժա-
մանակ: Այդ արտայայտութիւնը կարծես ստում էր,
թէ ինչ որ սէտք է, ինքը արդէն կատարել է ու մեռել:
որովհետեւ այլեւս գործ չկայ:

Մեզ համար այդ մահը հանդիսացաւ նշանակալից
դէպքերի սկզբնաւորութիւն: Ռուսաստանում սկսուեց
Փետրուարեան յեղափոխութիւնը: Աւրոպական ճա-
կատներում ոուս գէնքի տեւական անյաջողութիւնները
մէկ կողմից, սլառնաւորման դժուարութիւնները միւս
կողմից, մայրաքաղաքում ծնունդ տուին տարերային
շարժումների, որոնք, յանկարծ ծաւալուելով, կաղմե-
ցին ուս առաջին յեղափոխութեան շարունակութիւ-
նը: Փետրուարի 28ին դահընկեց եղաւ ցարը: Բայց խո-
րունկ ընկերային հիմքեր ունեցող շարժումը միայն
քաղաքական փոփոխութիւններով չէր կարող գոհա-
նալ: Յեղափոխութիւնը խորացաւ ու լայնացաւ, հա-
մակելով նաև գէնքի տակ եղած գիւնուորութիւնը եւ
քայքայելով բանակը: Այս տեսակէտից վճռական դեր
ունեցաւ Պետրոգրատի բանուորական խորհրդի գործա-
դիր կոմիտէի Մարտ 11ի «հրաման քիւ առաջինը», որ-
ով գործող բանակների մէջ ներմուծուած էին ընտր-
ովի մարմիններ՝ հրամանատարական կաղմի վրայ հըս-
կելու եւ առհասարակ գիւնուորական գործը այդ մար-
միններին ենթարկելու նպատակով: Կարճ ժամանակում
կարգապահութիւնը չքացաւ, եւ բանակը սկսեց արագ-
օրէն քայքայուել: Մարտ եւ Ապրիլ ամիսները անցան
զանազան կուսակցութիւնների, հոսանքների, կառա-

վարական շրջանների ներքին սլաշքարներով : Այս սլաշ-
մաններում բանուորա - զինուորական զանգուածները
երես դարձրին պատերազմից եւ Յունիսին սկսուած
սուսական յարձակումը եւրոպական ճակատում , նախ-
նական մէկ երկու յաջողութիւններից յետոյ , զիջեց՝
զարկ տալով զօրքերի դասալքութեան ու ստեղծելով
նոր եւ աւելի մեծ շարժումներ թիկունքում : Օգոստոս-
սին , զօրավար Կորնիլովի ելոյթից յետոյ , սուս քանա-
կը այլեւս կազմալուծուած էր եւ անընդունակ՝ շարու-
նակելու սրտերազմը :

Ռուսաստանի այս դէպքերը չէին կարող անհետե-
ւանք մնալ ասիական ճակատների համար եւս , եւ նրանց
ազդեցութիւնը զգացուած էր Երզնկայում , դեռ զար-
նան : Հայրենիքից հեռու , երեք տարուայ կռիւներից
յողնած , դազազած զինուորները սկսեցին լքել ճակատ-
ները ու շարժուել դէպի տուն : Ծարժումը յատկապէս
ուժեղ էր Երզնկայի շրջանում :

Մեզ համար ստեղծուած էր խիստ ծանր կացու-
թիւն . օրը օրին մերկացուող ճակատները բռնելու հա-
մար անհրաժեշտ էին ուժեր , որոնք չկային : Քանի դեռ
սուս զօրքի դասալքութիւնը մասնակի բնոյթ ունէր ,
չէր զգացուած կացութեան ահաւորութիւնը : Բայց երբ
Ռուսաստանի գանազան կողմերում եւ Անգրկովկասում
սկսեցին զարգանալ կենտրոնախոյս ուժերը եւ ծայր
տունին քաղաքացիական ընդհարումները , կացութիւնը
զնալով ծանրացաւ :

Այս սլաշմանների մէջ էր , որ ծաւալուեց Հսկտեմ-
բերեան յեղափոխութիւնը : Կալուածատիրական հողե-
րի բռնագրաւման յեղափոխական իրաւունքն ու անմի-
ջական պատուաւոր հաշտութեան նշանախօսքերը գան-
դուածային շարժման մէջ դրին ճակատում գտնուած
զինուորներին : Ռուսաստանի համար պատերազմը վեր-
ջացած էր : Անհրաժեշտ էր իշխանութիւնը առաջարկում

էր առանց հողային նուաճումների եւ պատերազմական
տուգանքի պատուաւոր դեմոկրատական հաշուաւթիւն :
Երզնկան կազմում էր ուսուցիչներով նուաճուած հողերի
մի մասը, որ հաշուաւթեան պարագային պէտք է յետ
տրուէր թուրքերին : Անգամ ճակատում մնացած սա-
կաւաթիւ ուսուցիչներու համար այլեւս արժեզուրկ
էր նրա պաշտպանութիւնը : Ու նրանք աճապարում էին
տուն, իրենց բաժին հողը ստանալու եւ իրենց ընտա-
նիքների մօտը լինելու համար :

Ձուրկ՝ միջոցներից իրական աջակցութիւնից, խա-
պառ մեկուսացած, դիմացը ունենալով թրքական բա-
նակները, թիկունքում՝ թշնամի քիւրտերը, մենք փոր-
ձեցինք մեր շնչին ուժերով բռնել լքուած ճակատը, աէր
կանգնիլ ուսանների թողած անհաշիւ ուղղամթերքին,
փոխարինել տեղական իշխանութիւնների պաշտօննե-
րը : Սակայն, դէպքերի ընթացքը ունէր իր ուղին, նս-
յեմբեր 17ին հաստատուեց զինադադար Աւստրիոյ,
Գերմանիոյ եւ Ռուսաստանի միջեւ : Նոյն օրը, կող-
կասեան բանակի ընդհանուր հրամանատարին նոյն ա-
ռաջարկով դիմում արաւ թուրք ուժերի հրամանատար
Վեհիբ փաշան : Գեկտեմբերի կէսերին, ուսուցիչներու
բանակն մի յանձնաժողովի հետ, Երզնկա հասաւ Ա. Ձա-
մալեանը զինադադար կնքելու համար : Աչքաբաց հայ
հասարակական յեղափոխական գործիչը չէր թաղցը-
նում կացութեան լրջութիւնը : Սակայն, առանց այդ էլ
չստ պարզ էր, որ եթէ ուսուցիչները բարոյալքումն ու
դէպի տուն դարձը շարունակուի նոյն թափով, անկա-
րող պիտի լինենք մեր ցանցառ ուժերով պաշտպանել
ուելի քան 500 քիլոմէտր մի ճակատ, որ երկարում էր
Սեւ ծովից — Քելքիտ - Երզնկա - Ունուս - Վան ուղղու-
թեամբ : Ըստ Ձամալեանի, զինադադարը անհրաժեշտ
էր թուրքերին. նախ՝ ուսական ճակատի քայքայման
նպաստելու, ապա, ուժերի վերաբաշխում կատարե-

լով, անցնելու յարձակման: Ոչ մի յոյս չկար Անդրկովկասում կազմուած կոմիսարների խորհրդից՝ ճակատը սաշտպանելու գործում: Վրացիները ձգտումը էին անկախութեան, իսկ թաթարները թուրքերի կողմն էին: Սրտ մտահոգիչ էին յատկապէս տեղեկութիւնները Կովկասում ծայր տուած թաթարական շարժումների մասին: Կովկասի մահմետականութիւնը պատրաստուած էր գրկարաց ընդունելու թրքական բանակները: Հին ութիմի օրերին զսպուած թրքասիրութիւնը այժմ ստացել էր հրապարակային բնոյթ: Ամէն տեղ սկսուել էին մահմետական շարժումներ, որոնք ծաւալում ու խորացնում էին երկրի մէջ ստեղծուած քաոսը: Ծարժումները վարում էին թրքական գործակալները: Նրբանք առաջ էին բերում խռովութիւններ եւ կատարում էին աւաղակային յարձակումներ գնացքների, սարենակիր խմբերի, տուն դարձող ուս զինուորների եւ հայ ազգարնակութեան վրայ: Յաճախազէպ էին այդ շարժումները յատկապէս Կարսի, Երեւանի, Գանձակի եւ Էրզրումի շրջաններում:

Դեկտեմբերի 18ին հաստատուեց գինազազարը, գնդապետ Էօմէր Լուծֆի բէյի և զօրավար Վրիչինսկու կողմից: Միաժամանակ յետ կանչուեց Երզնկայի ուսական ուժերի հրամանատար զօրավար Լեախովը, որ փոխարինել էլ զօրավար Կալեաինին, Փետրուարեան յեղափոխութիւնից ի վեր: Լեախովի մեկնումը փաստօրէն դարձաւ Երզնկայի ճակատի մերկացում: Ռուս մարդու համար այլեւս աննպատակ էր մնալ դիրքերում, երբ մէկ կողմից հազարաւոր վերստեր հեռու իր երկիրը տակն ու վրայ էր եղել, իսկ միւս կողմից յայտնի էր, որ գրաւուած հողերը պիտի վերադարձրւէին թուրքերին:

Լեախովի մեկնումից յետոյ Երզնկայում գանուող ուսական զօրասիւններից հազիւ մնացել էին 500—600

մարդ եւ մի քանի հայ եւ ռուս սպաներ, որոնք այլեւս ազդեցութիւն չունէին ռուս զօրքի այդ մնացորդներէ վրայ: Քիչ - շատ կարգ ու կանոն մտաւ նրանց մէջ Յունուարի կէսերին, երբ մեզ մօտ յայտնուեց զնդապետ Մորելը, որ եկել էր Թիֆլիսից՝ ստանձնելու նրանց հրամանատարութիւնը:

Դէպքերի այս ընթացքը պարտադրում էր մեզ քաղաքական մի այլ ուղի, բայց մենք մնում էինք կառչած մինչեւ վերջին շունչ մեր երկիրը պաշտպանելու որոշման: Անմիջապէս յայտարարուեց Երզնկայի հայութեան ընդհանուր զօրակոչ, մինչեւ 70 տարեկանները: Շինարար աշխատանքի լծուած եւ հազիւ իր կործանուած տները վերանորոգած շրջանի զիւղերի վերապրող արի հայ բնակչութիւնը այժմ թափուել էր Առաջնորդարանի հրապարակը՝ նորից զէնքի զիմելու համար: Այդ օրը Տրապիզոնի ճակատի վրայ դանուող ռուսահայ զինուորներից 200 հոգի հասան Երզնկա: Կարծես մի ամբողջ բանակ էր եկել. խանդավառութիւնը շատ մեծ էր. ենթադրում էր, որ նոր, աւելի մեծ խմբեր պիտի հասնին: Զօրակոչի ենթակաները սկսեցին թեամբ ձեռնարկեցին դործի, օրն ի բուն կատարում էին զինուորական մարզանքներ: Այդ դործով զբաղւում էին Երզնկայում մնացած նախկին ռուս բանակի հայ սպաները, որոնց մէջ էին դարարագցի այն երկու երիտասարդ սպաները՝ Տէր - Ակորովն ու Տէր - Պետրոսովը, որոնց հետ Կարսից ճամբորդեցի էր գրում, մի տարի առաջ: Կային եւ ուրիշներ՝ ենթասպայ Գանիկէլեանը, զինուորական բժիշկ Արսլանեանը, Կաֆեանը եւ այլն: Մեզ հետ մնացել էին նաեւ մի քանի ռուս սպաներ, որոնց մէջ իր եռանդով եւ անձնագոհութեամբ աչքի էր ընկնում Մուղդովը:

Երզնկայի մէջ հաստատուել էր հայկական կառավարութեան պէս մի բան, որի պետն էր Մուրաար: Նա

քաղաքապետ էր նշանակել թուրք ԵՌԼՍՈՒՓ ԷՖէնտին, կարգադրել էր, որ բացուին մզկիթները եւ թուրքերը ազատօրէն կատարեն իրենց կրօնական պաշտամունքը. թոշակ էր սահմանել հոջաներին, միւլէղիններին, իւլէմաներին: Նա ջանք չխնայեց սիրաշահելու տեղական թուրքերին, բարեկամութիւն հաստատելու Գերսիմի քրտերի հետ, բայց այդ ջանքերը չէին կարող արդիւնք տալ, որովհետեւ ճակատը պաշտպանելու համար ուժ չկար: 1918ի սկզբներին, 300 գումարտակներից բաղկացած կովկասեան ուսւ բանակից ճակատներում մնացել էին երեքուն խմբակներ: Սրա դիմաց թրքական ուժերը, անհրաժեշտ հրետանիով եւ պատերազմական սարք ու կարգով, կազմում էին 142 գումարտակ հետեւակ եւ 41 գումարտակ հեծելազօր, մօտ 150,000 կուռուղ: Այս հսկայ դանդուածին դէմ հայկական ուժերը կազմում էին ընդամէնը վեց գումարտակ: Գրանցից Երզնկայի ճակատում կար ընդամէնը 1200 սուին, որից 200ը յատկացուած էր կապի եւ հաղորդակցութեան պաշտպանութեան: Սրա հետ միասին, Երզնկայի զօրախումբը խաղառ մեկուսացած էր, զատուած էրզրումի բերդից 150 քիլոմետր տարածութեամբ:

Մտրդ չկար, որ չհասկնար մեր կացութեան այս գժուարութիւնը, բայց բոլորս էլ գօտեպնդուած էինք այն յոյսերով, թէ շուտով օգնական խմբեր պիտի հասնին: Օր չէր անցնում, որ այս առթիւ դիմումներ չանէր Մուրատը հեռախօսով էրզրում՝ պնդապետ Թորգոմին, որ այդ գործի վարիչն էր այնտեղ: Բայց դիմումները անցնում էին ապարդիւն:

Մի օր կիւրինցի Սահակը վաղէվաղ հասաւ մեզ. փնտռում էր Մուրատին, որ բժ. Ա. Պօղոսեանի մօտ էր: Լուր տուինք, բայց մենք էլ թունդ ելանք: Նրա հետ ուղում էր խօսել պնդապետ Թորգոմը, տարակոյս չկար, որ օգնական խմբեր էին գալիս: Խմբուել էինք

գրասենեակի գրան մօտ, անհամբեր էինք հասկանալու,
թէ ո՛րքան են հասնող ուժերը, սրակզից են գալիս,
ե՛րբ տեղ կը հասնին: Վրայ հասաւ Մուրատը բժիշկ
Ա. Պօղոսեանի հետ: Վաղուց մթազնած գէժքը ճառա-
գայթում էր, այնքան յուզուած էր, որ մեր բարեւելն
էլ չնկատեց: Չեռք առնելով հեռախօսի խոզովակը՝
զօչեց.

— Այո՛, այո՛, ես եմ, Մուրատը, բարե՛ւ, բա-
րե՛ւ, զնդապեա, ճամբայ ելա՞ծ են... Ի՞նչ... Չհա-
կացայ... Ի՞նչ անկախութիւն:

Քիչ յետոյ իմացանք, որ զնդապեա Թորգոմը
յայտնել է, թէ վաղը, առաւօտեան ժամը 10ին, էրզը-
րումի մէջ շուքով պիտի յայտարարի Հայաստանի ան-
կախութիւնը եւ խնդրում է Մուրատին նոյն պահին մի-
եւնոյնը կատարել Երզնկայում... .

* * *

Մեր այս կացութեան լաւ ծանօթ թուրքերը սկսե-
ցին առիթներ ստեղծել զինազապարը խախտելու: Յուն-
ուարի կէսերին նրանք շարժման մէջ գրին իրենց գոր-
ծակից քիւրտերին, որոնք սկսեցին յարձակումներ գոր-
ծել Երզնկայի մեր ուժերի թիկունքում: Բայց ամէն
տեղ ուժգին հակահարուած ստացան ու զոհեր տալով
քաշուեցին:

Զգալով, որ եթէ քրտական շարժումը մեր թի-
կունքում ծաւալուի, անել կացութեան պիտի մատնը-
ւենք, Մուրատը ջանք չխնայեց հասկացողութեան գա-
լու քիւրտ աշիրեթապեաների հետ: Ամիրխանեանը եւ
չմշկածաղցին ճամբուեցին նրանց մօտ բանազնացի
հանգամանքով ու մի օր նրանց առաջնորդութեամբ,
Մուրատի ճամբած կառքին մէջ բաղմած, ըսանի չափ
զինուած քիւրտերով շրջապատուած, Երզնկայում
յայտնուեցին Դերսիմի Հասան եւ Սիւլէյման աղաները:

Նրանց ընծայուեցին իշխանավայել պատիւներ, որքան այդ կարելի էր մեր պայմաններում: Հիւրասիրութիւններից յետոյ տեղի ունեցան բարենաւաստ բանակցութիւններ: Յաջորդ օրը քիւրտ պետերը մէկ - մէկ ձի եւ մէկ - մէկ ժամացոյց նուէր ստացան եւ գոհ սրբաով մեկնեցին: Նոյն ձեւի յարաբերութիւններ մշակելու փորձեր եղան եւ Դերջանի քիւրտերից փրբրդանցի Մէմիշ աղայի մարդկանց հետ: Քաղաքում սրեւէ անպատեհութեան տեղիք չտալու համար, ձեռք առնուեցին միջոցներ, թրքական թաղերի մէջ գիշեր - ցերեկ հաստատուեցին շրջուն պահակներ, եւ թուրք կանանց, աղջիկների անցուղարձը փողոցներում արգելուեց:

Բայց արդիւնք չունեցան այս ջանքերն ու զգուշական միջոցները. մեր ուժը պահանջուած աղւեցութիւնը չէր գործում քիւրտերի վրայ, եւ նրանց յարձակումները կանգ չառան: Ձինաղաղարը խախտելու հետամուտ՝ թրքական հրամանատարութիւնը սկսեց օգտագործել իրեն իսկ սաղբանքներով սկսուած հայ - քրտական ընդհարումները, որոնց ընթացքում գոհեր ունեցանք թէ մենք եւ թէ քիւրտերը: Օր չէր անցնում, որ էրզրումում մնացած ռուս ուժերի հրամանատար զօրավար Օտիշիլիձէն չուղղէր մեզ թուրքերի կողմից ըստացուած սրեւէ մեղադրանք. իբր թէ, մենք Յունուարի 12ին հրդեհել ենք Երզնկայից 18 քիլոմէտր դէպի հարաւ — արեւելք ընկած թրքական Ձեկկիղ գիւղը. իբր թէ, բռնարարել ենք Արտասից դէպի հարաւ — արեւելք Քէսիկ թրքական գիւղի կանանց եւ տղամարդկանց կոտորել. իբր թէ, Երզնկայի ռուս զօրամասը հեռանալուց յետոյ, շրջանում կատարուել են մասնակի սպանութիւններ:

Ապա՝ այս անհեթեթ մեղադրանքները սկսեցին ստանալ մտածուած յերիւրանքների բնոյթ. իբր թէ, Երզնկայի թուրքերից «չատերի» թեւերը կապած՝ քը-

չել ենք զինուորական հանրակացարանները և այնտեղ բոլորին սրի քաշել. իբր թէ, Յունուարի 28ին «բաղձաթիւ թուրքեր ողջ - ողջ այրել ենք Եկեղեաց հրապարակում» . իբր թէ, Երզնկայի շրջակայքում ամէն տեղ այրել ենք թրքական մզկիթները . իբր թէ, Գիւմիւշխանէից դէպի հարաւ ճամբու վրայ կոտորել ենք անհաշիւ թուրքեր :

Վերջապէս, նրանց երեւակայութիւնը այնքան բորբոքուեց, որ սկսեցին բողոքագրերին տալ ծաւալուն «հայկական խժդուժութիւնների» բնոյթ, որոնց մէջ այժմ նկարագրում էին դէպքեր հայկական ջարդերի հարազատ ընդօրինակութեամբ . իբր թէ, Երզնկայում հաւաքել ենք 650 թուրքեր և անյայտ ուղղութեամբ տեղահանել . իբր թէ, Վէհիբ բէյի տան մէջ լեցրել ենք 500 թուրքեր և տունը չորս կողմից հրդեհել . իբր թէ, նոյն ձեւով լեցրել ենք երեք խոշոր տներ թուրք կանանցով, երեխաներով ու բոլորին այրել . իբր թէ, մի այն քաղաքում հազարից աւելի տներ ենք հրդեհել և այլն : Իրողութիւնը այն էր, որ քրտական յարձակումները զսպելու ժամանակ թուրքերն էլ ունեցան զոհեր, որոնց թիւը 200ը չէր անցնում :

Փետրուարի 10ին ընդհատուեցին Բրեստում սկըսուած ուս - գերմանական բանակցութիւնները, որոնց արդիւնքին սպասում էինք ահ ու դողով : Երկու օր յետոյ Վէհիբ փաշան խախտեց զինադադարը և «հայկական չարագործ»ներին պատժելու պատրուակով անցաւ յարձակման : Իրիկուան դէմ, Չարտախլուի մեր պահակախմբերը ենթարկուեցին հրացանաձգութեան թրքական հետախոյզների կողմից և անմիջապէս յայտնուեցին 100 հետեւակ, 16 ձիաւոր թուրք զինուորներ, որոնք ուզում էին անցնիլ մեր պահակախմբերի թիկունքը՝ հիւսիս - արեւելքից : Ապա դանազան կողմերից յայտնուեցին ուրիշ ուժեր : Սկսուեց մի անհաւասար

առանձնաբար թշնամու դերագանց ուժերի հետ : Առաջին խի վայրկեանից պարզ էր, որ մեր դիմագրութիւնը անյոյս էր : Անհրաժեշտ էր միայն ժամանակ շահիլ, սիրկելու ժողովուրդը եւ նահանջի ճանապարհը ապահովելու : Անմահների պէս էին կուում բոլորը, մանաւանդ քեմախցի Մխիթարը, Գալուստ, ընկէճի Սարգիսը եւ Յովնանը :

Բայց ի՞նչ կարելի էր անել հազար մարդով թուրք կանոնաւոր բանակին եւ քրտական հորդաններին դէմ : Բարեբախտաբար Մուրատը, չնայած մեր անյոյս կացութեան, չէր կորցնում իր պաղարիւնութիւնը եւ որքան ծանրանում էր մեր վիճակը, այնքան աւելի դառնում էր շրջահայեաց : Անվերջ վերաբաշխելով մեր սահաւթիւ ուժերը, օգնական զինուորներ դատելով մեզ նից՝ կամուրջի, Վաղաւերի եւ Քեմախի ճանապարհապահ խմբերին, որոնց վիճակը աւելի քան ծանր էր, նա յաջողեց կասեցնել յառաջ խաղացող թշնամուն, որ յետ քաշուեց՝ սպասելով լուսանալուն :

Առաւօտեան Քեմախի խճուղու մեր պահակախումբը ենթարկուեց 200 հետեւակ, 25 ձիաւոր թուրք զինուորների յարձակման : Կասեցնելով թուրքերի շարժումը, պահակախումբը քաշուեց դէպի Երզնկայի հարաւարեւմտեան ծայրամասը : Ժամը 7ին, 700 հոգուց բաղկացած թրքական մի զօրամաս Քեմախի խճուղիով շարժուեց դէպի Երզնկա : Քաղաքից 10 — 12 քիլոմէտրի վրայ, այդ զօրամասը ուղղուեց դէպի Պաշխաշ եւ Վասկերտ գիւղերը, որոնք գտնւում են Երզնկայի արեւմտեան ծայրամասից նոյնքան հեռու : Այնուհետեւ թուրք զօրքերի շարժման հետախուզութիւնը դժուարացաւ սաստիկ ձիւնի պատճառով : Կէսօրից յետոյ, ժամը 2ին, չորս - հինգ քիլոմետր հեռաւորութեան վրայ նկատուեց քաղաքի արեւմտեան ու հարաւային ծայրամասերի վրայ

չարձակուող թրքական շղթան: Միաժամանակ չուր հասաւ, որ Փլիւմերի գծով շարժուած է գէպի Մամա-խաթուն թրքական 6,000նոց մի զօրամաս: Լուրը կալ-ծակի արագութեամբ տարածուեց, ստեղծելով աննկարազրելի խուճապ. ժողովուրդը ահաբեկուեց. նուազում էր նահանջի հնարաւորութիւնը: Մուրատը կարգադրեց ձէպէճուն քսան ձիաւորներով առաջ շարժուել եւ ճանապարհի պահակներից ստուգել այդ լուրը: Բայց նոյն պահին լուր հասաւ, որ Չարաախլուի 70 պահակները պաշարուած են եւ խնդրում են օգնու-թիւն...

Օգնութեան ոչ մի հնարաւորութիւն չկար. կացութիւնը աւելի քան յուսահատական էր: Սարսափի մատ-նրւած ժողովուրդը խելակորոյս վազվզում էր գէս ու գէն: Այդ իրարանցման մէջ քաղաք մտան Չարաախլուի պահակները, որոնք յաջողել էին բնաջնջումից ճողոպ-րիլ: Նրանք անմիջապէս ճամբուեցին գերեզմանոցը, ուր մղում էր տաք կռիւ:

Յանկարծ, շրջապատը դղրդաց. մերոնք օդը հա-նեցին Եփրատի վրայ ձգուած կամուրջը՝ քիւրտերի հոսանքը կասեցնելու մտքով: Խուճապը սաստկացաւ. ժողովուրդը հեւ ի հեւ վազում էր գէպի զօրանոցները: Թանձր փաթիլներով ձիւնում էր: Շատ ցուրտ էր: Աղ-մուկն ու վաշնասուճնը խլացնում էին ականջները: Կին, երեխայ, ծեր, պառաւ, տիեզերական մի պատուհասից մղուած, Աստուած, Աստուած աղաղակելով, շնչա-հատ վազում էին զօրանոցների ուղղութեամբ: Ու յան-կարծ կարծես գետինը պատուուեց եւ ահաւոր դղրդիւ-նը վայրկենապէս խլացրեց ամէն բան: Չարմանալի հմտութեամբ էր ղեկավարում մեր օրհասական պայ-քարը Մուրատը. քաղաքի դիխաւոր սաղմամթերանոցը օդն էլաւ: Թշնամին մի պահ շշմեց, ժամանակ տալով մեզ համախմբելու իր գէմ մեր ցրուած ուժերը: Բայց

յանկարծ նա թափով վերսկսեց յարձակումը . զնդակները կարկուտի պէս թափւում էին քաղաքում : Մարդիկ , հնամաշ վերարկուներով , վերմակներով , սիւռոցներով պարուրուած , ընկնում , կանգնում էին ու խելազարի պէս վազում . կանայք , երեխաները շալակած , լաց ու կոծով հետեւում էին նրանց :

Մի ժամ շանցած նահանջի կարաւանը շարժուեց : Վեց հազար մարդ՝ հաշուելով նաև զինուորներին : Թուրքերը կրնկակոխ մտնում էին քաղաք , ուր մնացել էին ծանր վիրաւորներ եւ մի քանի պառաւ կանայք , որոնք նախամեծար համարեցին մեռնել իրենց ծննդավայրում . . .

* * *

Նահանջը առաջնորդում էր Գնդապետ Մորելը : Մուրաաբ իր ձիաւորներով պաշտպանում էր թիկունքը : Թնդանօթներն ու զնդացիրները բաշխուած էին առաջապահների եւ յետսապահների միջև : Առջևն էին գտնում անխաւոր մթերասայլերը : Մնացած հայ , ուսւ զինուորները շարժւում էին զաղթականների հետ : Զարհուրելի էր տեսարանը . ցնցոտիների մէջ պարուրուած կանայք , երեխաներ , լալազին , սարսափահար , ձիւների մէջ ընկնելով ելնելով գնում էին : Փոքրիկները , մեծ մարդու պէս , հասկանում էին ամէն բան . նրանք պահանջ ու արտունջ չունէին , ցրտից կորկամած լուրջ ու ինքնամփոփ՝ գնում էին կամ հորթուկների պէս հարազատների յետևից վազում , ոմանք ցրտից ձեռքերը պահել էին կրծքին , մէջքին խաշաձեւ . կապուած լաթերի տակ ու շարժուն խաղալիքների տեսք առել : Դրանցից միշտ մէկն ու մէկին կարելի էր տեսնել ձէպէձու ձիուն վրայ , նա շփում էր պաղածների

քիթն ու բերանը, ձեռքն ու ոտքը եւ խրախուսելով վար
ղնում :

Հազիւ անցել էինք երկու ժամուայ ճանապարհ ,
երբ Բթառիճ գիւղի լեռներից քիւրտերը կրակ բացին
մեր վրայ : Հանդիպելով մեր կողմից արագ ու ուժեղ
գիմադրութեան , նրանք ցրուեցին : Բայց երբ մօտե-
ցանք Սան գիւղի շրջանին , երկու կողմից սկսուեց բու-
ռըն հրացանաձողութիւն . միաժամանակ կրակ սկսուեց
նաեւ թիկունքից : Աննկարագրելի խուճապ առաջացաւ .
ընկնողի , վազողի , ճչացողի հաշիւը չկար : Երկար տե-
ւեց կռիւը , մինչեւ վրայ հասաւ մութը : Զիւնը դադա-
րել էր . պարզ ու վճիտ գիշեր էր , քարը ճաթեցնելու
աստիճան ցուրտ , օդը պաղպաղակի պէս մարդու բե-
րանում հալում էր . հիւսիսային ցրտաշունչ մի քամի
էր փչում լեռներից : Որքան էլ մարդիկ ջարդուած էին ,
բայց մի վայրկեան անգամ չէին կանգ առնում զերծ
մնալու համար սառչելու անխուսափելի վտանգից :

Կէս գիշերը անց , կռուի բռնուեցինք Նորկախ եւ
Իրադուխ գիւղերի յարակից բարձունքներից յարձակ-
ուող քիւրտերի հետ : Գաղթող ժողովուրդի երթը մատ-
նում էր մեզ , այնինչ քրտերը նախապէս բռնել էին ան-
մատչելի դիրքեր : Այդ պայմաններում տեւական կռուի
նստել՝ հնարաւոր չէր . ժողովուրդը սառելով պիտի
մահանար : Առաջ շարժուել վտանգաւոր էր առանց Ի-
մանալու , թէ ի՛նչ է սպասում մեզ՝ գիմացը : Մնում էր
մի ելք , կռուելով անցնիլ՝ անտես առնելով զոհերը , ե
հետախոյզներ ճամբել առաջ : Գիշերային այդ թոհ ու
բոհի մէջ Մուրատը գոչեց .

— Տղա՛ք , ո՞վ կայ ձեր մէջ , որ կ'ուզէ այս ժողո-
վուրդի կեանքը փրկել :

— Ե՛ս , ձայն տուեց չմշկածազցին , որ լաւ ծանօթ
էր այդ շրջանին :

Նրան ընկերացան կիւրինցի Սահակը ու քաջարի

յիսնապետ Մուսղոփը՝ հազուադիւս ոուս զինուորա-
կաններից մէկը, որ իր բախար անդարձ կապել էր մեզ
հետ: Նրանք, ձորի փէշերը քերելով, անհետացան կի-
սախաւարի մէջ: Հրացանաձողութիւնը դեռ շարունակ-
ւում էր, բայց չէինք կարող երկարել: Փորձեցինք ա-
ռաջ շարժուիլ, սակայն քրտերը սասկացրին կրակը:
Պարզ էր, որ նրանք ուզում էին մեզ այդտեղ պահել
մինչեւ լոյսը բացուի: Մուրատը դիմեց գնդացիրների
օգնութեան. նրանց անընդհատ ճարձատիւնների տակ
ժողովուրդը առաջ մղուեց: Ծանր կռիւ էր, բայց թե-
թեւ անցանք. ունեցանք ընդամէնը հինգ սպանուած եւ
մի քանի վիրաւոր: Յետեւի, դիմացի բարձունքներից
դեռ հասնում էին մեզ հրացանների որոտը, բայց վը-
տանդը արդէն անցել էր: Կիրճերի մէջ սեղմուած Եփ-
րատը շշկուել էր ու սառոյցների տակ թաղնուել. տեղ-
տեղ սառոյցը անգոր է եղել յաղթահարելու դետը, եւ
երբեմն հասնում էր մեզ ջրերի միօրինակ գլղլոցը: Առ-
ջեւից երբեմն հասնում էին ճիչ ու աղաղակներ, բայց
դրանք սովորական էին այլեւս. մէկն ու մէկը սառել
կամ մեռել էր: Յանկարծ, մեր առջեւ ցցուեց Սահակը,
չմշկածազցին եւ յիսնապետ Մուսղոփը սպանուել էին:

— Ա՛յ քեզ խարար, ծօ ի՞նչպէս սպանուեցին, չըճ-
մած գոչեց ձէպէճին:

— Սպանուելը քանի՞ տեսակ կը լինի:

— Վա՛յ, տունդ չքանդուի...

Ձէպէճին լաց եղաւ:

Ընկերացայ Սահակին դէպի յետ, Մուրատի մօտ,
որ լսեց Սահակի կարճ պատմութիւնը՝ աչքերը խուփ,
կարծես քնած էր, միայն դէմքի թեթեւ կծկումներից
կարելի էր հասկանալ, որ լսում էր:

Աղջամուղջին մեր դիմաց յայտնուեց սպանուած
Վահրամի արարական նժոյգը, որ շփոթ վազքով մօ-
տենում էր մեզ: Յուրտը սաստկացել էր, լուսաստղը

յայտնուեց եւ սկսեց բարձրանալ : Արեւելքէ քիչ - քիչ շառագունում էր . հեռուն հորիզոնից կախուած երկարաւուն ամպերը շարք - շարք բոցավառում էին : Լուսացաւ , վարը ճանապարհին ընկած էր մի գիւակ : Մոռուցոյն ու ձին չկային : Չմշկածաղցին երկարել էր ձիւնի մէջ մէջքի վրայ , ձեռքի մէկը հորիզոնաձեւ գլխից վեր նետած : Կարծես քնած է : Ո՞վ էր , որ չէր պաշտում նրան . . .

Հասանք Չելիկ : Յրտից սրտած մանուկների , անդամ մեծերի , լացն ու կոծը ստեղծել էր իրարանցում : Նրանց մէջ էր փոքրիկների խնամակալ ձէպէճին . որին փաղաքշելով , որին բարկանալ ձեւացնելով մեղմում էր ժխորը :

— Ծօ՛ , չե՛ս ամչնար , կուլաս կոր , հէր հալտա մէրդ քեզ մեծցուցեր է գաթայով :

— Ծօ՛ , ի՛նչ կ'ըլլաս կոր , ինձի նայէ՛ . . . Սա՛նկ , հա՛ , տեսար որ լալէն խէր չկայ . հայտէ նայիմ , ա՞Քէրի՛մ :

— Ծօ՛ , ձայնդ , է՛ . . .

Ասում էր նա մէկին կամ միւսին , եւ մանուկները լսում էին նրան :

Յողնած ու ջարդուած ժողովուրդի միակ ցանկութիւնն էր մի օր մնալ Չելիկում , շունչ անել : Բայց նրա իսկ փրկութեան համար ժամն անգամ արժէք ունէր այժմ , անհրաժեշտ էր արագ շարժուել , կիրճերի շրջանից շուտ անցնիլ :

Երկու ժամ յետոյ մեկնեցինք դէպի Չորս : Կէս ճանապարհին , Դերջանի լեռների կատարներից որոտացին հրացաններ : Ծայր տուեց նոր խուճապ ժողովուրդի մէջ , որ սաստկացաւ , երբ Սանսարի վտանգաւոր կիրճի մէջ , Դերսիմի բարձունքներից սկսուեցին քրտերի համադարկերը : Ժայռերի տակ պահուած՝ անընդհատ կրակում էին : Նրանք լաւ էին տեսնում մեզ եւ անվրէպ

Նշանառութեամբ դեռին լիութեամբ մեզինց մէկին կամ միւ-
տին: Մեր գլխաւոր դժուարութիւնը ժողովուրդն էր.
սաղեշարժ ձայներ, ճիշեր, օղնութեան կանչել ամէն
կողմ: Կոուի ամենատաք պահին, երբ ձիւնապատ լե-
քան լանջն ի վեր մաղլցելով աշխատում էինք տեղա-
հան անել քրտերին, ճիշտ նրանց դէմ ու դէմ, Գերջա-
նի լեռնաշղթան բռնեցին յիսունից աւելի քրտեր ու եր-
կու կողմից սկսեցին կարկտի պէս տեղալ զնգակներ:
Քսպար բնաջնջուելու մի պահ էր. սահեցինք վար: Այժմ
յուսահատութիւնը պատեց բոլորին. լացը, աղաղակ-
ները բռնել էին կիրճը: Իրարանցման մէջ Մուրատը
Ֆլք դտաւ, քիւրտերին սանձահարելու միակ զէնքը
Թնդանօթն էր. երկու հատ արագութեամբ շարժուե-
ցին եւ ուղղուեցին քիւրտերի դիրքերին: Այժմ բոլորի
մերկութիւնը կախում էր երկու ուսահայ երիտա-
սարդների՝ Տէր - Ակորովի եւ Տէր Պետրոսովի ջանքե-
քից: Կարծես ոչ թէ Թնդանօթները, այլ կիրճն էր գոռ-
դոտում: Առաջին խկ հարուածները խուճապի մատնե-
ցին քրտերին, ապա ջարդուեցին, ջախջախուեցին նը-
քանց անմատչելի դիրքերը եւ կէս ժամ շանցած դատա-
պարտուեցին լութեան:

Շարժուեցինք, կիրճի մէջ թողնելով 25 լպանուած
մուսուղներ եւ 38 սպաննուած կամ վիրաւոր ձիեր: Մեզ
հետ առինք 60 հոգի ծանր ու թեթեւ վիրաւորներ:

Գիշերը հասանք Չորս, ուր կային ուսանների կա-
տուցած փայտաշէն զօրանոցները: Պահակատեղին
պահպանում էին հարիւր հայ զինուորներ: Ժողովուր-
դը թափուեց զօրանոցները: Վայնասունը կրկնապատ-
կրեց. աւելի կամ պակաս չափերով այդ գիշեր ճանա-
պարհին սառել էին 50 զինուոր եւ 200 գաղթական:

Աղջամուղջին շարժուեցինք դէպի Վժան: Վիրա-
ւորների, սառածների եւ ձիերի մէկ մասի կորուստի
տրամադանով հարկադրուեցինք Չորսում թողնելու, ան-

գործածելի վիճակում, երեք դաշտային, մէկ լեռնային թնդանօթ եւ մթերաբեռների կէսը:

Լուսանում էր. երկինքը գորշ էր, քամի կար. բըրընձի պէս կարծր ձիւնը ծեծում էր մեզ: Կարծես բընութիւնն ու մարդիկ դաշն էին կռել մեզ ոչնչացնելու համար: Յետեւից քշում էինք յոգնատանջ ժողովուրդին Շահ - Աբրասի ձիաւորների պէս անխնայ. փրկութեան ուրիշ միջոց չկար այլեւս, ամէն մարդ ինքն էր իր ճակատագրի տէրը. սվ ուղում է փրկուել, թո՛ղ քայլէ...

Լոյս էր արդէն, երբ պարզուեց, որ Չորս - Վժան խճուղու շուրջ քառասուն մէտր երկարութիւն ունեցող կամուրջը այրուած է: Տարակոյս չմնաց, որ հետապընդող թշնամին որոշել է մեզ այստեղ վերջնապէս ջախջախել: Եւ իրօք, դեռ ձորի խորքերին չհասած որոտացին հրացաններ: Ժողովուրդը վազում էր, սարի տակ ներս ընկած խոռոչների ուղղութեամբ: Մուրատը խելագարի պէս դառնում էր վեր վար՝ հեահանդների տալով: Քիւրտերը կրակում էին դիմացի լեռան նպաստաւոր դիրքերից. վարից դէպի լեռ ճարձատում էին մեր գնդացիները:

Ու սկսուեց մի կատաղի, օրհասական կռիւ: Ինձ համակել էր ջերմից բռնուածի պէս մի դող, ասածների կափկափոց, որ առնչութիւն չունէր վախի հետ: Երբ պարզուեց մեր տասնեակի անելիքը, դողս չքացաւ, զարմանալի անդորրութիւն եկաւ վրաս, գիտակցութիւնս սկսաւ գործել յստակ ու արագ:

Լեռների փէշերին խումբ - խումբ ձիաւոր եւ հետիոտն քրտեր, յետ ու առաջ շարժուելով, գրուում էին յարմար դիրքեր. ուրիշներ, անընդհատ կրակելով, աշխատում էին մօտենալ կիրճին նայող բլրակին, որ կոնաճեւ բարձրանում էր մեր դիմաց:

— Ամէ՛ն գնով այդ բլրակը գրաւել, գոչեց Մուրատը ձէպէճուն:

Սողում, ընկնում, վազում, ցատկում, մազլցում էինք եւ յետ սահում, բայց եւ այնպէս առաջանում էինք՝ տասը համազարկին մէկ պատասխան տալով:

Մեր գլխի վրայով ճարճատում էին գնդացիները: Բլուրն ի վեր մեր յետեւից շարժում էին ուրիշներ:

— Հա՛ տղերք ջա՛ն, հա՛ զուրպա՛ն, — վարից հասնում էին Մուրատի սրտակոտոր աղաղակները:

Վերը, վար ընկնողների, քրտերի գնդակներից մահացողների հաշիւը չկար: Այստեղ էր, որ մարդիկ ենթակայ էին ճակատագրի քմահաճոյքին. այդ պահին մարդ կարող էր ե՛ւ ապրիլ, ե՛ւ մեռնիլ՝ նայած, թէ ի՛նչպէս կը տնօրինէ բախտը:

— «Հի՛ւշշ...», սուլեց մէկը եւ երեսի վրայ գետին փռուեց ճիշտ կողքին:

— Հա՛յ - հո՛ւյ, տղե՛րք... Վարդանն էր որ մի ծանր գնդացի մէջքին կապած՝ չորեքթաթ մազլցում էր դէպի մեզ: Որոտացին հրացաններ: Վարդանը պառկեց մէջքով դէպի գնդակները ու, յանկարծ, վարից զզրուաց թնդանօթը.

— Հա՛յ - հա՛յ... բախտը ինայել էր Վարդանին. ձիւների մէջ թաւարկւոր մազլցելով գալիս էր:

Այլեւս անընդհատ որոտում էին թնդանօթները: Ձէպէճին, Յովնանը եւ Սահակը իրենց նետեցին բլրի գագաթը եզերող գոգը. մենք՝ նրանց յետեւից: Գրնդակների մի տարափ իջաւ այդ տեղ. շարժուելու հնար չկար. մնում էր դիրք բռնել ու կռուել, բայց յարժար դիրք չէր ճարում:

— Դէպի ձա՛խ, դէպի ձա՛խ, վարից հասնում էին Մուրատի գոչերը:

Բուքը կատաղօրէն մոմնչում էր, թնդանօթները որոտում էին, հրացանների, գնդացիների ճարճա-

տիւնից շրջապատը դղրդում էր: Թուրք - քրտական
հրոսակները ամէն տեղ ամրացած՝ շարունակում էին
կրակ թափել մեր դլխին: Շարժուելուն պէս մէկը չո-
քեց, կծիկ եղաւ եւ անշշուկ գլտորուեց վար: Ճէպէ-
ճին, Յովնանը սողում էին, մենք՝ նրանց յետեւից:

— Դէպի ձա՛խ, դէպի վե՛ր, վարից անընդհատ
դոռում էր Մուրատը:

Յանկարծ, ճէպէճին վեր ցատկեց ու ձախ կողմից
մի ոտտիւնով անցաւ բլրի թիկունքը: Ապա Յովնանը
Մահակի հետ յաջողեց բռնել բլրի վեր ցցուած ապա-
ռաժուտ գաղաթը: Քիւրտերը կատաղի հրացանաձգու-
թեան տակ առին բարձունքը, բայց դուրս մղել տղա-
ներին այդ գիրքից՝ չկարողացան: Մեծ յաջողութիւն
էր այդ վարը դանուողներին յառաջացումը դգալապէս
գիւրացաւ: Վայրկեան առ վայրկեան բլրի թիկունքում
յայտնուում էին նոր ուժեր: Կանոնաւոր համազարկերը
յաջորդում էին իրար: Քիւրտերը անընդհատ կրակում
էին՝ գիրքից գիրք անցնելով եւ ընդարձակ մահիկի ձե-
ւով բացուելով: Թո՛հ ու բո՛հի մէջ անկարելի էր հաս-
կանալ, թէ ի՛նչ է կատարւում: Բայց ակներեւ էր, որ
տեղին լաւ ծանօթ քրտերը սեղմում են օղակը՝ աշխա-
տելով անցնել մեր թիկունքը: Յանկարծ, նրանք, յան-
գուզն կիսաշրջանաձեւ շարժումով, բացուեցին դէպի
մեզ. միաժամանակ նրանց թիկունքում յայտնուեց
բաղձութիւն, կռուող նոր ուժեր: Ի՞նչ էր կատարւում
վարը եւ այլ գիրքերում՝ չգիտէինք. այլեւս չէինք լը-
սում Մուրատի ձայնը. դղրդոցն ու աղմուկը խլացրել
էին ամէն բան: Ստեղծուեց յուսահատական վիճակ. —
Քրա՛կ, բացուող շղթայի ծայրին, դռաց ճէպէճին:

Առաջին իսկ համազարկերի տակ քիւրտերը գապ
արին ու ծլկուեցին. կարծես մտան դետնի տակ: Ամէն
ակնթարթ սպասում էինք նոր յարձակման, երբ յան-
կարծ լսեցինք.

— Հէ՛յ - հէ՛յ. — Վարդանն էր. դամէշի պէս ընկել էր ձիւներին, քիչ վարը, ու չէր կարողանում շարժուել: Վրայ հասանք. փութաբի պէս փչում էր՝ ուժապառ: Վեր հանեցինք ու գնդացիքը վայրկեանապէս սարքեցինք: Յանկարծ, քիւրտերը դուրս թռան դիրքերից ու հարայ - հրոցով գրոհեցին դէպի մեզ:

— Տը՛ր - ատա - տա՛ - տա՛ - տա՛... դըրդաց գնդացիքը՝ հնձելով առաջին շարքերը: Քրտերը խուճապահար նահանջեցին՝ մտնելով ապառաժների տակ: Յարձակման վայրում մնացին տպանից աւելի դիակներ եւ բաղձաթիւ վիրաւորներ, որոնք ձիւների սէջ փորսող տալով աշխատում էին իրենց նետել ապառաժների կտեր: Շատ քշերին յաջողուեց այդ: Միտմամանակ պարզուեց ահաւոր մի տեսարան. հաղարից աւելի ձիււոր, հետեակ քրտեր, ընդարձակ տարածութեան վրայ, տեղահան եղան մահիկաձեւ առաջացած շղթայի թիկունքում, ուր պատասպարուել էին նահանջող ժողովրդի բնաջնջման եւ թալանի յոյսով: Վեր հանում մէկ գնդացիքը այժմ խուճապի մատնեց նրանց:

Ծեծում էինք անխնայ լերան առաջամասը, կենարոնը, ամենահեռուոր թիկունքը: Խուճապահարները տալիս էին դոհեր. սրակասը լրացնում էին լաւ նշանառուները. ձի, մարդ գլտորում, չոքում, վեր ցատկում՝ դիւահարի պէս փախչում էին: Այստեղ այլեւս կացութեան տէրը մենք էինք, բայց վարը դեռ շարունակում էր օրհասական կռիւր. աւելի յաճախ էին որոտում թնդանօթները, աւելի բուռն էր հրացանաձգութիւնը:

Նոր էր պարզւում ինձ, թէ ի՞նչ մեծ նշանակութիւն ունէր մեր գրաւած բլուրը: Միայն այդ բլրի ստորոտներից կարելի էր անցնիլ կիրճին ծանծաղ ու սառած ջուրը՝ շրջելով հրդեհուած կամուրջը:

Արդէն սկսուել էր ժողովուրդի փոխադրութիւնը

դէպի միւս ափը, բայց ծանր խնդիր էր նրանց բլրի թի-
կունքին հասցնելը. հեռաւոր, անտեսանելի գիրքերում
ամբայած քրտեր անվերջ շարունակում էին տեղալ
գնդակներ: Թնդանօթն ու գնդացիրը անզօր էին նրանց
դէմ, եւ անցնող ժողովուրդի տասնից մէկը մահը ան-
խուսափելի էր: Ժողովուրդի անցքը պաշտպանում էին
լաւ հրացանաձիգներ՝ Մուրատի անմիջական գեկավա-
րութեան տակ: Վարը ամէն տեղ ընկած էին զլակներ:
Շատ դժուար էր կանանց, երեխաների, սառածների,
վիրաւորների փոխադրութիւնը, որոնք անցնում էինք
ծանծաղ ջրով՝ շալակած, ձեռքերի վրայ, կամ ողջ
մնացած սակաւաթիւ ձիերով: Մանր վիրաւորները սո-
ղում էին ձիւների մէջ, առասպելական օձերի պէս:
Բժիշկ Պօղոսեանը, մի քանի մարդկանց օղնութեամբ,
քաշում, քաշքշում էր նրանց դէպի անցքի շրջանը,
բայց ո՞ր մէկին պիտի հասնէր...

Առաւօտեան ժամը Ծին փոխադրութիւնը վերջացաւ,
աւելի ճիշտ հարկադրուած եղանք ընդհատել, որովհե-
տեւ նահանջը պաշտպանող կամաւորների ստուարա-
գոյն մասը ոչնչացաւ: Բայց այդ ժամանակ վիրաւոր-
ներն ու սառածները, բացի 30 գաղթականներից, ար-
դէն փոխադրուած էին: Վերջիններից գատ. միւս ա-
փում մնացին ութ վիրաւոր կամաւորներ: Մեր զոհերի
ընդհանուր թիւն էր, կոտուղ ժողովուրդն էլ միասին,
մօտ 500 հոգի. ուստի գինուորներից սառել էին 200 հո-
գի, գաղթականներից՝ 300 մարդ: Միւս ափը մնացին
մեր բոլոր մթերասայլերը, թնդանօթներն ու գնդա-
ցիրները...

Կիրճը անցել էինք, հրացանաձիգութիւնը դադարել
էր: Մեզ հետապնդողները երեւի զբաղուած էին վիրա-
ւորներն ու գիակները կողոպտելով եւ սոստ աւարը
բաշխելով: Բուքը փոխել էր իր ընթացքը, այժմ նա
ցատկոտելով փչում էր թիկունքից՝ քշելով մեզ դէպի

վար: Չիւնածածուկ քարքարոտ էր, բուքը թոյլ չէր
տալիս ճանապարհը տարբերել. ընկնողների, ձեռք ու
ոտք ջարդողների հաշիւը չկար: Սիստ դժուար էր վի-
րաւորների, սառածների խնդիրը. շատերը, տեսնելով
որ պատճառ են դարձել կարաւանին դանդաղութեան,
խնդրում էին վերջ տալ իրենց կեանքին: Մորելի կող-
մից վճան ճամբուած ձիաւորները հասան մեզ միայն
կէս ճանապարհին՝ ընդամէնը հինգ սայլով: Բայց այդ
էլ մեծ թեթեւութիւն էր աւելի արագ շարժուելու հա-
մար: Կարաւանը կարծես քարացել էր. անձայն, անշը-
շուկ դնում էր: Ո՛վ կորուստ ունէր, ո՛վ էր սառում՝
յայտնի չէր: Գերադոյն մի թափ էին արտայայտում
հրաշքով մահից ազատուածները, մի օրհասական ճիղ
որ մարդուն դարձնում է մեքենայ: Բայց եթէ մենք ճո-
ղոսյրել էինք մարդ - դադանների հալածանքներից, բը-
նութիւնը դեռ հաշիւ ունէր մեզ հետ: Հաղիւ իջանք
հարթութիւնները, բուքը կատաղօրէն մոնչաց: Դերսի-
մի փոթորիկն էր, որ հետապնդում էր մեզ: Քիչ ետքը
նա սկսեց երեսն ի վար սահիլ, շօշափել ձիւների կոյ-
տերը, ձիւնածածուկ փոսերի մէջ մտնել, մաղլցիլ բը-
լուրներն ու դլխի վրայ ծուլօրէն դառնալով՝ ձիւնի ա-
ւաղներ նետել մեզ: Յանկարծ, ամէն բան իրար անցաւ.
կարծես տիեզերական երկրաշարժ պիտի լինէր ու հո-
ղը պիտի ճեղքուէր՝ մեզ ներս առնելու համար: Հորի-
զոնից դէպի մեզ արշաւում էին ճերմակ ամպեր՝ սեղ-
մելով տարածութիւնները, ստեղծելով արհեստական
մթնշաղ: Չիւնաւաղները, բղկտուած լաթերի պէս,
դառնում էին մեր շուրջը: Տեսիլքների պէս դեղերուն՝
նրանք փուլում էին երեսի վրայ մոխրացող տարածու-
թիւններում, վեր ցատկում, իրար վրայ հեծնում, այ-
ծերի պէս ճակատ ճակատի դարնում. ապա, յանկարծ,
խմբում էին, անիւի պէս դառնում, երկարում դէպի
վեր եւ ամպերը ճեղքելով՝ չքանում...

Այնուամենայնիւ իրիկուայ ժամը Գին տեղ հասանք-
 ժողովուրդը թափուեց վաշտաշէն նորակառոյց հան-
 րակացարանները: Ինչ կարելի էր՝ ջարդուեց ու վառ-
 ուեց դեռ իրենց տեղերը մնացած թիթեղէ վառարան-
 ներում: Տեղական պահակներից իմացանք, որ Ֆամի
 եւ Վարդակչու մեր պահակախմբերը շրջապատուել էին
 թուրքերի կողմից եւ բնաջնջուել: Այդ հանրակացարա-
 նում մերոնցից ոմանք մաքրում էին հրացանները, ո-
 մանք էլ տեղ բռնելով թախտերին՝ երկարում: Քուն
 չկար, թէ եւ մահուան չափ ջարդուած էի. կարծես ար-
 քորուել էի սայլի տակ: Մօտս երկարած անխռով
 խոմփում էր ձէպէճին: Ուշի ուշով լսում էի գիշերա-
 յին իրարանցումը. բուքը դեռ մոնչում էր. կարծես
 սառնամանիքի բոլոր թղուկները խմբուել էին Վժա-
 նում ու մատները բերաններում սուլում էին, հա՛ սու-
 լում: Փոթորիկը անփոփոխ սաստկութեամբ շաչում
 էր: Նա ճանկոտում էր տախտակէ պատերը, ծեծում
 դռները, պատուհանները: Ու կարծես մէկը հեծեծում
 էր, լաց լինում, մի ուրիշ հրհում: Շէնքի պատերին
 կարծես բահերով իջնում էին խճաքարեր: Երբեմն
 լսում էր բութ թնդիւն . կարծես տանիքը պիտի պակ-
 ուէր, դերանները վար թափուէին: Յանկարծ, զզրդա-
 գին վար թափուեց տախտակով դամուած սրտուհա-
 նը: Ձէպէճին վեր թռաւ. հայեացքը պտրտեցրեց շար
 կողմը՝ վտանգ կանխազգույ անասունի պէս անհան-
 գիտ:

— Յիսո՛ւս, Քրիստո՛ս...

Երեսը խաչակնքեց ու երկարեց միւս կողին: Բու-
 քը կոկորդ պատուելով՝ աղաղակում էր դրան տակ, ա-
 պա յետ քաշուելով՝ հառաչում ու հազարաւոր անօթի
 գայլերի պէս հեռուներում ոռնում...

Առաւօտ բռնեցինք Բաղէէ - էրզրում ուղղութիւնը:
 Հետապնդում չկար: Պարզ օր էր. արեւը կայծկլում

էր ձիւնապատ տարածութիւնների մէջ, որոնք քմծի-
ծաղում էին երէկուայ բուքի եւ անցուղարձերի վրայ :
Մարդիկ, գլխի ընկած, նոր էին ողբում կորուստները :
Կէսօրը անց հասանք Քարճիլ : Էրզրումից ստացուած
հրահանգի համաձայն, բոլոր պահակախմբերը պէտք է
կենտրոնանային Մամախաթուն, ուր հասանք նաեւ
մենք Փետրուար 17ի երեկոյեան : Այստեղ կային ամէն-
կարգի մթերանոցներ, վերմակների, հազուստեղէնի
ամբարներ եւ անհաշիւ ռազմանիւթի հսկայական պա-
հեստներ : Ժողովուրդը այստեղ կազդուրուեց :

Գնդապետ Մորեկը աշխատում էր կապիտան Կաֆ-
եանի եւ հոգիով զեռ ուժեղ հայ սպաների օգնութեամբ
կազմել ոչ մեծ, բայց վստահելի մի զօրարածին՝ Մա-
մախաթունը պաշտպանելու համար : Բայց սակեղծուած
պայմաններում նրա ջանքերը չէին կարող յաջողու-
թեամբ սպակուել : Ռուսական ճակատի փլուզումից յե-
տոյ թուրքերը մեր վրայ նետել էին իրենց լուաղոյն
ուժերը եւ, ըստ տեղեկութիւնների, Վեհիբ փաշայի
երկու բանակներից զատ, Երզնկա - Էրզրում ուղղու-
թեամբ շարժում էին եւ այլ ուժեր : Միաժամանակ
շարժման մէջ էին դրուած ամենաընդարձակ շափերով
քրտական հորդաններն ու չեթաները, որոնք այժմ շա-
հագրղուած էին դիւրութեամբ ձեռք բերուելիք պա-
տերազմական աւարով, ուստ անհաշիւ մթերաբեռնե-
րով, պահեստներով եւ ամէն տեղ թափուած բազմա-
թիւ հարստութիւններով . . .

Փետրուարի 19ի առաւօտեան մեկնեցինք : Մամա-
խաթունը այրւում էր : Լեռ, սար ու ձոր գոռում,
դղրղում ու տարածուն արձագանգով ոռնում էին. օղն
էին հանում ռազմամթերքի պահեստները . . .

Կարասլէյլիղում մեզ միացաւ Սեպուհը իր ձիաւոր-
ներով, կամաւորներով եւ հայ ու յոյն տարազիրներին



Ս Ե Պ Ո Ւ Հ

ձի մասով, որոնք գաղթել էին Բարերդի Աղսոնք - Մատեն - Քոպխան - Բանակասպան գծով : Այս գծով Բարերդից գաղթած տարազրույթեան մեծ մասը արդէն շարժուել էր Իլիճայի ուղղութեամբ :

Իրիկունք այստեղ էինք եւ մենք, իսկ յաջորդ օրը՝ կրգրում . . .

«ՄԵՐ ՀԱՅՐԵՆԻՔԸ ԿՈՐՑՐԻՆՔ»

Էրզրումը դարձել էր Արշակաւան. էլ ո՛վ ասես որ շկար. տրապիզոնցի, վանեցի, բարերոզցի, խնուսցի, պոլսեցի, ալաշկերտցի, թիֆլիսեցի, մշեցի, թաւրիշցի, դարարաղցի, Երեւանցի եւ այլն: Կարծես աշխարհի բոլոր ծայրերում ողջ մնացած հայերը վախել, ապաստանել էին Էրզրում: Կային հայկական, ուսսական ամէն տեսակ «իշխանութիւններ», բայց քաղաքը մատնւած էր անիշխանութեան եւ տիրում էր քառասային մի վիճակ. ո՞վ էր պետը, ո՞վ ենթական, ի՞նչ էր մըտածուում քաղաքի պաշտպանութեան համար, ի՞նչ էր մեր քաղաքական ուղեգիծը կամ մեր անելիքը՝ յայտնի չէր: Ընդհանուր քայքայումների ու կազմալուծման մէջ կար միայն մի սրտապնդիչ համոզում. Էրզրումը «աշխարհահռչակ» բերդ էր. իր ամբողջիւնները, թընդանօթները բաւական էին դէմ դնելու ամենահզօր բանակներին...

Սահակի եւ Յովնանի հետ տեղաւորուել էի Սանասարեան վարժարանում, ուր խճողուած էր տարազիր բազմութիւնը:

Հազիւ անցել էր մէկ - երկու ժամ, երբ մեզ մօտ յայտնուեց Համօ Բարաղամեանը: Նոյնն էր, միայն կորցրել էր աշխուժութիւնը: Բնականաբար, զրկախառնուեցինք իրար երես տեսնելու առթիւ: Բայց Համոն շատ զլուխ չունէր հողեկան զեղումների ու մէկ

երկու հարցումներից յետոյ զրպանից դուրս քաշեց երկարաւուն թղթեր. որպէսի զրի առնի մեր առածները հերթական թղթակցութեան համար: Մեզնից ոչ ոք տրամազիր էր այդ գործով զրազուելու. մեզ հետաքրքրում էր էրզրումի կացութիւնը, քաղաքը պաշտպանելու հնարաւորութիւնը: Եւ Համոն ստիպուած եղաւ յետ գնել թղթերը ու գոհացում տալ հարցումներին:

Էրզրումի ամբութիւնները ունէին բաւական ուժեղ հրետանի, 400 բերդային եւ գաշտային թնդանօթներով: Բայց նրանց մեծ մասը, անգործածելի վիճակում, լքուած ու թաղուած էր ձիւների մէջ. հազիւ մէկ երկու տասնեակ թնդանօթներ պահել էին ռազմունակութիւնը: Հրետանին վարում էին 40 սպաներ եւ 400 զինուորներ, որոնց մարտական կորովը ընկած էր: Ռուսական սպայակոյտը էրզրումից արդէն տեղափոխուել էր Սարըզամիշ եւ բերդի պաշտպանութիւնն ու «գորքերի» հրամանատարութիւնը անցել էր հայերի ձեռքը: Էրզրումի ամրացուած շրջանի պետ էր նշանակուած Անդրանիկը, որ զեռ գտնոււմ էր Ալեքսանդրապոլում: Երզնկայի, Բարեբղի նահանջից յետոյ էրզրում հասած ուժերի հետ միասին տեղական ուժերը կազմում էին 3100 սուին, 400 ձիաւոր եւ ութ թնդանօթ: Անդեկիրենց բախտին թողնուած այդ ուժերը բարոյալքում էին, եւ կարգապահութիւնը օրէց - օր ընկնում էր: Տարագիր զանգուածներ խմբոււմ էին զանազան հաստատութիւնների գոնների մօտ եւ պահանջներ անում: Գողթի, նահանջի հետեւանքով ստեղծուած դժուարութիւնները յաղթահարելու համար անհրաժեշտ կազմակերպութիւն չկար...

Յաջորդ օրը գնացինք դէպի կոմիտարիատ, ուր կը յուսայինք տեսնել Մուրատին եւ մեր անելիքը հասկնալ: Մարդ չկար: Դահլիճին յարակից սենեակում

նակ նստած էր մի շքեղ զինուորական : Բուխարայի ընտիր փափախի ճակատին փայփլում էր երկարձիւր . թանձր յօնքերը ուղեղնաձեւ ստուերանում էին սեւ , կայծկլտուն աշքերին , լայն սունդերի տակ խրոխտօրէն հանդչում էին թաւ պեխերը՝ ծայրերով ցրիւ դէպի վեր . կարճ ծնօտը երկարելու նպատակով թողած համաշափ մօրուքը մեղմում էր դէմքի վարի մաւին բթութիւնը , ուսնոցներին փայլում էին « շ . Ա . Զ . » հայերէն սոկեղօժ դրերը : Մեղ տեսնելով նա մի անհանդիստ շարժումով յետ մղեց ազդրի վրայ հանդչող թուրը ու մաքուր հայերէնով գոչեց .

— Ի՞նչ կ'ուզէք :

Զարմանալի արագութեամբ ասաց այդ :

— Ովքե՞ր էք , գոչեց աւելի անհանդիստ :

— Մուրառի տղաներն ենք , ասաց Յովնանը :

Զեռք մեկնեց :

— Գնդապետ թորդո՞մ :

Յիչեցի հեռախօսային զրոյցը Մուրառի հետ , Հայաստանի անկախութիւնը հռչակելու առաջարկը : Այժմ զնդապետին հետաքրքրում էր այն հարցը , թէ ինչո՞ւ ընդհարումներից առաջ Երզնկայի ժողովուրդը շտեղանուէր է և օր առաջ շուղարկուէր էրդրում , քանի որ այդ դէպքում պիտի գլխաւոր ինքնապաշտպանութեան գործը և ժողովուրդն էլ այնպիսի սրտկալի գոհեր պիտի շտար նահանջի ժամանակ : Սահակը բացատրեց , որ Երզնկան սպաշտպանողներից շատերը հարազատներ ունէին ժողովուրդի մէջ և Եթէ ժողովուրդը օր առաջ տեղահանուէր , այդ դէպքում քաղաքի սպաշտպաններն էլ նրանց հետ պիտի գնային , առաւել ևս , որ ժողովուրդն էլ չէր ուզում բռնել էրդրումի ճանապարհը առանց լուրջ սպաշտպանութեան , վախնալով քրտերի յարձակումներից :

Գնդապետ թորդո՞մ գլուխը կախեց , ածուխի պէս



ԶՕՐԱՎԱՐ ԹՈՐԳՈՄ, լուսանկարում
Իգմիր, 1922ին: Իր բով՝ անգլիացի սպայ մը,
Հայկական Լեգեոնի մարզանքը դիտելու ատեն:

սեւ, կայծկլտուն աչքերը մի սպահ գեղերեցին, սեղանի վրայ բան փնտռելու պէս ու սասայ. — Այո՛, անհրաժեշտ էր գալիքը էն գլխէն մտածել. առաջին մէկ օրէն կ'ըսէի, որ Վեհիբ փաշայի բանակներուն չենք կրնար դիմանալ, պէտք է մեր օրիանթասիոնը փոխենք, բայց լսող չեղաւ: Հիմա ելեր դիւ կը մեղադրեն. լսած եմ, որ Սեպուհի տղաները արժանապատուութիւնս կը խժրժեն, սպառնալիքներ կ'ընեն. օգնական ուժեր չե՞մ ճամբեր ելեր ոչ անոնց, ոչ ձեզ, սասայ յուզուած «չեմ» բառը երկարելով. — Իբր թէ նահանջն ալ տեղի է ունեցեր այդ իսկ պատճառով, յարեց աւելի ու աւելի յուզուելով: «Ի՞նչ կրնար ընել 50—60 դինուորներու շարնոր ուժը, երբ թշնամին կը շարժէ մեր գէմ բանակներ՝ չհաշուած քրտական հորդաները: Տղայութիւն չե՞ այդ դատողութիւնը: Եւ, վերջապէս, ի՞նչ կրնար ընել այս փլուզումին մէջ զնդապետ մը, որ թէեւ նշանակուած է ուժերուն բաշխման պէտ Ազգային Խորհուրդին պէս հեղինակաւոր իշխանութեան կողմէ, բայց որուն չեն ուզեր ենթարկուիլ եւ որուն իշխանութեան հիմերը կը փորէ ուրիշ մը...

Գնդապետը նայեց մեզ այդ «ուրիշ»ին վրայ ծանրանալու շեշտով, բայց մեզ չէր հետաքրքրում այդ:

— Ինքզինքը ինձմէ գերազանց կը սեպէ, թէեւ ես նշանակուած եմ Թիֆլիսէն, Ազգային Խորհուրդի կողմէ, իսկ անիկա զնդապետութեան աստիճանը ստացած է ինձմէ միայն քանի մը օր առաջ եւ մարդ չի դիտեր, թէ ո՞վ է զինուորական պէտ կարգեր զինք: Յիսուն հարիւր խումբ մը կազմեցի ձեզի օգնելու համար. Երզրնկա ճամբելու, վար գրաւ ըսելով, թէ հոս պէտք են...

— Ո՞վ, հարցրեց Յովնանը:

— Չէ՞ք գիտեր, զնդապետ Գարաբէշիչեանը. ուրիշ խումբ մըն ալ կազմեցի Բայբուրտ ճամբելու համար:

Ձեզի կը հարցնեմ, ասանկ պայմաններու մէջ ի՞նչպէս պիտի օգնական ուժեր ճամբէի...

Այդ գրոյցը պարզում էր աւելին, քան կարող էր մեզ ստել Մուրատը:

— Անցեալը անցել է, պարոն գնդապետ, կարեւոր է հասկանալ թէ ի՞նչ որոշեցիք քաղաքը պաշտպանելու համար եւ ի՞նչ պիտի անենք մենք. — ասացի:

— Ամէն բան «որոշուած» է, բայց արժէք չունի, ուժ չունինք:

— Այդ դէպքում արդեօք լաւ պիտի չլինէ՞ր օր առաջ քաղաքից դուրս հանել ժողովուրդը դէպի Կարս որ նահանջի ժամանակ չվնասուի:

Նրա տեղոյն դէմքին գոյացաւ դառն ժպիտ:

— Իրաւունք ունիք, բայց Կարսէն ո՞ւր պիտի տանինք այդ զժրախտ ժողովուրդը:

— Ուրեմն, ենթադրում էք, որ թուրքերը պիտի պան մինչեւ Կա՞րս:

— Ի՞նչ «ենթադրել», չէ՞ք գիտեր, որ Ֆրեստի հումաձայնութեամբ Կարսը, Բաթումը, Արտասանը տրբուած են թուրքերուն...

— Ե՞րբ, գոչեց Յովնանը, երեւի կարծելով, թէ թուրքերը արդէն այնտեղ են:

— Երէկ, սիրելիս, երէկ հեռագիր ստացանք այդ մասին:

— Ի՞նչ կ'ըսէք, հէյ - վա՛խ...

Լուրը անակնկալ էր նաեւ ինձ եւ Սահակի համար:

— Ի՞նչ էք մտածում այդ առթիւ, հարցրեց Սահակը:

Գնդապետ թորդոմի դէմքը յանկարծ ճառագայթեց, սեւ աչքերը կայծկլտացին. ինքնագործ կափարիչի պէս շրթունքները շարժուեցին ու արտասանած խօսքերին համաչափ բաց խուփ անելով բերանը, հատահատ շեշտելով ասաց.

— Ես ձեզ սոսկական շարքային զինուոր չեմ նկատեր. ձեզ կը համարեմ սրտցաւ, բանիմաց հայ երիտասարդներ եւ անկեղծօրէն կը խօսիմ. եթէ վստահ ըլլալի, որ անձնական զոհարերութիւններով կացութիւնը կը փրկուի, բոպէ մը խկ չէի տատաներ անձս զոհարելու ազգիս համար: Գժբախտաբար, ոչ իմ եւ ոչ ալ ձեզ նման հաղարաւորներու անձնագոհութիւնը, ներկայ պարագաներուն մէջ, չեն կրնար դործը ղլուիս հանել: Կացութիւնը աւելի քան բարդ է, մեր դէմ կը կրուելին ոչ միայն զէնքով, այլեւ քաղաքականութեամբ: Այսպիսով, եթէ չենք կրնար զէնքի դէմ զէնք դործածածել, դանկ քաղաքականութեան դէմ քաղաքակութիւն բանեցնելու ենք. մենք պէտք է մեր օրիանթասիսներ փոխենք. ձեռք բաշենք ուսերէն եւ անկախութիւն հռչակենք:

— Դուք կարծու՞մ էք, որ թուրքերը հաշուի կ'առնեն մեր անկախութիւնը, ասաց Սահակը հետաքրքրութեամբ:

Գնդապետ Թորոսմը զգացուած գոչեց.

— Ա'իս սիրելիս, եթէ այդ ահար կատարած ըլլալինք երկու ամիս առաջ, երբ Բրեստի մէջ դեռ չէր ճշդուած մեր խնդիրը, բոլորովին այլ պիտի ըլլար հիմա մեր կացութիւնը. ըսի՛, հեռախօսեցի՛ Ազգային Խորհրդին, Մուրատին, Սեպուհին: Խեղճ կարծեցին զիս: Մակայն դեռ ուշ չէ. անհրաժեշտ է ժամ առաջ կատարուած իրողութեան առջեւ դնել թշնամին: Անգամ մը այդ ընելէն ետքը, ան չի համարձակիր Հայաստանի անկախ պետութեան սահմանները ոտք կոխել:

— Ինչո՞ւ, մտամոլոր հարցրեց Յովնանը:

— Որովհետեւ մօտ ապագային հաշիւ պիտի տայ մեր դաշնակիցներուն՝ Անգլիոյ եւ Գրանտայի, որոնք անպայման յաղթական պիտի ըլլան...

Վերջին խօսքերը պարզեցին ինձ ամէն բան: Ես ելալայ:

— Ձէ՞ք կրնար այդ մասին խօսիլ Մուրատի հետ, դարձաւ զնդապետը Սահակին:

— Մենք փոքր մարդիկ ենք, պարոն զնդապետ, մենք ի՞նչ կարող ենք ընել:

— Կը կարծէ՞ք օգուտ չունի...

Սահակի դէմքը ընդունեց այնպիսի մի արտայայտութիւն, որ կարող էր լինել եւ «այո» եւ «ոչ», նայած, թէ ինչ կը լինի զնդապետի խօսքի շարունակութիւնը:

— Ափսո՜ս, հառաչեց վերջինը՝ մեկնելով մեզ իր ձեռքը:

* * *

Ընդհանուր փլուզումի այդ օրերին, յանկարծ րատեղծուեց աննախընթաց խանդավառութիւն. Անդրանիկը Ալեքսանդրապոլից իր բանակով հասել էր Հասան Գալէ: Երբ լուրը հաստատուեց, ժողովուրդի ողբերութիւնը հասաւ խենթութեան: Մարդիկ, ամէն բան մոռացած, փողոցներում երգում էին «Ձայլը հնչեց Էրզրումի հայոց լեռներէն», «իմչպէս արծիւ սաւառնում ես լեռ ու ձոր» հանրածանօթ երգերը:

Էրզրումի քսան հազարնոց թուրք բնակչութիւնը, որ մինչ այդ չէր ծածկում իր ուրախութիւնը մօտալուա ազատութեան յոյսով, յանկարծ սմբեց ու փակուեց աներում. նրա բոլոր յոյսերը ջուրն ընկան. Անդրանիկը դալիս էր:

Անդրանիկը եկաւ. բնդունուեց արտակարգ շուքով եւ հանդիսաւորութեամբ: Խուռներամ բազմութիւնը բռնել էր ճանապարհը մինչեւ Կարս Գափու. — Կեցցէ՞ Անդրանիկը, գոռում էր խելայեղ ամբօխը:

— Կեցցէ՛... զգրգում էին փողոցները:



Խ. ՅՄԵՆԿ

15 հոկտեմբերի շեփարհու

Էջմ. ԲՆԼԼՆԻՔԻՆԵՐԸ

1921

Կարմիր
Ս. ՄԻՋԻՍԻՆԻՍԻ
ՍՆՆԵՐԸ

ARAM webaram.com

ԶՕՐԱՎԱՐ ԱՆԴՐԱՆԻԿ

Բայց յաջորդ օրը վերականգնուեց նոյն կացութիւնը: Մանուկ ժողովուրդը սպասում էր հրաշքին, որ չկար: Այժմ նա անում էր դատողութիւններ՝ եւ ոչ շատ նպաստաւոր՝ զեկավարների, անգամ Անդրանիկի համար:

— Ինչո՞ւ այսքան ուշացաւ...

— Ո՞ւր էր մինչեւ հիմա...

— Վերջին պահուն ի՞նչ կարելի է անել...

Ապա հետեւում էին զանազան զրոյցներ եւ ենթադրութիւններ:

Մեկ չէին գրադեցնում այդ զրոյցները. եւ երբ Մուրաար կանչեց, բոլոր ողջ մնացած բնիկերները դարձեալ խմբուեցին նրա շուրջ:

Նախ քան այդ՝ արդէն մի շարաթ էր ինչ թուրքերը դարձրել էին էրզրումը իրենց զինուորական գործողութիւնների թիրախ, եւ հայկական առաջապահ մասերը, նրանց ճնշման տակ, քայլ առ քայլ նահանջում էին դէպի Իլիճա:

Մարտ Արին, թշնամին՝ համախմբելով իր ուժերը Իլիճայի դէմ՝ զիմեց ուժեղ յարձակման. մենք նահանջեցինք տալով անհամար զոհեր: Անդրանիկի հրաւերով գումարուեց զինուորական արտակարգ խորհրդակցութիւն: Յաջորդ օրը առաւօտից սկսուեց էրզրումի պարպումը եւ նահանջը ամենաժանր պայմաններում: Փամբ Գին թուրքերը արդէն քաղաքումն էին: Նրանց ձեռքն անցաւ անհաշիւ ռազմամթերք, պարէն, հանդերձանք, եւ այլ հարստութիւններ: Քաղաքում մնացած հարիւրից աւելի հայերը կոտորուեցին: Ճանապարհին բազմահազար տարազիրներին միացան Խնուսի կոուողների մի մասն ու գաղթականները: Այնուհետեւ, բնդարձակ տարածութիւնների վրայ, պարզուեցին գաղթականական մեծ հոսանքների նոյն տեսարան-

ներք, որոնք ինձ արդէն ծանօթ էին Երզնկայից սկը-
սած . . .

Մօտենում էինք Ռուսահան Հայաստանի սահման-
ներին : Լուսաստղը բարձրանում էր վեհափառ շքեղու-
թեամբ՝ խոստանալով վճիտ օր : Շատ ցուրտ էր : Մա-
սիսի դմբեթաձև ձիւնափայլ գազաթը, գուրս գալով
թանձր խուարի միջից, գծադրում էր եթերում մեծա-
փառ վսեմութեամբ : Հեռուներում, աղջամուղջի նիզա-
կաձև խուրձերից, քիչ - քիչ պարզում էին սակեգոյն
ապառաժների ուրուագծերը : Հորիզոնը այնպէս բոցա-
վառում էր : Քիչ յետոյ հրափառ գունդը սուսումներով
սկսեց բարձրանալ : Ոսկեգոյն ապառաժների սրածայր
գազաթները, ծիրանի հագած, մշուշի մէջ ցցուեցին :

Դիտում էի շրջապատը հայրենագուրկ թախիժով :
Ես, նախնիքներես վերջին սերունդի մնացորդներից
մէկը, պարզ ու որոշ գիտակցում էի, որ այդ պահին
մեր հայրենիքը կորցրինք : Ու իմ բաժին պատասխա-
նատուութիւնը նախորդ սերունդների հանդէպ՝ թւում
էր խիստ ծանր, դառն ու ահաւոր : Անձնակա՞ն վշտից
ծնունդ առած վրէժի գգացումը դառնում էր իմ մէջ
սառն գիտակցութեան պահանջ, իբրև մեր սերունդի
ինքնարդարացման մի ուղի :

Հետապնդող թշնամին շփման մէջ մտաւ մեզ հետ
Մարտի կէսերին, Կարս - Ուրկանի շրջանում : Ստանա-
լով ուժգին հակահարում՝ հետապնդումը դանդաղեց
բայց կանգ չառաւ : Նա ոտքի հանեց մեր թիկունքում
քրտերին : Մարտի 13ին, թուրքերի ճնշող գրոհների
տակ, քաջուեցինք դէպի Սան - Տերէ : Ապրիլի 2ին
թուրքերը մեծ ուժերով շարժուեցին դէպի Կարաքուրտ,
Բարգոս եւ այս կէտերը գրաւելով՝ յարձակուեցին
Սան - Տերէի վրայ : Սկսուեց արիւնահեղ կռիւների մի
շարք, որ տեւեց մի քանի օր : Ապրիլ 6ի գիշերը պար-
տրեց Մարրզամիշը, ուր նախապէս պայթեցրին պա-

հետաները ու փճացրին սաղմական նշանակութիւն ունեցող ամէն բան: Զգալի էին մեր կորուստները, յատկապէս Կարաքուրաի կիրճում, ուր ընկան բազմաթիւ կամաւորներ: Այդտեղ ես փէրք ստացայ աջ թեւից ու դուրս հանուեցի կռուողների շարքից:

* * *

Սարըլամիչը դեռ կանգուն էր, երբ մեկնում էի Թիֆլիս մի խումբ վիրաւորների հետ: Խելակորոյս իրարանցումը կայարանում աննկարագրելի էր: Ցաղմութիւնը պաշարել էր զնացքը: Մարդիկ խումբ-խումբ վազվզում էին դէս ու դէն, հսկայական պարկեր շալակած, որոնց մէջ կարծես փոխադրում էին անդամահատուած դիակներ: Վազոնները բերդի նման գրաւում էին խուժումով: Ունաման, գլխարկ, կապոց, վերմակ, հազուստի թեւ դուրս էին մնում, երբ մարդիկ, մազերը ցրիւ, օձիքը պատռուած, կատաղօրէն նետում էին իրենց վազոնի մէջ: Փրկուելու կենդանական մղումը մթազնել էր մարդկանց դատողութիւնը: Տուն դարձող սուս գինուորների մի յամեցած խումբ, զէնք ու գրահով, բռնել էր զնացքի ուղին եւ սպասնում էր ջարդ ու փշուր անել ամէն բան, եթէ իրենց աեղ շարունի զնացքում: Կայարանի հայ պաշտօնեան, գլուխը կորցրած, վազվզում էր մայթով ու վազոնների դռների մօտ գոռոցում, պաղատում, որ տեղ տան նրանց: Տեսնելով, որ ոչ ոք չի ուզում զիջել, նա մեր վազոնի մօտ յանկարծ ցուլի պէս ոլորում է հաստ վիզը ու բուռնցքի շարժումներով ամբոխը ճեղքում: Հարայհրոցը, անասելի աղմուկը խլացնում է ամէն բան: Վերջապէս, ուսաները տեղաւորւում են ու զնացքը շարժւում է: Ամբոխը այժմ քննադատում է հազորդակցու-

Թեան անհանդուրժելի կարգերը . տէր չկար , իշխանութիւն չկար , մանաւանդ կարգ ու կանոն չկար : Ամենսխիստ քննադատողները կորուստ ունեցողներն էին . նրանք փնտռում էին պատուհաններից վազոն նետած իրենց իրերը : Թուխ դէմքով , բարձրահասակ ու թիկնեղ կովկասահայ մի երիտասարդ , սեփ - սեւ երկար մազերը ջղաճղարար շտկելով , յուզուած բացազանջում է .

— Վայ , մէրդ չմեռնի , Հայաստա՛ն , էս ի՞նչ արինքեղ :

Հարեւան բաժնում , հացթուխի լեցուն դէմքով մի արեւմտահայ չափազանցութիւններով նկարագրում է դէպքերը՝ ծանրօրէն բաց ու խուփ անելով աչքերը : Տանձի կոթի պէս բարակ վզով մի ուրիշը հաստատում է նրա ասածները՝ իր գունատ գլխի շարժումով . . .

Պուճապի ազդեցութիւնը զգացւում էր եւ Կարսում , կայարանում կարգապահութիւնը դեռ չէր խանդարուել . հինաւուրց բերդը հաւատ էր ներշնչում . այստեղ պատճառ չկար շատ վախնալու : Կէսօրը անց հասանք Ալեքսանդրասլու . ձիւնը կայարանի մայթին հալել է , կազմելով ծփուն տիղմ : Երեք տարի առաջ , դպուլ զուռնայով մեզ այստեղ դիմաւորեց կիֆտոյատիպ մի ամբոխ : Նոյն մարդիկն էին եւ այժմ ճկուն , շարժուն ու ցրտից կարմրած քիթերով : Յուզուած , նորութիւններով անհանդիստ , կարծես բոլորն էլ փրճուում էին բոլորին ու իրար էին գտնում : Ահա մէկը , որ , արխալուղը հովին , մազերը ցրիւ , բռնում է միւսի շինքից , նրան յետ շրջում ու երեսն ի վեր դռչում .

— Տօ՛ , իշու ձագ , ի՞նչ ես կայներ . արի երթանք արող գրուինք :

Աբո՛ղ , արո՛ղ , արո՛ղ՝ դաղթող ժողովուրդը փխադրելու , մնացորդների կեանքը փրկելու . այժմ այդ էր օրուայ կարգախօսը . . .

Աւելի վեր՝ դէպի հիւսիս, Ղարաքիլիսէ, Սանա-
հին, ժողովուրդը հանդարտ է եւ փիլիսոփայօրէն խա-
ղաղ. նախ՝ հեռու են դէպքերը, ապա՝ ինչ լինելու է,
կը լինի: Կայարաններում հանդիպում էին միայն տա-
րիքաւորներ, որոնք կորաքամակ անցնում էին մայթե-
րով, ապա՝ բթամատերով գօտիներին կառչած՝ կանգ
էին առնում ու անորոշ ուղղութեամբ նայում: Ո՛չ մի
հետաքրքրութիւն. այլևս ոչինչ չէ կարող նրանց վար-
մանք պատճառել:

Լոռու փարթամ բնութիւնը դեռ ձերբազատ-
ուած ձիւնից. լերկ ծառեր, բները ցից, մերկ թեւերը
պարզած, դեռ սպասում էին իրենց կանաչ գարգերին:

Առաւօտ էր, երբ հասանք Նաւթլուղ, որ ասել է
Թիֆլիս: Իրար յաջորդող մշուշապատ սարերը մնում
են թիկունքում: Ապա յայտնուում է Մամա - Գաւթի լե-
ռը, որ ճեղքել է սարերի շղթան, շնչահատ առաջ վաղել
ու յանկարծ, ապշահար կանգ առել՝ քաղաքի տեսքից
համայնուած: Նա հիւրընկալել է իր փէշերին քաղաքի
ծայրամասերը: Այստեղ գարուն է. Կոջորի ուղղու-
թեամբ տարածուում են մուգ - կապոյտ կանաչներ: Վա-
րը լայնանիստ տարածուել է շքեղ Թիֆլիսը, որի հե-
ռաւոր փէշերը կորչում են բլրադարձ այգիների մէջ:
Ահա եւ Կուր դետը, որ քաղաքը երկու հաււստար մա-
սի բաժանած՝ օձապտոյտ երկարել է արծաթագոյն
ժապաւէնի պէս: Գարնանամուտի արևը կայծկլտում
է տների ապակիներին, որոնք կարծես լուացուած ու
սրբուած են: Աստուած իմ, ո՛րքան կայուն են իրերը,
եւ ի՞նչքան երեբուն է մարդկանց ճակատապիտը...

Երբ դնացքը կանգ առաւ, ինձ պատկերացաւ երեք
տարի առաջ մեր շոնդալից մեկնումը: Փոփոխութիւն-

ները անչափելի էին: Կայարանը լեցուած էր տուն-
դարձող անգլուխ զինուորների բազմութեամբ: Երե-
ւանեան հրապարակը խաղաղ կերպարանք էր ստացել,
զրոյց էին անում:

Վելեամինովսկայեա եւ Բեհրուտեան փողոցներում
մի քանի մարդիկ քաղաքապետարանի առջեւ կանգնած՝
հուաքուած էր տարազիր բազմութիւն: Չորրորդ հի-
ւանդանոցը, ուր առաքուած էինք, գտնուում էր այդ-
չըջանում: Մեզնից միայն հինգ հոգի կարելի եղաւ
այդտեղ տեղաւորել, այն էլ շնորհիւ բժշիկ Գ. Սաղ-
եանի ջանքերի. թափուր տեղ չկար: Մնացածները տոմս
ստացան Արամեանի շէնքին կից դարմանատան մէջ
բուժուելու եւ այնտեղ էլ մնալու: Երեւանեան բանուկ
հրապարակը գրեթէ ամայի էր: Սակայանի սրճարա-
նում չկային այլեւս երկարամազ ակնոցաւոր մտաւո-
րականներ, որոնք այն ժամանակ վիճում էին քաղա-
քական դէպքերի շուրջ ու հանում հետեւութիւններ,
որոնցից եւ ոչ մէկը չիրականացաւ: «Անատոլիա» ճա-
շարանում, ռազմաշունչ կամաւորների լիտարէն,
խմբուած էին Արեւմտեան Հայաստանի գանազան շրջ-
ջաններից փախստականներ: Քիչ աւելի կեանք կար
Գոլլովինեան պողոտայում: Պալատին կից սուսական
տաճարի երկաթաձող շրջափակի մէջ խմբուած էին
սուս բարձրաստիճան զինուորականներ. երեւի՝ նշա-
նաւոր անձի հոգեհանգիստ էին կատարում: Քիչ աւելի
վար, միւս մայթին, Աղեքսանդրեան այգու մուտքին
չհասած, բարձրանում է Արամեանցի հինգյարկանի
տունը, ուր հակառակ մեծահարուստ տիրոջ կամքի,
այժմ տեղաւորուած է Հայոց Ազգային Խորհուրդը իր
յարակից կազմակերպութիւններով: Դէպքերը այնպէս
տակնուվրայ են արել ամէն բան, որ ներկան ու անց-
եալը խառնուել են գլխիս մէջ...

Մի քանի օր անցած Արամեանցի տան առաջին յար-

կում հաստատուած ընդարձակ ճաշարանում ուսիս իջաւ մի ձեռք. պարոն Թաթիկեանն էր :

— Վերադարձել ես ու չես յիշում մեզ, Թեւզ ի՞նչ է եղել :

— Ոչինչ բան է, նստեցէք, ասացի անակնկալի մասնում :

— Ո՛չ, եթէ դորժ չունիս այստեղ, տուն գնանք. ճաշի ժամանակ է :

Թէև անցել էր երեք տարի, բայց նախապէս հին մանկական յիշողութեան պէս էին պատկերանում ինձ Թաթիկեանների տունը եւ այն առաջին զգացումները եւ զգայութիւնները, որ արթնացան իմ մէջ Անահիտի նկատմամբ : Այժմ որքան մօտենում էինք բնակարանին, այնքան յուզումը համակում էր ինձ :

— Գոնէ կարսի տալ կարո՞ղ կը լինեն կասեցնել Թուրքերի առաջխաղացքը, հարցրեց Թաթիկեանը, երբ մի քանի խօսքով պարզեցի ճակատի անյոյս վիճակը :

— Թերեւս...

Միայն ազջիկները կարող են այնպէս փթթել, ինչպէս տեսայ Անահիտին. մեծացել էր, գեղեցկացել. կեցուածքը՝ լուրջ, իմաստալից : Նա արագ մօտեցաւ ինձ միջանցքում, բայց երբ խօսեց, դժուարութեամբ կապեց ասելիքը իրար հետ. — Գիտէի, որ եկել էք, բայց ձեզ չտեսայ. ա՛խ, ո՛չ, մի անգամ տեսայ ձեզ Արամեանցի տան դիմաց. պարոն Եանրգեանը ասաց, որ դուք էք :

Յայտնուեցին մայրը եւ մեծ քոյրը : Քիչ - քիչ այդ բնատանիքի ջերմ մթնոլորտը կազդուրեց ինձ : Փոքրիկ քոյրը՝ Սեդիկը, որ այն ժամանակ հազիւ մէկուկէս տարեկան էր, այժմ ազատ խօսում էր, «կ»ն «տ» հնչելով : Անահիտը մանկութիւնից պահպանել էր գլուխը թեք բռնած լսելու սովորութիւնը, երբ խօսում էր հայ-



1919 ԱՇՆԱՆ, ԵՐԵՒԱՆ – ՔԱՆԱՔԵՆԻ: Չա-
խէն աջ. 1.— ՄԻՍԱՔ ԹԵՂԼԻՐԵԱՆ, Սողումո-
նի եղբայրը, Սերպիայէն կամաւոր գացած է:
2.— ՍԱՀԱԿ ԹԵՂԼԻՐԵԱՆ, Սողումոնի հօրեղ-
բօրորդին, Սելանիկէն կամաւոր գացած է: 3.
— ՍՈՂՈՄՈՆ ԹԵՂԼԻՐԵԱՆ, 1915ին, Քանա-
քեո, Ա. բանակի մէջ գործակատար:

բը: Իսկ պ. Նշանը շարունակում էր հարցաւփորձեք
տխուր բաների մասին.

— Ուրեմն, Մարտիրոսի բազմանդամ բնասանիքից
ուչ սք չի փրկուել:

— Ոչ սք:

— Իսկ ինչո՞ւ ես կարծում, որ մեր Շահէնը սղջ
է...

— Թրքական բանակին մէջ գեռ կան հայ սպաներ, որոնք
շարունակում են ծառայել:

Գիտէի, որ սիրած եղբորորդին՝ Շահէնը սչնչաց-
ուել էր շուրջ 2000 հայ գինուորների, սպաների հետ
միասին, Խարբերդի շրջանում, ուր նրանք աշխատում
էին ճանապարհների շինութեան վրայ, իբրև «ամէլէ»-
ներ, բայց այնքան շատ էին անհաճոյ տեղեկութիւն-
ներս, որ ստիպուած էի այդ մասին լռել:

— Ո՞րքան աշխատեցի այստեղ բերել ապւ. քանի
անգամ գրեցի...

— Իսկ Մովսէսեանները ի՞նչ կզան, հարցրեց Թիկին:
Զուարթը:

— Քչուած ու ջարդուած են, Թիկին:

— Իսկ մեր հարեւան Գանիէլեաննե՞րը:

— Բաւական է, միջամտեց պ. Նշանը:

* * *

Արդէն իրազեկ էի կացութեան: Քաղաքի ծայրա-
մասերում, Հաւլարարում, Շէյթան բազարի, Սալ-
տատըսքի բազարի թիկունքում, Խոջավանքի գերեզմա-
նատանը եւ այլ տեղեր հաստատուած էին գաղթակա-
նական կայաններ: Տարազիրների մի հոծ բազմութիւն
կուտակուած էր քաղաքից հեռու Բակուրեանիի շրջա-
նում:

Թէև «հայկական շարագործները» — որոնց պատ

ձեռնու պատրուակով թուրքերը խախտեցին զինադա-
դարը դեռ Երզնկայից սկսած — վաղուց արդէն ասպա-
տանել էին Անդրկովկաս, բայց թշնամին՝ բնաջնջելով
արեւմտասահայութիւնը՝ գալիս էր վերջ տալու նաեւ
կովկասահայերի գոյութեան: Վրացիներէ համար
թրքական վտանգը գոյութեան խնդիր չէր, այլ քաղա-
քական հարց: Թաթարները բացէ բաց անցել էին թըշ-
նամու կողմը եւ այլեւս առանց քաշուելու աշխատում
էին թուրքերին առաջնորդել Անդրկովկաս: Նրանք տ-
մէն տեղ կազմակերպում էին խռովութիւններ, շար-
ժումներ. կատարում էին լրտեսութիւն ամենալայն չա-
փերով ու բոլոր միջոցներով քայքայում թիկունքը:

Մարտի կէսերին Կարսի շրջանում սկսուած քրտե-
րի ու թաթարների շարժումը ստացել էր կազմակեր-
պուած զինուորական գործողութիւնների բնոյթ: Չին-
ուած իսլամական խմբեր շրջապատել էին Մարտինեկն
ու Արտահանը, ուր տեղի կ'ունենային կատաղի կռի-
ւեր: Հազարներից բաղկացած աւազակային խմբեր,
սահմանամերձ մասերում բնաջնջում էին հայերին:

Անդրկովկասում անհամաձայնութիւնները երեք
աղղերի միջեւ, յատկապէս հայերի եւ թաթարների,
զնալով ծաւալուած եւ խորանում էին թէ՛ Աէյմի, թէ՛
Անդրկովկասեան կոմիտարիատի մէջ:

Այս պայմաններում Տրապիզոնի մէջ սկսուած հաշ-
տութեան բանակցութիւնները թուրքերի ձեռքին դար-
ձել էին խաղալիք: Վեհիբ վաշան շարունակում էր
առաջանալ Բաթումի, Արտահանի ուղղութեամբ՝ ամէն
օր գրաւելով նոր վայրեր: Ռէնուֆ բէյը խօսում էր հաշ-
տութեան «նախնական պայման»ների մասին, որոնց
միակ իմաստն ու ձգտումն էր քայքայել հայ - վրացա-
կան՝ առանց այն էլ թոյլ գործակցութիւնը: Շշմեցու-
ցիչ հեռագիրներ էին տեղում թիֆլիզ՝ Կարսի շրջանա-
յին կոմիտար Զամոյանի, Արտահանի շրջանային կո-

Տիսար Շաղալովի, Քաղաքային և Երջանային գործադիր կոմիտէի նախագահ Սարալիձէի, գանձապետ Իւանովի ստորագրութիւններով այդ շրջաններում տիրող տահնուվրայութիւնների, աւաղակային խմբերի յարձակումների, կստորածների, կողոպուտների, գանդըւածային գողթերի մասին: Եւ այն ժամանակ, երբ Սէյմի ամբիոնից հնչում էին յուզումնալից ճառեր, ուղղուած «ներքին թշնամու» դէմ, բերնէ բերան պատմում էին ինչ որ գաղտնի թուրք - վրացական բանակցութիւնների մասին, որոնց համաձայն Չիւենկէլին Տրապիզոնում աշխատում էր Բաթումը պահել Անդրկովկասի սահմաններում — Կարսն ու Արտասանը թուրքերին յանձնելու պայմանով:

Ապրիլի 13ին թուրքերը մտան Բաթում: Քիչ անց Թիֆլիզ հասաւ Տրապիզոնի պատուիրակութիւնը, և շրջան անող վրաց - թրքական գաղտնի համաձայնութեան դրոյցները ստուգուեցին: Չիւենկէլին յանձնել էր Բաթումը թուրքերին՝ Բրեստի համաձայնութիւնը Անդրկովկասի վերաբերող մասով իրականութիւն դառնալուց յետոյ այդ քաղաքը Վրաստանին կցելու պայմանով: Հայերի դէմքին դոյն չկար: Ապրիլի 22ին վրացի և թաթար քաղաքական գործիչները Անդրկովկասը յայտարարեցին «անկախ պետութիւն», որ հանդիսանում էր թուրքերի կողմից պահանջուած հաշտութեան «նախապայման»ներից առաջինը: Նոյն օրը Գեղեչկորիի կառավարութիւնը հրաժարուեց ու հաստատուեց մի նորը, որի մէջ Չիւենկէլին ամէն բան էր՝ ե՛ւ արտաքին գործոց նախարար, և՛ վարչապետ, ե՛ւ «հաշտութեան բանակցութիւն»ների պատուիրակութեան նախագահ: Հաշուի առնելով նախորդ կառավարութեան տատանուող սուսասիրական օրիանթացիան, կարելի է ասել, որ այս փոփոխութեամբ մարմին էր առնում շեշտուած թրքասիրական քաղաքականութիւնը:

Ապրիլի 24ին Ակակի Չխենկէլին հրահանգեց հայկական ուժերի հրամանատար զօրավար Նազարբէկեանին՝ Կարսը յանձնել թուրքերին: Թաթարները ցնծութեան մէջ էին, Կարսի յանձնումը նշանակում էր թուրքերի անարգել առաջխաղացութիւնը դէպի հարաւային Անդրկովկաս: Վրաց քաղաքական գործիչները այժմ բանակցում էին թուրքերի հետ՝ Բաթումը յետ ստանալու եւ անկախ Վրաստան կազմելու ցանկութեամբ: Աննախընթաց ուրերգութեան օրեր էր ապրում Թիֆլիզի հայութիւնը:

Այդ օրերին Թիֆլիզում յայտնուեցին Մուրատն ու Սեպուհը: Վէրքս բուժուելու վրայ էր եւ առիթից օգտուեցի նրանց տեսնելու՝ անելիքս ճշդելու համար: Բայց երանի՜ տեսած չլինէի հայկական աղատամարտի այդ երկու հին մարտիկներին այն վիճակի մէջ. անճանաչելի էին, դառնացած, յուսահատ եւ քարոյալքուած: Մուրատը այնուամենայնիւ ինձ ասաց, որ մըտադիր է կազմել ձիաւոր մի խումբ, լեռնային ճանապարհներով Ալեքսանդրապոլ մեկնելու համար, հէնց որ Ազգային Խորհուրդը հաւանութիւն տայ այդ գործին, եւ խոստացաւ ինձ այդ խմբի մէջ առնել: Մի քանի օր յետոյ իմացայ, որ Հիւսիսային Կովկասով մեկնել է դէպի Ռուսաստան՝ իր ուժերը Լենինին տրամադրելու որոշումով...

Մայիսի կէսերին թուրքերը դրաւեցին Ալեքսանդրապոլը: Ապա կռիւները ծաւալուեցին Ղարաքիլիսայի շրջանում, ուր մի քանի յաջող ընդհարումներից յետոյ, հայերը ստիպուած եղան տեղի տալ ու բռնել նոր դիրքեր Բողիզիւղի ու Նիկիտինայի շրջանում՝ վակելով Երեւանի ճանապարհը:

Ղարաքիլիսան դրաւելուց յետոյ, թուրքերը իրենց ուժերի մէկ մասով շարժուեցին դէպի հիւսիս՝ Թիֆլիզի ուղղութեամբ: Միաժամանակ ոտքի էլաւ եւ Սա-

տախլու Սանտարի շրջանի մահամետականութիւնը, որ
կարեց երկաթուղային հաղորդակցութիւնը հարաւա-
յին Անդրկովկասի հետ: Այդ օրերին գրաւեալ վայրերից
տեղահան եղած տարագիրների ծայրը արդէն հասել
էր Թիֆլիզ: Մերկ ու սոված բազմահազար գաղթա-
կանների նոր շարքեր ամէն օր յայտնուում էին Թիֆլի-
զում ու դեռ վերջը յայտնի չէր:

Նման մի բազմութեան մէջ մի օր, յանկարծ, նշմա-
րեցի բարձրահասակ Յովնանին: Քայլում էր կքոտ,
ծանր հիւանդի սկս:

— Յովնա՛ն...

Կանգ առաւ, տատամսոտ նայեց զէպի մայթը մէ-
կի նման, որ ինչ անելը չգիտէ, մինչեւ մօտեցայ ու
զուրս քաշեցի բազմութեան միջից.

— Տօ էտ ի՞նչպէս, ուրեմն, դո՞ւ ես, — գոչեց նա
ուրախացած, փափախը վար առաւ, ճակատի քրտինքը
նրանով սրբեց: Մէկ ձեռքին ունէր զինուորի սլայու-
սակ, միւսի անութին տակ սեղմել էր մի բարձիկ եւ
վերմակ: Կարծես ուզում էր ինչ որ բան վերջիչել՝ ցից
այտասկրների վերը խոր բնկած մանր աչքերը թարթե-
լով սասց:

— Այս անգամ հազիւ խալսեցանք մահէն, աղբա-
րրս, կրակի բոցերէն ելանք: Բայց դարձեալ կը մնա-
յի, եթէ ասանկ չըլլար. անդլուխ մնացինք: Մուրատի
մեկնելէն ի վեր ամէն բան զնաց, հիմա կ'ուզեմ զինքը
տեսնել, հասկնալ, թէ ի՞նչ պիտի ըլլայ մեր վերջը:
Կ'ուզեմ Մուրատէն հրաման առնել, բոլշևիկ գրուիլ
եւ ցարական ուսներուն դէմ կռուիլ. անոնք քանդեցին
մեր տունը. — ասում էր Յովնանը լեզուի ծայրով թըր-
ջելով շորացած չրթունքները:

— Մուրատը այտեղ չէ:

— Ի՞նչ կ'ըսես, գոչեց յուսահատ:

— Այո՛, մեկնել է Հիւսիսային Կովկաս:



ՍՈՂՈՄՈՆ ԹԷՀԼԻՐԵԱՆ

(1915-ից)

— Հէ՛յ - վա՛խ...

Կարծես հողը ոտքերի տակից վախաւ, այնպիսի յուսահատ վիճակի մատնուեց:

— Չե՞ս կրնար Ազգային Խորհուրդէն միջոցներ խնդրել, որ երթամ...

— Ո՞ւր:

— Անոր ետեւէն, ի՛նչ դիտնամ...

* * *

Ճակատադրական օրեր էր ապրում Անդրկովկասի հայութիւնը: Օրհասական պայքար էր մղում թուրք զինուորական ուժերի դէմ Արարատեան դաշտի հայութիւնը Սարտարապատի տակ, ուր կռիւր մղում էր Վարդանանց պատերազմի կրկնութեան նշանախօսչի տակ: Քառասային կացութիւն էր թիֆլիզում. ամէն տեղ խճողուած էին բազմահազար գաղթականներ: Սէյմը եւ Անդրկովկասի կառավարութիւնը ապրում էին իրենց քայքայման նախօրեակը: Վրացիները ձգտում էին դուրս գալ ապագայ դժուարութիւններից՝ յայտարարելով Վրաստանը անջատ ու անկախ: Օրը - օրին խորանում էր հայ - թաթարական հակամարտութիւնը, վերջինները առաջնորդում էին թուրքերին Բաղու. հայերը մնացել էին մենակ՝ արեան ու կրակի մէջ: Այս պայմաններում իմաստ չկար թիֆլիզում անդործ ժամանակ վատնելու մէջ, եւ յաջորդ օրը Յովնանի հետ մեկնեցինք դէպի Փոթի: Արդէն ծաւալուած քաղաքացիական կռիւների պատճառով, այն ժամանակ, զիւրին չէր արագութեամբ Ռուսաստան անցնիլ, եւ մենք յոյս ունէինք Հիւսիսային Կովկասում հասնիլ Մուրատին եւ նրան միանալ: Գնացքը լիքն էր Հիւսիսային Կովկաս գաղթողների բազմութեամբ, որի ստուար մասը կադմում էին թիֆլիզեցի հայեր: Աւելի մեծ էր տարազիրների կուտակումը Փոթիում: Բոլոր հիւանդոցները,

քարւանսարաները, ճաշարանները, կաթնատները լեցուած էին վերջին ծայր: Տեղում էր յորդ անճրեւ՝ խորտուբորդ մայթերին գոյացնելով լճակներ: Ուղղակի դիմեցինք դէպի նաւամատոյց, ուր այդ պահին պիտի մեկնէր մի նաւ դէպի Տուապսէ: Բայց տոմսերը սպառուած էին եւ անկարելի էր այդ առիթից օգտուիլ: Ուղում էինք յետ դառնալ քաղաք, երբ, յանկարծ, Յովնանը գոչեց.

— Տօ՛, նայէ՛. . .

Սպասման սրահի մի անկիւնում դնդապեա թորդոմբը գրուցում էր մի սիրասուն, մանկահասակ կնոջ հետ: Մօտը իրար վրայ դարսուած էին ճամբորդական պայուսակներ: Տիկնոջ մօտ կանգնած էր տարիքոտ մի ուրիշ կին, հաւանարար մայրը:

— Կանչէ նայինք, ի՞նչ կ'ընէ հոս:

Անյարմար էր. մօտեցանք բարեւելով անցնելու: Տեսնելով մեզ թորդոմ խօսքը ընդհատեց ու ձեռքի թեթեւ շարժումով մեր բարեւը աննելով՝ իշխանօրէն ասաց.

— Ի՞նչ կ'ընէք հոս:

Պարզեցինք, որ եկել ենք Տուապսէ մեկնելու, բայց տոմս չլինելու պատճառով ստիպուած ենք վերադառնալ քաղաք:

— Տոմսը խնդիր չէ, հոս քիչ մը սպաւեցէք, կը կարգադրեմ:

Յետ քաշուեցինք՝ զարմացած թորդոմի ինքնավրտաս ձեւից: Բայց երեւի որեւէ պաշտօնական հանգամանք ունէր, կամ ծանօթներ՝ այստեղ:

Գնդապեա թորդոմը շարժուձեւերով պատկերացնում էր ինչ որ հետաքրքրական պատմութիւն կամ պատերազմ. մանկահասակ տիկինը լարուած ուշադրութեամբ լսում էր: Մայրը մերթ ընդ մերթ նայում էր գնդապեաին ու արտով բերանը ծածկելով յօրանջում:

Ահա կարծես վերջացաւ պատմութիւնը . գնդապետը
թեթեւօրէն շարժուեց դէպի մեզ՝ փայլուն , երկարա-
վիզ կօշիկներէ խթանները զարնելով գետին :

— Բարեւ , տղայք , ասաց զուարթօրէն , կարծես
նոր էր տեսնում մեզ : Ո՞ւր կ'ուզէք երթալ , դարձաւ նա
ինձ , վերջին բառի հետ ընդհուպ փակելով բերանը ու
առաջ նետելով ծնօտը :

— Տուապսէ , յետոյ՝ Արմաւիր :

— Աղէկ , սպասեցէ՛ք հոս , միասին կ'երթանք :

Քառորդ ժամ չանցած մեզ երկու հատ տեմս բե-
րեց՝ խնդրելով օգնել իրեն ներս առնելու ճամբորդա-
կան պայուսակները մեկնելու ժամանակ :

Կէսօր էր , երբ նաւը հովահարածեւ ալիքներ պար-
զելով քարափում՝ շարժուեց դէպի բացերը : Անձրեւը
վազուց դադարել էր , ծովը հմայիչ էր , արե-
ւի ճառագայթները ամպերի ճեղքերից փշուր - փշուր
թաւալում էին ջրերում , պարզելով մի հսկայական ոս-
կեփետուր ընդարձակ տարածութիւնների վրայ : Հայե-
լու պէս հարթ , լեղակի պէս կապոյտ ծովի անհետացող
հորիզոնների թիկունքում նշմարւում էին Պոնտական
լեռների մշուշապատ ուրուազները , որոնց թիկունքում
ընկած էր հայրենիքս : Մղձաւանջային երազ էր թւում
ամէն բան . . .

Գնդապետ Թորգոմբ դրուցում էր տիկնոջ հետ .
մայրը նիրհում էր արեւի տակ : Իրիկուան դէմ , երբ
տիկինն ու մայրը լիջան վար , գնդապետը մօտեցաւ ինձ
ու թեւս առնելով քաշեց մայթի միւս ծայրը .

— Կ'ուզէի քեզի հետ խօսիլ կարեւոր խնդրի մը
մասին , բայց նախ պարզեմ քեզ կացութիւնը . պատե-
րողմբ կը մօտենայ վախճանին , ասաց նա մարդարէի
պէս ներշնչուած , վերջին բառին հետ ամբասպէս փակե-
լով բերանը : Ապա շարունակեց .

— Ֆլանդրիոյ մէջ , Իպրի ու Լա - Բասէի ուղղու-

Թեամբ, գերմանացիներու յարձակումը յաջողութիւն չունեցաւ. անոնք հազիւ 20 քիլոմէթր խորութեամբ ճեղքուած մը առաջ բերին ու կանգ առին, այնինչ անոնց նպատակն էր ջախջախիչ հարուած տալ անգլիական ուժերուն: Անյաջող անցաւ եւ անոնց վերջին յարձակումը Փարիզի ուղղութեամբ: Ապրիլ 5էն սկսեալ Ամերիկան դարձեր է դորժօն ուժ, եւ ան է, որ այժմ պատերազմը կը մղէ վախճանին: Անգլիական բանակը, կատարուած եռամսեայ աշխատանքներուն շնորհիւ, այժմ մեծ արժէք է ստացած: Այս պարագաներուն մէջ յայտնի է, որ սուսական ճակատին հաշուէյարդարը կեդրոնական պետութիւններուն վիճակը չի փրկեր: Աւարօ-Հունգարիան, Բուլղարիան արդէն հաշտութիւն կ'ապերսեն: Աւելի գէշ է թուրքերուն վիճակը. Միջագետքի ճակատին վրայ թուրքերը ենթակայ են ջախջախիչ պարտութեան. Մարտ 26էն ի վեր անգլիացիները գրաւած են Բաղդատը. Միւրիոյ մէջ թուրքերը անդարձ կը նահանջեն Եւֆրատ - Երուսաղէմ բովանդակի գծի վրայ...

Մեծ հետաքրքրութեամբ էի լսում զնոյապետի սփոփիչ տեղեկութիւնները, որոնք նորութիւն էին ինձ համար:

— Տեսնենք այժմ ի՞նչ կ'անցնի - կը դառնայ մեր շուրջը, յարեց նա: Թաթարներու ընթացքը պարզ է. անոնք կ'ուզեն թուրքերու գերիշխանութեան ենթակել Անդրկովկասը՝ բաժնելով երկիրը իրենց եւ վրացիներու միջեւ, իրրեւ կիսանկախ երկիրներ: Աւելի բարդ է ու շատ կողմերով ուսանելի վրացիներու ընթացքը: Երեք օր առաջ Թիֆլիզի մէջ ստոյգ աղբիւրէ իմացայ, որ անոնք ունեցեր են դադանի խորհրդակցութիւն Վրաստանի անկախութիւնը յայտարարելու մասին. անոնք կը ձգտին, որ իրենց անկախութիւնն ու հողային սահմանները երաշխաւորուի Գերմանիոյ կողմէ:

Վերջինին ներկայացուցիչը պիտի ըլլայ վրաց կառավարութեան մօտ կոմս Շուլենբուրգը: Արդէն ստորագրուած են կարգ մը դադանի համաձայնութիւններ դերմանացիներուն հետ երկրի հաղորդակցութեան միջոցներն ու հարստութիւնները օգտագործելու մասին: Գիշեր - ցերեկ այս կարգի դադանի բանակցութիւններ կը վարեն Չիենկէլին, Նիկոլաձէն, Ժորտանիան, Սուրգուլաձէն, զօրավարներ՝ Քվինիտաձէն, Օտիշիլիձէն և վրաց այլ պետական գործիչներ: Անոնց վարած աշխատանքներուն իրազեկ են Խան Խոյսկի, Խասմամէտով, Սաֆիքիւրտսկի, Ուսուֆրէկով, Ջաֆարով և թաթար այլ պետական գործիչներ: Վրացիները համաձայն են, որ արեւելեան Անգրկովկասը ունենայ գործելու ադատութիւն ու տնօրինէ իր բախտը թուրքերու օղնութեամբ: Ասանկ ահա, ամենաստորին դաւաճանութեամբ մենք՝ հայերս ձգուած ենք երեսի վրայ, արեւան ու կրակի մէջ: Երէկ Փոթիէն մեկնեցաւ Բերլին դերման պատուիրակութիւնը՝ Փոն Լոսովի գլխաւորութեամբ. թուրքերը ուղածնին կ'ընեն և դայն բանի տեղ չեն դնել, իսկ ուրիշ ոչ մէկ պաշտպան ունինք մենք: Հիմա քեզի կը հարցնեմ, ի՞նչ ընելու է այս սրայ՝ մաններուն մէջ:

Նրա սեւ աչքերը վրէժխնդրօրէն կայծկլտում էին, առաջ ցցուած ծնօտով վրաս կենտրոնացած դէմքը քարայել էր: Նորութիւն չէին մեր շուրջը դարձող դաւադրութիւնները, բայց առաջին անգամն էր լրիւ հաշիւ տալիս ինձ:

— Է՛, դժուար է, չէ՞, պատասխան գտնելը, ասաց խիստ յուզուած. բայց ես պատասխան ունիմ ու նոգ չէ, որ կ'ըսեմ ասիկա, անհրաժեշտ է դաւաճանները կանխել և անմիջապէս հռչակել Հայաստանի անկախութիւնը, յարեց գնդապետը հատ - հատ շեշտելով բո-

սերը ու նրանց արժէքի համաձայն բաց ու խուփ անե-
լով բերանը:

— Երեք օր առաջ Թիֆլիզ վերջին փորձ մը ըրի-
դարձեալ խենթ կարծեցին զիս եւ ոչ Աղղային Սոր-
հուրդի անդամներուն, ոչ ալ մեր գործիչներուն չկրցի
հասկցնել, թէ ո՞րքան անհրաժեշտ է ժամ առաջ անկա-
խութիւն հռչակել: Այժմ կ'երթամ Մոսկուա, հոնկէ
սխտի անցնիմ Արխանգէլսք ու նաև առնելով շիփ - շի-
տակ պիտի մեկնիմ Լոնտոն՝ հայկական անկախութեան
ի նպաստ գործի ձեռնարկելու համար: Նախնական բո-
լոր աշխատանքները կատարած եմ եւ տարակոյս չու-
նիմ յաջողութեան վրայ. ստուգապէս զիտեմ, որ անգ-
լիացիները համամիտ են ատոր: Հիմա կ'առաջարկեմ
այդ գործին մէջ միանալ ինձի. ճամբու ծախքդ կը հո-
դամ, տեղ հասնելէն ետքն ալ դիւրին է, ի՞նչ կ'ըսես . . .

Սօսքերի վերջաւորութիւնը այնպիսի անակնկալ
էր, որ դարմացած նայեցի:

— Չգէ այդ «կամաւորական» ծրագիրներդ, ոչ թէ
մէկ, այլ տասը «Մուրատ» իսկ չեն կրնար սեր կացու-
թիւնը փրկել, մենք չէ որ պէտք է որոշենք պատերազմի
բախտը: Ա՛լ կը բաւէ, քիչ մըն ալ խնայենք մեր արիւնը
ու քաղաքականութեան նայինք, դուն կրնաս ինձի օդ-
տակար ըլլալ հայկական շրջաններու մէջ ձեռնարկելիք
աշխատանքներուս ուղղութեամբ. աղղօղուտ առաջար-
կը, որ կ'ընեմ, մեծ ապագայ կը խոստանայ անձնապէս
եւ քեզի:

— Գնդապետ, ներեցէք, բայց ես ոչ մի կոչում
չունիմ դիւանադիտական աշխատանքների համար:
այդ իմ գործը չէ, ասացի ես . . .

— Ախո՞ս, ասաց նա եւ զինուորականի համաչափ
քայլերով մեկնեցաւ:

Ամպի տակից մի անգամ էլ դուրս նայեց արեւը
հրավառ աչքերով ու չքացաւ: Վարը, նաւի ամբարի

դուրս ցցուած բարձրութեան վրայ շարուել էին առաջ
հակախորհրդային ճամբորդներ եւ երգում ու խմում
էին: Բաժակահաճառերի մէջ յաճախ լսում էի Կարլաինի
ծանօթ անունը, որ քիչ առաջ անձնաստղանութեամբ
վերջ էր տուել իր բախտախնդիր կեանքին, ու մղձա-
ւանջի պէս նորից ինձ սրտակերացաւ Երզնկան:

* * *

Առաւօտը ուշ հասանք Տուապուէ: Ենորհակալու-
թեամբ բաժանուեցինք գնդապետից իր բնձեռած ա-
ջակցութեան համար Փոթիում ու վար իջանք: Հետուից
գեղեցիկ, ամփիթատարունաձեւ իրար թիկունք հեծած
չէնքերով Տուապուէն ներսից անհրապոյր էր: Հայ տա-
րապիր բազմութիւններ բռնել էին ծովեզերքի բացերը.
գնում էին, կամ պիտի գնային գէպի հիւսիս: Քաղաքի
մէջ վրացիները տօնական տրամադրութեան մէջ էին:
Վրաստանը հռչակուած էր անկախ պետութիւն: Հա-
կրնդէմ տրամադրութիւնների այս բարեխնում ուու-
ներն էլ իրենց յոյզերը ունէին. քաղաքացիական կռիւ-
ները թաւալվոր տարածուած էին երկրի մէջ: Ռուսաս-
տանի հարաւում շարժման նախաձեռնութիւնը պատ-
կանում էր Դոնի կողակներին, որոնք գեռ Ապրիլից
ասպատակում էին երկիրը, Աղաման Կրասնովի գլխա-
ւորութեամբ: Նրանք տիրում էին ծովեզերքի մեծ մա-
սին, Դոնի շրջանին, ու տարածուելով գէպի արեւ-
մուտք եւ հիւսիս, սպառնում էին գրաւել բախանդակ
Հիւսիսային Կովկասը...

Արմաւիրը նոյնպէս խճողուած էր հայ տարապիր-
ներով. մի շարաթ առաջ Թիֆլիզից մեկնած հոծ բազ-
մութիւնների ծայրը արդէն հասել էր այստեղ: Հասնող-
ները ճիւղաւորում էին երկու ուղղութեամբ. սմանք
գէպի հիւսիս - արեւմուտք, գէպի Ռոստով. սմանք էլ
գէպի հարաւ - արեւելք, Վլադիկովկասի ուղղու-

Թեամբ . այս վերջին ուղղութեամբ գաղթում էին Թիֆ-
լիզիցիները եւ առհասարակ կովկասահայերը : Իմա-
ցայ , որ մի խումբով մեկնել են եւ Թաթիկեանները դէ-
պի էսէնտուկի : Տարագիրների ստուարագոյն մասը
արեւմտահայ էին որոնք ահա երբորդ տարին է ինչ
վայրից վայր են գաղթում : Ասում էին որ Թիֆլիզից
Ռազմավիրական ճանապարհով շարժւում են հազարա-
ւոր սայլեր , կառքեր , ինքնաշարժներ , գրաստներ ,
Փուրգուններ՝ բեռնաւորուած տնային իրերով , աճէն
տեղից գաղթող տարագիրներով դէպի Վլատիկաւկաս ,
իրը թէ մէկ մարդու տեղը Փուրգոնում արժէ մինչեւ
10,000 ռուպլի : Հայոց աշխարհը տեղահան եղած՝
շարժւում էր . երեւի այդպէս էին գաղթել դարեր ա-
ռաջ մեր բազմութիւնները դէպի Ահաստան , Բալկան-
ները եւ այլուր . . .

Մուրատը չկար . Սեպուհի հեա մեկնել էր Յարի-
ցին , այնտեղից Մոսկուա կամ Բագու դնալու դիտաւո-
րութեամբ : Յովնանը պնդում էր դնալ Յարիցին : Ա-
ռանց Մուրատի նրա կեանքը արժեզուրկ էր եղել . ես
այլեւս միտք չէի գտնում դեզերումների մէջ , սուտել
եւս , որ յայտնի չէր , թէ պիտի գտնե՞նք արդեօք Մու-
րատին Յարիցինում եւ երբ գտնենք , ի՞նչ պիտի անենք .
ծաւալուն թշուառութիւնը դիմադրաւելու համար ան-
հրաժեշտ էին այլ միջոցներ , եւ իրաւացի էր գնդապետ
Թորգոմբ , որ ցաք ու ցրիւ եղած առանձին դործիչնե-
րը այլեւս չէին կարող շօշափելի դործ տեսնել : Ես բա-
ժին հանեցի Յովնանին դեռ Երզնկայում երբօրիցս
ստացած դրամներից , եւ նա նոյն օրը մեկնեց դէպի
Յարիցին , ինձ լուր տալու խոստումով :

Օրուան մեծ մասը անցրնում էի տարագիրների
մէջ , կայարանում : Նախկինների վրայ կուտակւում է-
ին նորերը ու կարծես վերջ չկար : Գաղթը տեղի էր ու-
նենում անկազմակերպ : Եկուորները թողնուած էին



ԱԻՆՏԻՍ ԹԵՂԻՐԵԱՆ. Սողոմոնի երէց եղ-
բայրը, որ բժշկական ուսանող էր Պէյրուսի
ամերիկեան համալսարանի արհեստագործի գնաց
1915ի ապրիլեան եղեռնին:

Տեղական ուսն բնակիչները վերաբերմունքն էլ գնալով դառնում էր անբարեացակամ. կեանքը պահելու անհրաժեշտութիւնից մղուած՝ արեւմտահայ տարագիրները հանդէս էին դալիս շուկայում ամէն տեսակ գործերով, առեւտուր անում, սպառնում յետ մղել հրապարակից ուսն մանրավաճառներին. ռանչպատ հայր նրանց աչքում դառնում էր «Չուս»...

Աջակցում էի տեղական հայերից կազմուած դաղթականական մարմնի աշխատանքներին եւ ջանք չէի խնայում օգնել այդ թշուառութեան ինչով եւ ինչպէս կարող էի: Ամէն մի մայր, երեխայ յիշեցնում էր ինձ հարազատներին, որոնց երեւակայում էի դեռ ողջ, Արարիայի անասպատներում, ի հարկէ, գոյութեան աւելի ծանր պայմաններում: Բայց երկար շտեւեցին այդ աշխատանքներս. գլխացաւ, կոտորտուք, տաքութիւն անպակաս էին ինձնից, երբեմն դառնում էր գլուխս ուշադնացութեան աստիճան, ինչպէս մի ժամանակ Երեւանում: Պարզուեց, որ վարակուած եմ տիֆով: Տակնուվրայութիւնների այդ օրերին միակ բարեկամներս թաթիկեաններն էին: Թէեւ շատ անհաճոյ էր, բայց ժամ առաջ անհրաժեշտ էր մեկնել էսէնտուկի, քանի դեռ ի վիճակի էի շարժուելու:

Մի խումբ կովկասահայ տարագիրներ գնացքում վիճում էին Բաթումի դաշնագրի մասին, որի համաձայն, իբր թէ, Հայաստանը հռչակուած է անկախ պետութիւն: Ոչինչ չեմ հասկանում. աղօտ կերպով յիշում եմ Փոթին, նաւը, գնդապետ Թորգոմը: Կարծես հնոցի մէջ եմ. գնացքի դիտիսկոցը ծակծկում է ուղեղըս: Երբեմն յաջողում է ինձ լարել ճիղերս ու գրոցից մի բան հասկանալ:

— Թակա՛րդ է, եղբայր, եւ ոչ թէ անկախութիւն, գոչում է մէկը. տասներկու հազար քառակուսի քիլոմէթր տարածութիւն ու ամէն կողմից թուրքերով շրջապատուած մէկ միլիոն հայեր... Ի՞նչպէս կարող է ապրիլ այդպիսի մի պետութիւն:

— Դու հասկանո՞ւմ ես, թէ ինչ է կատարում. ի՞նչ անէին, ուրիշ ի՞նչ ձեւով կարելի է մի քիչ շունչ առնել այս տեւական մոգձաւանջից, ճշում էլ մի ուրիշը:

— Ուրեմն, եթէ մեր գոհերը նուազագոյն չափով հաշուենք մէկ միլիոն երկու հարիւր հազար մարդ, պիտի գանք այն եզրակացութեան, որ նորատեղծ Հայաստանի ամէն մի քառակուսի մէթր հողի համար գոհարերել ենք մէկ մարդ, գտնօրէն ասում է երրորդը...

Բոլորն էլ շատ մարդասէր են. թէեւ յայտնել եմ, որ վարակուած եմ տիֆով, բայց չեն վախենում եւ ամէն կերպ խնամք են տանում ինձ: Ե՞րբ էր, չգիտեմ, որ նրանցից մէկի օգնութեամբ հասայ թաթիկեաններէ մօտ շատ ծանր վիճակում: Երկյարկանի մի շէնք էր, պարտէզով:

— Ոչի՛նչ, ոչի՛նչ, կ'անցնի. ասում էր պ. Նշանը՝ օգնելով ինձ հանուել:

Ապա տարրերում եմ տիկին Զուարթը, Անահիտը, Զեփիւոսը եւ մի ուսու մարդ, որ բժիշկ էր: Գլուխս արճիճի պէս ծանր, սկոթներս կարծես ջարդուած էին:

Անցաւ երեք շաբաթ. գոյութիւնս պարաւական էր թաթիկեաններէ եւ յատկապէս Անահիտին, որ երկար անքուն գիշերներ անցկացրեց սնարիս մօտ քրոջ հոգածութեամբ ինամելով ինձ: Նա բժախնդրութեամբ հետեւում էր բժշկի պատուէրներին ու խստութեամբ գործադրում: Հիւանդութեանս բնթացքին նա իւրացրել էր ինչ որ իշխանութիւն որ յաճախ ինձ ջղայնացնում էր:

Եւ սակայն մի բան հարկադրում էր ինձ երեխայի պէս
հնազանդուել նրան եւ հպատակութիւնս ընդունիլ: Ա-
նահիտն էր, որ վազվզում էր ամէն տեղ կաթ, մածու-
գանելու, որ այդ օրերին դիւրին գործ չէր: Օրը օրին
համոզում էի, որ այդ աղջիկը տարբեր է իմ տեսած
բոլոր կիներէից: Երբեմն ինձ թւում էր, թէ կեանքս
չատ թանկ է նրա համար. ա՛յնքան ջերմ հոգւածութիւն
էր արտայայտում ինձ հանդէպ: Բայց լաւ դիտելով
միշտ գալիս էի այն եզրակացութեան, որ կարծես ա-
ւելի շատ նրան պահպանում էր հիւանդութեանս դէմ
պայքարելու գործը, քան անձն: Երբեմն հօր հետ վէճ
էր ունենում իմ շուրջը. ըստ պ. Նշանի՝ չէր կարելի ար-
դիւնել ուտելը, երբ հիւանդը ախորժակ ունի. եւ իրա-
ւունք ունէր, որովհետեւ կեանքիս մէջ այնպէս քաղց
չէի զգացել, ինչպէս այդ ծանր օրերին: Բայց դուր բան
էր: Անահիտը բժշկի պատուէրից մազաշափ չէր շեղ-
ւում, եթէ անգամ անօթութիւնից մեռնէի: Յաջորդ
չարաթին, երբ բժիշկը յայտնեց, թէ «ճղնածամ»ը ան-
ցել է եւ այսուհետեւ սկսւում է «կազդուրման շրջանը»,
մայր ու աղջիկ, դաշն կռած, կարծես որոշել էին ինձ
պայթեցնել: Մինչ տիկին Չուարթը, մայրական հոգա-
տարութեամբ ու գորովով, գոհանում էր միայն յան-
դիմանել ինձ թերացումիս համար, Անահիտը ուղղակի
հրահանգում էր կասելիլ բժշկի պատուէրներին եւ ու-
տել այն որ արտօնուած է:

Երզնկայի նահանջից ի վեր ազօտացել էր սրտիս
մէջ ուրուագծուած սիրոյ շէնքը, որ կատուցուել էր
ինքն իրեն երեք տարի առաջ: Բայց ահա նորից նրա
խնամքը, հոգածութիւնը, անվերապահ մտերմութիւնը
անասելի հրճուանքով լեցնում էին պարապ հոգիս, եւ
ինձ օրը օրին համակում էր արեւի պէս պայծառ հոգե-
կան մի գինովութիւն: Անհամբերութեամբ սպասում
էի, երբ նա բացակայում էր անից:

Հէնց որ ապաքինեցի, Անահիտը բարեխառնեց իր խանդավառութիւնը, մի տեսակ պաղեց, ու կարծես տխրեց, որ առողջացայ եւ իրեն այլեւս անելիք չմնաց: Այժմ իր ընթացքը նոյնն էր՝ ինչ վերջին անգամ Թիֆլիսում. քաղաքավար, բարեկամական ու երբեմն միայն մտերմական: Ժամանակի մեծ մասը անցընում էր բնակարանի ընդարձակ պարտէզում, փարթամ, տերեւտխիտ ծառերի ստուերների տակ՝ ընթերցանութեամբ:

Յուլիսի վերջերին այնքան կազդուրուած էի, որ կարող էի վերադառնալ Արմաւիր: Բայց ինչ անելու, ինքս ինձ երեւակայում էի «գործ»ի մէջ, որ վաստօրէն առաջ էլ գոյութիւն չունէր. կատարել դադրականական յանձնաժողովի, որ երեւի արդէն լուծուած էր, այս կամ այն յանձնարարութիւնը: Նոր էի հասկանում, թէ որքան անպատրաստ էի կեանքի համար. հայրենիքից մեկնեցի ուսանելու վարդապոյն հեռանկարներով, բայց մտայ արեան ու աւերածութիւնների մէջ եւ դարձայ կիսակատար մի հայդուկ: Ծի՞շդ էր արդեօք կեանքիս այս ընթացքը. անհրաժեշտ չէ՞ր արդեօք հիմնական փոփոխութիւն: Ու երբեմն թւում էր, որ կեանքի բուն իմաստը անձնական անդորր գոյութեան մէջ է. համեստ մի գործ, ընտանիք, երեխաներ, ինչպէս ապրում է մարդկանց մեծ մասը: Բայց ամէն անգամ յիշում էի անցած ճանապարհս, հարազատներիս, ընկերներիս անթաղ շիրիմները եւ զգում էի, որ չեմ կարող երջանիկ լինել այդ կեանքով: Ի՞նչ էր մտածում արդեօք Անահիտը, իրօք շահեկա՞ն էին այն բոլոր զրքերը, որ կարդում էր նա, թէ՞ ուղում էր մի բանով զբաղուած լինել: Տան մէջ, ճաշի եւ ընթրիքի ժամանակ, նա արտայայտում էր մտացիր վիճակ եւ յաճախ արժանանում մօր կամ հօր դիտողութեան: Երբեմն էլ համակուում էր անզուսպ զուարթութեամբ, «? արտա-

յայտուում էր ընդոստ ծիծաղով : Ամէն պարագայի , մեր յարարերութիւնները գնալով այնպէս բարդանում էին , որ նա խուսափում էր մենակ լինել ինձ հետ :

Անստուգութիւններով հոգեպէս դեզերուն՝ օրերիս մեծ մասը անցրնում էի ամարանոցի հարաւային բլրապարզ շրջանում : Հոյակապ էր թիկունքում արեւի ճառագայթների տակ պլպլացող կովկասեան լեռնաշղթան իր ձիւնազարդ էլրբուսով :

Իրիկնամուտ էր . դառնալով դէպի տուն՝ բռնեցի այլ ուղի , որ երկարում էր ամարանոցի ծառախիտ շրջանով : Անհամար թռչուններ խմբուած էին տերեւախիտ ծառերին , ծլււում , հնչեղ , անհասկնալի լեզուներով աղմկում օդը : Այդ իրարանցման մէջ ծառերն ու բլուրները նիրհում էին յաւիտենական խաղաղութեամբ : Իջնելով բլուրներից՝ տեսայ Անահիտին , որ մի դիրք թեւի տակ յամրաքայլ գնում էր : Յանցանքի մէջ բռնուած երեխայի պէս յանկարծակիի եկաւ ու գոչեց .

— Զարմանալի՛ բան , բնաւ չգիտէի , որ այտեղ էր . . .

— Ոչ , ի հարկէ , գլխիս մէջ միտք ծագեց մի անգամ էլ այս կողմից անցնել , ասացի , հազիւ զուգելով յուզումս :

Նա վայրկենապէս իրեն դաւաւ , զուարթօրէն սկսեց խօսիլ օրուայ անցուդարձերի , հարեւանների մասին , որոնք իմ հիւանդութեան ժամանակ խղել էին իրենց յարարերութիւնները եւ այժմ նորից աշխատում էին մօտենալ : Համատարած աղէտներից անտեղեակ՝ նրա հոգին վրդովւում էր այդ առթիւ : Ապա , յանկարծ , գայրոյթին յաջորդում էր մի տեսակ հրճուանք , որ հարեւանները «բարոյապէս» պարտուած են : Այն ժամանակ նա ժպտում էր ու մերթ ընթ մերթ նայում ինձ երկար արտեւանունքների միջից կիսաբաց աչքերով :

Մը բուլոսը խօսքերը աւելի քան պարզ բաներ էին, բայց նա ճառագայթում էր, մղուած՝ ներքին խորունկ հրաճրանքից: Այո՛, նա երջանիկ էր. իր տաննեւիկն տարիները չէին վիճակել նրան ոչինչ, բայց անգիտակից հաճոյքից: «Այժմ կամ երբեք», անընդհատ անցնում էր գլխովս: Բայց ի՞նչպէս սկսել: Աս գրեթէ չէի լսում նրա շաղակրատանքները, բայց զգում էի, որ իրաւունք չունեմ նրա այդ անհոգ գուարթութիւնը խանդարելու: Հասանք տուն. ինձ համակեց տհաճութիւն, որ լաւագոյն առիթը փախցրի...

Յաջորդ օրը նստած էի պարտէզում փոքրիկ Սեդիկի հետ, որ հաւաքել էր ոստերի մի խուրձ և ինդրում էր ինձ դանակով կտրակել համաչափ մեծութեամբ, երբ յայտնուեց Անահիտը մի նամակ ձեռքին. հասցէագրութեամբ էր Արմաւիր, գաղթականական յանձնաժողովի նախագահ Մէֆէրեանին՝ ինձ համար: Գրում էր Յովնանը, որ Յարիցին հասել է և միացել Մուրատին. որ ստեղական խորհրդային ուժերի հրամանատար Պետրովը ընդունել է Մուրատին և Սեպուհին մեծ պատիւներով և նրանց տուել բոլոր հնարաւորութիւնները մեկնելու Բաղու, թուրքերի դէմ կռուելու համար: «Անմիջապէս մեկնի՛ր, հոս Վոլկա դեաին վրայով՝ երեք օրէն պիտի բլանք Բաղու», յարում էր Յովնանը: Իայց նամակը դրում էր մօտ ամիսուկէս առաջ ու համակապրում չկար:

- Ո՞վ բերեց:
- Մի հայ մարդ:
- Չհարցրի՞ր, թէ ո՞վ է:
- Մողտոկցի մի հայ վտճառական, անունը մտաւոյ՝ կարեւոր է, յարեց Անահիտը մտազբայ:
- Ոչինչ, երևի դեռ այտեղ է, կը գտնեմ:
- Կարող եմ ձեզ օգնել, դէմքը յիշում եմ. լուսըն մակի պէս կլոր, շատ կարմիր թշերով, այսպէս դողա-

ւոր փորով, — ստաց նա օղի մէջ դժելով մի կիսարուր-
բակ . եւ յանկարծ , ընդոստ ծիծաղեց . . .

Հարեւան «Աստորիա» հիւրանոցում դիւրութեամբ
դասնք նրան . բազում ծառերի ստուերների տակ ճա-
շակով շարուած սեղաններից մէկի մօտ նստած՝ անժա-
մանակ ճաշում էր : Տեսնելով Անահիտին՝ իրար անցաւ .
նեակելու պէս յետ քաշեց տակի աթոռը , միւս ձեռքով
հանեց օձիքից կրծքին փռուած անձեռոցը , նեակեց ա-
թոռին , մօտեցաւ , յետ գնաց . — Հրամեղէ՛ք , հրամե-
ցէ՛ք , խնդրեմ նստէք , պատիւ ունիմ . . . օրիորդ մէկ
սո՞ւրճ , դարեջո՞ւր , սչի՞նչ , իսկ դո՞ւք , ինչպէ՛ս կա-
րելի է . . .

Վերջապէս , կարդի ընկանք :

— Արմաւիրում խաղաղ է , հարցումներիս պա-
տասխանելով ասում էր նա , բայց Մոզոտիում իրա-
բանցում կայ :

— Ո՞վ է իշխում այնտեղ :

— Շատ դժուար է տեսլ , նախանցեալ առաւօտ կա-
խել է ինք խանութից ճերմակ դրօշակ . բայց երբ իմա-
ցանք , որ բոլշեւիկները յաղթել են , ի հարկէ , անմի-
ջապէս վար տռինք այդ . բայց մինչև տնից խանութ
հասաւ կարմիր դրօշակը , ճերմակները յաղթեցին . բը-
նականարար , նորից կախեցինք ճերմակը : Յաջորդ ա-
ռաւօտեան դեռ լոյսը չբացուած տղին ուղարկեցի դուքս
հասկանալու , թէ ո՞վ է իշխում . դուքս եկաւ՝ կարմիր-
ները . ճերմակը վար տռի , կարմիրը կախեցի ու եկայ
այս կողմերը : Հիմա ո՞վ կարող է տեսլ , թէ ո՞վ է իշ-
խում :

— Ներեցէք , ի՞նչպէս ընկաւ նամակս ձեր ձեռքը :

— Հա՛ , այդ պիտի ասէի , Բազու էի , այնտեղից
հասայ Արմաւիր :

— Բազո՞ւ էիք :

— Այո՛ :

- Ե՞րբ :
 - Քիչ առաջ :
 - Ի՞նչպէս են :
 - Ո՞վ :
 - Քաղաքը , հայե՛րը . . .
 - Քաղաքը լաւ չէ , կոխ կայ . հայերը վնաս չունին , առի՞ծի պէս կուու՞մ են , ասաց նա բուննոցքները դնելով սեղանին :
 - Ուրե՞մն , կոխը դեռ շարունակու՞մ է :
 - Ի հարկէ :
 - Ե՞րբ էք թողել Բաղուն :
 - Մօտ չորս - հինգ օր առաջ , ասայ՝ հոմահարածեւ դարձնելով մատները :
 - Առիթից օգտուեցի եւ Բիշերախովի գործատի հետ մեկնեցի Դերբենդ , այնտեղից՝ Արմաւիր . . .
 - Բիշերախով ասացիք :
 - Այո՛ , շատ քաջ գորավար է , բայց Յուլիոսի 25ի գիշերը ստիպուած եղաւ նահանջել :
 - Այսօր Օդոստոսի ութն է , ուրե՞մն , Բաղունից մեկնել էք երկու շաբաթ առաջ :
 - Այդպէս , իրաւ էք , այնքան դէս ու դէն քնկանք . որ օրերի հաշիւն էլ մոռացանք :
 - Այդ հաշուով , ուրե՞մն , Դերբենդ - Բալանջարի գիծը դեռ ազա՞տ է :
 - Ի՞նչպէս չէ , Բալանջարին դանու՞մ է հայոց հրամանատար Համազասպի ձեռքում :
 - Իսկ Մուրատը այնտե՞ղ է :
 - Մուրա՞տը . . .
- Նա դուրս քաշեց գրպանից մի մեծ դունաւոր թաշկինակ ու ճակատի քրտինքը սրբեց : Մուրատի մասին , դժբախտաբար , ոչինչ չգիտէ , բայց լսել է . այնտեղ է «հայոց հրամանատար» է .— Այստեղ ի՞նչպէ՛ս է կեանքը , յարեց մոզտոկցին դառնալով Անահիտին , հոսկաց-

նել ուզելով, որ ինձ հետ գրոյցը վերջացաւ: Ճաշարանի գնեքից դատելով՝ բաւական թանգ է երևում:

Բայց Անահիտը, իր մտքերով տարւած, չհասկացաւ հարցումը ու չքմեղանքով ժպտաց: Շատ բան կարելի չեղաւ հասկանալ այդ հարածական հայտրդուց: Բայց այդքանն էլ հերիք էր ինձ ալեկոծելու համար...

Երբեք այնպիսի հոգեկան երկուութիւն չէի ասորել, ինչպէս այդ գիշեր: Աչքիս առջեւից չէր հեռանում Յովնանը իր ջղուտ ու բարձր հասակով, աժգոյն ու ոսկրացած դէմքով: Մանր, կասկածոտ աչքերը կարծես նայում էին ինձ մթութեան միջից դառնապիսի մեղադրանքով: Այո՛, լաւ թէ վատ, նա շարունակում էր իր ուղին: Ու մի՞թէ այդպէս չէին ամէնքը. հէնց նայն ինքն Մուրատը, որ քաջութիւն ունեցաւ սիրած կնոջը արտօնել որ անձնասպան լինի. որ լերան գլխից հեռագիտակով տեսաւ, թէ ի՞նչպէս են տանում դէպի մահ հարազատներին, որ ցաւից կրճոտեց հրացանի կոթը՝ անկարող արձակելու մահառիթ գնդակը դահիճներին, որպէսզի տարագիրները չվնասուին...

Տարակոյս չկար, որ ես էլ պարտաւոր էի մեկնիլ Բագու, բայց շատ հզօր էր կաշկանդումս: Անձնականն ու հանրայինը դատողութեամբ հաշտեցնել անզօր էի. մնում էր մի ելք՝ կտրել ու նետել այդ հանգոյցը... Ինձ պատկերանում էր Բագուն, որի պաղջ օդը, փոշին, միակ պարտէզի թոքախտաւոր ծառերը, խենթի պէտ վազվզող անցորդները, փոքրիկ սրարշաւ կառքերը, ծանրօրէն նստած բարձրաբերձ շէնքերը յիշում էի դեռ այնպէս, ինչպէս տեսայ երեք տարի առաջ, Ռոստովից թիֆլիս անցնելիս: Ինձ թւում էր, թէ ամէն քայլափոխիս պատահում եմ մէկն ու մէկին՝ ձէպէճուն, Յովնանին, Սահակին, Վարդանին, Նշանին. ու դանում էի, որ կեանքի միակ իմաստը ընկերոջ հետ հանդիպելն է որեւէ տեղ: Ապա յիշում էի մեր անցած դժոխային ճա-

Նապարհը՝ Վժանը, Չորսը, Չիլիկը. յիշում էի Չժըշ-
կածաղցուն, կարծես տեսնում էի շմոր վազքով մեզ
ձօտեցող ձին, ճառագայթող լուսաստղի տակ ձիւներին
ընկած զիակը, բայ ու զաղած աչքերը...

Լուսաբացին ընդոտտ արթնցայ մի ծանր երազից.
Իբր թէ մեռել եմ ու մտել գերեզման, ուր գանւում են
հարազատներս: Գերեզմանը բաւական ընդարձակ է,
քարաշէն, բայց խոնաւ: Միայն մի կանթեղ լուսաւո-
քում է անթափանցելի խաւարը: Մերոնք շատ ուրախ
են, որ, վերջապէս, մեռել եմ. մանաւանդ հարսներն
ու երեխաները: Վերջինները ցատկում են ուսերիս՝
հրճուանքից խենթեցած: Բայց մայրս խիստ դժգոհ է.
Նա լաց լինելով մեղադրում է ինձ, որ շուտ եմ մեռել
և ատանց իրենց վրէժը լուծելու իջել գերեզման...

Գուրսը անձրեւում էր. հովը բեկբեկում էր ծառե-
րի տերեւների անձրեւահար խշխշոցը: Լուսանում էր.
շիփ - շիտակ վեր ցցուած բարդիի մէկ ոտը ծայրով
շփում էր պատուհանս՝ շանչաձեւ թաթի պէս:

Առաւօտը՝ դուրս նայեցի պատուհանից: Քմահա-
ձոյքով լաց կղած և արտասուքը աչքերին լճացած ծի-
ծաղկոտ երեխայի պէս էր երկինքը: Արեւը շողշողում
էր ծառերի կատարներին: Վարը, հաւանարար, խոնաւ
էր: Բայց բոտ սովորութեան այնտեղ է բացուած թէյի
սեղանը: Անահիտը ինքնակոտի մօտ կանգնած՝ լեցնում
էր թէյամանը: Վար իջայ նրա հետ խօսելու վճռական
որոշումով. «Այս կամ ոչ», պիտի տսէի նրան: Բայց
ևրբ մօտեցայ, բոլոր վճռականութիւնս չբացաւ:

— Բարի լո՛յս:

— Բարի լոյս...

— Կ'ուզէի քեզ հետ խօսիլ, որովհետեւ վաղը մեզ
նում եմ, ասացի վերջապէս:

Յանկարծ գոչեց.

— Ո՛ւր:

— Բազու :

— Բայց ինչո՞ւ . . .

— Երէկ լսեցիր մողտակցուն , նամակն էլ գիտես :

— Բայց չէ՞ , որ դուք դեռ կազդուրուած չէք , դու
չեց նա , ապա , յանկարծ զղջալով՝ ծանրօրէն շնչեց
ժպտալով :

Ձգացի , որ խնդիրը նրան սաստիկ յուզեց : Սիրտս
դողում էր ու էլ խօսք չէի գտնում ասելու :

— Ի հարկէ , դուք գիտէք , բայց չեմ կարծում , որ
ձեր այդ սրտչումը շատ հաճելի լինի հայրիկին , ասաց
ինքն իրեն գտնելով :

— Պ . Նշանը գիւրտութեամբ կը հասկանայ ինձ ,
բայց խնդիրը այն է . . .

Ու մնացի :

— Ի՞նչ խնդիր :

— Կարծում եմ քեզ յայտնի է . . .

Վճիտ աչքերով անթարթ նայում էր երեսիս , կար-
ծես շունչը սրահել էր . «Եթէ մերկացումս ժխակ , ու-
րեմն վերջացած է . մէկ խօսք այլևս չեմ ասի» , որո-
շեցի : Յանկարծ , նա սաստիկ կարմրեց , վար առաւ աչ-
քերը , դէմքը բնդունեց անորոշ արտայայտութիւն :
Սիրտ ասի :

— Ճիշդն ասած , ես ինքս էլ չեմ հասկանում ինձ .
նախապէս կարծում էի , թէ քո հանդէպ մէջս արթնա-
ցած զգացմունքները յաղթահարել եմ , բայց քանի
զնայ , խորացան : Երբեմն ինձ թւում է , որ կարող էմ
յոյս ունենալ փոխադարձութեան : Բայց , բայց , ի հար-
կէ , դու ոչ մի հիմք չես տուել ինձ . . .

Սյուսեղ մտքերիս կապը կորցրի :

— Մի խօսքով , թէեւ դեռ չուտ է , բայց կարո՞ղ եմ
արդեօք յոյս ունենալ , որ երեք - չորս տարի յետոյ . . .

— Հայրիկը գալի՞ս է , ասաց նա այլայլած :

— Աղջիկս, խոնաւ չէ՞, աւելի լաւ չէ՞ր թէյը ներսը խմէինք, ասաց պ. Նշանը մօտենալով:

— Աչ, հայրիկ, արեւը արդէն մեղ հասաւ: Ու անտարբերութեամբ յարեց.

— Գիտե՞ս ինչ, հայրիկ, Սողամօնը մեկնում է:

— Ո՞ւր:

— Բազու:

— Բազու՞. . .

Ինձ այնպէս թուաց, թէ Անահիտը լուրջ չէ համարում այդ եւ խիստ վատ զգացի ինձ:

— Այո՛, վաղը երեկոյեան պիտի մեկնիմ, ասացի հօրը, որ վարձացած նայում էր:

Կարգաց ստացած նամակս, պատմեցի մողտոկցու ասածները, մտածեց.

— Ի՞նչ ասեմ. քանի որ այս ծանր օրերին առիթը քեզ մեր գուռը բերեց, բնական է, որ հօրդ առաջ եւ պատասխանատու եմ նկատում ինձ քեզ համար: Գոնէ եւ այդպէս պիտի զգամ նրա հանդէպ, եթէ, Աստուած չանէ, քեզ մի բան պատահի: Բայց կարծում եմ, որ հայրդ էլ ոչինչ չէր կարող ասել այս զէպքում. մենք վաղածամ ծերացանք, անպէտքացանք. հիմա եթէ քեզ էլ յետ պահենք, էլ ի՞նչ խղճով կարող ենք ապրել: Գնա՛, բայց զգոյշ եղիր. . .

Անահիտը, որ շարում էր թէյի բաժակները, բռի մէջ հաւաքած բոլո՛ր զգալիները զրնգոցով նետեց մէկ բաժակի մէջ ու նստեց:

— Լեցո՛ւր, աղջիկս, զարձաւ նրան պ. Նշանը ու խօսք արաւ Մուրատի մասին, որով հմայուած էր. . .

Յաջորդ առաւօտը խոսվուեց անդորր էսէնտու՛ւլին. տեղ հասաւ փախստականների մի ստուար խումբ, որ զալիս էր Բազուից: Առոյգ, ճարպոտ, գոգաւոր փորերով, լաւ հագնուած, ձեռքի ճամբորդական փայլուն պայուսակներով այդ մարդիկ բնաւ նման չէին մեր սո-

վորական տարազիրներին . նաւթարդիւնարերողներ ,
կառավարիչներ , վաճառականներ , զարգեղէններով
պճնուած կանայք , աղջիկներ . ապա նորից տղամարդ-
կանց շարքեր , որոնք սաղերի պէս աղմկելով անցան :
Նրանք կանգ առին «Աստորիա» հիւրանոցի մօտ : Գիշե-
րը տեղ հասած տղամարդկանց մի խումբ դուրս գալով՝
մօտեցաւ . նրանք շտապէինով համբուրեցին կանանց ,
որոնց պրպտուն աչքերը դառնում էին դէս ու դէն լայ-
նեզր ամառնային գլխարկների տակ : Շատ նիհար ու
բարակ մէկը բացազանջութիւններով պարզում էր նը-
րանց էսէնտուկի կեանքի դժնդակ պայմանները : Ու ,
յանկարծ , ամբոխի մէջ տարրերեցի պոլսեցի լեւոնին ,
Արատուլի գինակից ընկերոջս : Թունդ ելած՝ մօտեցաւ :
Բայց երկար շտեւեց ուրախութիւնս . Մուրաար սպան-
ուած էր , Բազուի ժամերը հաշոււած էին . թուրքերը
հասել էին արուարձաններին . . .

Ե. ԳԼՈՒԽ

Պ Ա Լ Ս Ո Ւ Մ

Էսկնատուկին դարձել էր մի փոս, որից դուրս դալու մասին մտածելը այլևս աւելորդ էր: Անահիտը, մէկ երկու օրուայ խուսափումներից յետոյ, վերականգնել էր իր պարզ ընկերական ընթացքը: Ոչինչ չէր փոխուել իր վերաբերմունքի մէջ, միայն այժմ խօսում էր ինձ հետ «դու»ով: Ես էլ պահանջ չունէի անդրադառնալու ինձ յուզող հարցին: Արդէն օրուայ մեծ մասը անցընում էի հարեւան «Աստորիա» հիւրանոցում: Երեկոնները, երբ դառնում էի տուն, Անահիտը ինձ ուղղում էր հարցումներ իրեն մուխ մնացած ընդհանուր խնդիրների մասին, որոնք քիչ - քիչ մասնաւորուելով՝ դառնում էին բազուկեցիների շուրջ, — ս՞րբ որի կին է, ի՞նչպէս են կոչւում աղջիկները, ի՞նչ կրթութիւն ունեն, չե՞մ կարծում, որ խարտեաշ մազերով աղջիկը բաւական գեղեցիկ է, մի քիչ քիթը երկար է եւ այլ հարցումներ, որոնց մէջ ոչ մի իմաստ կար:

Սեպտեմբերի երկրորդ կէսին թուրքերը մտան Բաղու: Տարագիրների մեծ հոսանքի ծայրը մեզ էլ հասաւ: Փախստականների մի մասը ճողոպրել էր Պարսկաստանի, Պետրոլսկի, Կրասնոպոտսկի ուղղութեամբ: Քաղաքում ջարդուածները հաշւում էին 20 — 30 հարար մարդ...

Այդ օրերին տակաւ խճճուում էր համայն Ռուսաստանի վիճակը: Հակախորհրդային գինուած շարժումները ծաւալուում էին օրէց օր: Ամէն տեղ ծնունդ էին առնում Սորհուրդների հակամարտ կազմակերպութիւններ: Նախապէս տեղական բնոյթ կրող ընդհարումները ստանում էին ծաւալուն քաղաքացիական պատերազմի հանգամանք: Չեխոսլովակները գրաւում են Կաղանը, Սեմբերսկը, Ուֆան եւ միջին Վոլգայի չրջանը՝ յայտարարելով այդ հողերը «Սահմանադիր Ժողովի երկիր»: Յամառ կռիւներ են տեղի ունենում Եւրոպական Ռուսաստանի հարաւ - արեւելեան մասերում, Գոնի, Գուբանի, Օրէնբուրգի չրջանում: Կենտրոնում հակախորհրդային ուժեր կազմակերպում են դաւեր, ահաբեկումներ եւ ապստամբութիւններ: Ապա՝ Դենիկինի բանակը գրաւում է բովանդակ Հիւսիսային Կովկասը՝ Սեւ ծովի եզերքներից մինչեւ Հաշտարխանի առապատները: Օրէնբուրգի չրջանում ասպատակում են զօրավար Գուտովի ուժերը: Ուրալ - Վոլգա ճակատով կենտրոնից կտրուած Սիրիբում յայտնուում են «ինքնավար» Օմսկի, Վլատիվոստոկի «կառավարութիւն»ները: Ներքին դասային, դասակարգային խմբաւորումներից զատ, շարժման մէջ հսկայական դեր են կատարում լայնածաւալ Ռուսաստանի խայտարղէտ ժողովուրդների ազգային ուժերը: Ամէն ազգից զատ՝ ամէն չրջան էլ յայտարարում է «անկախութիւն»: Հեռաւոր Արեւելքում, Անդրկասպեան երկրում, Ուրալի չրջանում, Արխանգելսկում, Ֆինլանտիայում, բովանդակ Մերձբալթեան չրջանում, Ուկրայինայում, Գոնում, Գուբանում, Դաղստանում, Անդրկովկասում բուսնում են նորակազմ պետութիւններ եւ անգամ Պարբինում ուղում են ունենալ իրենց «ժամանակաւոր կառավարութիւնը»:

Երկրի ներսի այդ հակաշարժումները մեծապէս

խթանում են դրսի հակամարտ ուժերը, ինչպէս նաև երկկուան դաշնակից պետութիւնները: Գերմանացիները պահում են իրենց իշխանութեան տակ Ռուսաստանի բոլանդակ արեւմտեան շրջանը, Ուկրաինան և Ծինլանտիան՝ դանազան տեղական գործակալներէ կամ «իշխանութիւն»ների միջոցով: Հետաւոր Արեւելքում իշխում են ճապոնացիները, որոնց աջակցում են անդլիական, Ֆրանսական, ամերիկեան և իտալական դորամտները Վլադիվոստոկում: Սիրիում նախկին դաշնակիցները աջակցում են ծովակալ Կուլչակին գէնքով, դրամով, մթերքով: Արխանգելսկում ափ ևն իջնում անդլիացիներն ու ամերիկացիք: Հարաւում Ֆրանսացիները աջակցում են յայտնի բախտախնդիր Պետլիւրսիին: Անդրկասպեան երկրում ասպատակում են բամաճները՝ անդլիացիների գրգումով: Անդրկովկասում փաստօրէն իշխում են գերմանացիներն ու թուրքերը . . .

Այս ընդհանուր փլուզումի օրերին, երբ մարդ միութարական ոչինչ չէր գտնում օրերը անցկացնելու համար, յանկարծ մի լուր հսկնտուկիում թունդ հանեց բոլորին: Հոկտեմբերի 30ին Մուարոսում կնքուել էր դինադադար և թուրքերը վար էին դրել գէնքերը: Նրանք սլարտաւորում էին անմիջապէս սլարպել Անդրրկովկասում գրաւած հողերը: Գաշնակիցները տէրն էին Պոլսոյ և նեղուցների: Զինադադարի մի ուրիշ կէտի համաձայն, ողջ մնացած հայ տարագիրները սէտք է խմբուէին Պոլիս և ջարդարարները պէտք է պատասխանատուութեան ենթարկուէին:

Հաշուեյարդարի օրերը մօտեցան: Նորից ինձ համակեց Պոլիս ընկնելու և թալէաթին սպաննելու գաղափարը, որ հանդէս էր գալիս այժմ իմ մէջ իբրև մօրս ուրուականի թելադրութիւն: Միաժամանակ ինձ յուզում էր այն յոյսը, որ Պոլսում կարող է յայտնուել տարագրումը հարազատներից մէկն ու մէկը, կամ այն-

տեղից դիւրին պիտի լինէր նրանց մասին լուր տանել :

Այժմ բոլորն էլ աճապարում էին դէպի տուն : Առաջին իսկ օրը բազուկեցիներն մի ստուար մասը մեկնեց . նրանց հետ էր Լեւոնը , որին , ըստ երեւոյթին , դժուար էր բաժանուել այն կողմերից գաղթած մի հոգեհատորից , ինչպէս ինձ՝ Անահիտից . նախընտրել էր երկար ուրապառոյտ ճանապարհ՝ Բագու , Բաթում , Պոլիս , իբր թէ Սեւ ծովի այլ նաւահանգիստներից դժուար էր յարմար նաւ գտնել : Յաջորդ օրը մեկնեցինք եւ մենք դէպի Նովորոսիյսկ :

— Ձդէ՛ այդ անիծապարտ երկիրը , հազիւ ազատուեցինք , ճանապարհին համոզում էր ինձ պ . Նշանը :

Տիկին Ջուարթ յորդորում էր ինձ գնալ Թիֆլիս եւ մնալ իրենց բնակարանը մինչեւ պատերազմը վերջանայ եւ կարող լինեմ վերադառնալ Սերբիա , հօրս մօտ : Լուս էր միայն Անահիտը եւ երեւութապէս անտարբեր :

Գիշեր էր . ճանապարհին ամէն կայարանից գնացք էին թափուում տարազիրներ . գնում էին դէպի Սերսոն , Օտեսա , ուսմանական սահմանը . տարածութիւնները նրանց համար դարձել էին խաղալիկ : Մի ուս գիւղացի ներս մտաւ ինչ որ կայանից եւ տեղաւորուեց մեր բաժնեակում : Նա ուղեց ինչ որ բան հարցնել ինձ , բայց այդ պահին գնացքը շարժուեց : Հանելով գլխարկը՝ նա երեսը խաչակնքեց եւ սկսեց շշուկով աղօթել : Աւարտելով աղօթքը ու երեք անգամ նորից խաչակնքելով՝ յետ ծածկեց գլխարկը ու նստած տեղը շտկուելով՝ հարցրեց . «Ժամը քանի՞ է» : Երեքը անց էր , լուսանալու մօտ : Գիւղացին գլուխը յենեց ծնկներին եւ մէկ վայրկեանի մէջ սկսեց խոսքալ : Քնած էին եւ Թաթիկեանները , բացի Անահիտից , որ ամբողջ ժամանակը արձանացած էր նստած տեղը : Ինձ թւում էր , որ նա հասկանում էր այն բոլորը ինչ զգում եւ մտածում էի

Լս . իսկ այդ գիշեր , աւելի քան երբեք , նրա մասին մտածում էի ամենարարձր բաներ : Ես գտել էի խնդրի լուծումը . նախ՝ պիտի լուծէի մօրս ևւ հարազատներխ վրէժը , ապա՝ պիտի ուզէի անբաժան լինել նրանից մինչեւ մահ , եթէ բախտը ինձ ժպտար : Պիտի ուզէի այդ ամէնը պարզել նրան հանդարտօրէն , բայց աւա՛ղ , այդ շնորհքը տրուած չէր ինձ :

Ներս մտաւ կոնտուկտօրը ու տեսնելով , որ ճրագի պատրոյգը հասնելու վրայ է , հանդցրեց , բայց նորը չդրեց : Կիսախաւարի մէջ ալլելս լաւ չէի տեսնում Անահիտին : Գիւղացին խոճրում էր , անօրինակ ձայներ արձակելով քթից : Վազոնի ապակիները ցնցումից շրխշրխկում էին միօրինակ : Ամբողջ օրը լեցուեց ու պարպուեց մեր վազոնը զանազան ուղղութեամբ համբարդողներով :

Իրիկուան դէմ հասանք Նովորոսիյսի : Մի նաւ մեկնում էր գէպի Փոթի . պ . Նշանը այդ ստիժից օգտուեց : Որքան մօտենում էր բաժանման ժամը , այնքան Անահիտի հետ խօսելու պահանջը սրում էր մէջս : Բայց այժմ էլ ինձ մի վայրկեան ազատ չէր թողնում պ . Նշանը՝ ջանալով համոզել , որ զնամ իրենց հետ : Բարոյալքուել էի . մտածում էի , որ աւելի լաւ է նամակով յայտնել ասելիքս :

Արդէն մեկնում էին . Անահիտը մօտեցաւ ինձ ու թախծոտ ժպիտով ասաց .

- Ուրեմն , այսպէս . . .
- Այո՛ , բայց ևս քեզնից պատասխան չստացայ . . .
- Ի՞նչ պատասխան :
- Հարցումիս պատասխանը , որ արի քեզ երկուամիս առաջ պարտէզում :
- Ի՞նչ արժէք ունի հիմա :
- Ինձ համար շատ մեծ . . .
- Արի մեզ հետ թիֆլիս , ահա իմ պատասխանը :

— Պատուով խօսք, որ պիտի գամ, միայն խօսք
տուր, որ պիտի սպասես :

— Ա՛խ, Աստուած իմ, էլ ի՞նչ խօսք :

— Որ պիտի սպասես, յամառեցի ես . . .

— Լա՛ւ, տեսնենք ա՛յլ աւելի խոստմնասպահ պիտի
լինի մեզնից . . .

Նուր մեկնեց, գնալով փոքրացաւ : Հեռուից, շատ
հեռուից գես տարրերում էի մի ձեռք, սպիտակ մի
թաշկինակ . . .

* * *

Արժնչազ էր, տեղում էր մեզմ անձրեւ : Գնում էի
դէպի կայարան՝ պատահելով սակաւաթիւ անցորդնե-
րի : Ի՞նչ էի մտածում, չգիտեմ : Զգում էի, որ այլեւս
նետուել եմ մի ճանապարհի վրայ, որից դարձ չկայ
առանց յաջողութեան : Կայարանում տիրում էր արտա-
կարգ եռուզեւ. ամէն մարդ գնում էր թուցիկաձեւ մի
հաղորդագրութիւն՝ սեփական աչքերով կարդալու հա-
մար. պատերազմը վերջացել էր, Գերմանիան ընդունել
էր գինացազարի պայմանները : Երկու ժամ վերջը մեկ-
նեցի Օտեսա :

Մուտրոսի գինացազարից անմիջապէս յետոյ, հա-
մաձայնական պետութիւնները դարձել էին Սեւ ծովի
տէրն ու տիրականը. ուստական եզերքներում յայանը-
ւում էին անգլիաֆրանսական սպամանուեր. Ուկրայի-
նայում, Գոնի շրջանում, Ֆինլանտիայում, Էստոնիա-
յում, Լատվիայում՝ անգլիական զօրքեր. Ղրիմում
ցամաք էին իջնում Ֆրանսացիները :

Օտեսայում տիրում էր Ֆրանսեյունական իշխա-
նութիւն : Մօտ մի ամիս տեւեց մինչեւ կարողացայ
կարգաւորել անցադրային դժուարութիւններս ու տեղ
ապահովել ինձ «Նիքատ» նաւի մէջ, որ շուտով պիտի

մեկնէր Պոլիս : Ճամբորդների մի բազմութիւն նոյն կացութեան մէջ էր . խեղճերի համար ամէն օր ստեղծուում էր մի նոր դժուարութիւն . ամէն մարդ անհամբեր էր օր առաջ հասնելու Պոլիս՝ երկրում մնացած իր հարազատների մասին լուր առնելու յոյսով :

Վերջապէս , Դեկտեմբերի կէսերին մեկնեցինք : Յաջորդ առաւօտ նաւը կանգ առաւ Կոստանցայում : Կարանդինայի պատճառով արգելուած էր ցամաք իջնել , եւ տաղակալի մի օր ու դիշեր անցրինք այստեղ : Դեկտեմբեր 18ի առաւօտեան մօտեցանք Վոսփորին : Օդը պարզ էր ու կարծր . երկնակամարի մի մասով յամբաքայլ շարժւում էին սպիտակ ամպեր : Արեւի մեղմ ճառագայթները ոսկեղօծ հովահարի պէս քիչ - քիչ բացւում էին , տարածւում՝ վարդագոյն շերտեր գոյացնելով հորիզոնում . կուպրի պէս սեւ ջրերին մերթ ընթ մերթ յայտնւում էին շողի փշուրներ : Ամէն վայրկեան փոխւում էին ծովի ու երկնքի վառվռուն գոյները , կարծես երկու արեւելեան թաղուհիներ էին , որ իրար հետ մրցելով՝ ձգտում էին դիտողին շլացնել իրենց երփներանգ զգեստներով : Շողենաւը իր սուր կտուցով ճեղքում էր նեղուցի նախադրան ջրերը՝ աջ ու ձախ նետելով կոհակներ : Տախտակամածի մէկ ծայրին դամուած դիտում էի դիմացի ձորերն ու բլուրները . մտքով թափառում էի այդ արիւնաներկ երկրի խորքերում՝ Վան , Խնուս , Էրզրում , Երզնկա , Չելիկ , Չորս , Վժան : Դալուկ արեւը այժմ իր հետ բերում էր բամպակի պէս ճերմակ ամպեր , որոնք սահում էին երկնակամարում խուռներամ : Բզկտուած ամպերի մի հանդիսաւոր թափօր էր , որ բազում մեռած հողիների պէս , յամբաքայլ ուղեկցում էր մեզ օձապտոյտ նեղուցի ուղղութեամբ : Կամբջակին վրայ քիչ - քիչ բազմանում են ճամբորդներ : Նրանք զանազան ուղղութիւններ ցուցնելով՝ հաճոյք են զգում տարիներ յետոյ նորից

ծանօթ վայրերը տեսնելով : Մեր յետևը մնացին ծովի ջրերը , եւ Վոսփորի նեղ անցքից ներս մտանք :

Վոսփոր յունարէն նշանակում է «ցուլի անցք» - րատ յունական գիցարանութեան՝ նրա միջով անցել է լողալով Արգոսի առաջին թագաւոր Ինակուսայի աղջիկ Լօն , նոյնինքն այն Լօն , որին յետոյ Արամաղղը դարձրեց կով : Աւանդութիւնը ասում է , որ նախապատմական շրջանում ծովերը այստեղ բնաւ հաղորդակցութեան մէջ չէին իրար հետ : Եւ այդ են հաստատում նեղուցին եզերքների երկրաբանական ուսումնասիրութիւնները . երկու եզերքների խորունկ ծոցերը , սուր հանգրուանները՝ այնքան համապատասխանում են իրար , որ , ասում են , բաւական է մօտեցնել իրար , որ պէսզի միանան ու նորից կազմեն ամբողջութիւն , անգամ երկու կողմերի հողի առանձին շերտերը դասաւորուած են համապատասխան ձեւով : Հողի յատկութիւնը , բազալտային առատ շերտերը , գոյացած քարանձաւները վկայում են նրանց հրաբխային ծագումը : Հաւանաբար Վոսփորը կազմուել է մի հզօրագոյն հրաբխային ժայթքումի հետեւանքով , որ ճեղքել է երկրի այդ մասը ու բաժանել երկուսի : Ու մտածում եմ , թէ ի՞նչ կը լինէր հայ ժողովուրդի բախտը , եթէ այդ ժայթքումը տեղի չունենար . . . Ամենանեղ մասը թւում է ոչ աւելի , քան վեց - եօթը հարիւր քայլ . լայն մասերը երեւի կազմում են հինգ - վեց հազար քայլ : Կամբջակում կուտակուած ճամբորդների այդ շրջաններից կան բաւական հայ , յոյն տարագիրներ , փախստականներ . նաւի անիւների մէն մի շրջանը բոլորելու հետ , նրանց միջից լուում են դուարթագին բացազանչութիւններ : Եւրոպական տիին բնկած է Ռումէլի - Կաւակը , Փարատաշ բարձունքի ապառաժոտ փէշերին . դժուար չէ տարբերել հնագոյն ամբութեան մնացորդները : Զախ կողմից , միւս տիին , Պինուկոսեան բերդի փլատակների տակ , յանցադարա-

ասպատանել է Անատոլու կաւակը: Անցել են դարեր, բայց կեանքից ու մարդկանցից մոռացուած այդ հնագոյն բերդերի մնացորդները դեռ մոայլօրէն նայում են իրար, մի ժամանակ մահ սփռող պատերի ծակերից: Այստեղ էր, որ առաջին անգամ կամուրջ նետուեց Եւրոպայի եւ Ասիոյ միջև ու մէկ ասից միւսն անցան Գարեհի գորքերը:

Քիչ վարը, աջ ասին, տարածուած է Ենի - Մահալէ գուա յունական գիւղը:

— Պանակոտա՛ . . . , յուզումով բացադանչում է մի ծերունի յոյն. իրենց գիւղն է: Գրեթէ դէմը, միւս ասփին, քնկած է Հիւնքեար Իսկէլէսին. այստեղ էր, որ բանակ դրին ուս զորքերը 1833ին՝ պարտադրելով Սուլթան Մահմուտին աննպաստ մի դաշնագիր, որի առթիւ նա հեծեծադին գոչեց մօտիկներին.

— Ի՞նչ անէի, ծափն բնկնողը օձին կը փաթաթուի . . .

Ապա՛ կ'երսոպական ասին յայտնում է Մեղարբուրնուն՝ ցից շիրիմների իր տարածուն գերեզմաննոցով. ունայնութիւն է տիրում այնտեղ՝ աշխարհիս ստեղծագործութիւնից ի վեր տեղի ունեցած պատմական բոլոր անցքերի առթիւ: Միւս ասին, ծոցի մէջ, տարածուել է թրքական Բէյկոսը, այստեղ կատարուեց ալեւոր պատմութեան վերջին խաղերից մէկը, այստեղ խաբիսի նետեց, 1854 թուին, անգլեւֆրանսական նաւատորմիցը, նախ քան՝ ուսաների դէմ Արիմում գործողութիւնների ձեռնարկէր:

Աջ կողմով մօտենում ենք Բէօյիւկ - Դէրէի հիասքանչ գղեակների, պալատների շրջանին. մարդու աչքը չի կշտանում դիտելուց: Ըստ աւանդութեան բուն Բէօյիւկ - Դէրէն առաջին խաչակիրների կայանն էր: Ասիական եզերքին նրա դիմաց տարածուած են Փաշարախէի Սուլթանիէ հոչակաւոր այգիները, որոնք տե-

ընկաթափ են: Վարը, աջ կողմից, մօտենում ենք հնա-
դոյն Թարապիտային՝ բիւզանդական մեծամեծների ա-
մարանոցը. եթէ մարդ իմանա՛ր դալիքը, եթէ այդ հի-
ասքանչ վայրը մարդկանց շտրամադրէ՛ր մեղկու-
թեան...

Աւելի վար, սօխական եղերքին, յայտնում է բըլ-
րաթառ Չիրուքլուն, եղիպտական խալիւի շքեղ ամառ-
նային պալատով: Թիկունքում ընկած է Կանլըջանը,
իր դեղեցիկ վիլլաներով և Ծուատ փաշայի հոյակապ
պալատով: Ապա յայտնում է Անատոլու Հիսարը, հը-
նադոյն մի ամբոց, որ կառուցել է Սուլթան Բայազիտը
յունական տաճարի փլատակների վրայ, 1390 թուին,
երբ առաջին անգամ պաշարուեց Պոլիսը:

Ճամբորդակից ենիքէօյի Յակոբը, որ հինգ մատի
պէս դիտէ բովանդակ շրջանը, այժմ լուռ է և յուզ-
ուած. ահա նա, իր ծննդավայրը, Ենի քէօյը, որ շուրջ
10,000 հայեւյոյն բնակիչներով փռուել է ծաւալուն
սարի փէշերին, նեղուցի աջ ափին: Մայր, քոյր, եղ-
բայրներ. ո՞վ է արդեօք ողջ մնացել և ինչե՛ր են անցել
դարձել այնտեղ. հասկանում եմ...

Նոյն եղերքով իրար յաջորդում են մի շարք աւան-
ներ, բայց մարդու աչքը կենտրոնանում է ափին շատ
մօտ Բէրէկի վրայ, ուր մի ժամանակ եղել է Արտեմիսի
տաճարը: Եւրոպական եղերքով անցանք Կուբու - Չէշ-
մէն, Օրթաքէօյը, Պեշիքթաշը, Չրաղանի պալատը,
դրեթէ քերեցինք հոշակաւոր Տոլմա - Բախչէն, որի
թիկունքում, դէպի ներս, բլրի վրայ ցցուած է Երլըզ
- Քէօշքը. ա՛հ, ո՛րքան ցաւ է կապուած այդ ձիւնա-
փայլ պալատների հետ...

Սօխական եղերքում կիսադէմքով դառնում է դէպի
մեզ Սկիւտարը: Նաւի մէջ սկիւտարցիներ կան. ըստ
նրանց՝ Սկիւտար նշանակում է պարսկերէն հանգստու-
կայան. Քսենոֆոնը կանդ է տուել այնտեղ, նախ քան

Եւրոպայի անցնիլը: Հող չկայ, ուրեմն, այս երկրում
որ իր հին ու նոր արեան շաղախը շունենայ: Իր հին
անունն է Բրիգիտայիս՝ Ազամեմնոնի որդու յիշատակը:
Բիւզանդացիք կառուցել են այնտեղ երեք մեծ յուշար-
ձաններ ի նշան երախտագիտութեան աթենացիներին՝
Փիլիպպոս Մակեդոնացու գէմ նրանցից ստացած ա-
ջակցութեան համար: Այժմ այնտեղ արեւի տակ ճառա-
գայթում են բազմաթիւ մինարէներ ի սրածայր գա-
զաթները...

Եւրոպական ափում անցանք կարագաշը, ուր մեր
առջև պարզուեցին Մարմարայի արծաթափայլ ջրերը
որոնք հոսանուտ օդակում են Մարայ - Բուրնուն:

Մեր գիմաց, ջրերում, միայնակ ցցուած է Գրդ -
Գուլէսին: Աշտարակը շինուած է Մանուէլ Գոմնենի
օրով, Վասիոսի անցքը արգիլելու նպատակով, իսկ բա-
թրքական աւանդութեան՝ կառուցել է Սուլթան Մէ-
մէտը. մի գնչուհի դուշակում է, որ նրա աղջիկը պիտի
մահանայ օձի խայթումաճքից, եւ Սուլթանը կառուցում
է այդ աշտարակը իր սիրած աղջիկը այնտեղ պահելու
համար: Անցնում են տարիներ ու Մեհար Շէհիտի գե-
ղեցկութեան համբաւը տարածում է աշխարհներ:
Պարսից շահի որդին գալիս է նրան կնութեան առնելու:
Բայց ահա ճակատագիր. իր բերած շքեղ ծաղկեփունջը
մէջ պահուած մի իժ խայթում է գեղանի Մեհար Շէ-
հիտին՝ մահուան դուռը հասցնելով նրան: Սակայն,
ինչպէս պէտք էր սպասել, իշխանագունը ծծում է թոյ-
նը, նրա կեանքը փրկում եւ կնութեան առնում...

Ոսկեցճիւրի մէջ ենք. իրօք որ երազական է Պոլի-
սը: Ըստ բիւզանդական աւանդութեան, նոյն ինքն Ս-
պողոնն է մասնանշել վայրը, ուր հետագային կառուց-
ուել է նա: Իր ասիական մասը շրացնում է գիտա-
ղին անհաշիւ մինարէներ ի գազաթներով, իսկ եւրոպա-

կանը՝ հոյակապ պալատանման շէնքերով, որոնք կարծես լողում են ջրի մէջ:

Շողենաւը դանդաղօրէն մօտեցաւ Ղալաթիոյ քարափին: Կանգ առաւ: Նաւամատոյցը լեցուեց նաւին սպասող խայտարղէտ ամբոխով: Բեռնակիրները ձեռքից ձեռք են խլում ճամբորդների իրերը, որոնք կարծես տէր չունին: Խլացուցիչ գոռում - գոչումներ, բազմալեզու հայհոյանքներ, կարմիր Ֆէսեր չորս կողմըս: Նոյն բանն է ու կարծես ոչինչ չի փոխուել: Ուտիկանները սաուզում են ու հաւաքում անցադիրները: Ինձ համակեց վերջին ծայր հիասթափութիւն, երբ քարափից դուրս ելանք. որքան հմայիչ էր քաղաքը հեռուից, այնքան անհրապօյր է ներսը՝ իր նեղ ու մռայլ փողոցներով, աղտոտութեամբ, խեղճ ու կրակ փայտէ շէնքերի լարիւրինթոսով, որոնց վրայ տեղ - տեղ դեռ մնում են հրդեհի հետքեր: Մովից տեսնուած եւ ոչ մի քաղաք չի հմայում ու ապա իր ներսը մարդու հիասթափեցնում այնպէս ուժգին, ինչպէս Պոլիսը: Առաջին պատահած լրագրավաճառից գնեցի «Ճակատամարտ»-ի օրուայ թիւր: Վերջին երկու էջերը լեցուած էին մեծ ու փոքր յայտարարութիւններով, որոնց միջոցով մարդիկ փնտռում էին տեղահանուած հարազատներին: Ղալաթա Սերայից մինչև Թաքսիմ բազմերանդ հասարակութիւնը աճապարում է զանազան ուղղութեամբ: Հայ, յոյն, թուրք, ամէն ազգի եւ կրօնքի եւրոպացիներ խառնուել են իրար այնպէս, որ կարծես մարդկութեան որրանը Պոլիսն է: Ամէն քայլափոխիս նկատում եմ անգլիացի, Ֆրանսացի զինուորներ, եւ այդ է միայն դրսի իշխանութեան յայտարարը:

Անհամեմատ աւելի մաքուր եւ հրապուրիչ Պերայի պողոտայով հասայ վերջապէս «Ճակատամարտ»-ի խմբագրատունը: Մեծ սփոփանք էր այնպէս շէն տեսնել այս շէնքը, որ ապրել էր արհաւիրքներ. երիտա-

սարգներ, հրավառ դէմքեր, կանայք, աղջիկներ խոնր-
ւած են խմբադրատան կիսամութ առաջամասում: Յա-
ջորդ, աւելի հանդարտ և լուսառատ սենեակում, երկար
գրասեղանի մօտ նստած է ըմբիշի արտաքինով մէկը,
որ հաւանարար երիտասարդ գրող է, կամ բանաստեղծ:
Մօտեցայ նրան:

— Ներեցէք, կ'ուզէի մի յայտարարութիւն տալ,
որ փնտռում եմ հարազատներին, բայց չգիտեմ՝ ո՛ւր
կարելի է այդ:

— Հոս. ո՞վ կը փնտռէք...

Շեշտից հասկացայ, որ այդ գործը դարձել է սո-
վորական աշխատանք:

— Մայրս, եղբայրս, երկու մեծ եղբայրներին կի-
ները, զաւակները...

— Ամէնը մէկ հնարաւոր չէ. մէկը եթէ գտնէք,
ստ ալ մեծ բան է:

— Գրեցէ՛ք մայրս, եղբայրս...

— Չեր հասցէ՞ն:

— Հասցէ չունիմ, նոր եկայ:

— Ո՞ւրտեղէն:

— Ռուսաստանից:

Գրիչը յետ դրեց ու նայեց:

— Ի՞նչպէս հոս հասաք:

— Նուով, Յալապից:

Երաւ:

— Ուրիշ տարագիրներ ալ եկա՞ն:

— Ի հարկէ:

— Եկէք հոս:

Հարեւան դահլիճում խոնուած էր բազմութիւն:

— Պարոն Գրիգոր, ահաւասիկ պարոնը նոր է հա-
սած Ռուսիայէն, գոչեց նա:

— Ե՞րբ, Ի՞նչպէս, վրայ պրծաւ նա...

Ու սկսուեց նրա և շուրջիներէ մանրամասն հար-

ցուխորձը, Հիւսիսային Կովկասի տարազիրների թուի, տրամադրութիւնների, Անդրկովկասի, Ռուսաստանի իրադարձութիւնների, «Նփրատ» նաևով տեղ հասածների մասին եւայլն:

Գունատ մի աղջիկ, որ բոլոր ժամանակ կանգնած ուշադիր լսում էր, տրամաթախի՞ծ հարցրեց.

— Պարոն, չէ՞ք լսած արդեօք Լեւոն Մատաթեանի մասին:

— Պոլսեցի Լեւոնը:

— Այս՛, Պոլսէն է:

— Ի՞նչպէ՞ս չէ...

— Ո՞ղջ է:

— Այս՛, օրիորդ, մօտ ընկերս է:

— Ի՞նչ կ'ըսէք...

— Հաւատացէք, էսէնտուկի միասին էինք, բայց նա ինձնից շուտ մեկնեց. պէտք է որ արդէն այստեղ լինէր:

Ըստ երեւոյթին շատ մօտ էր օրիորդի համար Լեւոնը. նա բոլորովին իրեն կարցրեց:

— Պարոն, եթէ գիտնայիք ծնողներու վիճակը, օր ու գիշեր կուլան. ո՞ւր կ'ապրիք, ձեր հասցէն կրնա՞մ հասկնալ, պարոն:

— Գեա տեղ չունիմ, օրիորդ:

— Թերեւս կը հաճիք ինձ հետ Լեւոնի ծնողներուն երթալ:

— Ուրախութեամբ, բայց նախ կ'ուզէի մի յայտարարութիւն տալ ու մի սենեակ վարձել:

Նա կարծես վախենում էր ինձ կարցնել բազմութեան մէջ:

— Պարոն, ես սենեակ գիտեմ, յայտարարութեան պէտք չկայ:

— Ո՛չ, սիրիչ յայտարարութիւն, օրիորդ, որ փնտռում եմ հարազատներին:

— Ա'ր, ներեցէք, թոյլ տուէք ծանօթանալ, Երանուհի Գանիկէլեան. կ'ուզէ՞ք ձեզ օգնեմ, խնդրեմ հոս . . .

Ու նախորդ սենեակում ըմբիշատիպ երիտասարդի հետ կարգադրելով այդ գործը, դուրս ելանք:

* * *

Վանականի շունչ կար օրիորդ Երանուհու վրան. բնաւ չէր ներդաշնակում այդ Պոլսոյ հայուհիների մասին հեռուից կազմած դադափարիս հետ: Աշխարհիկ ոչինչ կար նրա մէջ: Վարժուհի էր՝ քաղաքական - հասարակական իրադարձութիւններին բաւական իրազեկ: Խրուած էր ազգային գործերի մէջ: Լեւոնի մօտ ազգականն էր, սպրում էր Բանկալթի, մօր հետ: Առաջին տեղեկութիւնը, որ իմացայ, ջարդարարների փախուստըն էր:

— Այս՛, Թալէաթը, Էնվերը, Ջեմալը, Հալիմ փաշան, Պետրին եւ առհասարակ բոլոր նշանաւոր ջարդարարները դեռ գինադադարի նախօրէին փախան:

Թէեւ գծուար էր ենթադրել որ այդ սճրագործները հրապարակի վրայ լինէին, բայց այդ լուրը ինձ խորունկ հիասթափութիւն պատճառեց:

— Չգիտէ՞ք:

— Ո՛չ . . .

— Ամենէն առաջ փախաւ Թալէաթ փաշան:

— Մի՞թէ չէր կարելի այդ հրէշը ձեռք անցընել մինչեւ գինադադարը:

— Օ՛, եթէ գիտնայիք, սպրոն, թէ ո՛րքան աշխատեցաւ մեր բնկեր Մուրատը, բայց ինքը դատաւ իր մահը հրէշէն:

— Մուրա՞տը, ասում էք:

— Այո՛, Համբարձում Պոյաճեանը, մեր կուսակ-

ցուցեալն սրբաներէն մին, որ յայտնի էր «Մուրատ» կեղծ
անունով, չէ՞ք լսած Հնչակեան Մուրատի մասին:

— Գուք Հնչակեա՞ն էք:

— Այո, երեւի դաշնակցակա՞ն կարծեցիք, խոստա-
վանեցէք, որ հրաաթափեցուցի ձեզ, պարոն:

— Ի՞նչ էք ասում, օրիորդ, ի՞նչ տարբերութիւն
ունի:

— Այո՛, ինձ համար տարբերութիւն չկայ. անոնց
մէջ ալ շատ բարեկամներ ունիմ:

Սենեակը, որ նկատի ունէր օրիորդը, իրենց հա-
րեւան յոյն պառաւ կնոջ մօտ, բարերախոտարար, ազատ
էր: Աւարտելով այդ դործը, նա ինձ առաջնորդեց մօր
մօտ, որին թունդ հանեցին Լեւոնի մասին տուած տե-
ղեկութիւններս: Եւ այն ժամանակ, երբ մայրը հար-
ցուփործում էր ինձ այդ մասին, աղջիկը հարեւան սեն-
եակում իրար էր խոսնում բաժակ, պնակ, դդալներ:
Վայրկենապէս սեղանի վրայ շարուեցին վաղուց շտե-
նրուած բաներ՝ կաթ, կարագ, սուրճ, պանիր եւ այլն:
Կէսօր էր, երբ օրիորդը ինձ, ձերբակալուածի պէս
հանրակառք դրեց եւ առաջնորդեց Պեշիկթաշ՝ Լեւոնի
ծնողների մօտ: Այստեղ պէտք է խնդիրը պարզուէր ան-
հրաժեշտ զգուշութեամբ, որ հիւանդ հայրը ուրախու-
թիւնից յանկարծ շմեռնէր: Շքեղ, բնորոշակ բնակա-
րանում, Լեւոնի ծնողներից զատ, մարդ չկար: Ներկա-
յացայ նախապէս, իբրեւ օրիորդի բարեկամը, ապա իբ-
րեւ տարագիր եւ վերջապէս իբրեւ Լեւոնի զինակիցը
Սոյի շրջանում եւ այլն: Մերուների հայրը յուզումից դո-
ղում էր, մայրը միեւնոյն հարցումը անում էր տասն
անգամ: Ի՞նչ մեծ երջանկութիւն էր կորուստը վերա-
դանելը: Երբ հանդարտուեցին, մայրը դժգոհեց, որ
սենեակ եմ վարձել. պարտաւոր էի ուղղակի գալ իրենց
մօտ: Ի հարկէ, վար գրին ճաշին եւ իրիկուան գէմ հա-

զիւ կարելի եղաւ աղատուել՝ նորից տեսնուելու խոստումով :

Վերադարձին օրիորդ Երանուհին կանգ առաւ նոյն փողոցում՝ վերելքից բաւական վար մի տեղ ու ցոյց տալով գետնատարած մի շէնք՝ ասաց .

— Հոն կ'ապրի Թալէաթի հայ գործակալը :

— Հայ գործակալը . . .

— Այո՛ :

— Ո՞վ է :

— Մասնիչ Յարութիւն Մկրտիչեանը : Մեր ժողովուրդի լուսազոյն դաւակներու արեան գնով հարստութիւն գիպեց , տուն գնեց , հիմա կը վայելէ : Անոր կազմած ցանկին համաձայն ձերբակալուեցան ու ջարդուեցան Պոլսոյ հայ մտաւորականները :

Շշմել էի :

— Ինչո՞ւ չեն վրէժ լուծում :

— Ո՞վ պիտի լուծէ , ասաց դառնապին :

— Գուք կը ճանչնա՞ք այդ մարդը :

— Պոլսոյ մէջ ո՞ր հայն է , որ չի ճանչնար այդ մասնիչ Արթիւնը :

— Կարո՞ղ էք ինձ ցոյց տալ . . .

Կանգ առաւ ու նայեց այնպէս , որ կարծես նոր էր տեսնում ինձ : Ապա քայլելով՝ գիտեց թեւի ժամացոյցը .

— Օ՛ր , ո՛րքան ուշացանք , մայրիկը հիմա անհանգիստ է : Ան ալ հայկական ակումբն է , կը տեսնէ՞ք , քիչ վարը կրնանք հանրակառք առնել . . .

Երկար ճանապարհին միակ միտքս այդ նոր հրէշն էր՝ մասնիչ Յարութիւնը . անհրաժեշտ չէ՞ր վրէժ-խրնդրութեան առաքելութիւնս , որ վաղուց դարձել էր գոյութեան նպատակ , նրանից սկսել : Բայց ո՛րքան ճիշդ էին օրիորդի ասածները . . .

— Դեռ շուտ է , այժմ հարեւան ենք , չէի՞ք փափա-

քեր սուրճ մը առնել մեզ մօտ, ասաց, երբ հասանք
Բանկալթի:

— Ձեզ բաւական յոգնութիւն պատճառեցի:

— Ե՞ս ձեզի, թէ՞ դուք ինձի, ասաց ժպտալով:



ՕՐ. ԵՐԱՆՈՒՀԻ ԴԱՆԻԷԼԵԱՆ

Մայրը, բոլոր հայ մայրերի պէս, օտարականի
հանդէպ դուրդուրտտ, յանդիմանեց նրան, որ ճաշին
իրենց մօտ չեմ եղել:

— Վնաս չունի, մայրիկ, պարոնին ընկերակցու-
թիւնը հիմա յաճախ պիտի վայելենք, չէ՞, դարձաւ ինձ
դուարթօրէն:

Առաջին անգամը չէր, որ բախտը ժպտում էր ինձ
լաւ մարդկանց մօտ ընկնելու օտարութեան մէջ: Օրիոր-
դը իր կոկիկ դրասեղանի վրայից վերցրեց մի շքեղ ալ-

բում ու մեկնեց ինձ : Այնտեղ դաշնակցական , հնչակեան
ևւ այլ մտաւորականներ գրել էին օրիորդին իրենց թե-
լադրութիւնները , բաղձանքները : Հասկացայ , որ մի
բան էլ ես պէտք է գրեմ , եւ իրօք :

— Չէի՞ք ուզեր երկտող մը գրել :

«Նղեզնեայ գրչով վրէժ երդեցի . ընդ եղեզան փող
բո՛ց ելանէր» , գրեցի այնտեղ :

— Ա՛խ , Վարուժանէն , շնորհակալ եմ . շատ կը սի-
րեմ անոր դիւցազնավէպերը . ի՞նչ ուժեր կորսնցու-
ցինք , յարեց դառնութեամբ :

— Սպանուա՞ծ է :

— Այո՛ , ան ալ մատնիչ Արթինի կազմած ցանկին
մէջ էր :

— Իսկ Սիամանթօ՞ն :

— Ա՛ն ալ :

— Չարդարեա՞նր :

— Ա՛ն ալ , ա՛ն ալ , ամէնքը . . .

Գրածս ուշադրութեամբ ցամքեցրեց ծծունով ու
նորից աչքէ անցընելով՝ ասաց .

— Կը պատմեն , որ վերջին պահուն Վարուժան ըն-
կերներուն ըսեր է . — «Մնաք բարով , եթէ ողջ մնաք ,
մեր սրբերուն տէր եղէք . նոր դաւակ մը ունեցած եմ ,
թող անունը Վարուժան դնեն» . . .

— Ո՞ւր է սպաննուել :

— Չանգըրիէն էնկիւրի տանող ճամբուն վրայ ,
թիւնոյի զառիվարին տակ , ուր կը սկսի Փալայճըքի
սարաւանդը : Կ՛ըսեն , որ այդ խմբի մտաւորականներէն
միայն Վարուժան անձնապաշտպանութեան կը դիմէ ,
ևւ իրր պատիժ ոճրագործները դանակով դուրս թա-
փելէ վերջ փորոտիքը , կը փորեն նաեւ հայրենասէր
բանաստեղծին աչքերը . . .

Պոլսում այդ օրերին ոչ ոքի չէր դրադեցնում ոչ մատնիչ Յարութիւնի, ոչ Թալէաթի եւ ոչ էլ միւս վախած ոճրագործների Վնդիրը: Տրամադրութիւնները այլ էին: Օրուան նշանախօսն էր հայն ու Հայաստանը. դաւանական, երկրային բաժանումներն ու նախասիրութիւնները արժեզուրկ էին եղել. ձգտում կար առանձին հատուածների մնացորդներից առաջ բերելու ազգային մի ամբողջութիւն: Կուսակցական նեղսիրտ շրջանակներից դուրս, դանդուածների մէջ յատուկ գուրգուրանքի առարկայ էր այժմ «Արարատեան Հայաստանը», այնտեղ էր ծագել արշալոյսը եւ այնտեղից էլ կարող էր լոյս սփռուել հայկական խաւար հորիզոնների վրայ ու վերածնել ազգը:

Այս տրամադրութիւնները յատկապէս ուռճացան 1919ի Յունուարին, երբ Հայաստանից Պոլիս հասաւ հայկական պատուիրակութիւնը՝ Ա. Ահարոնեանի գլուխավորութեամբ: Պատուիրակութիւնը իջել էր Թոքատլեանի հիւրանոցը, Բերա, ուր դիչեր ու ցերեկ ներս ու դուրս էին անում ամէն կարգի ազգայիններ, եւ Հայաստանի լուրերով խանդավառուում: Առիթ ունեցայ եւ ես լսելու Ա. Ահարոնեանին, երբ նա հանդէս եկաւ Բերայի հայկական ակումբում եւ իր պերճ եւ սահուն լեզուով պարզեց, հո՞՞՞ք բազմութեան ծափերի տակ, թէ ինչ գերագոյն ճիգով է դուրս մղել երկրից հայ զինուորը թշնամուն եւ ինչպիսի ծանր երկունքով է ծնունդ առել «Մանուկ Հայաստանը»: Այդ ժամանակների համար, իրօք որ, հրաշք էր այս: Եւ տաղանդաւոր հռետորի պատկերաւոր խօսքը ե՛լ յուզում, ե՛լ խանդավառում էր ներկաներին: Քիչ վերջը, երբ նա մեկնում էր դէպի Փարիզ, Ղալաթիոյ քարափում խմբուել էր անհամար բազմութիւն ողջերթ մաղթելու. շմորած

Թուրքերի աչքերի առաջ, շրջապատը թնդում էր «կեց-
ցէ՛» ներից :

Աւելի մեծ խանդավառութիւն ստեղծուեց Փետր-
ուարի վերջերը, երբ անգլիական «Սեզար» զբահանա-
ւը Ղալաթիոյ քարափում ափ հանեց Չաւէն պատրի-
արքին, որ վերադառնում էր աքսորից : Դեռ նոր էինք
չօշափում պետականութեան ուղին. հնաւանդ հողեւոր
իշխանութիւնը ամէն բան էր դեռ : Պատրիարքը ողջ
ստողջ վերադարձել է. նշանակում է ազգը դեռ կան-
դուն է եւ պիտի ապրի : Եւ ստքի վրայ էր Պոլսոյ բաղ-
մահազար հայութիւնը : Ծովափից մինչեւ Բանկ Օթո-
մանի շրջակայքը բռնուած էր բազմութեամբ : Ծերու-
նի պատրիարքի դարձը խորհրդանշում էր բոլոր աք-
սորուածների վերադարձը . . .

Հայ - Թուրք յարաբերութիւնները վատ չէին. զան-
դրւածօրէն Պոլսոյ հայերը գոյգոհութեան շատ պատ-
ճառներ չունէին Թուրքերից : Իսկ քաղաքական պայ-
մանները վերջիններին հարկադրում էին համակերպու-
թեան : Դեռ անցեալ տարի Յուլիսին վախճանուած
Սուլթան Ռէշատի տեղ դահ էր բարձրացել իշխան վա-
հիտատինը Մուհամմէտ Զ. անուամբ, որ համարւում
էր անգլիական քաղաքականութեան երկրպագու եւ
հայասէր : Պատկառելի հայեր վկայում էին, որ նոյ-
նինքն լուսամիտ եւ գեղարուեստապէս գահաժառանգ-
իշխան Ապտ - իւլ - Մէջիար մի ազգեցիկ հայի ասել է,
թէ «մեր այժմեան Սուլթանը գերազանցապէս բարի է
եւ հայերի վրէժը պիտի լուծէ» : Բայց ո՞ւմնից եւ ի՞նչ-
պէս, չէր ասել : Թուրք թերթերից «Իգտամ»ը գրում
էր, որ «բոլոր տարադրուած հայերը պիտի վերադար-
ձրեն» : Նոյն պատկառելի մարդիկ դիմում արին հա-
յասէր սուլթանի հայասէր գահաժառանգին այդ առ-
թիւ, — «Այո՛, անպայման, բոլոր աքսորուած հայերը,
ուր որ էլ լինեն, պիտի վերադարձուեն», ասել էր նա :

Իսկ եթէ չլինեն... «Մանուկ Հայաստան»ի պէս մանուկ էր այն ժամանակ հայ ժողովուրդը:

Սերա Եղբայրակցութեան ընդթ էին ստացել արհաւիրքների ընթացքում բախտակից երկու ժողովուրդների՝ հայերի և յոյների յարաբերութիւնները: Այդ օրերին, յոյն պատրիարքարանի վարչութիւնը, Բերաթաքսիմի Այա - Թրիատա մեծ Եկեղեցու մէջ, կատարեց հայ նահատակների յիշատակին շքեղ պատարագ ու հոգեհանգիստ և արտասանուեցին յուշումնալից դամբանականներ, քարոզներ:

Իրենց հերթին, հայերն էլ Սուրբ Երրորդութեան Եկեղեցու մէջ կատարեցին աւելի շքեղ հոգեհանգիստ և պատարագ, յոյն նահատակների յիշատակին՝ մեարսպոլիտների և Ֆէնէրի յոյն պատրիարքարանի մասնակցութեամբ ու երգեցին «Ի վերին Երուսաղէմ», «Քանդի զքեզ օրհնեմք», «հոգւոցն հանգուցելոց» և այլ շարականներ ու աղօթքներ:

Բնականաբար, կատարում էին և ազգօգուտ գործեր, պատրիարքարանը յաջողել էր կազմել կաթոլիկ, բողոքական կրօնապետների մասնակցութեամբ, համազգային մի մարմին, որը պէտք է վարէր որրախընամբ, հոգար տարագիրների կարիքները և հովանաւորէր Հայ Կարմիր Սաչը: Ծարժման մէջ էին և հասարակական ուժերը. ժրաջան աշխատանք էր թափում, յատկապէս, Հայ Կարմիր Սաչը, որ ունէր հիւանդանոցներ Երզլի, Բանկալթի, Պեշիկթաշ: Որրախնամը ունէր սննդատու կայաններ զանազան թաղամասերում և որրանոցներ, որոնք գրուած էին աւելի լաւ հիմքերի վրայ, քան Կովկասում: Հայ Բժիշկների Միութիւնը բացել էր հիւանդապահների արագ դասընթացք, որին արձանագրուած էին հարիւրաւորներ: Օրը - օրին վերականգնում էին նախկին գրական աղումները. կազմուած էին նոր ընկերութիւններ, միութիւններ,

ինչպէս, օրինակ, Հայաստանի Օղնութեան Միութիւնը, Նպաստից Յանձնաժողովը, Աշխատանքի Տունը, Տիկնանց Միութիւնը եւ այլն: Նորից տրւում էին թատերական ներկայացումներ, կազմակերպւում հանդէսներ, երեկոյթներ ի նպաստ Հայաստանի: Նոյն նպատակին էին ծառայում բազմաթիւ թէյասեղաններ, հացկերոյթներ՝ համաձայնական պետութիւնների դորավարներին կամ օտար թերթերի թղթակիցներին ի պատիւ, որոնք կամ արդէն հայասէր էին կամ, ըստ ենթադրութեան, համակրում էին այդ ողնով՝ շոայլըւած պատիւների ընթացքում:

Պոլսեցիներին թւում էր նպաստաւոր եւ քաղաքական գրութիւնը, Մարտի 20ին, Ուիլսընի առաջարկութեամբ Վէրսայի վեհաժողովը որոշել էր ուղարկել Մերձաւոր Արեւելք՝ Ամերիկայի, Ֆրանսայի, Անգլիոյ եւ Իտալիոյ ներկայացուցիչներից մի յանձնախումբ՝ քննելու օսմանեան կայսրութիւնից անջատուելիք երկրամասերի վիճակը եւ ժողովուրդների կարիքները: Հայ ազգային քաղաք. շրջանակները ջանում էին հայկական հարցով հետաքրքրել Ամերիկայի Միացեալ Նահանգները, որոնց ներկայացուցիչները վեհաժողովում եւ յատկապէս, ինքը նախագահ Ուիլսընը, ինչպէս ասում էին, շատ մօտ է ընդունում հայերին իր սրտին ու տրամադրութիւն ցոյց տալիս ստանձնելու Հայաստանի հողատարութիւնը...

Յոյսերով, ակնկալութիւններով, արեան ու կրակի միջից անցնելով՝ հայ ժողովուրդի մնացորդները ամէն տեղ արտայայտում էին հզօրագոյն կենսունակութիւն եւ իրրեւ ազդութիւն ապրելու մի շտեմնուած յամառութիւն: Մեծ ազգերի շարժառիթների մէջ իր նկատմամբ այդ ժողովուրդը տեսաւ միայն բարին: Իսկ երբ հասկացաւ իր սխալը, արդէն ուշ էր: Այժմ նրա մնացորդները ձեռք էին դարնում ամէն բանի՝ ինչ

կարող էր օգտակար լինել ապրելու համար: Նկատելի էր միայն մի բայ՝ յեղափոխական տրամադրութիւններէ չէզոքացումը: Շա՛տ ուժգին էր ստացած հակայեղափոխական եւ հակամարդկային հարուածը եւ զանդգրուածօրէն հնձուած նախկին յեղափոխական գործիչների դիրքերը մնացել էին թափուր...

Արդէն ունէի բարեկամներ, ընկերներ, սրոնք միարեւան վկայում էին մատնիչ Յարութիւն Մկրտիչեանի կատարած տխուր դերի մասին: Նա՛ էր պատրիարքարանի մէջ տեղի ունեցած իրադարձութիւնների զեկուցողը թալէաթին՝ տեղահանութեան նախօրեակին, նա՛ էր եւ արմաշական կարգալոյժ ծանօթ վարդապետ՝ Համազասպը, սրոնք հսկողութեան տակ էին առել Հայաստանի պատուիրակութեան անդամներին, մի տարի առաջ, թալէաթի կառավարութեան օրով. նա՛ էր, որ կազմել էր աքսորուած ու կոտորուած հայ յեղափոխականների, մտաւորականների ցանկը. նա՛ էր, որ մինչեւ վերջին հնարաւորութիւն հետապնդել էր Պոլսոյ հասարակական հայ ուժերին անխտիր: Արդէն ստուազուած էր, որ մատնիչի կազմած ու ոստիկանապետ Պետրի միջոցով թալէաթին յանձնուած սեւ ցանկը բաղկացած է եղել 250 մտաւորականներից, սրոնցից փրկուել է հազիւ տասը մարդ: Այդ փրկուածներն էլ, մեծ մասամբ նրանք էին, սրոնց թշուառականը մուծել էր սեւ ցանկի մէջ անհոգ թիւրիմացութեամբ: Այսպէս, օրինակ, Մինաս Չերազի փոխարէն մատնել է փաստարան եղբորը՝ Գասպար Չերազին, որ յաջողել էր հաստատել գործուած սխալը եւ մահից ազատուել. շիմանալով, թէ ո՛րն է գաշնակցական Մկրտիչ Յովհաննէսեանը, միաժամանակ մատնել է, նոյն անուամբ երկուսին, սրոնցից մէկը փրկուել էր. յայտնի յեղափոխական Հայկ թիւրեաքեանից զատ, մատնել էր մի այլ «Հայկ», որ յաջողել էր մահից ազատուել շնորհիւ միայն թիւր-

եաքեանի պնդումին, որ իսկական Հայկը ինքն է. Լեւոն Եամտանճեան շփոթել էր Միքայէլ Եամտանճեանի հետ, որ յաջողել էր աքսորից վերադառնալ, եւ այլն:

Արդէն երկու շաբաթ էր ինչ լրջօրէն հետապնդում էի այդ հրէշին: Ամէն օր մի քանի ժամ, տարբեր ժամանակներ, լինում էի Պէշիկթաշ: Բայց մատնիչը հասկանում էր, որ ժամանակները փոխուել են եւ ներս ու դուրս չէր անում, նրան ձեռք անցընել կարելի էր միայն բնակարանի մէջ, սակայն մուտքի դուռը միշտ փակ էր:

Մի ժամանակ նշանաւոր այս թաղի անցեալից մնացել էին Չրաղանի պալատի այրուած պատերը: Մատնիչը հաստատուել էր թաղի այս մասում: Գետնատարած բնակարանի դիմաց կար մի դինետուն, որ պատկանում էր հայի: Այդտեղից վեր վար ընկած էին նստարանները խանութներ: Աւելորդ էր այդտեղ բնակարան փնտռելը, ինչ որ շատ անհրաժեշտ էր մատնիչին մօտից հետամուտ լինելու համար: Թաղամասի թիկունքում կային յատուկ շուկաներ խմորեղէնի, արևելեան դունապեղ կօշիկների, դորդերի խանութներ, որոնց տէրերը, կիսափուխ աչքերով դանդաղօրէն դարձնելով համրիչները, սպասում էին յաճախորդների: Վերի մասերում, ցաք ու ցրիւ ընկած էին հայերի տներ: Այստեղ էին ապրում պոլսեցի Լեւոնի ծնողները: Վարի մասը բոնում էր սրճարանների մի շարք, ուր կանաչ, ճերմակ լաշակներով, ձիւնի պէս սպիտակ մօքուքներով, փառահեղ դէմքերով ծերունիներ պատերի տակ, շեմքերին, սրճարանների շուքերում կկղած ծուլօրէն ծծում էին նարդիլէն ու մերթ ընդ մերթ դանդաղօրէն մօտեցնում շրթունքներին սուրճի մատնաչափ պուրակները:

Մարտի վերջերին մի օր փորձ արի դինետան տիրոջ հետ բարեկամանալու, բայց իմանալով, որ տարա-

զիր եմ՝ անհրապոյր դէմք առաւ: Այդ օրն էր, որ մատնիչի տան շեմքում յայտնուեց մի պատանի, որ շիւի - շիտակ դիմեց դէպի գինետուն ու մէկ շիշ «Մարդել» գնելով տուն դարձաւ: Իրիկունը այդ մասին յայտնեցի օրիորդ Երանուհուն, որ միակ աջակիցս էր այս գործում. ծանօթների միջոցով կապ էր հաստատել մատնիչի ազգականների հետ ու ձեռք բերել նրա նկարը: Պատանին մատնիչի միակ զաւակն էր:

Յաջորդ օրը կիրակի էր: Բերայի Երրորդութեան եկեղեցում տեղի ունէր սգահանդէս հայ մտաւորականների նահատակութեան առթիւ: Ներկայ էր խուռն երկսեռ բազմութիւն, Կոմիտասեան երգչախումբով կատարւում էր քառաձայն պատարագ: Տեսարանը յուզիչ էր ու սրտառուչ: Ներկաներից շատերը ունէին կորուստներ: Պատարագից յետոյ Չաւէն պատրիարքը խօսեց՝ «Յթէ ո՛չ հատն ցորեմոյ անկեալ յերկիր մեռանիցի, ինքն միայն կայ, ապա թէ մեռանիցի, բազում արդիւնս առնէ» բնարանով. բոլոր նահատակները ցորենի հատիկների պէս պիտի ծլէին ու բազում արդիւնք տային...

Իրիկունը Բանկալթիի Երիտասարդաց Միութիւնը, Կարմիր Սաչի ընդարձակ սրահում, կազմակերպել էր քաղաքացիական սգահանդէս: Երբ հասայ, բոլոր տեղերը բռնուած էին երկսեռ բազմութեամբ: Մնացի պատի տակ՝ անկիւնում խմբուածների մէջ:

Սգահանդէսը բացեց «Կալոօչ»ի խմբագիր Ե. Թօլանանը, որ մէկն էր վերապրող տարագրեալներից: Նա մի քանի խօսքով վեր հանեց նահատակուած մտաւորականութեան արժէքն ու նշանակութիւնը՝ հրաւիրելով երիտասարդութեան ուշադրութիւնը դրական, հասարակական, յեղափոխական ասպարէզներում առաջացած պարասպութեան վրայ ու յորդորելով նրան օր

առաջ բռնելու նահատակ մտաւորականութեան թափուր մնացած տեղերը :

Վերապրող մտաւորականներից դոկտոր Մելքուն Կիւլիստանեան վերջիչեց այն շարաշուք շարաթ գիշերուան իր եւ ընկերների ձերբակալութիւնը, երբ Պոլսոյ հայութեան հանրային աչքառու բոլոր գործիչներին՝ ժողովական, երեսփոխան, յեղափոխական, խմբագիր, ուսուցիչ, բժիշկ, սեղանաւոր, դեղագործ, վաճառական եւ այլն՝ հապճեպով հազնուած, քնաթաթախ, հողաթափներով, առանց գլխարկի, իրար յետեւից առաջնորդուձ էին բանա :

— Նորեկները կու գային ուրախ ու արհամարհութալիտով, ասում էր նա, բայց երբ կը տեսնէին հարիւրաւոր հանրածանօթ ազգային հին ու նոր գործիչներ իրենց շուրջը թախճոտ ու մտախոհ, իրենք ալ կը խորասուզուէին ծանր մտահոգութիւններու մէջ...

Լուսանում է. ամէն մարդ հոգեպէս գինւում դրսից հասնելիք օգնութեան յոյսերով : Սպասումներ, որ «թիւրիմացութիւնը» շուտով կը պարզուի : Մօտակայ մինարէից լուում է միւէզնի «Ալլահ էֆպէր»ը : Բայց «Մէխտերհալիկ» կենտրոնական բանտում քիչ - քիչ թանձրանում է մթնշաղը ու նորից թաղաւորում խաւարը : Դրսից միայն լուում է անգլիական մարտանաւերի որոաների արձագանգը...

Ապա սկսում է ողբերգութեան երրորդ արարք - սեւ ցանկերի ստուգում, խուզարկութիւն, բաժանում խմբերի՝ ոչ աւելի քան քսան մարդ ամէն մի խմբի մէջ ու գէպի դուրս : Ոստիկանութեան ընդհանուր տնօրէն Պետրին, իր մասնաւոր ինքնաշարժով, աչսանդ է : Ու խումբ - խումբ երթ՝ Այա - Սոֆիայի պոպոսայով գէպի ծովեզերք, Սիրքէճի ուղղութեամբ : Հեծկլաուք : Ու Սարայ - Բուրնուի, Կիւլհանէի դարաստանը : Յուզուած ծով լեռնակուտակ ալիքներով : Չատ - գատ խրմ-

բերը հասնում են այստեղ. նորից իրար երես տեսնելու
աստուածային մի շնորհ: Ու Շիրքէթի 67 թիւ շոգենա-
ւը: 220 հոգի, աղը հայ ազգի, ու նոյնքան էլ ստիկան-
ներ, գինուորներ: Ահա Մարմարան, հոգեխոով վերջի-
չումներ: Մահուան տագնապ: Հայտար - փաշա: Լոյսե-
րը մարած մի գնացք: Ապա Սէնճան - Քէօյի կայարանը:
Աղջամուղջ: Կենտրոնական բանտի պետը կարգում է
նահատակների առաջին խմբի ցանկը: Մրմունջ: Յիշա-
տակուածները գրկախառնում են, համբուրւում, վար
իջնում. 75 հոգի դէպի Այաշ՝ Ակնունի, Սաթակ, Չար-
գարեան, Ճանկիւլեան, Շահրիկեան, Սիամանթօ, Փա-
շայեան, Բարսեղեան, Տաղաւարեան, Վարուժան, Ա-
չրգպաշեան, Չաքարեան, Լեւոն Լարենց, Չաուշեան,
Թոմաճանեան...

Եւ բանախօսը միապաղպա կարգում է 75 հոգու-
անուն: Մի կին բարձրաձայն հեկեկում է: Դահլիճի
մէջ լուում են շշուկներ՝ «ո՞վ է», «քոյրն է», «որո՞ւ»: Բանախօսը
անվրդով շարունակում է.

Արշալոյս: Գալայճըքէն դէպի Չանկըրը... Ինչ որ
խոշոր գօրանոց, որի պատուհանները տախտակներով
գամուած են: 56 անձերի մի նոր ցանկ. ինձ անձանօթ
անուններ: Բայց ո՞ւր մնաց թափուր խոշոր գօրանոցը,
որի պատուհանները գամուած էին տախտակներով,
մտածում եմ ես, այլեւս անկարող հետեւելու բանախօ-
սին. — «Պիլա քերէտտիւք վէ մերհամէք, պիր ալլըգ-
տանն տօգսանն հաշրնա գատար իքլաֆը». թուրքերէն
կարգում է Թալէաթի հրամանը...

Հասկանում եմ. «անխնայ եւ առանց ողորմելու,
մէկ ամսականից մինչեւ իննսուն տարեկանը ոչնչաց-
նել»...

Մեծ բազմութիւն կար, օղը ծանր էր, գլուխս դառ-
նում էր ու շնչահեղձ էի լինում: Դժուարութեամբ էի

Հասկանում բանախօսին. խօսքերը գլխիս մէջ ցատկըն-
տում էին. «Ճէլալ - Հալէպ»... «Զէրքէզ Մէհմէտ»...
«Վարդգէս, Զօհրապ»... լարում եմ բովանդակ ուշադ-
րութիւնս:

— «Վարդգէս, քեզ Բուլղարիա երթալու հրաման
չեմ տար, դիտեմ, օձիքդ ազատել կ'ուզես, բայց ճար
չկայ. մենք ինչ որ ըլլանք, դու ալ մեզի հետ պիտի ըլ-
լաս»...

— Ո՞վ է ասել այդ. դարձայ հարեւանիս:

— Թալէաթը՝ Վարդգէսին...

— Զօհրապ, զղալով թէ գէպի մահ կ'առաջնորդը-
ւին, տանտիրոջ Մահմուտ Նեախիմին կը դիմէ՝ «մեզ
սպաննելու կը տանին, կ'աղաչեմ միջամտեցէք», պատ-
ժում է բանախօսը...

Ու նորից մի հեծկլտոց խանդարում է դահլիճի դե-
րեզմանային լռութիւնը:

— Հուսկ ուրեմն հեծեալ ստիկան զինուորներու
հսկողութեամբ Զօհրապ եւ Վարդգէս մէկ կառքի մէջ,
միալար շարունակում է բանախօսը...

Ու նորից բան չեմ կարողանում հասկանալ...
դարձեալ նոյն մարդը՝ «Զէրքէզ Մէհմէտ»... ինչ որ
ձալիլ... Տիգրանակերտ... Գարաքէօփրիլ...

Գլխիս կարծես սաղաւարտ կայ, որ արճիճի սլէս
սեղմում է, մղձաւանջ է եւ ոչ թէ սպահանդէս... Յան-
կարծ, գլուխս դարձաւ, պաղ արեան հոտ առի, սար-
սափր համակեց ինձ, պիտի վայր ընկնէի: Ոտքերիս
ուժ տալով՝ հաղիւ կարողացայ հասնիլ դրան ու երե-
րալով դուրս ելայ...

Դուրսը դով էր, երկինքը վճիտ: Մտածում էի գը-
նալ Պէշիկթաշ՝ Լեոնի ծնողների մօտ, խնդրել թոյլ տալ
մի առ ժամանակ այնտեղ ապրելու, որպէսզի մօտ լի-
նէի մատնիչի բնակարանին. այլ կերպ, ահագին տա-
քածութեան վրայ, ոչինչ չէր կարող դուրս գալ: Թե-

քեւս արդէն վերադարձել էր Լեւոնը. այդ դէպքում խնդիրը կը դիւրանար, նրան կարող էի յայտնել դիտաւորութիւնս :

Անցնելով դինուորական վարժարանը՝ մտայ Նշանթաշի սողոտան, որի բարձունքներից ճրագների տակ փողփողում էին Վասփորի ջրերը: Դեռ Օխլամուրի Քէօզկին չհասած, հեռուից տեսնում եմ ճերմակ մարմարէ Համիտիէ մզկիթը, որի մօտ ցցուած սրածայր մինարէն խաղում է աստղերի ցուլքերի տակ: Այստեղ պէտք է իր մահականացուն կնքէր Վասարի առաջ թալէաթի հողեւոր հայր Համիտը, բայց օդն ելաւ հուր ժայթքող կառքը «Մեծ մարդասպանի» քթի տակ: Ո՛վ կարող էր երեւակայել, որ նրանից անհամեմատ աւելի մեծ մարդասպաններ պիտի ծնէր այս հողը: Քիչ վարը, դէպի ներս, բարձունքին թառած «Ներլարդի Քէօզկը» նիրհում է ծառերի գիշերային սեւ ստուերների մէջ...

Հասնելով մատնիչ Յ.ի շէնքին, տեղս դամուած մնացի: Ճրագ կար: Փողոցին նայող պատուհանների վարպետները քաշուած չէին: Դահլիճի մէջ ձիւնի պէս ճերմակ սփռոցով ծածկուած լայն սեղանի շուրջ դառնում էր մի կին. նա շարում էր սեղանի շորս բոլորը ամսէներ, գդալ, գանակ, պատառաքաղ: Կինը, յանկարծ, նայեց դէպի դուրս: Անմիջապէս չքացայ դէպի վեր, անցայ միւս մայթը ու յետ դառնալով՝ մտայ տան դիմացի դինետունը: Տէրը, որ նստած էր կլոր սեղանի շուրջ երկու տարեկիցների հետ, հարցական դէպի ինձ երկարեց վիզը:

— Մէկ շիշ դարեջուր...

— Պօղոս Նուպար փաշան չըլլար նէ, ո՛վ դիտէ ինչպէս կ'ըլլար խնդիրը, ասաց երկու տարեքոտ հայերից պատի տակ նստածը՝ ծալելով առջեւը դրուած ծոցատետրը. ապա քթի ծայրից ակնոցները տեղափոխելով ճակատին՝ նայեց ինձ:

— Մաշալլա՛հ, Լօթը վիլայէթ, աշխարհի շտի հող է պէ՛հ. ասաց միւսը՝ օղու բաժակները լեցնելով :

— Կիլիկիան ալ ատոր մէ՞ջն է, հարցրեց գինետան տէրը :

— Պէ՛հ աղբա՛ր, ի՞նչ տեսակ մարդ ես դու, քեզի կ'ըսեն Լօթը վիլայէթ, Մարաշի, Կողանի, Ջէրէլ - Բէրէքէթի, Ատանայի սանջակներու եւ Ալեքսանդրէթ նաւահանգստին հետ մէկ տեղ մեզի կու տան, դուն նորէն կ'ըսես «Կիլիկիա», ասպա ո՞ւրտեղ են աս սանջակները, ցատումով պոռթկաց ակնոցաւորը՝ անձնական ծանր վիրաւորանք գլացողի պէս :

— Բշտէ ես ալ աս կ'ըսեմ, Համետոս աղա, չքմեղանքով ասաց գինետան տէրը ու հապաց կոկորդը մաքրելու ձեւով :

— Աղէկ, լաքին երկիրը առանց բնակչութեան միւսնոյն է թէ անջրդի պարակզ. ո՞վ պիտի երթայ հոն ապրի, ասաց երկրորդը ծիսելով :

— Աղբա՛ր, մէյ մը հողը ձեռք անցրնէինք, անկէ ետք գիւրին է. մարդ ամենէն առաջ տո՞ւնը կը մտածէ, թէ՞ քերածին...

Մէկէն, գինետան տիրոջ նշանի վրայ, լռեցին. ներս մտաւ գլխարաց մի պատանի, որին կարծես տեսել էի :

— Հինգ շիշ «Մարդեւ»...

Վճարեց, շիշերը առաւ ու դուրս գնաց :

— Ո՞վ էր, հարցրեց ակնոցաւորը :

— Շունին մանչն է :

Յանկարծ յիշեցի, որ պատանին մատնիչին տղան էր :

— Ի՞նչ խարար է. հի՛նգ շիշ «Մարդեւ», շշնջաց երկրորդը :

— Հիւրեր ունի...

Շփոթութիւնը համակեց ինձ . չէ՞ որ կարող էի պատանու հետ ներս խցկուել :

— Հէյ - վա՛խ , մէկը չդանուեցաւ , որ շանսատակ ընէ ու ազգի ճակատէն առ մուրը սրբէ , հատաչեց ակնոցաւորը . . .

— Ատենը չէ , Համետոս աղա , մէյ մը թող ազգը ինքզինքը դանէ , ասաց երկրորդը :

— «Ատենը չէ՛» , ապա եթէ ան ալ Արմաշականին պէս կծիկը դնէ . . .

— Ո՛ւր ալ երթայ , Յուդային վերջը պելլի է :

Յանկարծ , կարծես զսպանակից վեր նետեցին ինձ : Բայց մինչեւ վճարեցի , վրայ հասայ՝ ուշ էր : Մուտքի դուռը փակ էր : Յուսահատ՝ վազեցի դէպի պատուհանը եւ ի՛նչ տեսնեմ . բոլորուել են սեղանի շուրջ տասնից աւելի կանայք , տղամարդ , սեղանին գլուխը , ճիշդ պատուհանի դէմ ու դէմ , բազմել է մատնիչը ու բաժակը ձեռին՝ ճառում է : Ինձ համակեց մի վհատ կատաղութիւն . դուրս քաշեմ , շանթահարեմ ուղղակի պատուհանից . . . Յանդուզն , սնափառօրէն ինքնապո՛հ կեցուածքը , մի քիչ կոր նստուածքը , մանր աչքերի կայծկրլատուն դո՛հունակութիւնը , բարակ շրթունքներով բաց ու խուփ անող լայն բերանը , ամէ՛ն բան ինձ դող էր պատճառում .

— Դուրս քաշե՞մ . . .

— «Դո՛ւրս քաշիր» . . .

— «Ուղղակի պատուհանի՞ց . . .

— Ուղղակի պատուհանի՞ց . . .

Փոթորկում էր էութիւնս :

— «Գլխի՞ն» . . .

— «Սրտի՛ն» . . .

Յանկարծ՝ ճարճատիւն ու ահաւոր դղրդիւնով վար թափուեցին ասպակիները . մատնիչը մահաստարսուռ յետ ընկաւ ու ծալուեց նստած տեղը . . .

Առաւօտը շուտ թերթերից իմացայ, որ մատնիչը միայն վերաւորուած է: Ամէն բան փճացաւ: Գլխի՛ն պէտք է դամէի գնդակը: Անճարակութեանս գիտակցութիւնը մահուան չափ ծանր էր...

Քիչ վերջ ինձ մօտ յայանուեց օրիորդ Երանուհին. սովորականից աւելի դունատ, շփոթ, բայց ժպտուն նա ձեռքս թօթուեց. — Կը շնորհաւորեմ, եղբայրս, ի՞նչ գուզադիպութիւն, ի՞նչ հոյակապ... ու շքմած նայեց:

— Հիւա՞նդ էք:

— Ծաղրո՞ւմ էք...

— Ի՞նչ կ'ըսէք, ինչո՞ւ պիտի ծաղրէի:

— Չգիտէ՞ք, որ մատնիչը ողջ է մնացել:

— Օ՛, անհոյ եղէք, ես արդէն այցելեցի՛ հիւանդանոցը, ուր պառկած է. բարեկամ յոյն բժիշկ մը բուււ, որ ժամերը համբոււած են...

Յաջորդ օրը մատնիչը վախճանուել էր:

Դ Է Պ Ի Ա Մ Ե Ր Ի Կ Ա

Մատնիչի մահը Պոլսոյ հայութեան մէջ առաջ բերեց ընդհանուր ցնծութիւն: Կուսակցութեան շրջանակներում հարց բարձրացաւ հետամուտ լինելու մեծ մարդասպաններին, յարարերութեան մէջ մտնելու այդ առթիւ Ռուսաստանի, Անդրկովկասի, Բերլինի, Ժընևէի կուսակցական մարմիններին եւ ընկերներին հետ: Բայց շատ կարճ տեւեց այդ խանդը, ու նորից դերակշիռ արժէք ստացան քաղաքական հարցերը:

Երեւանից նոր էր եկել Հայաստանի սպատուիրակութեան անդամ Պապաջանեանը, Փարիզ մեկնելու համար: Երեւանում Արեւմտեան Հայաստանը արդէն համարուում էր «կցուած» Արեւելեան Հայաստանին: Այնտեղ սպարաստուում էին մեծ շուքով տօնելու «Միացեալ, Անկախ Հայաստան»ի առաջին տարեդարձը: Նոյն տօնական սպարաստութիւններով էին տարուած ընկերները Պոլսում: Մայիսի 28ին, յունական Սիլլսդոսի մեծ դահլիճում, խուռներամ քաղմութեան առաջ, այդ մասին խօսեց պ. Պապաջանեանը՝ մեծ ոգեւորութիւն բուռեղծելով ներկաների մէջ:

Թւում էր մօտալուտ եւ դիւանագիտական ջանքերի պսակումը: Հաշտութեան վեհաժողովը դեռ Յունուարին որոշել էր ազատագրել Հայաստանը եւ մի հոգատար նշանակել Ազգերի Դաշնակցութեան Ուխտի 22րդ կէտի համաձայն, որ վերաբերուում էր միջազգային

մանդատներին: Սկսած ֆեարուարից, Հայաստանի պատուիրակութիւնը Փարիզ էր ու գործակցութեան մէջ Ազգային պատուիրակութեան հետ: Եւ այժմ, Պոլսում, օրուայ հրատապ խնդիրը երկու պատուիրակութիւններէ կողմից վեհաժողովին ներկայացուած բաղձանքների «Յուշագիր»ն էր:

Եօթը վիլայէթների եւ Կիլիկիոյ պահանջից զատ, մենք դնում էինք հատուցումների պահանջ թուրքիայից՝ կատարուած տեղահանութիւնների, կոտորածների, բռնադրուումների եւ հայ ազգի կրած ամէն տեսակ զրկանքների համար: Հայկական ազգային եւ մասնաւոր լքեալ գոյքերը թուրքիայում պէտք է յանձնուէին Պոլսոյ հայոց հոգեւոր իշխանութիւններին եւ գործադրուէին հանրային կարիքների համար: Հոգատարութիւնը ստանձնող պետութիւնը պարտաւորուած էր՝ հարկադրել հայկական հողամասերը գրաւող թրքական, թաթարական եւ այլ իշխանութիւններին՝ մաքրել այդ հողերը, բնահանուր գինաթափութեան ենթարկել բնակիչներին, արտաքսել եւ պատժել բոլոր նրանց, ովքեր մասնակցել էին ջարդերին, բռնութիւններին ու թալաններին, այլ եւ հեռացնել հանրային անգործութիւնը խանդարող բոլոր տարրերը, Արգիւլ Համիտի եւ Իթթի-հատականների իշխանութեան օրով Հայաստանում բռնակեցուած մուհաճիրներին, եւ, վերջապէս, թէ՛ Հայաստանի ներսը եւ թէ՛ դուրսը միջոցներ ձեռք առնել հայ եկեղեցու գիրկը վերադարձնելու բռնի իսլամացած կանանց, աղջիկներին ու երեխաներին, եւ հարէմներից ազատել հայ կանանց: Այս բոլորից զատ, թուրքիան պէտք էր հայերին վճարէր պատերազմի ժամանակ բռնութեամբ գրաւուած գոյքերի, ինչպէս եւ թրքական հողերի վրայ մնացած հայկական ստացուածքների փոխարժէքը, այլեւ վերադարձնէր հայերից

յափշտակուած եկեղեցիները, դպրոցները, վանքերը՝
իրենց բոլոր հիմնարկութիւններով եւ հողերով...

Մի վկայական է այս յուշադիրը հայերիս քաղա-
քական հասունութեան աստիճանը չափելու համար:
Այդ տեսակէտով թուրքերը չափաւոր ու գործնական
էին: Պոլսում այլեւս գաղտնիք չէր, որ Անատոլիայի
ազգային շարժումը ուղղուած էր յաղթական պետու-
թիւնների եւ միաժամանակ յոյների ու հայերի դէմ:
Ամէն մարդ գիտէր, որ Նեղուցների հերոս Մուստաֆա
Քեմալը, որ, իբր թէ Պոլսոյ կառավարութեան կողմից
ուղարկուել էր Անատոլիա շարժումը զսպելու, անցել
էր ասպատամբների գլուխը: Թուրքերը ձգտում էին ա-
զատագրել փոքր - ասիական թերակղզու արեւմտեան
մասը յունական նուաճումներից, Իզմիրի, Բրուսայի,
Պոլսոյ հետ միասին. ազատել Պոլիսն ու Նեղուցները
դաշնակից զորքերից. մի նեղ հողաշերտ ձեռք բերել
Եւրոպական Թուրքիայում՝ Պոլիսը ապահովելու հա-
մար: Ապա՝ միանգամ ընդ միշտ տիրանալով լիակա-
տար անկախութեան՝ դանց առնել ազգային փոքրա-
մասնութիւնների շահերն ու պահանջները եւ ստեղծել
մի նոր Թուրքիա՝ թուրքերի համար: Միջագետքը,
Սիւրիան, Պաղեստինը, ինչպէս նաեւ Եւրոպական
Թուրքիոյ որոշ մասերը, գոնէ ժամանակաւորապէս
համարւում էին կորած:

Միաժամանակ թուրք պետական մարզիկ ամէն
տեղ աշխատում էին պատերազմի, տեղահանութեան,
կոտորածների, ակերածութիւնների բովանդակ պա-
տասխանատուութիւնը փաթաթել իթթիհատական ե-
րեք - չորս պարագլուխների վրին ու երկրին սպասող
պատուհասները մեղմել: Մայիսի վերջերին մամուլում
ծանուցուեց, որ փախստական վիճակի մէջ գտնուող
վարչապետ Թալէաթին, պատերազմական նախարար
Էնվերին, կրթական նախարար տոկտոր Նազըմին եւ

ժողային նախարար Ջեմալ փաշային տասը օր սլաշմանաժամ է արւում Պոլսոյ սլատերազմական ատեանին ներկայանալու համար: Հակառակ սարազային, պիտի գրկուէին քաղաքացիական բոլոր իրաւունքներից եւ գրաւման պիտի ենթարկուէին իրենց բոլոր կալուածները:

Նոյն օրերին Պոլսոյ թուրք մամուլը վերադնահատման էր ենթարկում մօտիկ անցեալի իրադարձութիւնները՝ լուսարանելու երկրին վիճակուած աղէտի սլաաճառները: Ամէն օր հանդէս էին գալիս նոր մերկացումներ: Պատերազմին մասնակցելու խնդիրը որոշել էր Իթթիհատի զեկաւար մարմինը, առանց դահլիճի հաւանութեան: Կուսակցութեան զեկաւարներից Աիզա բէյ իր հարցաքննութեան մէջ հաստատում էր, որ սլատերազմի յայտարարութիւնից շատ առաջ ուղարկուել էին զինուած խմբեր Անզրկաւիկաս՝ խոտլութիւններ ստեղծելու նսլատակով: Նլեւմտական նախարար ձաւիտ բէյ, հանրային շինութեանց նախարար Մահմուտ փաշա, թղթատարական հեռագրական նախարար Ոսկան բէյ Մարտիկեան եւ առեւտրական նախարար Միւլէյման բէյ հրաժարուել էին իրենց սլաշտօններից այդ իսկ առիթներով: Մասայլ գոյներով էր նկարագրւում սլետական սնտուկի կողոսլուտը: Փախուտի ժամանակ, իրր թէ, միայն թալէաթի տրամագրութեան տակ եղել է տասը հազար օսմանեան հրնշուն ոսկի: Կատարուած խոշոր զեղծումների բոյնր կազմում էր Իսրայիլ Հակկը փաշային ենթակայ սլատերազմական նախարարութեան մատակարարման տեսչութիւնը: Ջեղծումների մէջ միայն, այսպէս կոչուած, «վաղոնների առեւտուր»ը կազմում էր միլիոններ:

Յունիսի տասնին Պոլսոյ թուրք սլատերազմական ատեանր ի բացակայութեան մահուան դատապարտեց թալէաթ, էնվեր եւ Ջեմալ փաշաներին, իրրեւ գլխա-

ուր ջարդարարներ: Մի ամբողջ ազգի սխտեմադիք ու-
չընչացման համար, որ տարիներ տեսց, մահուան ե-
րեք անուանական դատավճիռները գալիս էին սրբելու
երկրի ճակատից պատմական արատը...

* * *

Պոլսոյ բնիկերներից մին ինձ առաջնորդեց պատ-
րիարք Զուէնի մօտ, որ փափաքել էր ինձ տեսնել: Յ.
Մկրտիչեանի մատնութիւններից զգալապէս տուժել էր
պատրիարքարանը: Ազգային ժողովի մի խոշոր մասը
քշուել ու ջարդուել էր:

Աշխարհի ամենաթշուառ մարդն էր, մեր պատ-
մութեան ամենատարարախառ հովուապետը, որ մնա-
ցել էր առանց հօտի. Զուէն արքեպիսկոպոս Եղիայեա-
նը դեռ 1913ի վերջերից բազմաթիւ թաղբիրներով հը-
րաւիրում էր Բարձրագոյն Դրան ուշադրութիւնը
էրզրումի, Վանի, Բիթլիսի շրջաններում տեղի ունեցած
մատնակի ջարդերի, հոլաւիստ յափշտակութիւնների,
աւարառութիւնների վրայ:

Յաջորդ տարուայ վերջերին, երբ դէպքերը սկսե-
ցին ստանալ զանգուածային բնոյթ եւ տեղի ունեցան
Բողաս - Քէսէնի, Բելուի, Բաշկալէի, Հարազանի,
Սաթմանիսի, Արշամի, Հասան - Թամրանի, Տաշ - Օդ-
լուի, Գարա - Չորիկի եւ այլ հայ գիւղերի կոտորած-
ներն ու աւարառութիւնները, նորընտիր պատրիարքը
ջանք չխնայեց գալիք մեծ պատուհասները կանխելու՝
օրինական միջոցներով: Այնուհետեւ, նա զրկուեց ա-
մէն արժէքից իշխանութեան աչքում: Պատերազմը
Թուրքիայում ծաւալուելուց յետոյ, մինչեւ 1915ի
Մարտ - Ապրիլ ամիսները, նրա այդ գերը կատարում
էին Օսմանեան Սորհրդարանի անդամներ Վարդգէսն
ու Զօհրապը Պոլսում եւ Վոսաճեանը՝ գաւառում: Բայց

նրանց միջամտութիւնները վերջացան իրենց մահ-
ուամբ, իսկ պատրիարքը հազիւ ազատուեց նոյն ճա-
կատագրից Մոսուլում: Այժմ իր տխուր, քիչ թեք աչ-
քերը ակնոցների միջից վրաս յառած, նա օրհնեց ինձ
ու ասաց.

— Այո՛, զաւակս, մատնիչ Յարութիւն Մկրտիչ-
եանը երիցս գերազանցեց վասակը...

Ինձ համար այդ տեսակցութեան միակ արժէքը
այն էր, որ խնդրեմ պատրիարքի աջակցութիւնը թա-
լէաթը հետապնդելու նպատակով: Բոլոր միջոցները
սպառել էի ու վերջին յոյսս այդ էր: Բայց այդ պա-
հին յայտնուեցին Ազգային Ժողովի անդամներից ո-
մանք, եւ մենք ստիպուած եղանք հեռանալ:

Ո՛ւր էլ լինէր թալէաթը, պարզ էր, որ նրա հետքը
կարելի էր գտնել Պոլսում, իր կուսակցական հակա-
ռակորդների օգնութեամբ: Իսկ դրա համար անհրա-
ժեշտ էր դրամ, որ չկար: Ապարդիւն անցան օրիորդ
Երանուհու բոլոր ջանքերը այդ ուղղութեամբ իր կու-
սակցութեան շրջանակում որեւէ դորձ տեսնելու հա-
մար: Եւ այժմ, յուսահատ, մտադիր էր մեկնելու Ամե-
րիկա, ուր նրան հրաւիրում էին ուսուցչուհու պաշտօ-
նով: Ես ինչ անելս չգիտէի...

Ամբան վերջերին Անատոլիայի ազգային շարժման
ազդեցութիւնը զգալի էր Պոլսոյ թուրքերի վրայ: Օրը
օրին նրանք դառնում էին յոխորտ ու ամբարտաւան:
Հայ - թուրք յարաբերութիւնների նախորդ փափկանը-
կատութիւնները թուլանում էին:

Թուրք մտաւորականութիւնը բաժանուած էր եր-
կու մասի, աւելի շուտ՝ քաղաքական հոսանքների:
«Արեւմտեաններ»ի եւ «Արեւելեաններ»ի: Առաջինները
դառնում էին, որ թուրքիոյ փրկութիւնը հնարաւոր է
միայն արեւմտեան պետութիւնների հետ համաձայնու-
թեան գալով: Առանց այդպիսի համաձայնութեան,

անկարելի է վերականգնել ոչ միայն բղկաուած երկիրը, այլև յոյս ունենալ տնտեսական, ելեմտական ծանր կացութիւնը կարգաւորելու: Միայն համաձայնութեան միջոցով կարելի էր փրկել Պոլիսն ու Նեղուցները:

Արեւելեանները, ընդհակառակն, գտնում էին, որ Արեւմուտքը թուրքերի համար միշտ եղել է շարիք եւ այդ կողմից փրկութիւն սպասելու հիմք չկայ: Անհրաժեշտ է յենուել Պարսկաստանի, Աֆղանիստանի, արարների, հնդիկների, յատկապէս Ռուսաստանի խլամների վրայ եւ կռիւ մղել արեւմտեան ուժերի դէմ՝ ազգային շահերի պաշտպանութեան սահմաններում:

Վերջինների շարքերը արագութեամբ աճում էին: Թուրք երիտասարդներ, նախկին զինուորականներ, իթթիհատական գործիչներ փախչում էին Պոլսից ու խտացնում շարքերը քեմալական շարժման, որը արդէն ունէր գործունէութեան ճշգրտած ծրագիր: Արեւմտականները այժմ փաստօրէն կազմում էին Ծաւղի փաշայի «վաճառուած» կառավարութեան եւ «ղերի» Սուլթանի սակաւաթիւ կողմնակիցները:

Զուգահեռաբար, Պոլսոյ հայերի մէջ հետզհետէ նկատելի էր քաղաքական տրամադրութիւնների տեղատրութիւն, «Մեծ դաշնակից»ներից հիասթափութիւն: «Դաշնակից» դանազան «հայասէր» զօրավարներ, Պոլսում քիչ շատ շփման մէջ մտնելով թուրքերի հետ, առանց յատուկ ջանքերի, դառնում էին նաեւ «թրքասէր»՝ ինչ որ մտցնում էր երկուութիւն հայ - եւրոպական նախկին անաղարտ յարաբերութիւնների մէջ: Լինում էին եւ այնպիսի նախկին «հայասէր»ներ, որոնք այժմ չէին քաշւում ասելու, թէ հայերն էլ բարի պլանուղ չեն: Միջին քաղաքացին խիստ ազդւում էր նման անսխորժ անակնկալներից: Բանիմաց տարրերի հա-

ժար որոշիչը, ի հարկէ, քաղաքական կայութիւնն էր, որ չէր կարող նպաստաւոր նկատուել:

Ամենից առաջ, աննպաստ կզրակայութեան էր յանգել զօրավար Հարրըրտի առաքելութիւնը Հայաստանի հոգատարութեան մասին. Հայաստանում հայ չկար...

— «Գաշնակիցները պարտաւոր էին հաշուի առնել ձեր գերեզմանները», ասում էին արտասուախառն աչքերով մարդիկ: Այո՛, բայց գերեզմաններով կարելի չէր պետութիւն կազմել:

Մխիթարական չէին նաեւ Երեւանից հասնող լուրերը. սովն ու հիւանդութիւնները դեռ շարունակում էին կոտորել: Անգլիան Կովկասում այլեւս չէր ուզում յենուել որեւէ հայ ուժի վրայ. պարզուել էր, որ հայը աւելի է ուռւ, քան ուռւը ինքը, եւ չէր կարելի յենուել հայի վրայ, երբ այժմ Ռուսաստանի դէմ է իր կռիւր: Սուր վրդովում էր առաջ բերում անգլիացիների դորձելակերպը Չանդեզուր - Ղարաբաղի հարցում. նրանք ցանկանում էին կցել այդ հողերը Ադրբեջանին՝ հակառակ տեղական բնակչութեան բուռն բողոքներին: Կարսը, Շարուր - Նախիջևեանը ժամանակաւորապէս դառնում էին անգլիական նահանգապետութիւններ, որոնց տակ փաստօրէն հաստատուում էր թրքական իշխանութիւն:

Անգլիացիների այդ բնթացքից թեւ առած՝ թուրքերը աշխատում էին ներսից պայթեցնել նորաստեղծ Հայաստանը. Կարս, Սուրմալու, Շարուր - Նախիջևեան և այլն կազմում էին տեղական «անկախ հանրապետութիւն»ներ իրենց կառավարութիւններով, «չուրա»ներով ու պայքար մղում Հայաստանի տիրապետութեան դէմ: Հայաստանի հողի վրայ կային «Արեւմտեան Կովկասի հանրապետութիւնը» Կարսի «չուրա»յով եւ Արեւելեան Կովկասի կամ «Արաքսեան հանրապետութիւն»

ն՝ը, որի մէջ մտնում էին Սուրմալուն, Չանգի եւ Վե-
տի Բասարները, Միլլին, Ծարուրն ու Նախիջևեանը՝
Նախիջևեան կենտրոնով: Այս «հանրապետութիւն»նե-
րից իւրաքանչիւրը, իր հերթին, բաժանւում էր աւելի
փոքր, գաւառական միութիւնների՝ իրենց տեղական
«չուրա»ներով: Այդ հանրապետութիւնները պահում
էին սեփական բանակներ՝ զինուած թրքական թնդա-
նօթներով, զնդացիներով ու հրացաններով, թուրք
սպաների եւ չաւուշների հրամանատարութեան տակ:
Ղարաբաղ, Չանդեղուր, Բէօյլիք - Վետի, Դաւալու,
Կողբ, Ծարուր, Սուրմալու, Կարսի շրջանում մինչեւ
Սարըղամիշ տեղի էին ունենում արիւնահեղ կռիւներ:

Գաղութներում ծնունդ էին առել հատուածական
տարակարծութիւններ, որոնց ազդեցութիւնը զգաց-
ւում էր նաեւ Պոլսում: Որոշ շրջաններ չէին ուզում
հաշտուել այն մտքի հետ, որ ստեղծուած երկիրը,
տուեալ պայմաններում, նոյն ինքն Հայաստանն է: Ո-
մանք մինչեւ իսկ ջղայնանում էին, որ կովկասահայե-
րը իւրացրել են «Հայաստան» անունը իրենց երկրին:
«Արարատեան հանրապետութիւն»ը առանձին ուսա-
կան հարց էր, մինչդեռ Հայկական Ոնդիրը վերաբե-
քում էր թուրքահայաստանին: Լաւագոյն դէպքում
այդ հանրապետութիւնը հայութեան մէկ հատուածի
եւրկիրն էր եւ ոչ թէ Հայաստանը...

Օգոստոսի վերջերին օրիորդ Երանուհին մեկնեց
Փարիզ, այնտեղից Ամերիկա անցնելու համար: Մեծ
յոյս ունէր Փարիզում թալէաթի գործով շահագրգռո-
ւել: Յուսադրում էր ինձ եւ պնդում, որ սպասեմ:

Բայց անցաւ մի ամիս. ոչ մի լուր չստացայ նրա-
նից: Սպասումների այդ օրերս անցրնում էի քաղաքի
պատմական, գեղարուեստական յիշատակարանները
դիտելով: Երբեք չեմ կարող մոռանալ այն երազական
տպաւորութիւնը, որ ստացայ Ղալաթիոյ աշտարակից

դիտելով քաղաքը՝ սեպտեմբերեան մի իրիկնամուտի =
 Ամփիթատրոնաձեւ տարածուել էր քաղաքը իր աշտան-
 րակներով, մզկիթների մեծ ու փոքր դմբեթներով ու
 նրբակերտ մինարէներով: Դէպի հիւսիս, Վասպորի եր-
 կու եզերքներով տարածուած էին ծառերի մէջ նիրհոյ
 երազական ասպարանքներ, պալատներ: Դէպի արեւելք,
 ասիական եզերքում, նոճիների մէջ փռուել էր Սկիւ-
 տարը իր վարդապոյն շէնքերով, տարածուն գերեզ-
 մաննոցներով: Հեռուն տարրերում եւ կատար - Քէօյը,
 հնագոյն Քաղկեդոնը: Ամէն մի առանձին շրջան լողում
 էր կարծես իր բաժին ջրերի մէջ, ուր յամբօրէն շարժ-
 ւում են բոլոր ուղղութիւններով առաջաստանաւեր,
 մակոյկներ, մեծ ու փոքր շողենաւեր: Երկինքը կար-
 ծես այրում էր վերջալոյսի կրակով: Քեաղիմ - փա-
 շայի, Դերսահանէի, Ղալաթիոյ շրջանները կարծես լո-
 ղում էին հրդեհի մէջ: Բերան, մինչեւ Եիչի, պա-
 րուրուել էր վառ պղնձապոյն ճառագայթներով: Միւս
 կողմից՝ ճառագայթում էին քաղաքի ասիական մասե-
 րի մինարէների, մզկիթների դադաթները, անհամար
 շէնքերի պատուհանների ասպակիները՝ ստեղծելով լափ-
 լիզոզ բոցերի մի խարկանք, որին կարծես ենթակայ էր
 իրիկուան գրկում նիրհոյ Պոլիսը:

Եղայ եւ աշխարհահռչակ Այա - Սոփիայի մէջ:
 Տպաւորութիւնս շմեցուցիչ էր. դուր չէ, որ Յուստի-
 նիանոս Մեծը, առաջին անգամ սոք կոխելով նորակա-
 ուոյց տաճարը, գոչել է. «Օ՛ Սողոմոն, ես յաղթեցի
 քեզի»: Հսկայ շէնքը բաժանուած էր անթիւ բաղմե-
 րանց ու կամարաձեւ մասերի, որոնց կենտրոնում ցրց-
 ուած առասպելական մեծութեամբ դմբեթը թւում էր
 ոսկի շղթաներով առկախուած երկնքից: Խելքս չէր
 հասնում, թէ ծանրութեան և յարակցման ի՞նչ օրէնքնե-
 րով այդ վիթխարի զանգուածը կարող էր մնալ այնտեղ
 շուրջ 60 մէթր բարձրութեան վրայ. կարծեմ այդ հա-

շիւր կազմում էր միայն Հայաստանի հնարիմաց Տըր-
 գատ ճարտարապետը, որ վերակառուցեց աշխարհա-
 հռչակ ճարտարապետներ Անդեմիոս Տրալլացի եւ Իզի-
 տոր Մելիտացիի շինածը, որ հետագային քանդուեց :
 Թէ ստույգ է, որ բիւզանդական գեղարուեստը ներկա-
 յայնում է ինքնատիպ շաղախը քրիստոնէութեան,
 հելլենականութեան եւ Արեւելքի, ապա ուրեմն այդ
 տարրերի մի գերազոյն մարմնացումն է Սուրբ Սոֆ-
 փան : Բարի եւ խոնարհ Քրիստոսը այստեղ զգացում
 է խրոխտ, յաղթական, աշխարհակալ : Ու թէ եւ շէնքի
 նրբակերտ քանդակների, պատերի զարդարանքների
 մէջ խնամքով ծեփուած են նրա կրօնքի արտաքին նը-
 շանները, իսկ առաքեալների դէմքերը ծածկուած ոս-
 կեղոյն աստղանկարներով, բայց հնի վեհութեան շու-
 քը մնացել է առյաւէտ : Հնազոյն բոլոր մեհեանների
 լուսազոյն քարերը, աշխարհի մարմարների բոլոր ըն-
 տիր նմոյշները այստեղ են : Թւում է, թէ լոյս ճառա-
 գայթում են նրանք եւ ոչ թէ հասնում դրսից : Բազմե-
 րանգ մարմարէ հատիկներից կազմուած յատակը ոտ-
 քերիս տակ նման է հիասքանչ գորգի, իսկ դէմս փրո-
 ուածը՝ քարացած ծաղկազարդ պարտէզի : Ըստ երեւոյ-
 թին, աշխարհի այս հոյակապ տաճարը մզկիթի վերա-
 ծելու համար մեծ փոփոխութիւններ կատարելու պէտք
 չէ զգացուել . ծեփով քողարկել են քրիստոնէութեան
 հետքերը, գմբեթին, խաչին տեղը գրաւել է մահիկը,
 իսկ շէնքին կցուել են չորս մինարէներ, որոնցից ա-
 ռաջինը կառուցել է յաղթական Մոհամէտը, երկրոր-
 դը՝ Սուլթան Պայաղիտը, իսկ վերջին երկուքը՝ Սուլ-
 թան Սելիմը :

Նոյն ձևի հարեւանցի փոփոխութեան արդիւնք է
 Պոլսոյ թրքական յիշատակարանների մեծ մասը, որոնք
 իրենց կառուցուածքի մէջ կրում են Այա - Սոֆիայի
 ընդհանուր գծերը : Այդպէս է, օրինակ, էտիրնէ Գա-

քուի շրջանում հռչակաւոր Գահիրէ - Ջամին, հնադոյն
Միքայէլ Հրեշտակապետի տաճարը. այդպէս են Ակ -
Սարայի շրջանում Կոջա - Մուսթաֆա - փաշա ջամին,
Աթ - մէյտանի Մէհմէտ - փաշա ջամին, Ուն - Գափանի
Գիւլ - ջամին, Վէֆա մէյտանի Քիլիսէ ջամին, Ֆէնե-
րի Ֆէթիէ - ջամին եւ այլն:

Հոկտեմբերի վերջերին մի բացիկ ստացայ օրիորդ
Երանուհուց: «Երգեցէք միշտ», գրուած էր այնտեղ:
«Կ'անցնին օրեր, կը գայ կրկին մի նոր գարուն վարդա-
քեր եւ մոռացած քո վիշտը հին՝ նորից կ'երգես վարդի
սէր»: Ստորագրել էր, «հաւաստիք քրոջական անկեղծ
սիրոյ ե. Դ.»: Դեռ Փարիզ էր. հասցէ չկար: Ի՞նչ կը
նշանակէր Աշուղ Ջիւանու այդ քառեակը. չհասկա-
ցայ...

Պարագաները հարկադրում էին անդրադառնալ
իրականութեան եւ հաշուի առնել առօրեան: Դեռ Եր-
զընկայում եղբորիցս ստացած ոսկեդրամներից մնացել
էին երեք հատ: Սերբիայից ակնկալած նիւթական ա-
ջակցութիւնը չստացայ. պատերազմը քայքայել էր
հօրս, եղբորս գործը, ու նրանք գրեթէ թշուառութեան
մէջ էին: Թալէաթը գանելու մտասուեռումով այժմ
պարզապէս հիւանդ՝ քարշ էի տալիս անիմաստ մի դո-
յութիւն: Ծանր երգումներով փակել էի կեանքիս բո-
լոր ուղիները, քանի այդ հրէշը ողջ էր: Գիշերներն ի-
րար յաջորդում էին մղձաւանջային երազներ, որոնց
մէջ գլխաւոր դերակատարը մայրս էր: Տեսնում էի նը-
րան երազիս գրեթէ միշտ, գանազան տեղեր ու տարբեր
վիճակներում. իր բոլոր առածները միշտ դառնում էին
միեւնոյն խնդրի շուրջ՝ Թալէաթի մահը: Փոթորկոտ
մի գիշեր նա պատուհանս ծեծեց. նայեցի, ցոյց տուեց
իր արիւններիկ պարանոցը: Արթնացայ. սարսափա-
հար վեր կացայ, մօտեցայ պատուհանին. դուրսը տե-
ղատարափ էր... Դեկտեմբերս, սառը դատողութիւ-

նը անդօր էին ազատել ինձ նախապաշարումներից, որոնցմով համակուել էի ես :

Պոլսում, վերջին օրերին, մտածում էի, որ այդ խնդրին կարող է ընթացք տալ Չաւէն պատրիարքը, որ այժմ գտնւում է Փարիզում : Արհաւիրքների մրուրը քամած այդ հոգեւորականը չէր կարող չհասկանալ հոգիս մաշող ցաւը, որ կարող էի ամբողջութեամբ յայտնել նրան առանց վարանելու, իբրև խոստովանանք : Նոյեմբերին մեկնեցի :

Իրիկնադէմ էր, սրածայր մինարէներին յայտնւում էին մրջիւնաչափ միւէզիոններ՝ բարձրութիւնից փառաբանելու Ալլահին, անցնող օրուան համար : Արեւակը իջնում էր դէպի անհունութեան սվկիանոսը եւ իր թաղստոցից մողական վրձինով փոփոխում երկնքի տեսքը՝ նոր դոյներ, երանդներ պարզելով ցիրուցան ամպերին : Հեռուից երեւում էին Մարմարայի եզերքներին խորսխած հինգ - վեց դաշնակից մարտանաւեր որոնք, առտոպելական կարասիների պէս թեւերը ծալած, նստել էին ջրերին. իրենց պողպատէ կտուցները՝ արծաթադոյն կայմերը փայլելում էին վերջալոյսի ճառագայթների տակ : Երջելով Սարայպուրնուի հրուանդանը, շոգենաւր բացուեց Մարմարայի ջրերում. աջ կողմից մնաց թիկունքում Մաքրիքէօյը, Սան - Ստեփանոն ուր գիւանապիտութիւնը արձակեց իր առաջին վճիռը մեր կեանքի ու մահուան մասին : Չախից անցնելով Իշխանաց կղզիները մտնում էինք Գարտանէլ, պատմական Հելլեսպոնտոսը :

Մերոպական մասում անցնում էինք թերակղզու վրայ տարածուած Գելիպոլու աւանը, հնադոյն Գալիպոլիսը : Առաջին քաղաքն էր, որ ընկել էր թուրքերի ձեռքը դեռ 1357ին, Պոլսոյ անկումից շուրջ հարիւր տարի առաջ : Անցեալի ամէն մի դէպք, ամէն մի վայր գալիս էր կարծես անողոր սրութեամբ հաստատելու

պատմական ճակատագրի այն ուղին, որ վիճակուած էր մեզ այս երկրում: Չէ՞ր կարող արդեօք պատմութիւնը մի այլ ընթացք ունենալ, եւ այդ դէպքում ի՞նչ պիտի լինէր մեր ճակատագիրը...

Ատիական եզերքին պարզուում էին Չարդաքն ու Լամպասակը, որոնցից վերջինը Քսերքսէսը զիջեց Թեմիատոկին՝ զինիի իր տարեկան պէտքը հողալու պայմանով: Գարերի ընթացքում ի՞նչ է փոխուել արեան ու գիւակաների վրայ հաստատուած իշխանութիւնների այդ քմայքներից...

Ներսպական եզերքին յայտնուում է Գարա - Օլոր սուին, հնագոյն Էդոս - Պոտամոսը, ուր մեր թուականութիւնից չորս դար առաջ վերջ դտաւ պելոպոնեսեան պատերազմը: Պէ՞տք էր արդեօք, որ ժամանակի մեծ ուժերը տասը տարի շարունակ արիւն թափէին դերիշխանութեան համար, երբ իրենցից անուններ միայն պիտի մնային պատմութեան մէջ...

Աւելի վար՝ նեղուցը դնալով սեղմուում է, ձախից՝ Նազարա հրուանդանի եւ աջից՝ Ակ - Բաշի Լիմանի միջեւ, որոնք կազմում են հնագոյն Արիտոսն ու Սեստոսը, նեղուցի լայնքը հազիւ ութ - ինը հարիւր քայլ է. այստեղ է, որ ամէն գիշեր Լէանդրը ճեղքում էր Հելլեսպոնտոսի ջրերը Արիտոսից դէպի Սեստոս, որի եզերքին սպասում էր զեզանի Հերոն՝ ձեռքին լուսավառ ջահը որ նրա ընթացքը ճշդում էր: Միակ բանը, որ յաւիտենական է...

Նեղուցը նորից բացուում է, լայնանում: Հեռունեւրում, երբեմն դէմ ու դէմ, իրար յետեւից յայտնուում են Չանակ Գալէն, Քիլիս էլ Բահրը, Սէտ էլ Բահրը, Կում Կալէն, վայրեր՝ ուր նոր է ցամաքել արիւնը: Մթնում էր, մօտենում էինք բաց ծովին: Բայց դեռ Ենի-Քէօյից շատ վար ստուերների մէջ նիրհում էին Տրոփազայի պատերազմի յիշատակները...

Փարիզում բազմաթիւ տպաւորութիւններից շջմէլ էի . հոյակապ շէնքեր , հրապարակներ , լաշն ու անծայր սոսոսաններ , թափօրանման անցուղարձ , եռուզեռ կենդանութիւն ամէն կողմ , անթիւ ինքնաշարժեր , որոնք ազուաների երամների պէս խմբուում են մի տեղ ու յանկարծ կուպրի պէս հոսում : Ես , որ ինձ արդէն համարում էի «աշխարհ տեսած մարդ» , զզացի , որ Փարիզը աւելի մեծ է քան կարող էի երեւակայել : Զըղայնացուցիչ էր յատկապէս կեանքի արազութիւնը . մնացել էի դարմացած , թէ ո՞ւր են շտապում այդպէս մարդիկ . կարծես ամէն տեղ հրդեհ կար : Գար - տը - Լէստից դնում էի մատնանշուած սուղութեամբ , որի ծայրը չկար : Բազմազան տպաւորութիւնների տակ զլուխս ցաւում էր : Այս դէպքում թերեւս դեր էր կատարում եւ այն , որ այդ օրը նիւթական պատճառներով ինձ զրկել էի ճաշից :

Արդէն մթնել էր , երբ հարցուփորձով , վերջապէս դտայ հայկական եկեղեցին եւ առաջնորդարանը : Այցելութիւնս անժամանակ էր : Բացատրեցի , որ յատկապէս եկել եմ Պոլսից կարեւոր դործով՝ պատրիարքին տեսնելու : Քիպարեան վարդապետը պնդումիս տեղի տրւաւ : Պատրիարքը ինձ յիշեց : Բայց իր խորաթափանց հայեացքը այնպիսի շփոթութեան մատնեց ինձ , որ նախապէս պատրաստած սրտառուչ ճառս փուլ եկաւ : Հարցման հաղիւ կարողացայ պատասխանել , որ Փարիզ դալուս նպատակն է միջոցներ գտնել հետապնդելութալէաթին եւ խնդրեցի նրա աջակցութիւնը այդ դործում : Մի ակնթարթ նայեց ինձ ակնոցների միջից ցաւակցութեամբ , ինչպէս դիտում են հողեկան հիւանդներին . ապա՝ զլուխը կախեց ու մեղմօրէն տոաց :

— Ես այդ կարգի դործերու մէջ չեմ կրնար մասնակցել , դաւակո :

Ես ելայ :

— Ո՛չ, նստեցէք. դիտէ՞ք, ես կը հասկնամ, կը զգամ ձեր ներքին փոթորիկը, բայց ոչ դիրքս, ոչ ալ պաշտօնս կը ներեն նման գործերու խառնուիլ : Սակայն անձամբ ձեզ կրնամ օգնել, մինչեւ տեղաւորուիք եւ գործ գտնէք :

Զգացի, որ կարմրում եմ :

— Անձնապէս աջակցութեան պէտք չունիմ, Սըր-բազան, ասացի ու դուրս ելայ :

Մի պահ մնացի փողոցում կանգնած. ի՞նչ անել եւ ո՞ւր գնալ : Վերջին օրերը այնքան համոզուել էի այդ դիմումիս յաջողութեան, որ յանկարծ պարապութեան մէջ զգացի ինձ : Մեզմ անձրեւում էր : Մտախլապատ մթնոլորտում ճրագները նման էին վար իջած մշուշապատ աստղերի : Ինձ գտայ էտուալի հրապարակում : Այս կողմերը պիտի լինէր Բուլասի փողոցը, ուր այն ժամանակ գտնւում էր Հայաստանի պատուիրակու-թիւնը : Դեռ Յունուարին, երբ պ. Ահարոնեանը Պոլիս էր, ես մի քանի անյաջող փորձեր արի նրան անձամբ տեսնելու եւ խնդրելու նրա աջակցութիւնը ինձ մտալիկող հարցում : Այժմ նոյն մտադրութեամբ անցնում էի էտուալի հրապարակը, երբ յանկարծ բազմաթիւ ինքնաշարժներ ուղղուեցին դէպի ինձ : Շատ մեծ էր հրապարակը եւ ո՛չ յետ, ո՛չ էլ առաջ փախչելու հնարաւորութիւն կար : Կարծես մի կանգնած լէշ էի, որի շորս կողմը վխտում էին ճանձեր : Թզաշափ հեռաւորութեան վրայ սուրում էին ինքնաշարժներ. ամենաթեթեւ շարժումիս՝ մէկն ու մէկը կարող էր իր տակն առնել ինձ : Մի քաղաքապահ ոստիկան դուրս քաշեց ինձ այդ բաւիղից ու բացատրեց Բուլասի փողոցի ուղղութիւնը : Ահա նա, Hotel Vouillemontը, ուր գտնւում է պատուիրակութիւնը : Լուռ ու համբ է հայ քաղաքա-կան կենտրոնը. այնինչ ես կարծում էի, թէ դա մտքի

մի մեծ դարձնոց է, ուր կռում ու կոփում է մեր բախտը: Ահարոնեանը չկար: Յիսուսնոց մի մարդ մտացիր՝ հայեացքով մօտեցաւ ինձ:

— Ի՞նչ առիթով էք ուզում տեսնել պարոն Ահարոնեանին:

— Գործ ունէի...

Երեւի չլսեց կամ չհասկացաւ:

— Շատ դրաղուած է. դժուար թէ կարող է ձեզ օգտակար լինել, գործ գտնելն էլ դժուար է. աւելի լաւ է դիմէք Կարմիր Սաչին կամ գաղթականական մարմնի յանձնաժողովին:

Աւելորդ համարեցի երկարել ու դարձայ, որ դընամ:

— Սպասեցէք. ս՞րտեղացի էք:

— Երզնկացի:

Եսանկիւնաձեւ գէմքին գոյացաւ տհաճութիւն:

— Կարծեցի, թէ ատարագարցի էք, կամ այդ կողմերից:

— Ո՛չ, Երզնկացի եմ, Բաղասիճ գիւղից:

— Արհեստ գիտէ՞ք:

— Ո՛չ...

— Ուզո՞ւմ էք կօշկակարութիւն սովորել. ես ատարագարցի մի բարեկամ ունիմ, կարող էք նրա մօտ գործ գտնել... դրամ ունէ՞ք:

— Այո՛...

— Ընդհն ասացէք, կարող եմ ձեզ օգնել:

— Ո՛չ, շնորհակալ եմ...

Մեքենարար առի այցեատմար, ուր գրուած էր երկու տող ու հասցէ: Սուլ փողոցներից մէկում գտայ երկրորդական մի հիւրանոց: Չորրորդ յարկում մի խրջիկ, 12 Քր.: Թանկ չէր, մէկ - երկու օր ապրելու համար մօտս դեռ դրամ կար: Շատ յոյնաձ էի. հանուցի ու մտայ անկողին: Թէև վաղուց բաժանուած էի

Հարազատներից, բայց նոր միայն զգացի, թէ ի՛նչ է նշանակում օտարութիւն: Քննութեան առնելով վիճակըս՝ գալիս էի այն եզրակացութեան, որ կօշկակարութիւնից զատ ուրիշ անելիք չի մնում: Այնքան մոայլ էր ամէն բան, որ այդ գործը թուաց ինձ միակ փրկութիւնը: Բայց ո՞վ էր այն մարդը եւ ի՞նչ եղաւ այցետոմսը: Ինձ համակեց անհանդատութիւն: Ելայ ու փնտռեցի գրպաններս. այնտեղ էր. այցետոմսին վրայ տպուած էր «Յակոբ Քոչարեան»:

Ատարազարցու արհեստանոցը գտնուում էր Բէլվիլի շրջանում: Առաւօտեան երբ իրեն ներկայացայ, բարկացա՛ծ էր եւ յանդիմանում էր բանուորներին:

— Ես չբլլայի նէ, երեքդ ալ անօթութենէ պիտի մեռնէիք, գոչեց նա:

Յից, սկիւռի սրճի պէս ցցուած թաւ պեխերը, լայն բերանը, խռպոտ ձայնը լաւ բան չէին խոստանում: Բայց երբ նայեց, տեսայ, որ աչքերը բարի էին, կլոր, պարզունակ, ոչխարի աչքերի պէս գեղեցիկ:

— Ուրկէ՞ կու գաս, ասաց այցետոմսը կարդալով:

— Պոլսէն:

— Անկէ առա՞ջ:

— Ռուսիայէն:

— Առա՞ջ, առա՞ջ:

— Կովկասէն:

— Տօ՛, մարդ Աստուծոյ, ո՞ւր տեղացի ես:

— Երզնկացի:

— Հա՛, հիմա հասկցանք. նստէ հոն ու նայէ, թէ ի՛նչ կ'ընեն ասոնք. ես չբլլայի նէ, չորսդ ալ անօթութենէ պիտի սատկէիք...

* * *

Դիտելով ամէն կողմից Փարիզը թափուած տարագիր աշխատաւորների վիճակը, գալիս էի այն եզրա-

կացութեան, որ իմը կարող էր աւելի վատ լինել: Փրկուած էի, կարող էի ապրուստս սեփական աշխատանքով հայթայթել: Ատարազարցին թէեւ առիթը բաց չէր թողնում յիշեցնելու, որ մեր գոյութիւնը պարտական ենք իրեն, բայց բարի մարդ էր, գործի մէջ յաճախ արտայայտած բարկութիւնը տեսւում էր հազիւ մէկ բոպէ, երբեմն մի քիչ երկար, երբ խնդիրը դառնում էր վարպետի իր արժանապատուութեան շուրջ: Ընդհանրապէս սիրում էր աւելի իշխանութիւն ցոյց տալ, քան պէտք էր: Միւսներին պէս չէր նեղում ինձ այդ. ես կօշկակար բանուոր էի եւ այդպէս էլ պահում էի ինձ վարպետիս նկատմամբ: Առաւօտեան ժամը 7ից մինչեւ երեկոյեան 6ը գործի վրայ էի, մէկ ժամուան դադարով կէսօրին: Սկզբում բաւական դժուար էր, գործը՝ անծանօթ: Բայց քիչ - քիչ վարժուեցի եւ հետզհետէ տանելի դարձաւ կացութիւնս: Այժմ ամէն կերպ աշխատում էի մոռանալ ինքս ինձ ներշնչած առաքելութիւնը: Պարզ էր, որ Թալէաթը գտնելու գործը դիւրին չէր. անհրաժեշտ էր կազմակերպութիւն, միջոցներ, ընկերներ. վարդապետների եւ ազգային ջոջերի միջոցով կատարելիք գործ չէր այդ: Բանուորութիւնն էլ դրադեցուցիչ էր, մանաւանդ, երբ տեսնում էի գործի մէջ կատարած յառաջդիմութիւնս: Արդէն աշխատում էի կտորով, կարող էի կօշիկ կարել: Առաւօտները արթնանում էի առոյգ, կայտառ, գործի ձեռնարկելու անհամբեր: Բայց անցնում էր մէկ - երկու ժամ, եւ դգում էի, որ ուրախութեամբ կարող էի հրաժարուել այդ գործից: Մտածում էի, որ անհրաժեշտ է շուտ վերջացնել աշխատանքը, որպէսզի ազատ ժամանակ ունենամ մանրամասն ամէն բան մտածելու: Սակայն նորից ինձ պատկերանում էր մռայլ անցեալը, ու բաւական էր այդքանը որ գոյութիւնս աննպատակ համարեմ: Երբեմն ինձ յաջողւում էր մի քանի օր այդ

մասին բնաւ չմտածել: Բայց բաւական էր լինել ճաշարանում, ուր դործից յետոյ խմբուում էին տարազիր աշխատաւորները, լսել նրանցից մէկն ու մէկի պատմութիւնը դեռ թարմ դէպքերի մասին, ու նորից ինձ պատկերանում էր Թալէաթի փքուն ու ինքնազոհ դէմքը, որ կարծես ծաղրում էր ինձ: Այն ժամանակ ես սկսում էի երեւակայել սպանութեան դանազան ձեւեր՝ շամփրել, հարուածել, յօշոտել, դաշունահարել, արիւնը քամել, բղկտել, ցից հանել, անդամահատել, այրել: Բայց այդ մտածումների հետեւանքով ինքս էլ զզւում էի ինձնից: Այն դէպքում դանում էի, որ մի ելք կայ միայն այդ մղձաւանջային մտածումներից ազատուելու. լաւ աշխատիլ, շատ դրամ վաստակիլ, վերադառնալ Կովկաս եւ անձնական մասնաւոր կեանք ապրիլ: Բայց այդ էլ բացայայտ ինքնախարէութիւն էր. վաստակած դրամքս հազիւ էր բաւում անհրաժեշտ պէտքերիս, թէեւ շատ լաւ գիտէի, որ առանց այդ էլ չեմ կարող վերադառնալ: Աշխատում էի քիչ լինել ճաշարանում, ոչինչ չլսել ջարդերի մասին, խուսափիլ հանդիպումներից, բայց մինակ մնալով ինքս էի վերջիշում ամէն բան, ու ոչինչ չէր փոխւում...

Հայ Յեղափոխական Գաշնակցութեան Փարիզի Կոմիտէն դրադուած էր հանդէսներով ու քաղաքական հարցերով: Տարուան վերջերին Երեւանից հասնող լուրերը այստեղ ստեղծել էին այնպիսի մի խանդավառութիւն, ինչպէս ամբան ամիսներին Պոլսում: Հայաստանի թրքաշատ վայրերում ծնունդ առած հակաշարժումները ճնշուած էին եւ ամէն տեղ հաստատուած էր հայկական իշխանութիւն: 1920ի Յունուարին Գերազոյն Խորհուրդը ճանաչել էր հայկական պետութիւնը de facto: Ճանաչումը թէեւ չէր կանխորոշում մեր պե-

տութեան սահմանները, բայց այդ էլ օրերի խնդիր էր : Քիչ յետոյ խմայանք, որ Վենիզելոսի դործակալ, Պոնտոսեան սրտաւիրակութեան նախագահ՝ մեարդուլիտ Սրիսանֆը Երեւանում Հայաստանի կառավարութեան հետ կնքել է մի դաշնագիր, որի համաձայն Պոնտական լեռների եւ Սեւ ծովի միջեւ ընկած ամբողջ տարածութիւնը, Ռիզից մինչեւ Սինոպ, մօտ մէկ միլիոն երկու հարիւր քսան հազար յոյն եւ մահմեդական բնակիչներով, կցւում էր Հայաստանին իրրեւ նրա դաշնակցային մէկ մասը : Այս դիւանագիտական յայթուէթեամբ մեր առջեւ բացւում էր վաշլուն մի հեռանկար. բովանդակ Փոքր Ասիայում ոչնչութիւնից յանկարծ դառնում էինք աիրող ազգ . . .

Ապրիլին՝ դաշնակից պետութիւնները աւարտեցին իրենց աշխատանքները Սան Բէմսյում. արդէն յայտնի էր, որ Թուրքիան պէտք է հրաժարուէր Էրզրումի, Վանի, Բիթլիսի եւ Տրապիզոնի վիլայէթներից ի նպաստ Հայաստանի, որոշ շրջանների բացառութեամբ : Յունաստանին էր յանձնում Եգէականի արեւմտեան եզերքների մեծ մասը, Իգմիր քաղաքով, ինչպէս նաեւ Թրակիան իր կենտրոնով՝ Ադրիանուպոլսով : Եւրոպական ցամաքամասում Թուրքիային անուանապէս մնում էր միայն Պոլիսը, աննշան հողաշերտերով՝ Վասիտրի եւ Մարմարայի եզերքներում, բայց այստեղ էլ սահմանափակումներ կային : Արարներով բնակուած երկիրներից կազմւում էր Մեծ Արարիան : Սիւրիան, Միջագետքը, Պաղեստինը անդարձ կերպով պսկւում էին Թուրքիայից : Վերջապէս պսկւում էր նաեւ Քիւրտիստանը, որեւէ պետութեան հոգատարութեան ենթարկելու համար : Հողային նուիրարաշխութեան այս պատմական օրերին, անյաջող էին միայն ասորական

պատուիրակութեան նախադաս Աղա - Պետրոսի գործերը . նրանց բան չկար . . .

Թուրքիան փաստօրէն բղկտում էին . ներքին տընտեսական բնադաւառներում նա ընկնում էր միջազգային յանձնաժողովների հակակշռի տակ : Նեղուցները , մաքսերը , բոլոր եկամուտները , առանձնաշնորհումները պիտի վարէին եւրոպական յանձնաժողովները : Յոյները արդէն գրաւել էին Իզմիրը եւ մեծ թափով առաջանում էին օր առաջ տէր դառնալու իրենց տըրուած հողերին :

Իսկ մե՞նք . զարմանալի՜ էր . . . Ասում էին՝ Պօղոս Առաքար փաշան կատաղօրէն բողոքում էր Երեւանի կառավարութեան կողմից էրզրումը գրաւելու հաւանականութեան դէմ՝ համարելով այդ «բռնագրաւում» . նա չէր ճանաչում այդ կառավարութեան իրաւունքները իրրեւ «բուն» Հայաստանի իշխանութիւն : Երկու պատուիրակութիւնների անվերջ բանակցութիւնները եւ սրտցաւ հայերի բարեխօսութիւնները անցնում էին ապարդիւն : Փաշան կամակոր էր . . .

Հակառակ այս բոլորին , Փարիզի հայութեան ողբերութիւնը Օգոստոսին հասաւ իր գազաթնակէտին . հայերի բազում դիւանագիտական աշխատանքները պսակուել էին յաջողութեամբ : Հայաստանի պատուիրակութիւնը ստորագրել էր Սեւրի դաշնագիրը : Մեր երկիրը ազատ էր , հողը սահմանուած , ապագան փայլուն . . .

* * *

Սեպտեմբեր ամիսն էր . նորից մթաղնում էին Հայաստանի հորիզոնները . Ղարաբաղ - Չանկեղուրի խրնդէրը սրուել էր . հազիւ խաղաղած Կարսի շրջանը ան-

հանդիստ էր: Քեմալական թուրքերը զօրացել էին. ենթադրում էր ընդհարում նրանց հետ: Ես պատրաստում էի վերադառնալ Կովկաս, երբ մի երեկոյ ճաշարանապետ թովմաս աղան ասաց.

— Առտուն քեզ կը փնտռէր աղուորիկ աղջիկ մը, Օր. Դանիէլեան:

Չարմանալի էր, որովհետեւ Փարիզում կին ծանօթ չունէի: Յանկարծ յիշեցի Երանուհուն, բայց նա վաղուց պէտք է լինէր Ամերիկայում...

Յաջորդ իրիկունը, աշխատանքս աւարտելուն պէս, վաղեցի ճաշարան: Անկիւնի սեղանին մօտ նստած սպասում էր ինձ մի մանկահասակ աղջիկ, որ նման էր Երանուհուն: Այո, քոյրն էր:

— Վերջապէս դռնուցաք, ասաց նա հին բարեկամի պէս ժպտելով. քոյրս պատմեր է ձեր մասին: Անգրեր է ձեզի Պոլիս, բայց մայրս յայտներ է, որ դուք մեկնած էք Փարիզ եւ ահա ինծի կը դիմէ, ասաց ձեռքի պայուսակից դուրս քաշելով մի նամակ:

Օրիորդ Երանուհին խնդրում էր ինձնից, որ անմիջապէս մեկնիմ Ամերիկա ինձ յայտնի գործով: Ականջներիս չէի հաւատում. հազիւ կարողացայ դսպել յուզումս: Բայց ինչո՞ւ Ամերիկա, միթէ այնտե՞ղ էր հրէշը: Նամակի մէջ ուրիշ ոչինչ չէր ասուած:

— Ի՞նչ գործ է այդ, եթէ գաղտնիք չէ, ասաց աղջիկը, կծկելով սիրուն աչքերի կոպերը:

— Ճիշդն ասած՝ ես էլ չեմ կարողանում հասկանալ, Պոլսում օրիորդ Երանուհու հետ շատ եմ խօսել ուսանելու փափաքիս մասին, հիմա երեւի յաջողել է բնկերներիս միջոցով այդ գործին ընթացք տալ:

Չարածճի մատի շարժումով բացասեց ասածս:

— Ինչ որ է. ե՞րբ պիտի մեկնիք:

— Դժուար թէ կարող լինեմ մեկնիլ, օրիորդ, չէ՞ որ ահագին գումար է պէտք:

— Ա՛խ, ներեցէք, մոռցայ ըսելու, որ Պատուիրա-
կութեան մէջ նամակ ունիք, պարոն Հանրմեանի մօտ,

ան ալ կը փնտռէ ձեզ, կ'ուզէր ինձ տալ, բայց վերջը
ետ առաւ, խնդրելով, որ յայտնեմ ձեզ. նամակը Բոս-
տոնէն էր, դուցէ հոն...

Գեռ երկար պիտի շարունակէր օրիորդը, բայց նե-
րողութիւն խնդրելով աճապարեցի Պատուիրակութիւն,
քանի գեռ ուշ չէր:

Գրում էր Համօ Բարազամեանը: Ո՛րտեղից ուր-
ուրախութիւնից խենթացել էի: Գրում էր, որ անմի-
ջապէս մեկնիմ Բոստոն: Ճամբու ծախքը սէտք է ստա-
նամ Հանրմեանից, որին այդ մասին միաժամանակ
գրում է Գարեգին Փաստրմաճեանը (Արմէն Գարօ)...

Ժամանակից շուտ ճաղատացած, կանաչի դէմքով
եւ դմալեւի ժպիտով Հանրմեանը ոչ մի հարցում ուղ-
ղեց ինձ. միայն փափաքեցաւ հասկանալ, թէ ե՞րբ կա-
րող եմ մեկնել:

— Թէկուզ վաղը:

Երեք օրուան մէջ նա կարգաւորեց անցադրային
դժուարութիւններս եւ Հոկտեմբերի առաջին օրերին
մեկնեցի: Այժմ ամէն բան պարզ էր ինձ համար. դորձը
կենտրոնացած էր նրանց ձեռքում, Ամերիկա: Բարա-
զամեանը իմացել էր իմ մասին անտարակոյս օրիորդ
Երանուհուց: Լեցուած էի բուն երախտազիտութեամբ
դէպի այդ գաղափարական աղջիկը: Յիշեցի նրա գրած
քառեակը, որ այնպէս հիասթափեցրեց ինձ. «Կ'անցնին
օրեր, կը գայ կրկին մի ֆոքր գարուն վարդաբեր...»,
վստահ էր, ուրեմն դորձի յաջողութեան վրայ...

Չմեռ էր թէեւ, բայց համակուած էի «վարդաբեր
դարնան» տրամադրութեամբ: Առաջին անգամն էի
տեսնում ովկիանոսը: Մինչեւ այդ՝ կատարած ծովա-
յին ճամբորդութիւններս միշտ հորիզոնի մէջ պարզում

էին մի ստուերադիծ , որից այն կողմ սկսւում էր հողը : Այժմ , երբ երկիրը բոլորովին աներեւութացաւ , բարձրը տրամադրութիւնս սկսեց տեղի տալ եւ ինձ պաշարեց մի անբացատրելի թախիծ . կարծես բոլորովին բաժանուեցի աշխարհից եւ ընկայ անյայտութեան մէջ : Ովկիանոսը հանդարտ էր , բայց երկու օրուայ անդորրութիւնից յետոյ , յանկարծ նա ծածկուեց մշուշով՝ նախ նօսր , ապա հետզհետէ թանձր : Շողենաւը սկսեց երերալ : Ալիքները երկու կողմից սկսեցին զարնուիլ նրա կողերին , նախ՝ կարծես խաղալով , ապա՝ աւելի ու աւելի ուժգին թափով : Շողենաւը տնքաց , ճարճատեց : Ալիքները դնալով վեր ու վեր էին ցատկում : Բաշերով վեր ցցուած՝ նրանք լեզուները պարզում էին տախտակամածից շատ վեր : Վիթխարի նաւը դարձել էր ջրերի խաղալիքը , ինչպէս մի տաշեղ : Նա բարձրանում էր ալիքների վրայ , իսկ ցռուկի առջեւ բացւում էին ջրային վիհեր : Թւում էր , որ նաւը ջարդ ու փշուր պիտի լինի այդ մութ անդունդներում , բայց ամէն անգամ դուրս էր հանում կտուցը ու ճեղքելով կատաղի ալիքները՝ դարձեալ վեր սահում : Նաւն ու ծովը խորհրդանշում էին պայքարի ու յաղթութեան հեռանկարը :

Կէսօրին փոթորիկը մեղմացաւ . ալիքները այժմ նաւի կողից բարձրանում էին , հոսում տախտակամածի վրայով ու սրբում լուանում նաւի այդ մասը : Ապա քիչ - քիչ մառախուղը սկսեց նօսրանալ եւ հետզհետէ չքանալ : Անհուն տարածութիւնների վրայ ջրերի մէջ խաղում էին արեգակի ճառագայթները : Գահլիճներում , սրահներում , խցիկներում թաղնուած ճամբորդները նորից յայտնւում էին կամրջակի վրայ : Կանայք ջղայնօրէն ծիծաղում ու քրքջում էին . . .

Երազ թուաց ինձ , երբ եօթներորդ օրը հորիզոնի վրայ նշմարեցի Ամերիկայի ափերը : Համակուած էի

այնպիսի հրճուանքով, որ կարծես ևս էի յայտնադոր-
ծում նոր Աշխարհը: Ահա նա, վերջապէս: Շողենաւը՝
յողնատանջ մօտեցաւ նաւահանդիստին: Արդէն վաղուց
երեւում էին Նիւ Եորքի հռչակաւոր «երկինք քերող»նե-
րը: Նաւի մեծ սրահը լեցուեց բազմաթիւ պաշտօնեա-
ներով, որոնք սկսեցին քննել մեր թղթերը: Դիտում
էի անվրդով ու ծանրարարոյ ամերիկացիների խոհուն
դէմքերը, նրանց ինքնավստահ ձեւերն ու շարժումնե-
րը՝ սպասելով հերթիս: Թերի Փրանսերէնս ինձ օգնեց
անցնիլ այդ քննութեան բովից:

Թէեւ դեռ չէր մթնել, բայց դուրսը, շինութիւն-
ների վրայ լուսավառում էին ելեկտրական ճրագներ,
ու քաղաքը թւում էր ոսկեղէն: Եօթը միլիոն բնակիչ-
ներով այս վիթխարի քաղաքը ինձ ապշեցրել էր իր ան-
թիւ, անհամար ճրագներով, ելեկտրական լուսավառ
ծանուցումներով: Առաջին իսկ պատահած ինքնաշար-
ժի վարիչին մեկնեցի Հ. Յ. Դաշնակցութեան ակումբի
հասցէն: Գլխիս մէջ ոչ մի միտք կար: Համակուած էի
մի երախտազէտ զգացումով դէպի շրջապատս, որ
բախտը վիճակում էր ինձ լինել այստեղ: Ճշմում էի
ճշդել «երկինք քերող»ների բաժինները, որոնք երեւի
բազկացած էին 25 — 50 յարկերից: Մի տարի առաջ
ինձ զարմանք պատճառեց Փարիզի եռուղեւոր, բայց նա
մի խաղալիք էր Նիւ Եորքի համեմատութեամբ: Զար-
մանալին այն էր, որ այդ իրարանցումին մէջ ինքնա-
շարժի վարիչը չէր կորցնում գլուխը: Անցանք շքեղ
վաճառատների և շէնքերի լուսառատ շրջանակից:
Շարժապատկերի շինութիւնների առաջ խմբուած էր
ահագին բազմութիւն: Կեանքը հնոցի պէս եռում էր
ամէն տեղ: Քիչ վարը, լայն պողոտայի կենտրոնում
ուր կանգ էին առել բազմաթիւ ինքնաշարժեր, դանդա-
ղեց ու կանգ առաւ նաեւ մեր ինքնաշարժը: Դիմացը
աշտարակաձեւ շէնքից արձակուած լոյսի նշաններով

ցոյց են տրւում ուղղութիւններ: Յերեկուայ պէս լոյս
մայթերով անցնում են ձիւղ, ամուր, կանդուն մէջքե-
րով ամերիկացիներ, գլուխները բարձրը, գիտելով
հետուն: Աշտարակից յայտնւում են նոր լոյսեր, օւ-
մեր ինքնաշարժը դարձեալ սուրում է շարէշար ընթա-
ցող ինքնաշարժի փրամների մէջ: Յաջորդաբար հա-
սանք համեստ շէնքերի շրջաններին ու մի տեղ կանդ
տուանք:

Ակումբի մէջ եմ. ի՛նչ հաճելի անակնկալ էր աշ-
խարհի միւս ծայրում լսել քաղցրահնչիւն մայրենի լե-
զուն: Երեք սենեակներ, լուսավառ, մաքուր. զրքեր,
լրագրեր, վառվռուն դէմքեր: Ի՞նչ է ազդային զգա-
ցումը. երեւի նմանների միամման սպրումներ, որոնք
անմիջապէս արտայայտուեցին ինձ շրջապատող երի-
տասարդների կողմից ուղղուած բազմաթիւ հարցում-
ներով: Նախապէս աշխատեցի գոհացնել բոլորի հետա-
քրքրութիւնը, բայց քիչ - քիչ սկսեցի նեղուիլ. հար-
ցումներին վերջ չկար. կարծես պահանջատէրեր էին,
և ես պարտաւոր էի իւրաքանչիւրին հասանելիքը ան-
միջապէս վճարել: Վերջապէս ելայ՝ յայտնելով, որ
սխալի մեկնիմ:

— Ո՛ւր, կղբայր, տակաւին ոչինչ չբսիք հրատապ
խնդիրներու մասին...

— Ես եկայ այստեղ, որ ինձ օգնէք Բոստոն մեկ-
նելու եւ ոչ թէ ձեզ բանախօսութիւն կարգալու, ասա-
ցի հազիւ զսպելով ջղայնութիւնս:

— Լա՛ւ, կղբայր, Բոստոնը խօ չփախաւ...

— Հայ Յեզ. Դաշնակցութեան Կենտրոնական Կո-
միտէի հրահանգով պարտաւոր եմ ժամ առաջ այնտեղ
լինել:

Այս խօսքը ազդեց: Դիրքս յանկարծ բարձրացաւ,
և նրանք ընկան սպասարկու դրութեան մէջ. դուրս
ելանք: Ճանապարհին ամէն կողմից հարցումներ էին

ուղղում ինձ, մինչև վերջին հնարաւորութիւն ժամանակը օգտագործելու մի թափով: Բոլոր խնդիրների մասին այդ պասպակ հոգիների հետ զրուցելու համար անհրաժեշտ էին օրեր. ժամանակը անզօր էր մոռցնել նրանց այն ամէնը, ինչ արդէն անցեալ էր: Իսկ ինձ հմայել էր առասպելական քաղաքը գիշերին: Աչքերս սկսել էին վարժուել գիտելու: Բարձրադազաթ շէնքերը այլևս չէին ճնշում, ինչպէս քիչ առաջ. նրանք այժմ թւում էին այնքան թեթեւ, որ կարծես շինուած էին թղթերից. անթիւ անհամար լուսամուտներից վար թափուող լոյսերի կոհակները լեցնում էին լոյսի եւ խաւարի անջրպետը. «Նրկինք քերող»ների գմբէթներին պարզուած ճրագները նման էին շրջուն լուսնեակների: Խեղճ մեր Բաղառիճի ժողովուրդ, որին թոյլ չտուին իր կեանքը ապրիլ անգամ իր գետնափոր խորճիթների մէջ: Մեծ դժուարութեամբ էի կարողանում հաւաքել մտքերս՝ ընկերներից մէկի կամ միւսի հարցումին պատասխանելու համար. իմ տեղեկութիւնները, թէկուզ հին ու անկատար, հետաքրքիր էին նրանց. ըստ երեւոյթին, նրանց համար այդ բոլորի մասին այլ բան էր կարողալը եւ այլ բան կենդանի խօսք լսելը: Վերջապէս հասանք կայարան, ուր քիչ յետոյ սրառուչ բաժանուէցի այդ ջերմ ու հայրենասէր երիտասարդներից...

Է. ԳԼՈՒԽ

Ո Ր Ս Ի Հ Ե Տ Ք Ե Ր Ո Վ

Բոստոնում «Հայրենիք» օրաթերթի խմբագրութեան մէջ սկսուեց նոյն բանը ինչ Նիւ Եորքում : Այստեղ հարցուփորձի նախաձեռնութիւնը պատկանում էր Համոյին, որ իր վերջիշումները սկսել էր էրզրումից, ուր վերջին անգամ տեսել էի նրան հինգ տարի առաջ : Կոճղի պէս հաստատուն, զոգածեւ ոտքերով, խաւարած լուսնի պէս կլոր ուս եւ դէմքով տիվրիկցի այդ ընկերը այստեղ նման էր քաղաքակիրթ քիւրտի : Իւ հակումների, բնաւորութեան մէջ ոչինչ չէր փոխուել . դէպքերը անկարող էին եղել նրան մաղաչափ անգամ շեղելու իր նախասիրած գործից : Անգամ մեր ջերմ ընկերական տեսակցութեան այդ պահին թուղթի թերթիկների մի տրցակ կար ձեռքին, ուր կարող էր նշանակել որեւէ բան «հերթական թղթակցութեան» համար : Բայց Համոն այստեղ պարզ թղթակից չէր, այլ խմբագրութեան անգամ եւ միաժամանակ Հ. Յ. Գաշնակցութեան Կ. Կոմիտէի քարտուղար : Բոստոն կանչըւելուս մզում տուողն էր օր. Երանուհին, որ այժմ դանուում էր Կալիֆորնիայում, նրանից էր իմացել Համոն իմ մասին : Մանօթացայ եւ խմբագրութեան մէջ եղած ընկերների հետ — Սեզրակ Բազդիկեանի, Կենտրոնական Կոմիտէի գործավար, մեր երազկոտ «Աէթօ»ն, Խոսրով Եսայեանի, «Հայրենիք»ի գործավարը, եւ ուրիշներին : Այս վերջին երկու ընկերների հետ առաջին խի օրէն մտերմացայ եւ իրենց սենեկակից դարձայ :

Այստեղ Ամերիկայում էլ, մեր ժողովուրդը լարուած հետաքրքրութեամբ հետեւում էր Հայաստանի դէպքերին: Մանաւանդ մեծ յուզում ու վրդովում էր առաջ բերել թուրք ջարդարարների անպատիժ մնալը: Պատերազմի սկիզբին Գաշնակիցները հանդիսաւոր յայտարարութիւն էին արել, որ թուրքիոյ կառավարութեան անդամները անձնապէս պատասխանատու պիտի նկատուին հայկական ջարդերի համար: Բայց պատերազմը վերջացաւ Գաշնակիցների յաղթանակով եւ հայկական Մեծ Եղեռնի հեղինակները մնացին անպատիժ եւ նոյն իսկ պաշտպանութեան տակ առնուեցին:

Ամերիկայի հայութեան մէջ հասունացել էր այն միտքը, թէ հայերը սեփական միջոցներով պէտք է պատժեն թուրք ջարդարարներին: Այս մտայնութեան սզին էր Արմէն Գարոն, որի նախաձեռնութեամբ յատուկ Ծոնա էր ստեղծուած եւ յատուկ աշխատանք էր կատարուած:

Պէտք է ասել, թէ միայն Ամերիկայում չէր այս արամազրութիւնը. բովանդակ հայութիւնը, ամէն տեղ, վրդովուած էր Գաշնակիցների վերաբերումից. մի ամբողջ ժողովուրդ էր բնաջնջուած բարբարոս այդ միջոցներով, եւ յաղթական Գաշնակիցները, հակառակ հանդիսաւոր խոստումների, մատը մատին չզարկին սճրագործներին արդարադատութեան ենթարկելու համար: Ամէն կողմից ժողովուրդը արդար հատուցում էր պահանջում եւ բոլորի աչքերը յառած էին Գաշնակցութեան:

Գաշնակցութիւնը, բնականաբար, չէր կարող անտարբեր մնալ եւ նոյնպէս մտածում էր փոխ հատուցման մասին: Հ. Յ. Գաշնակցութեան Գրգ Ընդհանուր ժողովն էլ, 1919ի աշնան, գրադուել էր այդ հարցով: Եւ ահա Ամերիկայում պարզուեց, որ այն՝ ինչի մասին ես երազում էի գիշեր ու ցերեկ, այստեղ արդէն կեն-

դանի գործ էր դարձած : Արմէն Գարոյի ղեկավարութեան տակ կատարուել էր նախնական ահադին աշխատանք :

Ամերիկայում եւ իմացայ, որ Պուսից փախած իթթիհատականները Եւրոպայում վարում էին գործօն աշխատանք : Նրանք կապեր էին հաստատել Եւրոպայի քաղաքական շրջանակների հետ եւ աշխատում էին նրանց միջոցով հակադդել Գաշնակիցների վրայ՝ ի չիք դարձնելու հայկական խնդիրը եւ աւելի զիջող ընթացք ապահովելու թուրքիոյ նկատմամբ բոլոր մնացած խընդիրներում : Այդ նպատակով նրանք ունենում էին դաշնակից պետութիւնների ներկայացուցիչների հետ տեսակցութիւններ եւ անում էին խորհրդակցութիւններ : Էնվերը դանում էր Ռուսաստանում . այնտեղ նա հիմնել էր «Իսլամի Ազատագրութեան Միութիւն», որ ունէր մասնաճիւղեր Բերլինում եւ Անատոլիայում : Երկուստիս առաջ Բերլինում գումարուել էր համաժողով՝ Անդլիոյ վրայ ճնշում գործ դնելու նպատակով : Աշխատանքների զլխաւոր վայրը հանդիսանում էր Ռուսաստանը, յատկապէս Անդրկովկասը՝ Քեմալական շարժման հետ սերտ գործակցութիւն պահպանելու նպատակով : Ըստ ամենավերջին տեղեկութեան, Բագու էին գտնում Էնվերը, Իբրահիմ Թալինը, Քիւչիւկ Թալէաթը, Պէհաէտտին Շաքիրը, Մուստաֆա Սուրհին, Նուրի եւ Սալիլ փաշաները : Այնտեղ նրանք մասնակցել էին «Արեւելեան Ժողովուրդների Համագումար»ին : Հայաստանում արդէն ծայր տուած հայ - թրքական պատերազմը համարում էր այդ համագումարի որոշման հետեւանք : Թալէաթը ենթադրում էր ժընեւում կամ Բերլինում :

Մի օր էլ եւ ծանօթացայ հասակազեղ, յաղթանդամ, տպաւորիչ արտաքինով եւ բարեհամբոյր Արմէն Գարոյի հետ : Միայն մէկ անգամ էի տեսել նրան,



À Madame Lyette,
Madame, bonne nuit,
et bonne nuit à tous :
5-Sept. 1922. M. J. J.
Lyon.

բայց շատ էի լսել նրա մասին : Շիտակ , ազնիւ , բարի ,
բոլորանուէր առաջնորդը , իմանալով որ ես եմ Փարի-
զից եկողը , միանգամայն մտերիմ , սրտաբաց , ան-
կեղծ , հայրական դորովով ու եղբայրական ջերմու-
թեամբ ձեռքս թօթուեց : Ինչպէս առաջին հանդիպու-
միս , ինձ համակեց շփոթութիւն : Արմէն Գարոն սպա-
կերանում էր ինձ իրրեւ մարդկային կատարելութիւն :
Եւ չէի սխալուում . նա ծնած էր այդպէս՝ առաքինի ,
վճիտ եւ բիւրեղ : Բայց վերջին հինգ տարիները շատ
էին աղղել վրան՝ ստեղծելով նրա հանդարտ հոգու մէջ
մի աննուաճելի անհանդստութիւն : Իր կոր ու քիչ ու-
ռած կոպերի տակ սիրուն աչքերը դրկուել էին նախկին
փայլից ու սլոյժառութիւնից . առնական դէմքին յայտ-
նուել էին կնճիռներ :

Խմբով դնացինք ճաշարան , որ պահում էր տարեց
ընկերներից մէկը : Կրակը , խոշոր դղումի պէս դուրս
ընկած փորով , թաւ յօնքերի տակ կորսուած անհան-
դիստ աչքերով ճաշարանապետը , տեսնելով Արմէն Գա-
րոյին , վեր ցատկեց նստած տեղից , ափերի մէջ թաղեց
նրա ձեռքը եւ սերախացած բացապանչեց .

— Վա՛յ , սարոն Գարօ . . .

— Է , Գոգօ , ըսէ՛ տեսնենք ինչ կայ չկայ , դարձաւ
նրան Գարոն հին բարեկամի պէս :

— Զան սաղութիւն , ի՞նչ պիտի լինի : Աստուած
օգնութեան հասնի , ազգի վիճակը յայտնի է . . .

Գոգոն մեզ առանձնացրեց մի սենեակ եւ իր հսկո-
ղութեան տակ առաւ սպասարկութիւնը :

Արմէն Գարոյից իմացայ , որ ութ օր առաջ հեռա-
դրել էին Փարիզ Հանրմեանին , որ այնտեղ սպասեմ
Ամերիկայից դալիք մէկին , բայց ես արդէն մեկնել էի :
Այժմ այդ մէկը գտնում էր անհրաժեշտ անմիջապէս
դործի անցնիլ եւ մեկնել Զուիցերիա : Արմէն Գարոն
գտնում էր , որ հետախուզական նախնական աշխա-

տանքները այդ անձը կարող է մինակ կատարել՝ կարիքի դէպքում գիմելով տեղական ուժերի աջակցութեան, իսկ ես պէտք է մեկնիմ այն դէպքում, երբ պարզուի, թէ ո՛ւր է թալէաթը՝ ժընեւո՞ւմ, թէ Բերլինում: Իմ ցանկութիւնն էլ այդ էր: Գործի համար անհրաժեշտ զգուշութիւնների նկատումներով, այդպէս էլ որոշուեց:

Յայտնի եղաւ նաեւ, որ գրուած է Պոլիս եւ Բերլին՝ թալէաթի հետքերին հետամուտ լինելու մասին: Ստացուած լտեղեկութիւնները պէտք է կենտրոնանային հետախուզական մասի վարիչի մօտ: Մինչ այդ արդէն Երեքական պատճէններով արտանկարուած ու պատրաստ էին բոլոր գլխաւոր ջարդարարների լուսանկարները: Ապահովուած էին եւ նիւթական միջոցները:

Թէեւ խնդիրը դեռ շատ ջուր կը վերցնէր, բայց ինձ համակել էր մի ներքին հրճուանք, որ գործը գտնուում է կարող մարդկանց ձեռքում եւ արդէն գրուած է շիտակ ճամբու վրայ: Բոլոր հարցերը պարզուեցին ու ճշգուեցին առանց վիճարանութեան եւ տարակարծութիւնների, կարծես մի ընտանիքի անդամներ էին, որոնց մէջ ամենից շատ կշիռ ունի մեծի խօսքը:

Այժմ Գարոն պատմում էր իր տպաւորութիւնները թալէաթից: Լսում էինք նրան հետաքրքրութեամբ, դոնէ ինձ համար նրա պատմած ամէն մի դէպք բնութագրում էր դաւադիր սփրազործին ու նաեւ ներկայացնում արժէք:

— Վերջին անգամ ե՞րբ հանդիպեցիք նրան, հարցրի ես:

— Վերջին անգամ 1914 Յունիսի 4ին էր, երբ Վրոսմեանը եւ ես լուրջ խօսակցութիւն ունեցանք Խալիլ պէյլի տանը այդ հրէշին հետ՝ ծրագրուած հայկական բարենորոգմանց շուրջ, ասաց Գարոն կարծես ինքրն իրեն՝ թաղուելով դեռ թարմ յուշերի մէջ: Թալէա-

Թը սկսաւ խօսակցութիւնը երկար յառաջարանով մը, որով կ'աշխատէր մեզ համոզել, թէ ինչպէս իրենց կամքին հակառակ, չկարողացան մինչև այսօր մեր արդարացի պահանջներուն դոհացում տալ, այսինքն հողային հարցի, դպրոցական խնդրի, հայ պաշտօնեաներու յաւելման եւ այլ խնդիրներու վերաբերմամբ: Եւ յետոյ, անդրադառնալով բարենորոգմանց խնդրին, Թալէաթը մեզ մեղադրեց, որ մենք արտաքին միջամտութեան դիմած էինք, փոխանակ ուղղակի իրենց հետ հասկացողութեան մը դալու: Վռամեանը շուտ - շուտ կ'ընդհատէր անոր խօսքը եւ փաստերով կ'ապացուցանէր անոր ըսածներուն անլրջութիւնը: Իսկ Սալիլ բէյը կ'աշխատէր Վռամեանը համոզել, ի մասնաւորի պաշտօնեաներու կէս առ կէսի անկարելիութեան մասին: Այս առթիւ Թալէաթը ակնարկեց Հոֆֆին հետ իր ունեցած բանակցութեանց եւ ըսաւ, թէ ինքը մերժեց իմ թեկնածութիւնը այն պարզ պատճառով, որ համոզուած է, որ եթէ ես երթայի Հոֆֆին հետ իրրեւ անոր օղնականներէն մէկը, իրական ընդհանուր քննիչը ես պիտի ըլլայի եւ ոչ թէ Հոֆֆը: Անոր այս ակնարկութիւնը ջրելու համար Վռամեանը յայտնեց, որ իմ թեկնածութեան մասին խօսիլն աւելորդ էր, քանի որ ես ինքս արդէն խնդրեր էի Հոֆֆէն՝ իմ անունս դուրս հանել ցանկէն: Բայց կէս առ կէսի սկզբունքը չգործադրելը ամենալաւ ապացոյցն էր մեզ համար, որ իրենք դարձեալ հին աչքակապութեանց ճամբան էին բռնած եւ առաջին քայլին իսկ կ'ուզէին վիժեցնել իրենց ստորադրած բարենորոգումները: Ժամը Տէն սկսած մինչև 11ը երեքով կը վիճէին: Ես ոչ մէկ խօսք արտասանեցի. ուշադրութեամբ կը դիտէի Թալէաթին դէմքը, որ այդ երեկոյ անասելի կերպով անհամակրելի կ'երեւար աչքիս: Ամէն անգամ, երբ Վռամեանը կը տաքնար եւ իրեն անախորժ բաներ կ'ըսէր, Թալէաթի դէմքին վրայ

սատանայական ժպիտ մը կ'երևար, ինքնագոհ մարդու մը յատուկ, որ դիմացիներն վրայ կը խնդայ: Ի վերջոյ, երկուքն ալ նկատեցին, որ ես բնաւ խօսքի չխտանուեցայ: Թալէաթը դառնալով ինծի ըսաւ.

— «Գարօ, դուն ինչո՞ւ այս երեկոյ բնաւ չխօսեցար»:

— Ի՞նչ խօսիմ, երբ որոշակի կը տեսնեմ, թէ դուք այնքան դոռողացեր էք ձեր վերջին յաջողութիւններով, որ մեզ հետ խաղալ կ'ուզէք, պատասխանեցի ես:

— «Ես կը բողոքեմ քու այդ դարձուածքին համար եւ կը խնդրեմ, որ ապացուցանես ըսածդ»:

— Եթէ Վաամեանը չկրցաւ ձեզ համոզել, ես բնաւ պիտի չկրնամ ընել այդ: Միայն այսքանը պիտի ըսեմ, որ դուք սխալ ճամբու վրայ էք. ձեր բռնած այս ընթացքը օսմանեան կայսրութիւնը պիտի տանի դէպի խորխորաս: Դուք ձեր վերջին յաջողութիւններէն հարբած՝ նորուեր էք մեծամուրթեանէ մը, երեւակայելով թէ նախուցոններ եւ Պիղմարքներ էք:

— «Պիղմարքը ե՞ս եմ», ընդհատեց Թալէաթը ժպտելով:

— Այո՛, դուն ես, բայց շատ կը սխալիս այդպէս կարծելով: Դուք բոլորդ դժբախտարար ազէա էք եւ անընդունակ հասկնալու, թէ ո՞ւր կ'առաջնորդէք այս պետութիւնը: Ապացո՞յց կ'ուզես ըսածիս: Քիչ մը առաջ դուն չէի՞ր, որ Վաամեանին կ'ըսէիր, թէ դուք քիւրտերը պիտի թրքացնէք: Ինչո՞վ, ձեր ո՞ր կուլաւրական շնորհովը. եթէ պատմութենէն լուր ունենայիր, այդպիսի անհեթեթութիւններ պիտի չըսէիր: Կը մոռնաս, թէ հինգ - վեց հարիւր տարի է, որ դուք՝ թուրքերդ եկաք մեր երկիրը, իսկ ձեզմէ առաջ շատ ուրիշ ազգեր են եկած ու դնացած մեր եւ քիւրտերուն դիմովը՝ պարսիկները, հոսմայեցիք, արաբները եւ բիզանդացիք: Եթէ անոնցմէ եւ ոչ մէկը չկրցաւ քիւր-

տերը ձուլել, դուք ինչո՞վ էք ձուլելու: Անցեալ ամառ
 Համբարդեցի մեր երեք վիլայէթները եւ միայն երեք
 հաս կամուրջ տեսայ այդ ահագին տարածութեան
 վրայ. անոնցմէ երկուքը հին հայկական շինութիւններ
 են, իսկ երրորդը՝ Լենկթիմուրի շինել տուածն է: Իսկ
 ձեր քաղաքակրթութեան հետքն անգամ չտեսայ: Չի
 կարելի այդպէս թեթեւ կերպով վերաբերուիլ պետա-
 կան լուրջ հարցերուն: Փալով մեր հարցին, ըսի անոս,
 դուք անկեղծ չէք: Դուք կը կարծէք, թէ յաջողելու էք
 խոստումներով մեզ քնացնել այտեղ, եւ երկրին մէջ
 ալ այնպիսի տնտեսական քաղաքական պայմաններ
 ստեղծել, որ Հայաստանը դատարկուի հայերէն եւ
 դուք միանգամ ընդ միշտ ազատիք հայկական հար-
 ցէն: Այս է ձեր ազխութեան երկրորդ ապացոյցը: Կը
 սխալիք ձեր հաշիւներուն մէջ: Մենք ձեզ այդքան ժա-
 մանակ չենք տալու, որ ձեր ծրարիրները դործադրէք:
 Մեր ազգային դիտակցութիւնը այնքան դարդացած է,
 որ մենք պիտի նախընտրենք քարուքանդ ընել այս մեծ
 շէնքը, որուն անունն է օսմանեան կայսրութիւն եւ ձեզ
 թոյլ չտալ, որ տեսնէք Հայաստանը առանց հայու...»:

Անցեալի յուշերով տարուած Արմէն Գարոն յան-
 կարծ կանգ առաւ. նրա դէմքը արտայայտում էր անս-
 բանելի թախիծ:

— Աւա՛ղ, մենք սխալեցանք մեր հաշիւներուն
 մէջ...

— Ինչո՞վ վերջացաւ, հարցրեց Համոն:

— Երբ ես վերջացուցի, թալէաթը բացազանչեց.
 «Այդ ինչե՛ր կը խօսիս, Գարօ. դուն բոլորովին փոխ-
 ուած կ'երեւիս»: «Մէջերնիս եթէ փոխուած մը կայ՝
 դուք էք, որ ձեզ մեծ մարդիկ կը կարծէք, պատաս-
 խանեցի ես: Մենք առաջուայ հայ յեղափոխականներն
 ենք եւ ձեզի կ'ըսենք այն, ինչ միշտ ըսեր ենք»: Թա-
 լէաթը կտո կարմիր դարձաւ եւ սկսաւ թեւին վրայի

ժամացոյցին նայիլ շուտ - շուտ : Յանկարծ ոտքի ելաւ ու ըսաւ , թէ ժամը 11ին ժամադրութիւն ունի , կը ցաւի որ այս խօսակցութիւնը կիսատ կը մնայ եւ մեկնեցաւ , խնդրելով , որ ուրիշ օր մը նորէն հանդիպինք զիրար համոզելու համար : Վիշ յետոյ պատերազմը սկսաւ եւ այլեւս թալէաթը չտեսայ» . . .

Կարծես խոստովանանքի պէս մի քան էր այդ զբոյցը Արմէն Գարոյի համար , կարծես ինքն իրեն դատաստան էր անում ա՛յնքան ընկճուած էր : Ես մտածում էի , թէ պէ՞տք էր արդեօք նա խօսէր յեղափոխականին վայել , բայց այդպիսի պարզութեամբ եւ անկեղծութեամբ դահճապետի հետ . . .

— Ինչ որ է , ասաց մտքերից սթափուելով , անցեալը թողնենք , նայինք դալիքին : Ես հիմա պիտի մեկնիմ : Բարի ճանապարհ եւ յաջողութիւն ձեզ : Շատ պիտի ուզէի աչքս ետեւ չմեռնել , յարեց նա ելնելով , մեր այս ծանր օրերուն այդ ճիւղի մահը մեծագոյն միտթարութիւնը պիտի ըլլար հայութեան համար . . .

Ճաշասրահից լսուեց .

— Երկրէն ի՞նչ խարար կայ , պարոն Գարօ :

— Նոր խարար չկայ , Գոգօ , ամէն ինչ զիտցածիդ պէս է . . .



Մեր ներկայացուցիչը երեկոյեան մեկնեց Նիւ Եորք այնտեղից Եւրօպա անցնելու համար :

Գիշերը Սէթոյի եւ Խոսրովի հետ նստած ոճրագործների լուսանկարներն էինք ուսումնասիրում :

Թալէաթը , Էնվերը , Ջեմալը , Սայիտ Հալիմ փաշան , Ջեմալ Ազմին , Բէհաէտտին Շաքիրը , Պոլսոյ օստիկանապետ Պետրին , դոկտոր Նազրմը եւ այլն , զա-

նազան դիրքերում : Կան նաև թալէաթի եւ էնվերի կանանց նկարները, որոնք ըստ երեւոյթին դուրս են հանուած խմբանկարներից : Երկուսն էլ գեղանի, հրեշտականման դէմքերով կանայք : Մարդ մնում է զարմացած, թէ ի՛նչպէս կարող են նրանք ասլրիլ այս հրէշների հետ : Իր կազմուածքով ամենից ուշագրաւն է թալէաթը, հօօր թեւերը, քառակուսի թիկունքը, ժայռի պէս ցցուած դնդերները մատնում էին ուժ եւ կորով : Նկարին նայողը պիտի զարմանար, թէ ի՛նչպէս ոգեշունչ կերպարանք ունեցող այդ մարդը երեք տարի շարունակ դիմացաւ գթութիւն աղերսող մի ամբողջ ժողովուրդի աղաղակներին, բնաջնջման իր ծրագիրը անշեղօրէն գլուխ հանելու համար : Մի ուրիշ նկարի մէջ գլխի քունքերին հազիւ նշմարւում էին ճերմակներ : Արեւելոցու կարկառուն շուրթին աջ ու ձախ երկարել էին կուպրի պէս սեւ ու թաւ պեխերը :

Շուայտ պարանոցը նեղ օձիքի միջից դուրս էր ընկել : Ճերմակ բաճկոնի կիտուածքը ծածկել էր փորի աղեղնաձեւ մասը, դէմքից բուրում էր սրտապին անկեղծութիւն . . .

Ահա եւ էնվերը, ժամանակի թուրք կանանց կուռքը, որ կեանքին մէջ աղամարդու վայել գործ չաեսաւ եւ համբու շահեցաւ Խաիրնէի վերագրւածան ժամանակ, երբ արդէն գործը վերջացած էր : Պատանեկան կայծկլտուն կերպարանք եւ կանացի արաւուանունքներով թարմ դէմքը արտայայտում էին պարելու ցանկութիւն : Պոլսում ասում էին, որ իր ընդունարանի պատից, իր դիմանկարի երկու կողմերից, կախել էր Նափուէոն Առաջինի եւ Ֆրիտրեխ Մեծի նկարները, երկու հանձարեղ փառամոլներ, որոնց իր կարճ հասակով միայն նման էր : Ասում էին, որ էնվերը կրում էր բարձր կրունկներով երկարավիզ կօշիկներ նրանցից աւելի երկար երեւնալու համար : Պարսկական գգակի յարդար-

ուսած դադաթը, որ երբեք վար չէր առնում, նոյն նը-
պատակին էր ծառայում: Եւ իրօք, մարաջախտի ոսկե-
ճամուկ համազգեստով նկարի մէջ ունի կոկոզավիդ
արտայայտութիւն: Բայց երկու շարք ժապաւինակալ
չքանչանները գործը փճացնում էին՝ տալով նրան պըն-
նասէր, թեթեւամիտ, պատանեկան հանդամանք: Ու
դարձեալ նոյն բանը՝ չմորած, վախի արտայայտու-
թեամբ աչքերը շրջանակող կոպերը աղջկայ աչքերի
յատուկ բացուածք ունէին: Մի ուրիշ նկարի մէջ մանր
պէտերի տակ հազիւ նշմարուող շնական ժպիտը ար-
տայայտում է «արժանապատիւ դերազանցութիւն»:
Եթէ նրա այդ արժանապատուութիւնը դառնասպէս վի-
րաւորուած չլինէր Բարդոսի տակ, ուր պէտք է վաս-
տակէր «թրքական նապոլէոնի» առաջին պսակը, թե-
րեւս այլ լինէր մեր ժողովուրդի բախտը...

Երրորդ ջարդարարի՝ ծովային նախարար Աեմալ
փաշայի դէմքը արտայայտում է վայրագութեան, մե-
ծամտութեան ու կորովամտութեան խառնուրդ: Մեծ,
սուր ու թափանցող նայուածքով սկեռուն աչքերը մատ-
նում են խորամանկութիւն, անխղճութիւն եւ անձնա-
պաշտութիւն: Սա էր, որ Չորրորդ զօրաբանակի հրա-
մանատարի հանդամանքով պակասը լրացրեց՝ սովի ու
հալածանքների ենթարկելով մեր ժողովուրդի մնա-
ցորդը անասպատներում...

Չեռք անցրնելով Պետրի պէյի նկարը, մնում եմ
չուարած, թէ ի՞նչպէս այդ ոչնչութիւնը յաջողեց ան-
ճիտել մօտաւորապէս 500 փայլուն մտաւորականներ:
Կնոջական թեք ուսերով, երագուն, վաւաչոտ աչքե-
րով այդ անյայտ մարդուն միակ արժանիքը այն էր,
որ Թալէաթի մտերիմն էր: Բայց այդ սնամէջ մարդը
դարձեալ մի բան է խրտուիլակ Սայիտ Հալիմ փաշա-
յի համեմատութեամբ, որի ներքինիի ախտաժէտ դէմ-
քը դարչանք է յարուցում. մէկը՝ որ վարչապետի ա-

Թողին հասաւ դրամի ուժով, պատերազմից յետոյ Ե-
դիպոսոսի Խտիւ դառնալու յոյսով: Ունայնամիտ, վա-
ռատենչ, իրական իշխանութիւնից զուրկ եգիպտական
այդ իշխանը իր մէջ բաւարար կորով ունեցաւ մերժե-
լու ջարդերին վերջ տալու համար իրեն եղած բոլոր
դիմումները...

Իր դէմքի բանիմաց ու գործնական արտայայտու-
թեամբ, ապահովագրական ընկերութեան գործակա-
տարի տպաւորութիւն է թողնում Բէհաէտտին Շաքի-
րը, որ մեծ ջարդերի նախերգանքը սկսեց դեռ 1914ի
ամբան, էրզրումի շրջանում կազմակերպած մասնակի
տեղահանութիւններով ու կոտորածներով: Այնուհե-
տեւ իթթիհատական յայտնի հռետոր Նաջի բէյի հետ
միասին, ջանք չխնայեց ոտքի հանելու թուրք խաւա-
րամիտ ամբոխը անդէն հայ ժողովուրդի դէմ, էրզրու-
մից մինչեւ Մուսուլ:

Աչքառու ջարդարար նահանգապետների շարքում
սարսափ է ազդում Ջեմալ - Ազմիի նկարը, դրեթէ քա-
ռակուսի դէմք, արիւնկզակ ծնօտ. մի կատարեալ հը-
րէչ, որ դարերը ճեղքելով բերել է մինչեւ մեզ հասցը-
րել ասիական բոլոր բարբարոսութիւնների նմոյշները:
Սա էր, որ երկու օրուայ մէջ ոչնչացրեց Տրապիզոնի
14 հազար հայերը եւ որ նախապէս ջարդել տուեց զին-
ուորագրուած երիտասարդները. հաւաքեց քաղաքի
վեց հարիւր անանաւորներին ու բարձելով նաւերը՝
ծովամոյն արաւ. ապա դուրս հանեց քաղաքից կա-
նանց, երեխաներին եւ ձեւիզլիկ գիւղի մօտ ոչնչացը-
րեց բոլորին այնպիսի անդթութեամբ, որ գերազան-
ցում է մարդկային ամէն երեւակայութիւն...

Արդէն ուշ էր, ժամը գիշերուայ 12ը անցել էր,
երբ Խոսրովը իր անկողնից «հերի՛ք է, պառկեցէք»
սոսնայ քնաթաթախ:

Մտանք անկողին, բայց անքերս չէի կարողանում

փակել. քունս բոլորովին փախել էր: Աշխատում էի՝
Անահիտին աչքիս առջև բերել, իր մասին մտածել,
բայց դահիճների նկարների ազդեցութիւնը աւելի ու-
ժեղ էր եւ երկար ժամանակ խաւարի մէջ նրանց հրե-
շատիպ դէմքերը ցատկոտում էին աչքերիս առաջ...

Հեռաւոր դաղութում հաստատուած, բայց երկրի
հետ սերտօրէն կապուած «Հայրենիք»ը մեծ դեր էր
կատարում: Անվիճելի իրողութիւն է, որ եթէ հայու-
թիւնը դաղութներում պահպանում էր իր կերպարան-
քը, դա խոշոր չափով արդիւնքն է այն կազմակերպը-
ւած աշխատանքին, որ վարում են հայ հանրային, քա-
ղաքական հոսանքները, նրանց թերթերը եւ հրատա-
րակութիւնները: «Հարենիք»ը մեծ տեղ ունէր այդ
հրատարակութիւնների մէջ: Սկսուելով Նիւ Եորք,
նոր էր լրացրել իր քսանամեակը Բոստոնում: Ընկերնե-
րից ոմանք — դոկտոր Թաշճեանը, պրոֆ. Չազմապ-
ճեանը, Մ. Համբարձումեանը, Ն. Տէստէկիւլը, — ըս-
պառել էին այդ գործի վրայ 10 — 15 տարուայ աշխա-
տանք, մեծ մասամբ դժուարին, անտանելի պայման-
ներում: «Հայրենիք»ի խմբագրութիւնը մի «Ազգային
Բիւրօ» էր, առանց որի ոչ մի աշխատանք չէր կատար-
ւում: Բոլոր ազգային հանգանակութիւնները նրա մի-
ջոցով էին տեղի ունենում, բոլոր ժողովները այստե-
ղից էին ղեկավարւում, գաղթականների համար նա մի
թղթատուն էր, տեղեկատու մարմին. այստեղ էին դա-
լիս նամակները տարագիրների անուշով. հակառակ որ
անցել էր հինգ տարի, դեռ մնում էր յայտարարու-
թիւնների յատուկ բաժինը, ուր ջարդից ազատուած-
ները փնտոում էին իրենց կորած, աքսորուած հարա-

զատներին: Օրն ի բուն բաց էին խմբագրութեան դրո-
ները եւ ամէն մարդ մուտք ունէր այստեղ, նրանց ըն-
դունում էին մտերմօրէն, լսում ուշադիր, կարեկցում
ցաւերին, օգնում բարոյապէս՝ միշտ պահելով նրանց
մէջ հաւատը դէպի աւելի լաւ ապագան:

Ինչպէս մի ժամանակ Երեւանում, այստեղ էլ նը-
րանց մէջ ժողովրդականութիւն ունէր Համոն: Օրե-
րով նստած դիտում էի այցելուներին, եւ միշտ, խո-
րը թախիծի հետ, ինձ համակում էր մի հաճելի զգա-
ցում, որ մի անկիւն կայ, ուր հողմավար հայութեան
բեկորները կարող էին իրենց վշտերը ամոքել: Նրանք
պատմում էին իրենց ցաւերը միալար․ զաւակների կո-
րուստի մասին խօսում էին շէնջիւնով, ու նրանց շուր-
թերը ակամայից դողդողում էին ջերմից բոնուածի
պէս: Բայց լինում էին եւ այնպիսիներ, որոնք կարծես
ծնուած էին յաւիտենական պայքարի համար, եւ լը-
սելով հայ - թրքական պատերազմի մասին՝ գալիս էին
«ազգութեան զինուոր» գրուելու, Հայաստանին «իմ-
տատ» անելու պատրաստակամութեամբ:

Օրը օրին դարձեալ մթազնում էր հայկական հո-
րիզոնը: Նոյնմբերի առաջին օրերին մեզ հասաւ կարսի
անկման լուրը, թուրքերը շարժւում էին դէպի Ալեք-
սանդրապոլ․ կրկնւում էր նոյն բանը, ինչ երկու - ե-
րեք տարի առաջ:

Մի քանի օր յետոյ Եւրոպայից ստացուած հեռա-
դրի համաձայն, մեկնեցի Ժրնեւ: Դիւրութեամբ գտայ
«Իրօշակ»ի խմբագրատունը, ուր յոյս ունէի տեսնե-
լու մեր ներկայացուցչին, որ իր հասցէն չէր յայտնել:
Ժրնեւը, յատկապէս «Իրօշակ»ի խմբագրատունը այն
ժամանակ պատկերանում էր իբրեւ հայ յեղափոխա-
կան շարժման ուխտատեղի: Եւ անտարբերութեամբ
չէր, որ մօտեցայ երկաթեայ շրջափակով պարտէզի
մէջ ընկած երկյարկանի համեստ շէնքին, որ կարծես

աւերակ էր եւ կենդանութեան նշոյլ չունէր : Պարտէզի խորքում , ծառերի մէջ , կիսով չափ փլած ձողափայտերը մատնում էին հանգստեան տաղաւարի մնացորդներ . . . Վար թափուած սստերը , թփերը , մացառները թողնում էին լքուած անկիւնի տպաւորութիւն : Շէնքի դուռը բաց էր , ներսը պատերից կախուած էին նահատակ յեղափոխականների նկարներ . երկու սենեակների միջանցքաձեւ մասում , ապակեպատ դարակներում շարուած էին դրքեր : Մաքուր , համեստ կահաւորուած պող սենեակները թողնում էին աւելի շուտ յիշատակարանի , քան բնակարանի տպաւորութիւն : Մարդ չէր երեւում . դերեղմանի պէս լուռ էր շէնքի ներսը : Տարակուսանքով դուրս էի դալիս , երբ ներքնայարկից լսեցի կանացի մի ձայն :

— Ո՞վ է :

— Ներեցէք , տիկին , ո՞ւր է տան տէրը , կամ մէկը . . .

— Ի՞նչ տան տէր . . .

Ու յանկարծ դիմացս բուսաւ մազաղաթի պէս դեղնած գէմքով , նիհարակազմ մի մարդ , որ ձեռքը կողին , զիբաւորուած արժանապատուութեամբ յարեց .

— Այս շէնքի մէջ կիներ չկան , պարոն , սխալ հասցէով եկած էք . . .

Ինձ համակած տկամայ զուարթութիւնը բարկացրեց նրան :

— Ո՞վ էք եւ ի՞նչ կ'ուզէք :

— Ներեցէք , երեւի դուք Տիար Անտոնն էք :

— Այո՛ :

— Ընկերները պատմել են ինձ ձեր մասին :

— Ի՞նչ ընկերներ , ասաց : այժմ հետաքրքրութեամբ :

— Ամերիկայի :

— Ընկեր թէ՛ չի բեա՞ն :

— Այս՛ :

— Չբսե՞ս մի, օրհնուածի զաւակ, արի ներս...

Այստեղ պարզուեց, որ մեր ներկայացուցիչը հինգ օր առաջ մեկնել էր, առանց յայտնելու, թէ ուր, թողնելով Տիար Անտոնի մօտ ինձ համար մի նամակ: Նա դրում էր, թէ Պոլսից ստացած մի նամակի շնորհիւ գտել է իր մօտ ազգականներից մէկի հետքը Բերլինում, ուր եւ մեկնում է: Պէտք է ես էլ աճապարէի, եթէ ուզում էի համալսարան մտնել...

Տիար Անտոնը ունէր յեղափոխական որոշ անցեալ Բալկաններում: Բայց դրեթէ «Դրօշակ»ը ժընկեում հաստատուելուց ի վեր, հանդիսանում էր շէնքի ու դոյքերի բծախնդիր վերահսկիչը: Նա հասկացաւ, որ եկել եմ կարեւոր դործով, բայց ոչ մի հետաքրքրութիւն չարտայայտեց: Հիւրասիրեց ինձ թէյով: Չրոյցից պարզուեց, որ «Դրօշակ»ի խմբագրութիւնը ուզում են փոխադրել Փարիզ եւ մտադրութիւն կայ ժընկեի շէնքը ծախելու, այնտեղ մի ուրիշը դնելու համար: Դառնութեամբ էր խօսում այդ մասին. նրա կարծիքով «Դրօշակ»ը ժընկեից փոխադրուելուն պէս կը խամրի: Դա մի անպատասխանատու դործ էր, անզամ ոճիր՝ շէնքի փառապանձ անցեալի նկատմամբ: Նա չէր կարող հասկանալ, թէ ի՞նչպէս կարելի է «Հայ Յեղափոխութեան Էջմիածին»ը վաճառել: Տիար Անտոնը միտք չունէր ժընկեի շէնքից հեռանալու. կատուի պէս, նա տիրոջից աւելի կապուած էր շէնքի ծակ ու ծուկերի հետ. նա դրեթէ վստահ էր, որ մինչեւ վաճառուիլը այդ շէնքի մէջ էլ կը մեռնի. արդէն շատ ապրելիք չունէր, տարիքը, հիւանդութիւնը եւ այլն. հակառակ պարագային՝ պիտի խնդրէր շէնքի նոր տիրոջից թոյլ տալ ապրելու այնտեղ դռնապանի պաշտօնով:

Լսում էի, բայց միտքս ուրիշ տեղ էր: Յուզուած ու ցրուած էի, «հետքը գտնուել էր», պէտք ունէի մի-

նակ լինելու այդ լուրի արժէքը չափելու համար: Տիար Անտոնը ինձ օգնեց տեղաւորուելու հարեւան մի սանդուղում: Հակառակ անապարանքիս, հինգ - վեց օր տեւեց մինչեւ կարողացայ վիզա ստանալ Բերլինի համար, ուր գնում էի մեքենագիտութիւն ուսանելու նպատակով: Գեղտեմբեր 3ին մեկնեցի:

* * *

Գերմանիան դեռ գտնուում էր սպառերազմի հետեւանքով ստեղծուած ծանր կայութեան մէջ: Հաշտութեան պայմանները ստեղծել էին երկրի համար կիսագաղութային մի վիճակ, տնտեսական առումով: Պատերազմական ծանր տուգանքները քայքայել էին երկրի տնտեսութիւնը: Հաշտութիւնից ի վեր իրար յաջորդող կառավարութիւնները անկարող էին ելք գտնել: Երկիրը անհանգիստ էր, գործազուլները մարում ու նորից բռնկում էին ամէն տեղ:

Բերլին հասայ երեկոյեան. թէեւ հազիւ ժամը 10 էր, բայց չորս միլիոն բնակիչ ունեցող այդ քաղաքի կեանքը մեռած էր: Տեղում էր ձիւնախառն անձրեւ: Ինքնաշարժը կանգ առաւ «Թիրկարտէն» հիւրանոցի դիմաց, ուր ապրում էր ներկայացուցիչը: Անհամբեր էի իմանալու, թէ ինչ դրութեան մէջ է գործը: «Շատ լաւ է», եղաւ պատասխանը: Թալէաթը Բերլինում էր: Եւ ցոյց տալով գերմաներէն մի թերթ ընդդժուած մասերով՝ ասաց.

— Այս յօդուածը ուղղուած է «Իթ-Իհտա»ի, յատկապէս Իոմայիլ Հազկրի դէմ. գրում է Մէհմէտ Չեքին:

— Ովքե՞ր են դրանք:
— Առաջինը իթթիհատական երիտասարդներից է:

որ երեք տարի առաջ կուսակցութեան կողմից ուղարկուած է Բերլին ուսում պատնալու համար: Մէհմէտ-Չեքին մութ անձնաւորութիւն է, որ ժամանակին Պոլսոյ մէջ «Ազգային Պաշտպանութիւն» անունով շարաթաթերթ էր հրատարակում, յայտնի շարլաթան, նշանաւոր դրամաշորթ, նախկին իթթիհատական պնակալէք, հիմա ալստեղ, ըստ երեւոյթին, գործը լաւ չէ նախկին պետերի հետ եւ ձեռնարկել է մերկացումներ: Այս յօդուածի մէջ Մէհմէտ - Չեքին, խօսելով Իսմայիլ Հազկըի կողմից հայկական խնդրի շուրջ գրած մի յօդուածի մասին, յարում է.

— «Չարմանալի է, որ իրենց պետը դերման հանրապետութեան հիւրը»... «Եւ Բերլին բնակող ոճրագործների կոմիտէի մասին Իսմայիլ Հազկըն ոչինչ չի գրում»: Ապա շարունակելով.

— «Մենք գիտենք, որ Իսմայիլ Հազկը բէյը միայն թալէաթ փաշայի հետ չէ, որ յարարերում է սերտորէն, այլ եւ դոկտոր Նազըմի եւ Հալեպի նախկին կուսակալ Պետրիի հետ: Յայտնի է, որ հայկական ողբերգութիւնը կազմակերպող ու գործադրողները, ինչպէս նաեւ իրենց անցանկալի նկատուած թուրքերին մէջտեղից վերացնողները, այս երեքն են: Պոլսոյ կառավարութիւնը պիտի չուշանայ նրանց արժանի պատիժը տնօրինելու: Բերլին դառնուող իթթիհատականները վերջերս սկսել են իրենց ընկերվարական յայտարարել: Պէտք չէ հաւատալ, ընկերվարականների պետր իշխան Սապահէտտինն է, որ հազիւ կարողացաւ իթթիհատականների հալածանքներից ազատուել: Եւ մօտ օրերս մի դասախօսութիւն պիտի կարդամ, այդ բոլոր խնդիրները անկողմնակալօրէն քննութեան առնեմ եւ մերկացնեմ իթթիհատ-թերազգրի գործունէութիւնը»:

Մեզ համար կարեւորը այն է, որ այլեւս կասկած չէր մնում, թէ ոճրագործները ալստեղ էին: Բերլինում

էին թալէաթը, Պուսի նախկին ստիկանապետ Պեարին, Իսմայիլ Հազկըն, Տրասլիզոնի Վալի՝ Ջեմալ Ազմի բէյը, որ ծխախոտի գործի էր սկսել եւ իր անունով բացել էր խանութ, ուր գրադում էր նաեւ գորգավաճառութեամբ:

Այս վերջին շուրջ ինձ ուղղակի շնորհակց, տասնըջորս հազար մարդ կոտորել, նրանց հարստութիւններով գործ ստեղծել ու անվրդով ապրիլ մի քաղաքակիրթ երկրի մայրաքաղաքում... Ես անհամբեր էի այս սրիկայի հաշիւը տեսնելու, բայց այդ քայլը կարող էր փախցնել միւսներին, աւելի մեծերին, մանաւանդ թալէաթին, որի հիւաղային ուրուականը հալածում էր ինձ դիշեր ու ցերեկ: Պէտք էր շարժուել զգոյշ եւ սրբ ձեռքից չփախցնել, թէեւ անբեւեակայելի էր ինձ համար, որ Տրասլիզոնի վալին յայտնագործուելուց յետոյ կարող էր դեռ ապրիլ...

Պարզուեց, որ մի քանիսի յետեւից արդէն նշանակուած էր հետախուզութիւն եւ առհասարակ գործը իր ընթացքի մէջ էր: Ես էլ, ուրեմն, պէտք է լծուէի աշխատանքի, առաջին հերթին ձեռնարկելով հետախուզութեան:

Յաջորդ առաւօտ, դեռ հիւրանոցից դուրս շէի եկել, յայտնուեց Յազորը, 27—28 տարեկան մի թխադէմ երիտասարդ, որ ուսանում էր Բերլինի համալսարանում: Նրա դուրեկան դէմքին պարզուեց մի լայն ժպիտ, երբ ծանօթացաւ հետս: Նա ասաց, թէ եկել է յայտնելու մի քանի հետաքրքրական տեղեկութիւններ, որ իմացել էր Հրափից: Իբր թէ այս օրերս էնվերը Մոսկուայից այս կողմերը պիտի դայ՝ Իթթիհատը վերականգնելու նպատակով: Բայց այդ խնդրի շուրջ իր եւ թալէաթի միջեւ մրցակցութիւն կայ: Վերջինի կողմնակիցները ուզում են, որ վերահազմուած կուսակցութեան կենտրոնատեղին լինի Բերլինը եւ կու-

սակցութիւնը արտասահմանեան հանգամանք ունենայ : Այն ինչ էնվերը պնդում էր, որ կուսակցութեան կենտրոնը լինի Մոսկուայում : Ինքը՝ Հրափը կարծում է, որ այս տարակարծութեան պատճառը հետեւեալն է. էնվերը շատ յաճախ գտնուում է Մոսկուայում, Անդրրկովկասում եւ ուզում է իր ազդեցութեան տակ պահել կուսակցութիւնը : Բացի այդ, ցանկանում է կարելի եղածին չափ մօտ լինել Անատոլուին եւ բաժին ունենալ երկրի ներքին գործերի մէջ : Մինչդեռ Թալէաթի կողմնակիցները կանգնած են այն տեսակէտի վրայ, որ իրենց միջամտութիւնը կարող է աղժուկ բարձրացրնել Եւրոպայում եւ վնասել երկրում սկսուած ազգայնական շարժման զարգացման : Այդ առթիւ, իրգութէ մի քանի օր առաջ խորհրդակցութիւն է եղել Թալէաթականների, եզիպտացի շէյխ Աբախլ - Ազիզի, սիրիացի Շէքիր Ասլանի եւ այտեղ գտնուած հրեակատանցի մի քանի իսլամների մասնակցութեամբ : Թալէաթը՝ ինքը ներկայ չի եղել այդ խորհրդակցութեան :

Հրափը այս տեղեկութիւնները ստացել էր Թուրք ուսանողներից, որոնց հետ մտերիմ էր : Ինքը՝ Հրափը, ինչպէս պատմեցին, դէմքով, անուշով, անաղարտ տաճկերէնով իսկական Թուրքից չէր տարբերուում : Բայց ընտիր հայ էր : Ունէր մտերիմներ Թուրք ուսանողների եւ Թուրքերի մէջ, զգալի ծառայութիւններ էր մատուցանում մեր դիւանագիտական ներկայացուցչին կարեւոր տեղեկութիւններով :

Այս տեղեկութիւնները հաղորդելուց յետոյ, Յազորը մեկնեց : Քիչ վերջը դուրս ելանք եւ մենք : Չմնում էր խոշոր փաթիլներով, որոնք Թիթեանիկների պէս ճախրում էին ամէն ուղղութեամբ ու յամբօրէն վար իջնում : Տաք, հանդարտ եւ հաճելի ձմրան օր էր : Գնում էինք յամբօրաբայլ, ամէն մէկը իր մտքերի հետ :

Քիչ անց՝ մտանք մի լայն պողոտայ՝ որ երկարում է
կայսերական պալատից ուղիղ դժով Բրանտէնբուրգ
կիշըն Թոռ, Բերլինի ամենամեծ փողոցը: Անհրաժեշտ
էր, որ ծանօթանայի քաղաքի դասաւորութեան, զըլ-
խաւոր թաղամասերին, փողոցներին: Անհրաժեշտ էր,
որ դէթ մի քանի գերմաներէն բառեր սովորէի:

Թեքուեցինք դէպի ձախ, ապա՝ անցնելով մի քա-
նի երկրորդական փողոցներ՝ հասանք մի անկանոն հը-
րապարակ: Դէպի աջ, հրապարակը մանոյ փողոցի
անկիւնի բութ ծայրում գտնուում էր Ջեմալ Ազմիի ծը-
խալաճատանոցը:

Անցանք խանութի առջևից: Հազիւ զսպեցի ցան-
կութիւնս ներս մանելու հրէշի կենդանի կերպարանքը
տեսնելու համար: Դէպի աջ երկարող փողոցով դուրս
ելանք հրապարակից եւ շրջելով թաղամասը՝ գուդա-
հեռ փողոցով յետ դարձանք դէպի հրապարակի ձախ
մասը, ուր փողոցի ծայրին չհասած, կար մի ճաշա-
րան - սրճարան: Ճաշի համար դեռ շուտ էր. տեղ բըռ-
նեցինք պատուհանի մօտ, որ նայում էր հրապարակի
միւս մասում Ջեմալ Ազմիի խանութին, եւ պատուիրե-
ցինք մի - մի սուրճ: Երբորդ օրն էր, որ հսկողութիւն
նշանակուած էր այստեղ, բայց մինչեւ հիմա՝ ապար-
դիւն. առեւտուր չունէր, ժամերով չէր բացւում խա-
նութի դուռը: Հազարներով վարձք վճարել եւ խանու-
թի դուռը դոց պահել, նշանակում է յատուկ նպատա-
կով էր հաստատուած խանութը: Տարակոյս չկար, որ
ժամադրաւայր էր, բայց ո՞ւր էին անիծեալ տէրերը:

Իմ ուշն ու միտքը դեռ Յաղօրի ասածների վրայ էր.
Եթէ յաղթող հանդիսանայ էնվերի տեսակէտը, Թալէ-
աթն էլ կարող է մեկնիլ Ռուսաստան կամ Անդրկով-
կաս: Թէեւ, միւս կողմից, թուրք ազգային շահերի
համար Թալէաթի ներկայութիւնը աւելի կարեւոր էր
այստեղ, Եւրոպայում: Յայտնի էր, որ նա վարում էր.

Եւրոպայում եռանդուն դիւանագիտական աշխատանք, անկասկած նոյն ինքն Քեմալի դիտութեամբ ու ցանկութեամբ: Թէեւ քանիցս Մուսթաֆա-Քեմալին վերադրուեցին յայտարարութիւններ, որոնք նպատակ ունէին այն համոզումը տարածել, թէ իր ղեկավարութեան տակ եղած ազգայնական շարժումը ոչ մի կապ չունի թալէաթի իթթիհատական խմբակի հետ, բայց տարակոյս չկայ, որ Անատոլուի մէջ ծայր տուած այդ շարժման ջիղը իթթիհատականներն էին: Բանակը, «Ազգային Մեծ Ժողովը», երեսփոխանները, մեծ մասամբ իթթիհատականներ էին: Ի՞նչ հաշիւ կայ այդ բազմութեան վրայ թալէաթին էլ աւելացնելու: Թէ՛ Ռուսաստանում կատարուած բանակցութիւնների ժամանակ, թէ՛ Իտալիոյ խողովակով ստացուած գէնքի ու ռազմանիւթի օժանդակութեան մէջ առաւելապէս Եւրոպա գտնուող իթթիհատականներն էին աշխատանք թափել: Փաստօրէն թուրքիոյ ճակատագիրը վարողները դարձեալ իթթիհատականներն էին՝ աշխատանքի բաժանումով ուրիշ ազգայնականների հետ:

Այս մտքերը ինձ պաշարել էին, երբ յանկարծ նըկատեցի, որ մի կին մտաւ Ձեմալ Ազմիի խանութը: Ես անմիջապէս թռայ դուրս. վայրկեան շանցած մայթի վրայ երեւաց եւ ընկերս: Բայց ներս մտնելն ու կնոջ դուրս գալը մէկ եղաւ: Ինչ որ ներքին տհաճութեամբ հարկադրուեցի հետելիլ այդ կնոջ՝ անցնելով հրապարակի միւս մասը: Քիչ վարը հասաւ ընկերս՝ պնդելով, թէ լսել էր խօսակցութիւնը Ազմիի հետ:

Հրէշը ասել էր. «Յոյս ունեմ, որ ինձ կ'իմացնէք». կիներ պատասխանել էր՝ «անպայման, եթէ արտօնէ»: Ըստ երեւոյթին Հրափի տեղեկութիւնները ճիշդ էին:


Իմ հասկացողութեամբ ամենաստորին բանը կին հետապնդելն էր, բայց ի՞նչ արած: Զիւնը դադարել էր: Սեւ մուշտակով, մորթէ կլոր գլխարկով բարեձեւ

կիներ զնում էր յամբաքայլ՝ կարծես շատ դո՛՛հ քայլելու առիթից : Նա մերթ ընդ մերթ իջեցնում էր գլուխը , սեփական քայլերը զննելու ձեռով ու յանկարծ կարծես ձանձրանալով այդ դործից՝ վեր էր հանում գլուխը ու քայլերը արագացնում : Միայն երազանքներով համակուածը կարող էր այդպէս քայլել :

Կինը շարունակեց ճանապարհը պողոտայով դէպի վար : Ինքն իր վրայ հիացածի պէս՝ նա անցաւ , մերթ ոտքերին , մերթ դիմացը նայելով , լուրջ մէկ ժամուայ ճանապարհ , ապա թեքելով դէպի աջ , մտաւ վիլլաների շրջանը : Այստեղ կանդ առաւ մի հոյակապ բնակարանի առաջ , որ կրում էր 165 թիւը : Չիւնապատ պարտէզի դուռը մեղմիւ յեա մղեց , արագօրէն բարձրացաւ տարածուն կարճ քարէ աստիճաններով ու ձեռքի բանալիով մուտքի դուռը բանալով՝ ներս մտաւ . . .

Յաջորդ առաւօտից սկսած , հսկում էի այդ շէնքի վրայ . կէսօր էր , երբ յանկարծ բակում տեսայ մի երիտասարդ , որ զանգահարեց եւ դուռը բացուելուն պէս ներս մտաւ . այնքան արագ կատարուեց այդ , որ չբնասկացայ , թէ երբ եւ որ կողմից եկաւ : Հասակով թիկունքից նման էր Էնվերին : Անիծում էի անուշադրութիւնս : Քիչ վարը , անկիւնում մէկը կանդնած նայում էր . այս ի՞նչ էր . արդեօք նա էլ լրտեսում էր ի՞նձ . . . Գլուխը անկիւնից դուրս հանելուն պէս զարմանքով տեսայ որ Յագօրն է :

- Ի՞նչ էք անում այստեղ :
- Գնանք , կարող է դուրս գալ ու տեսնել ինձ :
- Ո՞վ :
- Իսմայիլ Հադկրն :
- Նա՞ էր , որ քիչ առաջ ներս մտաւ :
- Ի՞ հարկէ :
- Է՛հ , ես էլ կարծեցի , թէ Էնվերն է :
- Գնա՛նք , յանկարծ չնկատի մեզ :



Berlin-Charloftenburg, Nordendbergstraße zur Königsufer
Hochschule für die bildenden Künste und Blick auf
die Kaiser-Wilhelm-Gedächtnisstraße.

Հարստեմայրիկեր Շքրատէ պողոտան, ուր կը բնակէին
ԹԱԼԷԱԹ և ԹԷՀԼԻՐՅԱՆ

— Դուք գնացէք, այդ մարդը չի ճանաչում ինձ :
Գրեթէ մէկ ժամ սպասեցի, երբ դուրս եկաւ Հակ-
կըն եւ արագ քայլերով ուղղուեց դէպի վար : Սաս-
տիկ յուզուած էի . ինձ թւում էր, որ գնում է առաջ-
նորդելու էնվերին . ափսոսում էի, որ դէնքը հետս չէր :
Հասաւ մեծ պողոտայի ծայրամասին, մտաւ Ուհլանտ
փողոցը եւ թիւ 47 բնակարանից ներս անցաւ : Կէս ժա-
մից աւելի սպասեցի այստեղ, բայց ապարդիւն : Ձիւ-
նում էր, ցուրտ էր, անօթի էի : Ուղղուեցի դէպի ճա-
շարան, բայց ուղղութիւնները շփոթեցի եւ հարցու-
փորձով դժուարութեամբ գտայ «Թիրկարտէն» հիւրա-
նոցը : Իրիկնամուտ էր, երբ տուն դարձաւ եւ ընկերս .

— Ո՞ւր ես դու, ա՛յ տղայ :

Պատմեցի : Աչքերը չոնց :

— Ուհլանտ, ասում ես :

— Այո՛ :

— Թիւ 47 :

— Այո՛ :

Ձեռքերը իրար խփեց, նստեց ու ծնօտը վեր ցցած
ճառագայթող դէմքով նայեց :

— Ես տղամարդ չեմ, եթէ Թալէաթը չի բնակ-
ւում Ուհլանտ թիւ 47 բնակարանում :

— Ի՞նչպէս :

— Առաւօտեան ժամը 10ի մօտերը Ազմիի խանու-
թը մտաւ այն բարձրահասակ մարդը, որին տեսել էի
երեք օր առաջ : Դուրս դալուն պէս ճանաչեցի . գիտե՞ս
ու՛մ . . . Բէհաէտտին Շաքիրին :

Օրուայ յաջողութիւնը այնպէս թունդ էր հանել
մեզ, որ ենթադրում էինք միաժամանակ ձեռք անցընել
երկու գլխաւոր ոճրագործներին, էնվերին՝ վիլլանե-
րի շրջանում, Թալէաթին՝ Ուհլանտ, գուցէ երկուսին
միասին, տեսակցութեան պահին, որ թւում էր ստոյգ .
այլ կերպ ինչո՞վ բացատրել դէպքերի կապակցութիւ-



Հայաստանի հանրապետության
Պերլինի դիւանագիտական ներ-
կայացուցիչ՝ Զ. ԴՐԻՆՖԻԼՏ



Իր խորհրդականը՝
ԼԻՊԱՐԻՏ ՆԱԶԱՐԵԱՆՑ

Նր: Ներս մտաւ Յաղօրը երկու նոր բնկերների հետ: Դրանցից մէկը Վազան՝ միջինից քիչ բարձր, նիհարակազմ մի երիտասարդ էր, սեփ - սեւ մազերը խնամքով յետ սանարած, խօսում էր ծանր, հանդարտ, առանց աւելորդարանութիւնների, ժուժկալ նախադասութիւններով: Դէմքը խոհուն արտայայտութիւն ունէր, մանաւանդ խելօք աչքերը: Միւսը՝ Հայկոն ուսանող էր. ձուածեւ, համակրելի դէմքի փայլն էր սիրուն ժպիտը, գուսոյ արտաքինի տակ ծածկուած էր սպաշտա մաքուր ու գարմանալիօրէն բնկերասէր հոգի: Երկուսն էլ իրազեկ էին խնդրին:

Յաղօրը յայտնեց լսած տեղեկութիւնները Հրափից, որ առ ի գլուշութիւն, ուրիշ մէկի հետ չէր տեսնուում: Թրքական ակումբում արտակարգ եռուղեակար. Հայաստանում Քեմալի ձեռք բերած յաջողութիւնները ողբերկ էին բոլորին. անհնարին չէր նրկատուում նորից մինչեւ Քաղու արշաւելու հաւանականութիւնը: Էնվերը չէր եկել, բայց ամէն ժամ կարող էր գալ: Համեմատելով, կշռադատելով օրուայ տեղեկութիւններն ու դիտողութիւնները, ժողովը որոշեց աշալուրջ հսկողութեան տակ առնել Ուհլանտն ու Էնվերի կնոջ բնակարանը:

Դիշեր էր, բայց եւ դեռ աքնում էի թերի Փրանսէքէնիս օգնութեամբ, ճամբորդական մի գրուցատրական բառարանի միջոցով, սովորել գերմաներէն անհրաժեշտ բառեր եւ արտայայտութիւններ: Լուսարացին ինձ թուաց, թէ արդէն իւրացրել եմ բաւական բան: Բայց երբ անկողին մտայ, մտքիս մէջ հազիւ մընացել էին չորս - հինգ բառեր...

* * *

Շուրջ երկու շաբաթ հսկողութեան տակ սահեցինք Էնվերի կնոջ բնակարանը, բայց տիկինը այլևս

չերեւաց : Օրական մէկ երկու անգամ այդ շէնքից յայտնուում էր մէկ կամ միւս սպասուհին ու դնումնեքով վերադառնում : Էնվերի հետքը մատնող որեւէ նախանշան չյայտնուեց . եղե՞լ էր Բերլինում , պիտի դա՞ր , անկարելի եղաւ ստուգել : Մի օր միայն այստեղ կանգ առաւ մի ինքնաշարժ , որի միջից դուրս եկաւ Իսմայիլ Հակիբն եւ մուշտակի մէջ փաթաթուած մի ուրիշը : Գէպքը նորից իրար անցրեց մեզ . բայց երբ յաջորդ օրը նա յայտնուեց միայնակ , Յագօրը հետապնդելով սպարդեց , որ բժիշկ է . ինչ որ Վակներ :

Ծննդեան տօների նախօրեակին մենք մի խորհրդակցութիւն ունեցանք Լիպարիտ Նազարեանցի մօտ , որ խորհրդականի հանդամանքով աջակցում էր հայկական հիւպատոսարանի դորժերը վարող հայ - գերմանացի Գրինֆիլտին : Ծէկ , գանդրահեր , կապուտաշեայ Նազարեանը աւելի շատ նման էր ծայրագոյն հիւսիսի անապարտ սլաւոնի , քան հայի : Մեր կարող ու փորձառու ընկերներից էր : Նրա կարծիքով սպարդիւն էր էնվերին Բերլինում սպասելը :

— Հազար ու մի շուկներ են շրջում էնվերի մասին , ասում էր նա . անցեալներում թրքական մի թերթ գրում էր , որ էնվեր փաշան սաւառնակով Բերլին պիտի գար , բայց ճանապարհին իրր թէ սաւառնակը ջարդուել է եւ նա հաղիւ է աղատուել մահից : Բախտախրնդիրը ինքն է հնարում եւ տարածում այդ լուրերը , իր հետքը կորցնելու համար : Կարծում եմ՝ այդպիսի լուրեր են նաեւ այստեղ՝ թրքական շրջաններում եղած զրոյցները :

Նա թէեւ չէր գտնում նաեւ անհուանական , որ էնվերը եղած լինի Բերլինում , բայց ոչ աւելի քան մէկ քերկու օրով , իսկ այդ շատ քիչ ժամանակ էր նրան ձեռք անցրնելու համար :

Խորհրդակցութիւնը վէճի բնոյթ ստացաւ ու եր-

կար տեսց : Բայց ինձ այլևս չէր հետաքրքրում այդ :
Նոր էի հասկանում , որ ոճրագործների հետ միե-
նոյն քաղաքում լինելը բաւական չէ . գործը տեսական-
ջանքերի եւ անխոնջ հետապնդումների պէտք ունի . . .

* * *

Դեկտեմբերի վերջերին հիւանդութիւնը դամեց ինձ :
անկողին : Նորից մթազնում էին աչքերս եւ ունենում
էի դլխապտոյտ : Վերջին անգամ այդ հիւանդութիւնը
կրկնուել էր Երեւանում , երեք - չորս տարի առաջ ,
իսկ ես կարծում էի , որ նա վաղուց անցած է :

Ոտքի ելնելուս պէս «Թիրկարտէն» հիւրանոցից
փոխադրուեցի Աուգսբուրգեր փողոց թիւ 51 բնակա-
րանը , ուր ապրում էր հայկական հիւպատոսարանի
քարտուղար Երուանդ Արէլեանը , 23 — 25 տարեկան
մի աչքաբաց երիտասարդ : Այն ժամանակ շատ դժուար
էր Բերլինում ազատ սենեակ գտնել . Արէլեանը յաջո-
ղել էր համոզել տանտիրուհուն՝ տրամադրելու ինձ
հարեւան սենեակը :

Վաթսուհամեայ տանտիրուհիս , տիկին Էլիզարէթ
Շթէլբաում , ամէն գերմանուհու նման , բծախնդիր
տանտիրկին էր եւ ուզում էր սենեակիս կարգ ու կանո-
նը եւ մաքրութիւնը , մինչեւ անգամ կօշիկներս մաք-
րելը , իր ձեռքով կատարել : Բայց ես ոչ մի աշխատանք
չէի թողնում նրան , ինչ որ նախապէս տարօրինակ
թւում էր նրան , ապա հետզհետէ հաճելի : Պարզում էի
նրան , որ ես երիտասարդ եմ , ինքը ծեր , իսկ մեզ մօտ-
ընդունուած չէ , որ ծեր կանայք ծառայեն երիտա-
սարդներին : Նա գտնում էր որ թէեւ շատ յարգելի եւ
բանաւոր է այդ սովորութիւնը , բայց պարտաւոր է ի-
րը գործադրելու , որ վարձակալութեան պայմանը այդ-
պէս է ու ես էլ դրամ եմ վճարում այդ բոլորին համար :
Եւ այդ մեծ մասամբ դէմքի ու ձեռքի շարժումներով

զրոյցները օգնում էին ինձ քիչ - քիչ գերմաներէն հասկանալ :

Արէլեանին յաճախ այցելում էր իր մօտ ընկեր Լեւոն Էֆթեանը, Չլ տարեկան մի կենսուրախ ուսանող, որ ապրում էր քրոջ ու փեսայի հետ : Մի քանի օրուայ մէջ նրանք մտերմացան ինձ հետ : Բայց երկուսն էլ անտեղեակ էին խնդրին եւ կարծում էին, թէ եկել եմ ուսանելու : Սրտարայ եւ նուիրուած ընկերներ էին : Նրանք դժգոհ էին, սր շատ քիչ ժամանակ եմ տրամադրում գերմաներէն սորվելու . նրանց համար այդ մի անհանդուրժելի բան էր, հայ ուսանողի համար անպատուարեր եւ օր չէր անցնում, որ չարծարժէին այդ հարցը :

— Այդ ձեւով դու չես կարող համալսարանի երես տեսնել, բարեկամ, ասում էր Արէլեանը :

— Միայն սիրոյ միջոցով կարելի է լեզու սովորել . անհրաժեշտ է մի սիրուն ուսուցչուհի դառնել սրա համար . կատակում էր Էֆթեանը :

Ու մի երեկոյ, յանկարծ նրա հետ ինձ այցի եկաւ մի շատ սիրուն աղջիկ, որ պարապում էր լեզուի դասերով :

— Ամօթով չձգես ինձ, ասաց նա հայերէն՝ ներկայացնելով ինձ օրիորդին . ասել եմ, որ դու ես խընդրել գալու, որովհետեւ հիւանդ ես, եւ այլն :

Անակնկալի մատնուած՝ ստիպուած եղայ հաստատել այդ, թէեւ ոչ մի բաղձանք ունէի աւելի ընդարձակելու շրջանակս : Թարմ, գեղեցիկ, մանաւանդ պարզ ու բնական օրիորդ Լեոլա Բայլընդոնը՝ իր մանկութիւնը անցրել էր Մերձ - Բալտեան շրջանում եւ գիտէր ռուսերէն : Բայց ես գերմաներէն չէի հասկանում, իսկ Էֆթեանը՝ ռուսերէն, որով անհնար եղաւ ընդհանուր զրոյցը : Այս պայմաններում նախաձեռնութիւնը անցաւ Էֆթեանին . նա երկար խօսում էր

լիմ մասին օրիորդին . վերջինը լսում էր ու մտերմօրէն
ժպտում : Վերջապէս ստեղծուեց այնպէսի մի կացու-
թիւն , որ մեծ անքաղաքավարութիւն պիտի լինէր մեր-
ժելը . Էֆթեանը ինձ դրեց կատարուած իրողութեան
առաջ եւ ես պայմանաւորուեցի շաբաթական երկու
ժամ լեզուի դասերին յատկացնել օրիորդի մօտ : Առա-
ջին դասերս այնքան յաջող էին , որ յոյս ունէի կարճ
ժամանակում այդ դժուարութիւնը յաղթահարել :

Կազանդի դիշերը հրաւիրուած էի Էֆթեանի քրոջ
մօտ , որ ամուսնու՝ պարոն Թէրզիպաշեանի հետ Օրա-
նիէն փողոցում ունէին ծխավաճառի մի համեստ դօրծ :
Նրանց մօտ ծանօթացայ տարադիր հայրենակիցներից
Գէորդ Գալուստեանի հետ , որ նոյն վայրում ունէր
նպարավաճառի ճաշակաւոր մի խանութ : Մնում էի
զարմացած , թէ ի՞նչպէս այդ հայրենակիցները , կորց-
նելով ամէն բան ու ճողոպրելով մահից , հինգ տար-
ուայ մէջ նորից կարողացել էին դիրք եւ բարեկեցիկ
վիճակ ստեղծել : Աւելի զարմանալին այն էր , որ կեան-
քի դժուարութիւնները չէին ճզմել նրանց մէջ մտաւոր
բարոյականի պահանջը . ամերիկեան կոլէջի նախկին
ուսանող Գալուստեանը համալսարանականի չափ բան
դիտէր , բոլորն էլ տիրում էին գերմաներէնի , մայրե-
նի լեզուի պէս :

Դեռ երիտասարդ տէր եւ տիկին Թէրզիպաշեաննե-
րը ոչինչ չէին խնայել կատարեալ դարձնելու կազան-
դը : Մակայն բաւական էր օրուան կապակցութեամբ
վերջիչել անցեալը , որպէսզի ուրախութեան սեղանը
զգացուէր ծածկուած սեւ քողով : Ո՛չ , մեր սերունդը
նման առիթներով այլեւս չէր կարող սրտանց ուրախա-
նալ . . .

Յաջորդ իրիկունը նոր էի տուն դարձել Ուհլանտի
հսկումից , երբ ներս մտան Էֆթեանն ու Արէլեանը :
Դէմքերից անմիջապէս հասկացայ , որ նոր դաւադրու-

թիւն էին նիւթել իմ դէմ : Էֆթեանի դէմքին զծաղըր-
ւած էր նուրբ եւ չարածճի մի ժպիտ , իսկ Արէլեանը
դննում էր ինձ հետախուզող հայեացքով :

— Վազուանից դու պէտք է մեղ հետ յաճախես
պարի դասերի , ասաց Էֆթեանը ձեռքերը դռնունակու-
թեամբ իրար շփելով :

— Ի՞նչ պարի դաս :

— Եւրոպական . եւ Արէլեանին դրկելով մի պտոյտ
դործեց նրա հետ . ա՛յ , այսպէ՛ս . . .

— Խե՞նթ էք , ի՞նչ էք . ի՞նչ պարելու ժամանակ է :

— Ճիշդ ժամանակը հիմա է . դարնանամուտ , պար
եւ սիրահարութիւն :

Ու դիմացս նստու անդորձ մարդու անտարբերու-
թեամբ :

— Է՛ , ի՞նչպէս պիտի լինի այդ , ասացի ընդատա-
ջելով արամաղբութիւններին :

— Ամենից առաջ պէտք է վրադ դուրսդ մի քիչ
կարդի դնես . . .

— Թող , եղբա՛յր , տղան նախ անհրաժեշտութիւնը
հասկանայ , միջամտեց Արէլեանը , կարեւոր դործի
ընոյթ տալով իր խօսքին . խնդիրը այն է , որ միայն
դաս տանելով դու չես կարող դերմաներէն ստխրել ,
մինչեւ հիմա ստխրածդ «վաս իս տաս»ից այն կողմը
չի անցել . . .

— Կ՛ուզէիք , որ երկու դասով դերմաներէն ճա՞ն
տանմ :

— Ամսից աւելի է այստեղ ես , գոչեց Էֆթեանը՝
անցնելով յարձակողականի :

— Անհրաժեշտ է դերմանական միջավայրի հետ
չիման մէջ մտնել , կենդանի խօսք լսել , որ ականջդ
վարժուի , վրայ բերեց Արէլեանը :

— Ականջը խուլ է , միայն սրտի միջոցով կարող է
ստխրել :

— Այդ իր գործն է, թող բոլոր գրայարանքները գործի դնէ, միայն թէ սովորի:

— Ես պարող չեմ...

— Ի՞նչպէս թէ պարող չես, երբ արդէն արձանագրել ենք եւ այս ծանր պայմաններում դրամն էլ վճարել...

Յաջորդ օրը, իրիկուան դէմ «Գրիւնէվայլտ» գրասովայրին յարակից փողոցներից մէկում, ինչ որ պարի պրոֆեսոր Ֆրիտրիխի դպրոցի մեծ սրահում խմբուած էին 60 — 70 երիտասարդներ: Տղաները նման էին պահակազօրի ձիերի՝ առոյգ, կայտառ, կարմրաթուշ, ինքնավստահ դէմքերով: Աղջիկները գմայլելի էին՝ ալեծածան սարքուած կամ հիւսքով վար կախուած փարթամ վարսերով: Խմբուած՝ բոլորն էլ գեղեցիկ էին, բայց ամէն մէկը առանձին, ի հարկէ՝ պակասութիւն ունէր:

Ուշացել էինք. ընկերներս ժամանակ չունեցան ինձ ներկայացնելու պարոն Ֆրիտրիխին, գոհ էի, արդէն տաղտուկը պարուրել էր հոգիս:

Բայց կուրծքը օսլայած շապիկով, Ֆրակով պարոն Ֆրիտրիխը, ճաղատ դուրսը շափից դուրս յետ նետած, օդի մէջ ինչ որ բաներ գոչեց եւ օձիքից դուրս քաշելով մետաքսէ թաշկինակը՝ սրբեց քրտնած ճակատը: Ընկերներս նետուեցին դէպի աղջիկները եւ մէկ մէկ հատ գրկելով՝ անցան շարքերի մէջ: Յանկարծ պարոն Ֆրիտրիխը սադի նման մի զիլ ձայն հանեց. դաշնամուրը դղրդաց. պարողները արձանացած՝ սկսեցին պտուտքիլ...

Ու մտածում էի, թէ ի՞նչ լաւ կը լինէր, եթէ յանկարծ հրաման լինէր մի «գէոնտ» պարելու, օրինակ, թէկուզ «սլտտր ծեծեմ»ը, եւ կամ մեր սքանչելի «դատարանիս դաշտում»ը, որ այն երազ օրերին վարում էր Իրինցանց Չոռոն, կարմիր թաշկինակը ճօճելով,

չուրջպարի գլուխն անցած : Յիշում եմ , թէ ի՛նչպէս ,
հակառակ անցած տարիքին , ցատկնտում էր նա կապի-
կի ճկունութեամբ՝ դաշտից կալ քաշելով , կալից սար
հանելով շուրջպարի մէջ եղած հարսներին եւ աղջիկ-
ներին , որոնց վզկալները պարի մէջ խուլ մրմնջում էին
ծննդանների պէս : Ինձ պատկերանում էին թոհուրոհի
մէջ շարքից վար ընկնող ու լալով նորից շարքն անցնող
փոքրերը , հարսների զուսպ ծիծաղը , աղջիկների հրա-
վառ աչքերը : Ու կարծես լսում էի Զոռոյի այժենման
մկրկոցը . «Դատարանիս դաշտում դատը վերջացաւ ,
մեր հայ մանկանց սրտերը յոյսով լեցուեցան» , որին
անմիջապէս յաջորդում էր բազմազան ձայների ներ-
դաշնակ աղաղակը .— ա՛խ այդ աղաղակը , որ մինչեւ
հիմա ականջիս մէջ է .— Կռուեցէք , հայ տղերք , վառ-
ուած սրտերով , ֆամբորդել սկսել եմք քաջ ընկերնե-
րով» : Տէ՛ր Աստուած , ո՞րքան հմայիչ էր այդ ամէնը
իր միամիտ պարզութեամբ . . .

Պարոն Ֆրիտրիխը չոր կոկորդով սաղի նման հեծ-
կըլտաց . դաշնամուրը եղանակը փոխեց . գիտեմ , «պու-
կա» է . զոյգերը համեստօրէն ոստոստում են աջ ու
ձախ դառնալով : Դահլիճի մէջտեղը կանգնած յոգնա-
տանջ պարոն Ֆրիտրիխը դեկավարում է նրանց կրկէ-
սում ձիեր կրթողի պէս՝ յետ ու առաջ ընկնելով . նա
մերթ ընդ մերթ դազազած վազում է դէպի թերացող-
ները . դաժան է : Պարողների դէմքերին դրոշմուած է
ակնածանք եւ հանդիսաւոր լրջութիւն , նրանք չեն խօ-
սում . ամէն մարդ լաւ ցուցադրութեամբ շահագրգռո-
ւած է ու կլանուած իր պարով : Միայն չեմ հասկա-
նում , թէ ինչո՛ւ բոլորն էլ չեն պարում : Մանչերի , աղ-
ջիկների մի խումբ դոհանում է կանգնած տեղը գլխի
շարժումներով եւ մտովի պարելով . ըստ երևոյթին
սրանք պատկանում են «վարի դասարան»ին : Եւ իրօք ,
հէնց որ պարը վերջացաւ , յայտնուեցին ընկերներս եւ



ԹԱԼԷԱԹ և Գեորգանիոյ արտաքին գործոց նախարար տոքթ. ՐԻՇԱՐՏ ՖՈՆ ԳԻԻՎՄԱՆ 1915ին

Թուրքիոյ հորհրդարանի նախագահ ԽԱԼԻԿ, պէյ Պերվինի մէջ



Թուրքիոյ պատերազմական նախարար ԷՆՎԵՐ փաշա

ինձ ծանօթացրին մի աղջկայ հետ, որ դստացաւ զլիսինս
նազելի շարժումով եւ ապա մազերի թանձր հիւսքը
ձախ ուսից նետեց աջին: Պարոն Ծրխարիխի գործնա-
կան բացատրութիւններով մենք սկսեցինք մանկապար-
տէզային շարժումներ կատարել: Բայց հաղիւ էի մի
քանի այդպիսի պտոյտներ գործել, երբ յանկարծ աշ-
քերս մթնեցին, զլուխս դարձաւ. վար չընկնելու հա-
մար ամբապէս փարեցի ընկերուհուն իրանին, բայց
չեղաւ, լսեցի, որ ճշաց...

Այս հին հիւանդութեան կրկնութիւնը ինձ մտա-
հոգեց: Բարեբախտաբար հետեւանքները այնպէս ծա-
նրը չէին, ինչպէս Երեւանում եւ յաջորդ օրը արդէն ի
վիճակի էի դնալ լեզուի դասին: Սակայն դասը սկսե-
լուն պէս զղջացի, որ եկել եմ. ոչինչ չէի հասկանում:
Ուշադիր օր. Բայլընդոնը անմիջապէս նկատեց:

— Ի՞նչ է պատահել ձեզ:

— Մի քիչ տկար եմ:

— Ոչ, ես վաղուց եմ նկատել, որ դուք մի բանով
միշտ դրադուած էք:

— Այո, օրիորդ, ասացի ես՝ ճշմարտութեան պա-
հանջի մղումով:

— Ձե՞ք կարող ասել ինձ, թէ ինչ է այդ:

— Ո՛չ...

Նա թեթեւապէս ցնցեց զլուխը, անտեղի մտքեր
վանկելու ձեւով:

— Այդ դէպքում պատմեցէք ինձ ձեր հայրենիքի
մասին:

— Ես հայրենիք չունիմ, օրիորդ, ասացի խնդրե-
լով ինձ արձակել...

Երկու օր յետոյ ի վիճակի էի հերթապահութիւնս
վերսկսելու Ուհրանտում: Կէսօր էր, երբ յանկարծ
այդտեղ նկատեցի ընկերոջս, որ դիմացի մայթով իջ-
նում էր դէպի վար երկու մարդու յետեւից: Գրանցից

մէկին անմիջապէս ճանաչեցի, Բէհաէտտին Շաքիրն էր : Սիրտս ուժգնօրէն բարախում էր . միւսը ո՞վ էր . . .

— Դուկտոր Նազըմն է , շնչաց ընկերս , երբ հասայ նրան :

— Ո՞րտեղից ես բերում :

— Ազմիի խանութից :

Անոնք մտան թիւ 47 բնակարանը : Հասանք վարի անկիւնին : Քառորդ ժամ շանցած մայթի վրայ յայտնուեց Բէհաէտտին Շաքիրը եւ ուղղուեց դէպի վեր :

— Հետամուտ եղիր , ես կը սպասեմ Նազըմին , սասաց ընկերս :

Շաքիրը գնում էր շատ արագ , իսկ ես դեռ թոյլ էի եւ այդ պահին յողնած : Թաղամասի կենտրոնական շրջանում , ուր Տաուեցիհն Շտրասէ , Կանա Շտրասէ եւ Կիւրֆիւրստէնտամ լայն պողոտաները կազմում են Շար լուսներուրդի անցուղարձի մեծագոյն երակները , ես քիչ մնաց նրան կորցնէի , բայց վրայ հասայ : Ուժասպաս էի , երբ Վիլհելմ շտրասէի մէջ նա կանգ առաւ մի հոյակապ շէնքի առաջ , որի ճակատին պարզուած դրօշակը մատնում էր անդլիական դեսպանատունը : Անցուղարձով դեռուն այդ շրջանում նրան սպասելը ոչ մի անպատեհութիւն չէր ներկայացնում : Բայց յողնութիւնից դլուխս ցաւում էր : Մտածում էի , թէ ի՞նչ դաւեր է նիւթում արդեօք այնտեղ Շաքիրը եւ այստեղից ո՞ւր կարող է գնալ . . . Յանկարծ նա դուրս ելաւ . դողի պէս չորս կողմը նայեց ու գնաց : Անիծապարտը շատ արագ էր քայլում , զարտուղի փողոցներով , կրակի պէս . կարծես գիտէր , որ հետապնդում է . բայց այդ դէպքում ինչո՞ւ ինքնաշարժ չէ առնում : Մտաւ Երուսալէմեր երկարաձիգ փողոցը ու դիւահարի պէս քայլեց : Հասել էի դրեթէ փողոցի ծայրին , երբ յանկարծ աչքերիս իջաւ խաժամուժ , յենուեցի պատին , շէնքերը կարծես ցատկոտեցին , մթնեցին , ես ընկայ . . .

Ո՞րքան ժամանակ էր անցել, չգիտեմ : Ինձ չըջա-
պատել էր ամբոխը : Մի մարդ հարցնում էր հասցէս . . .

Այս անգամ ինձ համակեց յուսահատութիւն : Վա-
զան առաջնորդեց ինձ ջղախին հիւանդութիւնների մաս-
նագէտ պրոֆեսոր Կասիրէրի մօտ . . .

Անցաւ մի շաբաթ : Քիչ շատ կազդուրուելով՝ խըն-
դիր արի մաքրելու արդէն յայտնագործուած ոճրա-
գործների՝ Ազմիի, Շաքիրի, Նազըմի հաշիւը : Տարի-
ներ շարունակ երազելով գլխաւոր ոճրագործի մասին,
այժմ զգում էի, որ այլեւս ուժ չունիմ երկարելու : Եւ-
սիւրջապէս, ի՞նչ տարբերութիւն կար նրանց եւ Թալէա-
թի միջեւ : Ընկերս, սակայն, հակառակ էր : Այդ առ-
թիւ խորհրդակցութիւն ունեցանք, ուր որոշուեց հար-
ցի լուծումը թողնել համապատասխան մարմնին, իսկ
մինչ այդ շարունակել հետախուզութիւնը . . .

* * *

Փետրուարի երկրորդ կէսին մի օր Հրափը յայտ-
նեց, որ սպասուում է իթթիհատական առաջնորդների
համագումար : Այժմ բոլորս էլ լարուած աշխատում
էինք այդ լուրը ստուգել, որովհետեւ այդ դէպքում
ատարակոյս չկար, որ Թալէաթը կը յայտնուէր Բերլի-
նում կամ Հոտմում : Երկու օր անցած, Հրափի տեղե-
կութիւնը ստուգուեց. «Լաւարօ Ֆաշիստա»ն քրոնիկո-
նի մէջ տալիս էր նոյն լուրը : Ընկերս նոյն օրը ձեռք
բերեց իտալական վիզա, ի պահանջել հարկին Հոտմ
մեկնելու համար :

Մնացածներս, վաղ առաւօտից աշալուրջ հսկողու-
թեան տակ առինք Շարլոդէնրուրգից մեկնող բոլոր
գնացքները : Ենթադրուում էր, որ այդ Թաղամասի կա-
յարանից կը մեկնէին Բերլինի պատգամաւորները, ո-
րովհետեւ իթթիհատականների հաւաքատեղիները

դանում էին Շարլոնդէնուրդում : Ընկերս պատրաստ էր ամէն վայրկեան մեկնելու , ենթադրում էր Թալէաթին զանել Հոռմում ու հեռազրել ինձ : Ես արդէն հեռախօսել էի օր . Բայլընզոնին , որ հիւանդութեան պատճառով մի ժամանակ պէտք է ընդհատեմ դասերս : Լարել էինք մեր բոլոր ուժերը . զնացք չէինք բաց թողնում , անգամ մարդատար - ապրանքատարները :

Ամսուայ վերջերին մի երեկոյ , ձեպընթացի մեկնումից քիչ առաջ , կայարանի մայթի վրայ յայտնուեց մտայլ դէմքով թուրքը , որ կարծում էինք , թէ ապրում է Ուհլանտում իրրեւ ժամադրավայրի հսկիչ կամ վերակացու եւ անուանում էինք «Մոայլադէմ» : Հինդ բոպէ վերջը կայարանում յայտնուեցին երեք թուրք ուսանողներ : Յազօրի եւ Հայկոյի այդտեղ մնալը դժուարացաւ : Գրեթէ միաժամանակ , ճամբորդական շքեղ պայուսակներով յայտնուեցին Բէհաէտտին Շաքիրը եւ ցանցառ մօրուքով , սերկելիլի պէս զեղնած ու ծալծլուած դէմքով մի ուրիշը , որին առաջին անգամն էի տեսնում . նրանք հրաժեշտի ձեւով շարժեցին ձեռքերը դէպի ուսանողները ու մտան վազոն : Ձեպընթացի մեկնումին հաղիւ հինդ բոպէ մնացած կայարանի մայթում յայտնուեց յաղթանդամ , կլոր , փքուն դէմքով , լաւ հագնուած , ձեռնափայտով մի նոր մարդ : Ողնաչարս ցնցուեց . շա՛տ նման էր Թալէաթին , պակասում էին միայն թաւ պեխերը եւ Փէսը : Գլուխը ծածկած էր կիսացիլինար : Նա արագ մօտեցաւ մայթի վրայ կանգնածներին : Վերջինները իրար անցան ու պատուի կեցող զինուորների պէս շտկուեցին : Կարծես մէկը ինձ մղեց դէպի նրանց : Առջեւ կանգնած ուսանողներից մէկը աջն առաւ , համբուրեց եւ ասաց .

— Արդէն ներսն են , փաշաս . . .

«Նոր մարդը» անմիջապէս դարձաւ դէպի վազոնը ու ձեռնափայտով կիսաբաց պատուհանը ծեծեց : Ո՞վ

յայտնուեց աշխատեղ . չզխակեմ , բայց յետեւից լսեցի մի
թնդիւն եւ հիւթեղ ձայն .

— Էրմէնիսէսիսի ունուքմիէսըն . . .

Յուզումը բռնեց ինձ : Քիչ վարը անցայ , սպասման
որահի գրան մօտ կանգնած մարդկանց թիկունքը :
Յանկարծ յետեւից յայտնուեց ընկերս :

— Տեսա՞ր , կարծեմ նա է , հիմա կը մեկնի , հե-
ռազիրս ստանալուդ պէս հասիր . . .

Ու նետուեց ճեղքնթացը : Ակնթարթի մէջ գնացքը
մեկնեց . . . Ու «նոր մարդը» , ուսանողները եւ «մոայ-
լաղէմը» մնացին : Այնքան արագ կատարուեց այդ բո-
լորը , որ գծուարութեամբ էի հաշիւ տալիս ինձ : «Նոր
մարդը» ինչ որ բան տասց պատկառանքով իր դէմ
կանգնածներին , ու բոլորը շարժուեցին դէպի դուռը՝
տոռաջ թողնելով նրան . . .

Ընկերոջս յանկարծական մեկնումը ինձ շատ մեծ
չփոթութիւն պատճառեց : Գլուխս չէր գործում , բայց
բնազգս ասում էր , թէ «նոր մարդը» նա էր՝ Թալէա-
թը . . .

Կրնկակոխ հետեւում էի նրան : Աստիճանների
տակ անկիւնից յայտնուեցին Յազօրը եւ Հայկոն :

— Ո՞վ է . . .

— Կարծում եմ Ուա է :

— Գլխաւո՞րր :

— Այո՛ :

— Նման չէր . . .

— Փաշառ անուանեցին նրան :

— Տարագրութեան մէջ ամէն շուն հիմա փաշա-
ռ է . . .

Հաղիւ քսան քայլ էր բաժանում ինձ իմրից : Նրանք
գնում էին մէկ քայլ յետ մնալով «նոր մարդուց» , մէկն
ու մէկը հաւասարում էր նրան , երբ նա խօսում էր .
այդ պատիւը յաճախ վիճակում էր «մոայլաղէմ»ին :

Ջրկիրի պէս հաստ ուսերը եւ քառակուսի թիկունքը կասկած չէին թողնում, որ նա է, բայց դէմքը... այնքան էլ լաւ չէի յիշում նկարը...

Յանկարծ ինձ գտայ ծանօթ շրջանում. դնում էինք դէպի «Թիրկարտէն» հիւրանոցը: Կենդանաբանական այգու մօտ նրանք կանգ առին: Երեք ուսանողները մինչեւ ոտքերը քէմաննահ անելով՝ թրքական ակնածոտ բարեւով հրաժեշտ տուին նրանց: «Նոր մարդն» ու «մռայլադէմը», զանազան փողոցներից յամրաքայլ անցնելով, իջան Հարտենրեի փողոցը եւ թիւ 4 բնակարանից ներս մտան...

Թիկունքից, միւս մայթից յայտնուեցին Յաղօրը եւ Հայկոն: Մօտ մէկ ժամ հսկողութեան տակ պահեցինք այդ շէնքը՝ սպասելով «մռայլադէմին», բայց նա երեւան չելաւ...

Երզնկայի նահանջից ի վեր հողեկան այնպիսի մի խումբ չէի ապրել, ինչպէս այդ դիշեր: Ես դրեթէ համոզուած էի, որ «նոր մարդը» թալէաթն է, բայց ընկերներս ջլատում էին իմ այդ ներքին թելադրութիւնը՝ ստեղծելով կասկածներ: Մասամբ էլ իրաւունք ունէին նրանք: Հարիւրին հարիւր չէի կարող պնդել:

... Բերլինը քնած էր. դրսի լռութիւնը երբեմն խանգարում էր սուրացող պատահական ինքնաշարժի աղմուկից: Մոնալ ցուրտը թափանցում էր ներսս ու ողնաշարս ցնցում: Անկողին մտայ: «Եթէ նա է ու յանկարծ փախցնենք», մտածում եմ՝ ինձ համակած թրմութիւնը վանելով: Բայց ո՞ւր կարող էր փախչել «թէկուզ որեւէ այլ քաղաք»: Ինչո՞ւ եւ ի՞նչ առիթով. եթէ նա չմեկնեց Հոոմ, նշանակում է իր ներկայութիւնը աւելի կարեւոր է այստեղ եւ եթէ հրահանգեց, թէ «հայկականը չմոռնաք», ուրեմն դորձ է վարում ու ու պէտք է մի որոշ տեղ լինի իրրեւ ղեկավար առաջնորդ: Գործակիցները չեն կարող նրա յետեւից տեղից

տեղ քաշքշուեի: «Այո՛, բայց չէ՞ որ կարող է բնակարանը փոխել»: Կարող է, եթէ կասկածի. առիթ տրւի՞նք արդեօք. կարծեմ ոչ. զարմանալի է միայն, որ «մոայլադէմն» էլ մնաց այնտեղ... Մտածո՞ւմ եմ արդեօք, թէ զառանցում: Ու իբր թէ, Արաուլ եմ նըստած լերան խոռոչում, բոցավառ խարոյկի շուրջ ընկերներով միասին: Կրակի ցոլքերը խաղում են նրանց դէմքերին՝ փոփոխելով դոյները: Ու Գէորգը պատմում է Խանասորի արշաւանքի մասին. —

— «Արանից հազա՛ր հինգ հարի՛ւր տարի առաջ այս լերան փէշերով անցան Վարդան զօրավարի ձիաւորները ու դաշտի մէջ բանակ դրին գետի ափին, ուր եւ սկսուեց Խանասորի արշաւանքը», ասում է նա ձեռքերը երկարած կրակին.

— «Ահա՛, տեսնո՞ւմ էք, Տէր Գրիգորը անցուդարձ է անում զօրքերի մէջ. լսո՞ւմ էք, պատարագ է», ասում է հայեացքը սեւեռելով դէպի դաշտ...

Այնտեղ, դաշտի մէջ փափսուք կայ. լսում են ձայներ. երբեմն մի ճիշ երկարում է մարելով: Մաղերրս փշերի պէս վեր - վեր են տնկում, ատամներս կոփկափում. լեզուս չորանում ու ծանրանում է:

— «Վե՛ր կացէք, Տէր Գրիգորը գալիս է», ասում է Գէորգը՝ կանգնելով ու ձգուելով: Բայց յանկարծ իմ առջեւ ցցում է Մուրատը:

— Վա՛յ, պարոն Մուրատ, դո՛ւ ես, այդ ո՞րակնդից, չէ՞ որ դու մեռած էիր», ասում եմ ես:

— «Ի՞նչ մեռած, տնաչէն, քնած էի»:

Նրա կողքին, թիկունքին յայտնում են ուրիշներ.

— «Եւ Աւետի՞սը, չէ՞ որ նա էլ»...

— «Աւետիսն էլ»:

— «Եւ Առաքե՞լը»...

— «Նա՛ էլ, նա՛ էլ, չե՞ս տեսնում, արար աշխարհ այստեղ է»...

Աշխարհը պարուրել է մութ ու խորունկ մի ան-
դորբանք, որ իջնում է դանդաղ ձորերի մէջ, դաշտե-
րում, մտածումի պէս յղի, խորախորհուրդ շարժելով :
Ու ես այլեւս ոչի՛նչ, ոչի՛նչ չեմ տեսնում :

— «Նայի՛ր այս կողմը», լսում եմ Մուրատի ձայ-
նը :

Ու նայում եմ լեռն ի վար, մինչեւ հովիտների հե-
ռաւոր տափաստանները, ուր խաւարի մէջ հաղիւ նըշ-
մարում եմ հաղա՛ր - հաղա՛ր մոխրաթաւալ գորասիւ-
ներ, ամպի նման ալիք - ալիք շարժուող անթիւ նիզա-
կակիր ձիւղերներ . . .

Այն ժամանակ՝ Մուրատը դռչում է. — «Ելէ՛ք ձի-
երը թամբեցէ՛ք, չէ՞ք տեսնում, որ լուսացաւ» : Ո՛չ,
մենք չենք տեսնում, որ լուսացաւ :

— «Լուսացա՛ւ, լուսացա՛ւ», ասում է Մուրատը,
ու դառնալով Աւետիսին՝ դռչում է .

— Ձիերը թամբեցէ՛ք, շեփորները հնչեցրէ՛ք, որ
հաղա՛ր հինգ հարիւր մղոնի վրայ բոլոր դիւղերի, քա-
ղաքների, հանդերի, դաշտերի, ձորերի բնակչութիւ-
նը՝ այր, կին, երեխայ՝ մինչեւ հաղա՛ր հինգ հարիւր
տարիք ունեցողները վեր կենան, առնեն բահ, բրիչ,
գերանդի, ով ինչ կարող է, ու միանան բանակին» . . .

Յանկարծ գղրղում են լեռ ու ձոր. ամէն տեղ կար-
ծես վիշապներ կան, որոնք գոռում են ու լսում : Աղ-
ջամուղջի մէջ շարժում են մարմարէ լեռնակուլաակ
զանդուածները : Կմախքացած ժողովուրդն է, որ թա-
ւալղլոր գետերի պէս հոսում է . նրանց սակորները
չոխնդ - չոխնդ հնչում են : Սակրով, մուրճով, գերան-
դիով, բահերով գինուած՝ մրրիկի պէս վազում են :
Հեռուներում բազմութիւններ, մինչեւ մէջքը հողերի
մէջ, շիրիմները շալակած՝ բութ ակնարկով նայում
են, ապա յանկարծ, հուր ժայթքելով փոս բիրերից՝
դուրս են ցատկում գերեզմանից ու վազվզում : Պա-

առանքները հովին տուած, շղթայ - շղթայ ծաւալ-
ւում են, ճարճատելով սլանում: Բազմահազար կմախք-
ների խաժամուժը արդէն քերում է Արաուլի փէշերը:
Չիւնափայլ ոսկորները ալիք - ալիք երերում են ու
խուռներամ մաղլցում: Ատելութեան եւ անէծքի դոռ
ու գոչ բռնել է երկինքը. — «Յառա՛ջ», գոչում է Մու-
րատը ու նեւում սպիտակ ձիու մէջքին: Եւ այրուձին
արշաւում է: Սմբակների կայծակնահար դոփիւններից
լեռը թնդում է, փայլակի պէս շանթահարող մերկ
թրերը շառաչում: Երկրասասան դղրդիւնով այժմ
խլրտում է լեռը: Բայց թո՛հ ու բո՛հը մնում է վար. թրե-
րը վեր դէպի երկինք, լեռներից փախած եւակտուց ան-
գրդներից էլ վեր...

Յանկարծ եւ մնում եմ առանց ձիու, միայն սան-
ձով ու թամբով ու թէեւ սահում եմ ամպերի մէջ,
բայց աւելի ու աւելի դէպի վար: Ստորեւ արդէն նըշ-
մարում եմ մոխրագոյն լեռների ծաւալուն շարքեր:
Գիտեմ եւ այդ լեռները, էօմերզատէի կիրճերն են:
Չգուշութեամբ վար եմ իջնում ու նստում: Այստեղ
եքելի ապրել են բուերի հազար սերունդներ, ու մէկ
հատ միայն կմախք կայ, որի հոգին անդունդն ի
վեր մաղլցող կարիճի պէս՝ կամաց - կամաց երերում է:

— «Դու ո՞վ ես»:

— «Չե՞ս յիշում», ասում է նա՝ գետինը շանչերով
դարմանալի արագութեամբ փորելով...

Ո՛չ, եւ նրան չեմ յիշում:

«Ողմեցի Սիմոնն եմ», ասում է նա ու ինքնիրեն
ծածկում փոսի եզրերին կուտակուած հողերով: Ակրն-
թարթի մէջ դուրս է մնում միայն նրա գանկը, որ բի-
քերի մթազնած խոռոչներից անթարթ նայում է ինձ
ու սեղմուած ատամների ծայրով անձայն ծիծաղում:
Չարհուրանքը համակում է ինձ:

— «Պարոն Սիմոն», ճշում եմ ես ու սեփական
ձայնից արթնանում...

* * *

Լուսացել էր: Պայմանաւորուել էինք, որ Հայկոն
հսկողութեան տակ պահի Չեմալ - Ազմիի խանութը,
Յազորը Ուհլանտի ժամադրաւայրը, իսկ ես Հար-
դենրերդ թիւ 4 բնակարանը: Բայց դեռ չուտ էր: Վա-
զան տունն էր, աճապարում էր ճիշդ ժամին հասնել
պաշտօնատեղի: Մի քանի բառով պարզեցի նրան երէկ-
ուայ մեր հանդիպումը՝ խնդրելով երեկոյեան դալ Յա-
զորի մօտ խորհրդակցութեան:

Այդտեղից հասայ «Թիրկարտէն» հիւրանոցը: Մը-
տածում էի, որ եթէ ընկերս թողած լինի սենեակի
բանալին, պիտի ջարդեմ դուռը ու վերցնեմ նկարների
ծրարը. ինձ անհրաժեշտ էր Թալէաթի նկարը, ես վըս-
տահ էի, որ եթէ քերեմ պեխերը՝ թողնելով չթի տակ
մի - մի փոքրիկ շերտ ու Ֆէսի փոխարէն մեկանով նը-
կարեմ եւրոպական գլխարկ, պիտի ունենամ երէկուայ
«նոր մարդու» պատկերը:

Դուռը փակ էր. միջանցքով անցնում էր ծանօթ
զարսոններից մէկը. ինձ տեսնելով՝ ձեռքի անձեռոցի-
կը օձապտոյտ շարժումով նետեց թելին:

— Պարոնը մեկնել է:

— Ո՞ւր:

— Հայպցիւ:

— Ափսո՛ս, ճերմակեղէններս կ'ուզէի տանել:

— Բանալին իր մօտ է...

Հարտենրերդ փողոցի սկզբում, լայն պողոտայի
խաչաձեւման շրջանում, այդ պահին բաւական անցու-
ղարձ կար: Այդտեղ մի հարիւր քայլի վրայ, դիմաց
էր թիւ չորս բնակարանը, որ շարքի տներից տարբը-
ւում էր իր վիլլայաձեւ կառուցուածքով, փողոցին

նայող պատշգամով ու մայթը եզերող երկաթէ ձողերով ցանկապատուած երկարաւուն ծաղկանոցով: Քիչ անցած՝ այնտեղից դուրս ելաւ «մուսլաղէմը» մի զամբիւղ ձեռքին ու գնաց խանութների ուղղութեամբ: Ահա թէ ի՞նչ. ուրեմն այս խաւարած լուսինը ապրում է այստեղ եւ ոչ թէ ՈւՆՂանտում: Ժամը 10ին մայթի վրայ յայտնուեց «նոր մարդը»: Ինձ հետ պատահեց նոյն բանը, անկարող էի կանգնած մնալ. նա մագնիսի պէս քաշում էր ինձ դէպի իրեն: Մի պահ ուշադիր նայեց վեր - վար, կարծես ճշդելու, թէ որ ուղղութեամբ պիտի գնայ ու ձեռնափայտը անփութօրէն ճօճելով՝ հաստատուն քայլերով գնաց դէպի վար: Անցնելով հարեւան երկու փողոցները՝ հասաւ ՈւՆՂանտի թիւ 47 բնակարանին, հարեւանցի նայեց դէպի դիմացի մայթը, որով անցնում էի եւ ներս մտաւ: Զարմանալի էր, որ մինչեւ այդ նրան չէինք նկատել այստեղ...

Յազօրը նոր էր գալիս:

— Գիշերը չկարողացայ աչք փակել, ուշացայ ի՞նչ ես անում այստեղ:

— Եկաւ:

— Ո՞վ:

— Նա...

— Ե՞րբ:

— Հիմա: Հետեւիւր միայն նրան: Իրիկունը ժամը իննին քեզ մօտ պիտի գայ Վազան, խորհրդակցութիւն ունինք. յայտնիր այդ մասին Հայկոյին:

Վազեցի «Թիքկարտէն» հասկանալու, թէ արդեօք բնկերս չէ՞ր դարձել ժամը 9ի գնացքով: Զկար... Դարձայ Հարտենրերդ: Ժամը 11ին «նոր մարդը» տուն վերադարձաւ: Յազօրը չերեւաց. ՈւՆՂանտից դուրս գալը երեւի չէր տեսել...

— Այսօր ՈւՆՂանտում ներս ու դուրս անողների

հաշիւը չկար ու չգիտեմ ինչպէս վրիպեցի նրան, երեկոյեան ասաց Յաղօրը խիստ ճնշուած :

— Ովքե՞ր էին :

— Դոկտոր Նազըմից զատ բոլորն էլ նոր, անծանօթ մարդիկ էին :

— Նազըմը ե՞րբ մեկնեց :

— Քառորդ ժամ հազիւ մնաց ներսը :

— Երանի թէ հետամուտ լինէի նրան :

— Ի՞նչ իմանայի, թէ այսպէս պիտի լինէր...

Ներս մտան Վաղան ու Հայկոն: Պարզելով այն հիմքերը, որոնք հաստատում էին, թէ «նոր մարդը» Թալէաթն է, առաջարկեցի վերջ տալ խնդրին: Լուսթիւնը ընդհատեց Յաղօրը:

— Այդ հիմքերը դործի ձեռնարկելու համար թերի են. ճիշդ է, որ ձգձգելով կարող ենք փախցնել, բայց աւելի վատ կը լինի, եթէ սխալուենք:

— Ինչո՞ւ :

— Նախ՝ եթէ նա չէ, անհետ կը կորչի, ապա՝ եթէ մէկին տեղ միւսը սպանուի, կարծում եմ լաւ դործ կատարած չենք լինի:

— Ենթադրում ես, թէ այդ միւսը հօբեղբորդ տըղա՞ն է :

— Մի ջղայնանա, միջամտեց Վաղան, թող վերջացնի :

— Ասելիքս կարճ է. դործը լաւ ընթացքի մէջ է, պէտք է շարունակել ու լիակատար համոզում ձեռք բերելուն պէս՝ վերջացնել: Այդպիսի համոզում կարծեմ դեռ ոչ ոք ունի. ես դոնէ դեռ հնարաւորութիւն չունեցայ մի լաւ նայիլ դէմքին ու նկարի հետ համեմատել: Այս պայմաններում ես չեմ կարող պատասխանատուութիւն ստանձնել:

— Քո կարծի՞քը, դարձաւ Վաղան Հայկոյին :

— Նոյնը պիտի ասէի. մենք դեռ ժամանակ չու-

նեցանք պարզելու, թէ ո՞վքեր են ապրում Հարտենքերդի բնակարանում :

— Ի՞նչպէս պէտք է պարզենք :

— Թէկուզ կվարտում, չէ՞ Բերլինի բոլոր բնակիչները պարտաւոր են արձանագրուած լինել համապատասխան կվարտում :

— Միամտութիւն չէ՞ ենթադրել, որ Թալէաթը պէտք է արձանագրուած լինի սեփական անունով, ասացի ես :

— Կարող է պատահել, բայց դոնէ կը պարզուի, թէ ո՞վ է մուսլ ղէմքով այն թուրքը, որ ապրում է նրա հետ միեւնոյն բնակարանում, ինչպէս նաեւ այն, թէ ուրիշ ովքե՞ր կան այդ տան մէջ. չէ՞ որ այդ բոլորը կարող են ամբաստնել կամ թուլցնել մեր ենթադրութիւնը :

— Հայկոն թէեւ խառնուածքով բանաստեղծ է, բայց խօսում է դիտնականի պէս, ասաց վազան, լուրջ խնդիր է, մենք մարդասպաններ չենք. այդ տեսակէտով սխալմունքը կարող է ճակատադրական արժէք ստանալ : Ես կապեր չունիմ այդ շրջանի կվարտում, իսկ սատիկանութեան դիմելը վտանգաւոր է. ես այն կարծիքին եմ, որ Թալէաթը այստեղ վայելում է ոստիկանութեան հովանաւորութիւնը : Սակայն կարելի է խնդիրը պարզել տան տիրոջ դիմելով : Թոյլ տուէք ես վաղը այդ ուղղութեամբ մի փորձ կատարեմ : Դու դո՛ւ չե՞ս, դարձաւ նա ինձ :

— Միեւնոյնն է :

— Այդ չեղաւ. այո՛ կամ ո՛չ :

— Դէմ ոչինչ չունեմ, փորձիր :

— Ո՞ւմ է պատկանում այդ տունը :

— Ես ի՛նչ իմանամ . . .

Լլկուած ու ջարդուած էի. ծանր մի դիչեր անցրի : Առաւօտեան թեթեւ սոնածայնից արթնացայ : Առիթից

օգտուելով՝ տիկին Շտեյրաուսը կօշիկներս տանում էր մաքրելու: Բարի կինը կարծում էր, թէ հիւանդ եմ. համոզում էր ինձ տանը մնալ, որովհետեւ շատ վատ եղանակ էր: Եւ իրաւ ձիւնում էր, թեթեւ քամի կար: Հասայ «Թիրկարտէն»: Ընկերս չէր եկել...

Հարտենրերդ փողոցի վերի մասում այնքան քիչ անցուղարձ կար եւ այնպէս ցուրտ էր, որ ստիպուած էի շարժման մէջ լինել: Ժամից աւելի դեզերեցի այդ տեղ: Մտածում էի, որ այս եղանակին դժուար թէ դուրս գայ «նոր մարդը», երբ յանկարծ յայտնուեց նա, ուշադիր զննեց վար, վեր ու շարժուեց դէպի վար: Գնում էր արագ, վիզը թեք բռնած, դիմացից փշոյ ձիւնախառն քամուց պաշտպանուելով: Հասաւ Ուհլանտ եւ ներս մտաւ: Յազօր այստեղ էր, ճամբեցի Հարտենրերդ: Կէս ժամ տեւեց «նոր մարդու» այդ օրուայ այցելութիւնը. նորից զնայ դէպի տուն, ուր Յազօրը տեսել էր նրան՝ դիմացից անցնելով նոյն մայթը: Ինձ համար պարզուեց, որ այցերը կատարում էին ժամը 10 — 11ին:

Երեկոյեան Վազայի մօտ էի. քիչ առաջ Ջեմալ Աղմիի խանութի դէմի սրճարան - ճաշարանում Հայկոյից իմացայ, որ Վազան յաջողել է տեսնել Հարտենրերդի տան տիրոջ եւ արդիւնքը բացասական է. այնտեղ ապրում է մի թուրք առեւարական, որ պահում է արեւելեան սրճարան: Այժմ Վազան պատմում էր.

— Տանտէրը մի պառաւ օրիորդ է, Գերարուտագոյտ անունով՝ շատախօս, ցրուած, բայց հաճելի զրուցակից. ապրում է իր երկրորդ տան մէջ, նոյն շրջանում, Ֆազանէ փողոցում: Ներկայացայ իբրեւ զուիցերիական ապահովագրական ընկերութեան գործակալ, ինդրեցի ինձ վարձու տալ Հարտենրերդ թիւ 4 բնակարանը, որ իբր թէ, լսածիս համաձայն, շուտով պիտի պարպուի: Ասաց, թէ ինքը այդ մասին չգիտէ:

դործը փաստօրէն վարում է դռնապանը : Բայց հաճելի լինելու ցանկութեամբ դարակից դուրս քաշեց թղթերի մի տրցակ ու փնտռեց պայմանագիրը : Թիւրիմացութիւն է , առայ , ըստ պայմանագրի դեռ երեք ամիս ժամանակ ունին : Ներողութիւն խնդրելով ոտքի ելայ :

— «Նստեցէ՛ք , խնդրեմ» , առայ օրիորդը , «քանի՞ սենեակ է ձեզ պէտք» :

— Երկու – երեք սենեակ առայժմ կը բաւէ , մինչեւ այս շրջանում բնակարան գտնեմ :

— «Այդ դէպքում դուցէ դուք համաձայնութեան դաք վարձակալների հետ . տունը բաւական ընդարձակ է . մուտքից ներս մի փոքրիկ սրահ կայ , որի աջ կողմը բացում են երկու մեծ եւ մէկ փոքր սենեակներ : Չափ կողմը մի ուրիշ փոքրիկ սենեակ կայ , մնացեալ սենեակներից մէկը հիւրանոց է , միւսը ճաշասենեակ : Ես առարկութիւն չունեմ , եթէ առաջամասին սրահը երկու սենեակներով տրամադրեն ձեզ : Կարծում եմ հաճոյքով պիտի զիջեն . իրենց տրամադրութեան տակ ունին ինը սենեակներից բաղկացած մի ամբողջ յարկարաժին եւ որքան յայտնի է ինձ , շատ քիչ կարասի : Ապրում են այնտեղ ընդամէնը երեք մարդ . այդպիսի շքեղութիւն այժմ մեր նախարարներն անդամ չեն կարող թոյլ տալ իրենց» :

— Առիթից օգտուեցի , երբ օրիորդը երկար շունչ առաւ ասելու , պատմում էր Վաղան , — այո՛ , օրիորդ , չնորհակալ եմ , բայց շատ դժուար է ամէն տեղ վարձակալ լինել . ո՞վ գիտէ ինչ մարդիկ են :

— «Ո՛չ , հանդարտ մարդիկ են , պարկեշտ թուրքեր . մէկը սնանկացած նախկին վաճառական է , որ այժմ կարծեմ պահում է արեւելեան սրճարան , անունը . . . անունը . . . ո՛չ , մոռացել եմ . յաղթանդամ , դէր , այսպէս» , օրիորդը օգով լեցրեց այտերը , «կարծես

բեռնակիր լինի. միւսը դոկտոր է, Ռըսուհի անունով, բայց ինչ դոկտոր՝ չգիտեմ»...

— Իսկ երբ ո՞ր դը

— «Ալի Սալիհ բէյի կինը. ա՛խ յիշեցի. Ալի Սալիհ բէյ, այսպէս է այն նախկին վաճառականը, այնպէ՛ս գեղեցիկ է, այնքա՛ն հրապուրիչ, հմայիչ. կի՛նը», յարեց ժպտալով, «որ երբ հարցրի, թէ ո՞վ է, դժնասպանը ասաց, թէ Ալի Սալիհ բէյի կինն է. այդպէս էլ մնաց մտքիս մէջ. ա՛խ, սրբա՛ն գեղեցիկ է, ուղղակի արեւելքի դիցուհի: Բայց խօսք տուէք, որ պիտի շտիրահարուէք», ասաց ցուցամատով մտերմօրէն ըստպառնալով, «սակայն, սպասեցէ՛ք, կարծեմ նրա հետ այդ մասին խօսելու պէտք պիտի չունենաք. այո՛, այո՛», յարեց պայմանադիրը նայելով. «Բնակարանը վարձել է թրքական դեսպանատան քարտուղար. Զիա բէյը, ահաւասիկ նա էլ ստորագրել է պայմանադիրը. ուրեմն նրան պէտք է դիմել»:

— Անօդուտ է, օրիորդ, ասացի:

— «Ինչո՞ւ»:

— Շատ պարզ է, օրիորդ, երբ թուրքը կին ունի, ոչ մի դէպքում իր յարկի տակ վարձակալ չի ընդունի. այդ դէմ է նրանց օրէնքին:

— «Ի՞նչ էք ասում. պատճառ՞ը»:

— Պատճառը... առիթ չտալ դայթակղութեան:

— «Հիանալի՛. չէ՞ք գտնում, որ լաւ օրէնք է»:

— Ի՞նչպէս ասեմ՝ ե՛ւ լաւ է, ե՛ւ վատ...:

— «Ինչո՞ւ այդպէս»:

— Լաւ՝ քանի դեռ թուրք կանանց հետու է պահում դայթակղութիւնից. վատ՝ երբ նրանց աչքերը նայում են դրսերը...: Ահա այսպէս, աւարտեց իր պատմութիւնը Վազան. հազիւ կարողացայ օձիքս ազատել այդ շատախօս կնոջից եւ այն էլ ուրիշ անգամ այցելելու խոստումով: Ի՞նչ է կարծիքդ:

— Կարծիքս այն է, որ Թալէաթը ապրում է այն-
տեղ Ալի Սալիհ բէյ կեղծ անուան տակ:

— Ինչպէ՛ս թէ...

— Այնպէս:

— Պարզիւր միտքդ տեսնեմ:

— Պարզելու բան չկայ. Ձիա բէյերը սնանկ վա-
ճառականների համար բնակարան չեն վարձում ու աւե-
լի գեղեցիկ կինն ևս չգիտեմ քան Թալէաթի կինը:

— Ո՞րտեղից գիտես:

— Նկարը տեսել եմ:

Վազան խոր տարակուսանքի մէջ ընկաւ...

* * *

Առաւօտ կանուխ վաղեցի «Թիբկարտէն». ընկերս
եկել էր:

— Վերջապէ՛ս:

— Այստե՞ղ է, գոչեց:

— Այո՛:

— Տեղը գիտե՞ս:

— Ի հարկէ՛:

— Փառք Աստծոյ...

Մանրամասն պատմեցի ամէնը՝ սկսելով կայարա-
նից մինչեւ վերջին պահը: Լսում էր ազահութեամբ:

— Ժամը քանի՞ն է:

— Ինը քառորդ անց:

— Ելի՛ր գնանք, չուշանանք:

— Դեռ ժամանակ կայ. Թալէաթի նկարներից մէկ
հատ տուր ինձ:

Դուրս հանեց դարակից նկարների ծրարը, քրքրեց
ու դուրս քաշելով Պոլսոյ ոստիկանապետ Պետրիի նկա-
րը, հարցրեց.

— Սրա նման չէ՞ այդ «մուայլադէմ» կոչուածը:

— Ո՛չ, նրա նկարը չունինք, տո՛ւր թալէաթի նը-
կարը, ասացի բանալով դրչահատս :

— Հետաքրքիր է. ասում ես «Ռըսուհի՛», ասաց
նա յանձնելով ինձ թալէաթի նկարը. ոչ լսել, ոչ կար-
դացել եմ այդպիսի մի անուն... ի՞նչ ես անում, այ
տղայ...

— Պեխերը պիտի քերեմ...

Յանկարծ դուռը ծեծեցին: Նկարը դրի ծոցս:
Սպասաւորն էր, որ մեկնեց մի նամակ՝ յայտնելով,
թէ ստացուել է երկու օր առաջ: Մածկազիր էր Փարի-
զից: Սրտմաշուք դանդաղութեամբ էին պարզում
խառնափնդոր թուանշանները. դրութիւնը վերաբեր-
ւում էր խնդրին: Առաջին բառերն էին. «Եւրոպացի
բարեկամից իմացանք, որ թալէաթը»...

Վերջապէս պարզուեց բովանդակութիւնը. թալէա-
թը դա՛նում էր ժընելում. Փետրուարի սկզբներին
այնտեղ ունեցել է տեսակցութիւն անգլիական մի դի-
ւանագէտի հետ...

Ինձ շքեցրեց այդ ծածկազիրը:

— Ե՞րբ է դրուած:

— Տասն օր առաջ:

— Շատ ժամանակ է...

— Այո՛, խնդիրն էլ այդ է:

— Ե՞րբ է այստեղ ստացուած:

— Սպասաւորը ճիշդ ասաց՝ երկու օր առաջ...

Տարակուսանքների մէջ մխրճուած, ամէն մէկս իր
մտքերի հետ, դուրս ելանք: Բայց արդէն ուշ էր: Ոչ
Ուհլանտում, ոչ Հարտենբերգ Յազօրը չկար: Ընկերոջս
ցոյց տուի Ալի Սալիհ բէյ կոչեցեալին բնակարանը:
Բաժանուեցինք՝ իրիկունը հանդիպելու պայմանով:

Հասնելով տուն, դուռը փակեցի եւ սկսեցի քերել
թալէաթի պեխերը. դանձ փորողի պէս անհամբեր էի,
բայց չեղաւ. յանկարծ դուռը ծեծեցին՝ Էֆթեանն էր:

— Եղբա՛յր, էս ո՞ւր ես, գոչեց ձեռքերը տարա-
ձեւով, շուտ հագնուիր, գնա՛նք:

— Ո՞ւր:

— Քոյրս հրաւիրել է քեզ ճաշի:

— Այսօր լաւ չեմ, լեւոն:

— Անկարելի է, առանց քեզ չեմ կարող տուն
դնալ:

— Մի ուրիշ անգամ...

— Տօ, վե՛ր կաց, ասում եմ քեզ, այսօր ծննդեանս
օրն է:

— Էլ ուրիշ օր չկա՞ր ծնուելու, ասացի դառնու-
թիւնս սքողելով կատակով:

— Շո՛ւա, շո՛ւա, Արէլեանն ու Գալուստեանը երե-
ւի արդէն գնացել են, Գարեգինն էլ պիտի գայ:

— Գարեգինը ո՞վ է:

— Մշեցի Գարեգինը՝ չգիտե՞ս, նա քեզ ճանա-
չում է...

Երազի պէս յիշեցի էրզրումից Երզնկա տանոց ճա-
նապարհը եւ մեր կառապան մշեցի Գարեգինին:

— Ի՞նչ է անում այստեղ:

— Ինչ պիտի անի. դիշեր - ցերեկ մտածումն ու
զրոյցը ջարդերն են, գրեթէ խենթացել է...

Ճաշասենեակում նստած էին Թէրզիպաշեանները
եւ Գարեգինը: Տիկինը բողոքեց, որ իրենց մոռացել եմ:

— Եա՛, բացազանչեց Գարեգինը՝ արջի պէս առ-
նելով ինձ հզօր բազուկների մէջ:

Դժբախտ օրերը այդ պահին թուացին ցանկալի
անցեալ: Աշխարհը չափօժիկ էր: Այժմ Բերլինի ար-
ուարձաններում կատարում էր սեւ աշխատանք ինչ որ
ատաղձի գործարանում: Ըստ երեւոյթին, պատմում էր
դէպքերից. գոհացաւ մէկ երկու հարցումներով Յով-
նանի, Սահակի մասին ու դարձաւ նրանց.

— Աղբօրս բսեմ, լոյսը չբացուած կծիկը դրի...

— Իսկ մա՞յրդ, քոյրե՞րդ, հետաքրքրութեամբ հարցրեց տիկին Քրիստինէն :

— Մայրս, քոյրերս իրենց պզտիկներով Մուշի հովիտէն տարագրուածներուն մէջ կը գտնուէին, ետքէն իմացայ անոնց քաշածները . . .

Եւ Գարեգինը պատմում է հարազատների գողգոթան աղեկէզ մանրամասնութեամբ՝ ամէն տեսակ նըզովքներ թափելով թալէաթի գլխին : Գազազած, ջղային անհամբերութեամբ սպասում էի, թէ ե՞րբ պիտի վերջանայ այդ պատմութիւնը, որ յիշեցնում էր հարազատներիս վիճակուած բախտը :

— Բոլոր երեք քոյրերս կ'առեւանդուին դեռ Եփրատին չհասած . պզտիկները կը մնան մօրս մօտ : Իրիկուան դէմ Սուրիկը կը մեռնի . մայրս տեսնելով, որ անկարող է տանիլ պզտիկները, կը պահուրտի ցորենի արտերուն մէջ : Հոս ուրիշ պահուրտածներուն հետ գիշերը կ'անցընեն : Առտուն զանոնք կը նկատեն, արտերը կը վառեն : Գուրս ելածները կը քշեն դէպի Շէխլանի գոմերը, ուր խմբուած կ'ըլլան ուրիշներ : Ասոնց կ'ըսեն, թէ թալէաթը ձեզի կեանք շնորհած է, բայց իսլամ պիտի ըլլաք . . .

— Զգէ՛, Աստուածդ սիրես, այդ հին պատմութիւնները, դարձայ Գարեգինին :

— Նա կարծես մտրակի հարուած ստացաւ, աչքերը դարձան ու չորութեամբ դռչեց .

— Ինչո՞ւ, ջղերո՞ւղ դպան :

— Այնքան լսեցինք, որ էլ սիրտ չմնաց, թալէաթ, թալէաթ կրկնելով մեր ցաւը չի բուժուի :

— Ապա ի՞նչ կ'ուզէիր, արձա՞ն կանգնեցնենք շուրհին :

— Յանցաւորը մենք ենք եւ ոչ թէ թալէաթը, որ Ատանայի ջարդից յետոյ հաւատ ընծայեցինք նրան :

— Տօ ի՞նչ ըսիր, վա՛յ ես քու թալէաթի հօր հո-

գին ու յանկարծ գոտայ նա բռունցքը իջեցնելով սեղանին :

— Լուէ՛ , անպատկառ , դոչեց էֆթեանը :

— Տօ՛ , ես էտոր հայ բտողին . Թալէաթը կը սլաշտպանէ . . .

Վայրկեանի մէջ այնպիսի իրարանցում ստեղծուեց , որ անիծում էի դալս : Ներս մտան Գալուստեանն ու Արէլեանը ու շուարած մնացին շեմքում : Գարեգինը իրեն բոլորովին կորցրած՝ վեր ցատկեց ու յափըշտակելով գլխարկը էֆթեանի ձեռքից , դուրս թռաւ գոչելով .

— Ես ասանկ հայու հետ սեղան չեմ նստիր , տիկին Քրիստինէ , ներեցէք . . .

— Գողում էի՛ լալու աստիճան սողուած այդ անմիտ , անակնկալ միջադէպից :

— Խենթ է , կարեւորութիւն մի տաք , ասում էր Գալուստեանը . . .

էֆթեանի , Արէլեանի , Թէրզիպաշեանների ջանքերը տրամադրութիւն ստեղծելու՝ չէին յաջողում : Ճաշը վերջանալուն պէս ներողութիւն խնդրեցի տիկնոջից եւ մեկնեցի :


Տուն հասնելով՝ սկսեցի քերել Թալէաթի պէխերը : Ստոյգ նմանութիւնը Ալի Սալիհ բէյի հետ ինձ ցնցեց . իսկ երբ մատիտով Փէսի վրան ուրուագծեցի եւրոպական գլխարկ , ոչ մի տարբերութիւն չմնաց . . .

Նկարը առած վազեցի «Թիրկարաէն» : Ընկերս նոր էր վերադարձել ճաշարանից ու քննում էր թերթերի ընթացիկ լուրերը : Խելայեղօրէն բացազանչեցի .

— Նա է , հաւատացի՛ր , ահաւասիկ , եթէ յիշում ես կայարանից . . .

Դիտեց նկարը հարեւանցի :

— Աժժ ես էլ կասկած չունիմ . թէեւ մի քիչ շփոթութիւն պատճառեց ծածկագիրը , բայց հասկացայ . . .



ARAM webaram.com

Հայ ազգին թուրք դահնապետները

Զինագաղաթէն (1918) շորս ամիս անաջ լուսանկարում Թէօյիւտէրէի Աբրահամ փաշայի ազարակին մէջ, սր ամէն թուրք օր, սէլամըբի արարողութենէն վերջ, կ'երբային թուրք նախարարները սարդամաբազեան ինչոյցներ սարքելու: Էնկեր ամճնապէս բանագրանց այս ազարակը:

Իրքիհատի ոնրագործ կամարիխան

1. Թալէար, ներքին գործոց նախարար, ապա մեծ եպարքոս, Իրքիհատի իսկական պետ, սպանըւում Բերլինի մէջ 1921ին.
 2. Էնկեր, պատերազմական նախարար եւ սպարապետ, սպաննում Թուրքիստանի մէջ 1922ին.
 3. Իայիտ Հալիւ, մեծ եպարքոս եւ Իրքիհատի ձեռք խաղալիկ, սպաննում Հոմի մէջ 1922ին.
 4. Զեմալ, ծովային նախարար եւ Պաղեստինի բանակին երամանատար, սպաննում Թիֆլիսի մէջ 1922ին.
 5. Տոքր, Սիւլէյման Նուրման, Իրքիհատի պնակալէզ մը.
 6. Անտէտ, Էնկերի հայրը.
 7. Հիւսէյին Ճահիտ, Իրքիհատի գործան անդամ եւ Թեօյիւտէրէի խմբագրապետ.
8. Մէնիտ, կայսերական փեսայ, Թալէարի եւ Էնկերի մտերիմը.
 9. Իսմայիլ Հագըր, պատերազմական իրեղէններու անօրէն եւ պետական գանձը կողոպտող.
 10. Հիւսէյին Հիւսի, նախկին մեծ եպարքոս եւ Էնկերին նմայի օսմ. դեսպան.
 11. Բահմի, Զմիւռնիոյ կուսակալ, տեղւոյն հայերը շնորհիւ իրեն փրկում են տարագրութենէ.
 12. Կարելի եղած չէ ինքնութիւնը ստուգել.
 13. Միքիատ Շիւքրի, Իրքիհատի կոմիտէի ընդհանուր քարտուղար.
 14. Մէլալտտին, կայսերական փեսայ, Թալէար իր այս մտերիմ անձին շնորհիւ իրագրել կ'ըլլար պալատական ներքին իրադարձութեանց:

— Ինչպէ՞ս :

— Յազօրից իմացայ, որ այսօր էլ այդ Ալի Սալիհ քէյը ճիշդ ժամը տասին այցելել է Ուհլանտի ժամադրաւայրը, իսկ դու ասում էիր, որ մինչեւ կայարանում յայտնուելը նա չի եղել այնտեղ :

— Այո՛ :

— Նշանակում է այդ ժամանակ եղել է ժրնեւում . ուր եւ տեսակցել է անդլիական ղիւանազատի հետ . ծածկապրի թուականն էլ հաստատում է այս հետեւութիւնը :

— Ուրե՞մն . . .

— Պէտք է վերջացնենք . միայն թէ նախ քան այդ, պէտք է մի անգամ էլ տեսնենք նրան :

— Վաղը . . .

— Այո՛, բայց պէտք է շատ զգոյշ լինել . Բերլինը նորից անհանգիստ է, աննշան պատահականութիւնը կարող է ամէն բան փճացնել, փողոցներում հետապընդելը շիտակ չէ . մինչեւ հիմա պէտք էր, որ այդ շրջանում մի սենեակ գանուէր :

— Շատ լաւ պիտի լինէր այդ, բայց այժմ, երբ խնդիրը որոշ է . . .

— Դժուարը հիմա է . այլեւս քո այնտեղ երեւալը գործի համար օգտակար չէ . Յազօրին էլ Ուհլանտում պէտք է փոխարինել Հայկոյով, միշտ միեւնոյն մարդու երեւումը կարող է նկատուել : Ինչ որ է, հիմա կը գան ընկերները, կը խօսինք :

— Նորից խորհրդակցութի՞ւն :

— Այո՛, անհրաժեշտ է վերջնական որոշում տալ : Իրար յետեւից յայտնուեցին Յազօրը, Հայկոն, Վազան : Սկսուեց խորհրդակցութիւնը հետազօտութեան վերջ տալու եւ դրական գործի անցնելու մասին : Կարծես անակնկալ եղաւ այդ՝ ընկերների համար . որքան ղիւրութեամբ էին դիրք ճշդում նախնական աշխա-

տանքների ժամանակ, այնքան այժմ դժուարանում էին որոշ կարծիք յայտնելու: Ըստ Վազայի, տուեալները ակնբախ էին, բայց գործի ձեռնարկելու համար՝ անբաւարար: Եւ սակայն չէր կարելի որոշակի ասել, թէ ի՞նչ լրացումներ են անհրաժեշտ: Հայկոն կարծում էր, որ անհրաժեշտ է սպասել, Ալի Սալիհ բէյի կնոջ տեսնելու առիթ ունենալ ու կնոջ նկարի հիմքով ամուսնութիւնը հաստատել: Յազօրը զրեթէ համոզուած էր, որ հետապնդուողը Թալէաթն է, բայց այդ խղճի ինդիք համարելով՝ չէր ուզում պատասխանատուութիւն ստանձնել:

Ի վերջոյ, որոշուեց մի սենեակ գտնել Հարտենբերգ թիւ չորս բնակարանի շրջանում թէ հետախուզութիւնը շարունակելու եւ թէ գործը յաջողութեամբ զլուխ հանելու համար: Թէեւ այն չէր՝ ինչ սպասում էի, բայց լռեցի:

Մարտի 2ն էր, Կիրակի, իրիկնամուտ: Յազօրը անմիջապէս գործի անցաւ: Եռանդուն, աչքարաց, բարեխիղճ եւ ամէն կազմակերպչական աշխատանքի համար անփոխարինելի մէկն էր նա: Խորհրդակցութիւնից հաջիւ անցել էր երկու երեք ժամ եւ ուզում էինք դուրս գալ ընթրելու, երբ նա շնչահատ ներս մտաւ. յայտնեց թէ Հարտենբերգ թիւ 4 բնակարանի դիմաց թիւ 37 բնակարանում վարձել էր մի սենեակ, որի պատուհանը նայում էր փողոցին: Սենեակը պարպւում էր երեք օրից. փոխադրուել կարելի էր Մարտ 5ին:

* * *

Առաւօտեան սպատ էի. Հարտենբերգում պիտի հսկէր ընկերս, Ազմիի խանութի վրայ՝ Յազօրը: Ուշլանտում նրա փոխարէն՝ Հայկոն, որ ընկերոջս հետ պիտի տեսնուէր կէսօրին: Բայց ինչպէ՞ս սպաննել ժամանակը մինչեւ այդ: Մաքրեցի, կարգաւորեցի սեն-

եակս եւ հակառակ տիկին Շտելբաումի տրտունջներին լուացի միջանցքը: Գործատեղից անժամանակ տուն դարձաւ Արէլեանը՝ յայտնելով տխուր նորութիւններ: Հայաստանում ծայր էր տուել քաղաքացիական պատերազմ. թուրքերը դեռ մնում էին Ալեքսանդրապոլում. նրանց ենթակայ Կարսի շրջանում տեղի էին ունեցել գնդակահարութիւններ եւ Չաջուսի շրջանում նոր ջարդեր...

Պակասը լրացրեց օրուայ միւս կէսի անյաջողութիւնը: Ալի Սալիհ բէյ կոչեցեալը չէր երեւացել այդ օրը. բնկերս նրան չէր տեսել: Ուհլանտ այցելողներից Հայկոն տարբերել էր միայն Բէհաէտտին Շաքիրին: Ի՞նչ էր նշանակում սրա վերադարձը Հոռմից եւ ասօջինի բացակայութիւնը այդ օրը: Բոլոր հաւանականութիւններն ու ենթադրութիւնները ջրում էին եւ մնում էր միայն կասկածը, որ հետապնդուողները հասնէն անել, բայց այս գէպքում դառնում էր տարակուսելի, որ Հայկոյի տեսածը Շաքիրն է եղել: Ամէն պարագայի տակ բանաւոր եւ շրջահայեաց վարձուներ պիտի լինէր՝ մէկ - երկու օր չերեւալ Հարտենբերգի շրջանում. արդէն դրա կարիքը բնկնում էր նոր բնակարան փոխադրուելուս պէս:

Յաջորդ օրը երեկոյեան մտայ Արէլեանի մօտ՝ խնդրելով յայտնել տիկին Շտելբաումին, որ պէտք է փոխադրուիմ նոր բնակարան. — Լաւ չեմ. հիւանդութիւնս գնալով բարդանում է, ընդհանուր թուլութիւն, գլխապտոյտ. հիմա էլ կուրութեան նախանշաններ. երէկ նորից եղայ պրոֆեսոր Կասիրէրի մօտ. ամէն բան ջղերի ծանր քայքայման հետեւանք է, ասում է. կազի ճրագը խիստ վնաս է ինձ. եւ իրօք գիշերները մէկ տող չեմ կարողանում կարդալ. հիմա ստիպուեցի վարձել ելեկտրական լոյսով սենեակ: Այս ամսուան վարձը տիկին Շտելբաումին վճարել եմ. ամէն տեսա-

կէտով դո՛՛հ եմ նրանից եւ պիտի մնայի, եթէ այս պարագան չլինէր: Խնդրում եմ պարզել այս ամէնը տիկնոջ, ինձ համար դժուար է...

Միւս օրը երեկոյեան դէմ Յագօրի ընկերակցութեամբ փոխադրուեցի՝ խոստանալով այցելել այդ աթիւ թունդ ելած բարի տիկին Շտելլբաումին:

Նոր տանտիրուհիս, դեռ երիտասարդ որբեւայրի տիկին Դիտմանը, ըստ երեւոյթին, յետ չէր մնում նրանից իր առտնին բարեմասնութիւններով: Ամէն ինչ մաքուր, ճաշակաւոր. սպասուհի ունէր, բնակարանը խաղաղ էր եւ թողնում վանքի տպաւորութիւն: Մուտքը բակիցն էր, համեստ շէնքերի յատուկ երկաթածող մի դռնից, որ բացուում դոյւլում էր պտուտակած եւ լեզուակով: Սենեակս օդասուն էր, լայն ու մեծ պատուհանը ծածկուած էր շքեղ ժանեկազարդ վարագոյրով: Մահճակալի մօտ սեղանանման դարակ, գրասեղան, բազկաթոս, պահարան, աթոռներ եւ այլն: Լայն փողոցի միւս մայթին, դէմուդէմ, ցցուած էր Սալիհ բէյի բրնակարանը: Պատուհանների թանձր վարագոյրները հազիւ զատուում էին կենտրոնի բացուածքից՝ դոյացնելով սեպածեւ ճեղքուածք: Այդ պահին փողոցով բաւական անցուղարձ կար. բանուորներ, դործուորներ դառնում էին աշխատանքից: Գրեթէ բոլորն էլ աշխատում էին պարապ չանցրնել ժամանակը. ոմանք քայլելիս կարդում էին օրաթերթեր, ոմանք ուտում էին...

Գիշերը քուն չկար, հակընդդէմ զգաքմունքների տարածութիւն, միւս կողմից փոթորկում էր ինձ այն իրողութիւնը, որ արդէն հասել եմ նպատակիս շեմքին եւ հրէջից ինձ բաժանում է ընդամէնը 25 մէթրի մի տարածութիւն, միւս կողմից փոթորկում էր ինձ այն մտատանջութիւնը, թէ արդեօք պիտի յաջողե՞մ: Դիմացի շէնքի ճրագը մինչեւ ուշ գիշեր վառ մնաց:

Առտուն կանուխ կարգի դրի սենեակս ու տեղ բրո-

Նեղով դրասեղանի մօտ՝ ձեւի համար դրի առջեւս վեր-
մաներէնի դասագիրքը: Գարնանամուտի մի պարզ օր
էր, արեւի ճառագայթները խաղում էին դիմացի շէն-
քի սպատուհաններն: Գուռը ծեծեցին, ներս մտաւ ա-
ղախինը թէյով եւ հաց ու պանիրով: Հազիւ անցաւ կէս
ժամ ու յակարծ մայթի վրայ յայտնուեց Ալի Սալիհ
բէյ կոչեցեալը: Այդպէս շուտ, անակնկալ էր: Փամբ
ինը չկար, նա, ըստ սովորութեան, վեր – վար նայեց.
Թեւի տակ թղթապանակ ունէր: Անմիջապէս գէնքս
խլեցի ու դուրս ելայ. երբ հասայ մուտքի դրան, նա
գրեթէ դէմս էր. գնում էր դիմացի մայթի հակառակ
ուղղութեամբ, դէպի վեր, Հարտենրերդի սկզբնաւո-
րութեան շրջանը. այս էլ անսովոր էր: Վայրկենապէս
դուռը քաշեցի, բայց չբացուեց. փորձեցի ուժգին.
նոյն բանը: Հասկացայ, որ նախապէս պէտք է դարձնեմ
պտուտակը. չդարձաւ: Գլուխս կորցրած՝ ջախջախե-
լու աստիճան քաշքշեցի դուռը. անօգուտ: Ինձ համա-
կեց անորակելի յուսահատութիւն: Վազեցի աղախնի
մօտ. դուռը կողպուած չէր: Հասաւ եւ աղախինը,
բայց դուռը չէր բացուում...

Տասը բոպէից աւելի ժամանակ անցաւ, մինչեւ յա-
ջողուեց անասելի ջանքերով դարձնել պտուտակը ու
դուրս գալ: Բայց էլ ո՞ւր. որսի հետքն անգամ չկար...

Մի պահ շուարած դիտելով չորս կողմս՝ բռնեցի
կենդանորանական այգու ուղղութիւնը: Անիմաստ էր,
կանոյ առայ: Յանկարծ մտածեցի, որ գուցահեռ փողոց-
ներով կարող էր գնալ Ուսլանտ: Հասայ այստեղ. կէս
ժամից աւելի սպասեցի. ներս ու դուրս անող չկար,
այնինչ ժամանակն էր: Անցաւ եւս կէս ժամ. ուղեղս
գործելուց դադարեց, մի՞թէ փախցրի...

Չէ՞ր կարող արդեօք ոճրագործը մտած լինել Ազ-
միի խանութը: Հրապարակն անցայ, մտայ խանութ.
մէկ քայլի վրայ առաջին անգամ տեսայ այս միւս հրէ-

չին, գլուխն անգամ չչարժեց, լրագիր էր կարդում: Բունն մղում ունեցայ զնդակը գամելու ճակատին: Յետեւի գորգերով ծածկուած անցքից յայտնուեց տղան. մէկ տուփ ծխախոտ գնելով դուրս ելայ:

Կէսօր էր. չգիտէի ինչ անել: Բազմաթիւ ոստիկաններ կային ամէն տեղ: Շրջան անելով՝ եկայ ճաշարան: Ընկերս, նստած իր սովորական տեղը, պրպտում էր թերթերը: Յայտնեցի նրան իմ կասկածները. յանկարծ որսը փախած լինի՛:



Նստած երկու

կողմերը՝

ՍԵՊՈՒՆ

ԵՆ

ԱՐՄԷՆ ԳԱՐՕ

Բարձր նստած՝

ՍՈՂՈՄՈՆ

ԹԷՂԼԻՐԵԱՆ

(Ամերիկայի մէջ)

Այս հինգ - վեց օրուան մէջ ժամը 10ից առաջ տնից երբեք դուրս չելաւ. զնում էր ՈւՆՏՐԱՆԱԿ ԵՆ 11ին տուն դառնում: Այսօր դուրս ելաւ 9ից առաջ, թղթապանակով: Նա կարող էր անշուշտ որեւէ տեղ էլ տեսակցութեան գնալ, օրինակ, անգլիական դեսպանատունը: Ամէն բան կարող էր պատահել:

Վերագարձայ տուն. մի արհեստաւոր քակել է դուռը եւ նորոգել պտուտակը...

Ը. ՔԼՈՒԽ

ՄԱՅԹԻ ՎՐԱՅ ԸՆԿԱԻ ՀՐԷՇԸ

Առաւօտեան լոյսը բացուելուն արդէն նստած էի գրասեղանին առջեւ. սենեակս կարգաւորել էի, որ առիթ չունենան ներս գալու: Դասագիրքս բացած՝ գիտում էի գիմացի շէնքը, շուրջ 25 մէթր լայնութեամբ փողոցը: Դեռ կանուխ էր. բանուոր, արհեստաւոր, գործակատար աճապարում էին աշխատանքի: Երբեմն ազմուկոյ անցնում էին ապրանքատար ինքնաշարժեր: Պատուհանին վարագոյրի միացման նեղ ճեղքից աշխատում էի մի բան տեսնել գիմացի շէնքից ներս, բայց ապարդիւն: Դուռը ձեծեցին. ներս մտաւ աղախինը թէյոյ. թիկունքում յայտնուեց տիկին Դիամանը: Այնպէ՛ս շփոթուեցի, որ կարծես բռնուած էի ծանր յանցանքի վրայ: Տիկինը ձգտում էր աւելի երիտասարդ եւ հաճելի լինել, քան փաստօրէն կարող էր: Ժպտախառն գրոյցից ոչինչ չեմ հասկանում: Ձեռքի շարժումներից կռահում եմ, որ խնդիրը դառնում է գրան աւրուած պատուտակի շուրջ, որ այժմ նորոգուած ու շտկուած է. տալիս է ինձ բանալի, որի համար ոչինչ պէտք չէ վճարեմ:

— Դա՛նկէշէօն, ասացի կարճ կապելու համար...

Եղաւ ժամը 10, 11. գիմացի շէնքից ոչ ոք չյայտնուեց: Կէսօրին ընկերօջիցս իմացայ մի ուշացած նորութիւն. Փարիզից ստացուել էր մի ծածկագիր գրութիւն. Պոլսից Փարիզ յայտնել էին, որ Թալէաթը ապ-

ըստ է Բերլինում, Հարտենբերգ թիւ 4 բնակարանում,
Ալի Սալիհ բէյ կեղծ անուան տակ: Շատ կարեւոր նս-
րութիւն էր այս...

Անեակիս մէջ ժամերով անշարժ նստած դիտում
էի դիմացի շէնքը: Ճրագ չվառուեց այնտեղ...

Առաւօտեան անկողնից ելալ այնպէս ջարդուած, որ
կարծես ամբողջ գիշերը քայլել էի. հարբուխ, կտոր-
տուք, տաքութիւն. անհաճոյ էր: Անհամբերութեամբ
սպասում էի ժամի 10 — 11ին: Ոչ որ եւ ոչինչ: Անդամ
կասկածելի էր, թէ արդեօք բնակութիւն կա՞յ դիմացի
շէնքում:

Կէսօրին, ընկերս, Աղմիի խանութին նայող պա-
տուհանի մօտ նստած, կարդում էր թերթերի լուրերի
բաժինը:

— Եթէ դիւրին դորձ լինէր, երեք տարուան մէջ
արդէն կատարուած վերջացած կը լինէր, ասաց նա՝
լսելով արտուենջներս:

— Ես առաջարկում եմ Վազային համբել տանտի-
րոջ մօտ:

— Ինչո՞ւ:

— Որպէսզի իմանանք, թէ այդ տան մէջ բնակու-
թիւն կա՞յ, թէ չէ:

— Ստուգելու միակ ապահով ճանապարհը հսկո-
ղութիւնն է...

Գիշերը դիմացի, շէնքի առաջամասում կանթեղի
պէս մի լոյս պլպլաց ու մարեց...

Յաջորդ օրը ըստ սովորութեան մինչեւ 11 հսկեցի.
այժմ տարակոյս չէր մնում, որ Թալէաթը փախել է:
Չէր երևում նաեւ «մոռայլադէմը», Ռըսուհի կոչուա-
ծը: Կէսօրին առաջարկեցի վերականգնել Ուհլանտի
հսկողութիւնը:

Գիշերը անցրրի հիւժուած ու պարտասած, մղձա-
ւանջային երազներով. ինչ որ ամբոխ, իրարանցում,

գոռում - գոչիւններ, հետապնդում ու մի դամփո, որ
փակել է ճանապարհս...

Առաւօտեան ժամը 10ից յետոյ ինձ կարծես խեղ-
դում էին սենեակիս պատերը. ի՞նչ ճակատագրական
արժէք ունեցաւ մուտքի դրան այն թշուառ պտուտա-
կը...

Կէսօրին ընկերոջս տրամադրութիւնը բարձր էր :
Ուհլանտում Յազօրը մի քանի այցելուների մէջ որո-
շապէս տարբերել էր Բէհաէտտին Շաքիրին :

— Քանի նա այստեղ է, նշանակում է թալէաթն էլ
չուտով կը յայտնուի :

— Իսկ ինչո՞ւ չես ենթադրում, որ Շաքիրն էլ կա-
րող է գնալ :

— Այդ դէպքում պէտք է արդէն մեկնած լինէր,
որովհետեւ եթէ թալէաթը փախել է, Շաքիրն էլ պէտք
է իր կեանքի ապահովութեան մասին մտածէր :

Ասածի մէջ տրամաբանութիւն կար. նորից դօտե-
պրնդուելով դարձայ տուն :

Գիշերը երազիս տեսայ մայրս. իբր թէ Երզնկայից
մեկնում եմ դէպի Բալիանները : Հարսները իրար են
անցել ծուխի եւ մուրի մէջ կորած թոնրատանը, նրանք
պատրաստում են ճամբորդական պաշարս : Մայրս ծըն-
կաչոք անշարժ նստած է մինտարին վրայ, թոնիրի
մօտ. փոքրիկները, թարմ հացի կտորներ ձեռքերին,
բոլորուել են շուրջը : Անթիւ ճանճեր վխտում են Մար-
դարի բերանի եւ գլխի չորս կողմը, որովհետեւ նրա
հացին վրայ քսուած է մեղր : Գուրսը աղջամուղջ է.
արտոյանները սլարդում են, թափ տալիս թեւերը : Երբ
խուրջինս լեցնում են, ես առնում եմ ուսիս եւ ասում.
— «Մնաք բարով»...

— Այդ ժամանակ վեր է կենում մայրս եւ ինձ հետ
գաւրս դալիս : Գնում ենք յուն : Նրա ընկերակցութիւնը

անախորժ է ինձ . կ'ուզէի արդէն բաժանուած լինել , որ
այլեւս նրա մասին չմտածեմ :

— «Մայր , դու ո՞ւր» ասում եմ :

— «Մինչեւ Սուրբ Նշան , գաւազս , ուխտ ունիմ
քեզ մինչեւ այնտեղ ճամբու դնելու» :

— Հասնում ենք Սուրբ Նշան : Մայրս կոյրի պէս
չօջափում է դէմքս , ուսերս , ձեռքերս ու մրմնջում .

— «Այսպէս մէկ - մէկ մեծացնում եմ , թեւ էք առ-
նում , թռչում ու ես մնում եմ չոր գլուխ» :

— «Տուն դնա» , ասում եմ նրան ու շարունակում
ճանապարհս :

Սուրբ Նշանից ուղիղ գծով բաւական վար հորիզո-
նի տակ յայտնւում է արեւի հրավառ սկաւառակը :
Յանկարծ յետեւից լսում եմ մօրս կերկերուն կանչը :
Յետ նայելով՝ տեսնում , որ նա այնտեղ դեռ կանգնած
է : Դառնում եմ դէպի նա :

— «Ի՞նչ կայ , մա՛յր» :

— «Գնո՞ւմ ես» , ասում է նա հազիւ լսելի ձայնով :

— «Ի՞ հարկէ , շասա՞ցի , որ դուն յետ դառնաս» :

Այն ժամանակ մայրս յամբօրէն քայլում է դէպի
աուն : Մի քանի քայլ յետոյ նա օրօրում է գլուխը ու
քայլերը արագացնում :

— «Մա՛յր» , գոչում եմ : Բայց նա այլեւս յետ չի
նայում . նա դնում , գնում . վազում է ու յանկարծ չը-
քանում . . .

Առաւօտ էր , թունդ ելած ջղերս անկարող եղայ
հանդարտեցնել ու մանկան պէս լաց եղայ . . .

Յաջորդին , լլի մօտերը , մի ինքնաշարժ կանդ ա-
ռաւ դիմացի շէնքի մայթի մօտ : Սիրտս ուժգնօրէն
բարախում էր . ինքնաշարժից դուրս եկան մռայլ գէմ-
քով Ռըսուհին եւ սեւ վերարկուով դեռատի մի կին :
Մինչ առաջինը կը վճարէր , միւս կինը թեթեւօրէն վեր
սահեց տարածուն հինգ - վեց աստիճաններով ու բո-

նալին դարձնելով՝ ներս մտաւ : Շունչ առի . կասկած
չկար , որ Թալէաթի կինն է . . . Մօտ երկու ժամ քա-
րացած մնացի պատուհանիս մօտ : Բայց այլեւս մն-
ցուղարձ չկար : Անհրաժեշտ էր լուր տալ ընկերոջս յու-
սատու անակնկալի մասին :

Լսեց այս կարեւոր լուրը եւ իր հերթին յայտնեց ,
որ Ամերիկայից օդային պոստով ստացել է ծածկագիր
մի նամակ : Ընկերները , կրկնելով Պոլսոյ տեղեկութիւ-
նը , խնդրում էին քոչոր հնարաւոր միջոցներով վերջ
տալ Թալէաթի գործին : Մնացած ոճրագործները
պատժելու համար ձեռք են առնուած միջոցներ եւ այդ
խնդիրը մեզ պէտք չէ զբաղեցնէ : Մածկագիրը Փետր-
ուարի սկզբներին մեր կատարած դիմումի պատաս-
խանն էր :

Մարտ 13ի առաւօտեան մայթի վրայ յայտնուեց
Թալէաթի կինը եւ դանդաղօրէն շարժուեց դէպի վեր :
Դեռ Պոլսից դիտէի , որ ընդունակութիւններով օժտու-
ած եւ քաղաքականութեամբ հետաքրքրուող մէկն էր :
Նա մասնակից էր ամուսնու գործերին , երբ նա հեռա-
դրական պարզ պաշտօնեայ էր , ներքին գործոց նախա-
րար , մեծ վեզիր : Ասում էին , որ նոյնիսկ մեծ ազդե-
ցութիւն ունէր ամուսնու վրայ : Յայտնի էր իրրեւ-
հրապարակագիր : Իթթիհատականների նեղ շրջանում
անձանօթներից չէր : Կարող էր երբեմն երեսը բաց ,
առանց քողի հանդէս դալ Պոլսոյ փողոցներում : Այնու
ամենայնիւ հաճոյքով չէր , որ դուրս եկայ հասկանա-
լու , թէ ո՞ւր է գնում . կին հետապնդելը անհաճոյ էր :

Հասաւ կենդարանական այգի ու ներս մտաւ :
Գարուն էր . ձիւնից նոր ելած կանաչները կարծես լը-
ւացուած , սրբուած էին : Բայց դեղատոմսային ճրջ-
դութեամբ բաժանուած մարդերն ու համահաւասար
թփիկները աւելի հետաքրքրութիւն , քան հաճոյք էին

պատճառում ինձ : Նա գնում էր յամբաքայլ դէպի ցայտադրիւրները , ուր շիթերով բարձրանում ու անձրելի պէս իջնում էին ջրերը՝ գոյացնելով ցօղեր մամռապատ շրջապատին վրայ : Յանկարծ սիրտս լեցուեց անսահման կարօտով դէպի մեր հայրենիքը , դէպի պղտոր Եփրատը , որ ամպեր համբուրող սրազազաթ լեռների միջով մտնում է կիրճերը , գոռում հաղարաւոր վազրերի միարերան սոնոցով , ապա զայրոյթից փրփրած գուրս է նետւում ու հեղեղատի պէս տարածւում . . .

Տիկինը հասաւ , կանգ առաւ այստեղ շատերի պէս : Գերատուտ Գոլար իրաւունք ունէր . գեղեցիկ է . արժգոյն դէմք , մեծ սիրուն աչքեր , սեւ հարուստ մազեր , փսքրիկ բերան , բարեձեւ , նազելի՛ նման հայուհու : Յայտնի է , որ շրջապատի գեղեցկութիւնից զատ նրան ոչինչ չի զրազեցնում : Ու թէեւ իր գիտութեամբ եւ ամուսնու հրամանով անասպատներում զատապարտուել են սովամահութեան , եւ թրքական հարեմներում խամբել իր նման տասնեակ հազարներ , այնուամենայնիւ իրաւունք ունի խաղաղութեամբ վայելելու բնութեան բարիքները :

Վերադարձայ տուն . . .

Յաջորդ կէսօրին Յազօրից խմացայ , որ Ուհլանտը այդ օրը նման է եղել ուխտատեղիի . այնքան շատ մարդ է մտել ու գուրս եկել . այնտեղ եղել են Բէհաէտաին Շաքիրը , գոկտոր Նազրմը , Իսմայիլ Հազդըն , գոկտոր Ռբսուհին , անգամ Ջեմալ Աղմին . վեց – եօթ ուրիշներ եւս , որոնց չի ճանաչել : Անշուշտ , շուտով պիտի երեւար եւ թալէաթր . . .

Կրկին վերադարձայ տուն : Միջանցքում դէմ առ դէմ եկայ տիկին Դիտմանին . աւելի քան սիրալիր էր , բայց ես չկարողացայ նրա հետ հաստատել այն պարզ , դրացիական յարաբերութիւնները , ինչ տիկին Շաէլբաումի հետ : Նա միշտ շփոթութիւն էր պատճառում

Եւ որքան ուզում էր պարզել, այնքան աւելի դժուարութեամբ էի հասկանում ասածները: Այո՛, անողջութիւնըս լաւ է, պարապմունքներս՝ նոյնպէս. չգիտեմ ինչո՛ւ ենթադրում է, որ ինձ հետ դժբախտութիւն է պատահել, կամ ես չհասկացայ, ու նա ժպտում է, եւ մտնում եմ սենեակս...

Իրիկուան դէմ փողոցում յայտնուեց Ռըսուհին՝ դամբիւղով. շուտով նա յետ դարձաւ եւ այլեւս դիմացի չէնքի դուռը չբացուեց: Մութը կոխելուն պէս ճրագ վառուեց անաջամասի դահլիճում, բայց յանկարծ մտրեց ու բացուեց պատշգամի ձախ մասի սենեակում: Երկար չտեւեց նաեւ այստեղ ու չէնքը դարձեալ պարուրուեց խաւարով:

Առաւօտը սովորականից շուտ ելայ. արեւի շողերը արդէն հասել էին դիմացի չէնքի պատուհանին: Հազիւ էի աւարտել թէյս եւ ուզում էի բազկաթոռը մօտեցնել պատուհանի եզրին երբ յանկարծ դիմացի չէնքի պատըշգամում տեսայ Թալէաթին: Քարացայ. նա՞ էր արդեօք: Այո՛...

Նա մէկ երկու քայլ առաջ անցաւ, ու շաղիբ զննեց մայթը՝ նախ վեր, ապա վար ու կարծես ինչ մտքերի ծանրութեան տակ գլուխը կախեց: Ըստ երեւոյթին թեթեւ չէր կեանքը, գործած անպատում ոճիբից յետոյ: Յամենայն դէպս, թէեւ անցել էր հինգ - վեց տարի, բայց վախը անբաժան էր մնացել նրանից: Իր լայն ու սերին կրում էր երկու հրապարակային մահալճիւններ. Պոլսոյ պատերազմական ատեանի եւ Հայ Յեղափոխական Դաշնակցութեան: Առաջինը նրա համար, հաւանարար, ունէր բարոյական նշանակութիւն. փոխանակ վեր հանելու իր «ազգանուէր» մեծ դորձը, հարազատ երկրի մէջ հարազատները դատապարտում էին նրան: մահուան, իրբեւ սովորական ոճրադարձի: Բայց ժամանակը կարող էր այդ «թիւրիմացութիւնը» պարզել...

ապագայ սերունդները կը հասկանային կատարած գործի արժէքը, եթէ... Եթէ շլինէր Հ. Յ. Գաշնակցութեան դատաւճիտը: Այնուամենայնիւ, չկարողացաւ այդ կուսակցութեան բոլոր գեկափարներին բնաջնջել: Բայց ո՞վ մնաց իր ճանաչածներէն: Փաստօրէն մէկ հոգի — Գարեգին Փաստրմաճեանը: Ձէ՞ր յիշում արդեօք իր վերջին գրոյցը նրա հետ...

Լծակի սէս հաստ դաստակը վեր տարաւ, ձեռքով ճակատը շփեց, ներս մտաւ: Նայեցի ժամացոյցին. 10 էր, Ուհլանտ գնալու իր սովորական ժամը: Ձէնքը առի վրաս, սպարաւստ դուրս գալու: Յանկարծ նայալանուեց գրան մօտ ու փղի սէս ծանրօրէն սկսեց վար իջնել: Երբ դուրս ելայ փողոց, գիմացի մայթով արդէն բռնել էր Ուհլանտի ուղին: Ստոր դատարանի ունը ինձ ասում էր, որ այս անգամ անկարող պիտի լինի ազատուիլ ձեռիցս, բայց եւ յուզումը բազմալեզու աղաղակներով փոթորկում էր ինձ:

— «Հասի՛ր, վաղի՛ր. անցի՛ր միւս մայթը, ու շեղակի կօնակից, մէջքի՛ն, գլխի՛ն, շո՛ւտ, անցի՛ր փողոցը»...

Մայթից իջայ փողոց՝ յետեւը անցնելու համար, բայց յանկարծ մի բան յետ մղեց ինձ. հազար անգամ պարզուած բացորոշ բանը այդ սրահին մէկէնիմէկ կատկածելի թուաց. նա՞ է արդեօք...

— «Անցի՛ր գիմացը, գիմա՛ցը, գիմա՛ցը, ուղղակի ճակա՛տին, շո՛ւտ, շո՛ւտ, շո՛ւտ, վաղի՛ր»...

Գիմացի մայթով հաւասարուեցի նրան, արագ քայլերով բաւական յառաջացայ. անցայ նոյն մայթը, ուսկից դնում էր նա: Յետ դարձայ: Մօտենում էինք իրար: Նա գալիս էր ճեմելու ձեռով՝ ձեռնափայտը անփոյթ ճօճելով: Մի կարծ տարածութիւն մնացած՝ դարմանալի անդորրութիւն համակեց կութիւնս: Հաւասարուելու վրայ թալէտթը շեշտակի նայեց ինձ. աշ-

քերի մէջ սուկայծեց մահուան սարսուռը: Վերջին քայլը բեկուեց. մի քիչ թեքուեց որ խուսափի, բայց զէնքը դուրս քաշելու ու զլխին պարպելու մէկ եղաւ...

Թալէաթը հարուածից կարծես ցցուեց ու մի ակընթարթ հզօր մարմինը պրկուեց ձիւ, բայց երերուն. ապա՝ սղոցուած կաղնու բունի պէս երեսի վրայ տապալուեց թնդիւնով... Քիչ զէնը մի կին ճշաց ու զետին փոռուեց. մի մարդ վազեց զէպի նա... Բնաւ չէի կարող երեւակայել, որ այդպիսի դիւրութեամբ զետին պիտի փոռուի զազանը: Մի վայրկեան մղում ունեցայ բոլոր զնշակները պարպելու մէջքին, բայց փոխանակ կրակելու ատրճանակս նետեցի: Սեւ, թանձր արիւնը վայրկենապէս լճացաւ Թալէաթի զլխի շուրջ. կարծես ջարդուած անօթից մազուիթ էր դուրս թափուում...

— Մարդ սպաննե՛ց, լսեցի...

Նայեցի վեր, վար, դիմացը, ամէն կողմ մարդիկ կանգ առած՝ նայում էին ինձ...


— Մա՛րդ սպաննեց, բռնեցէ՛ք, ճշաց մէկը՝ ցանցածեւ պարզելով զէպի ինձ ձեռքերը...

Բայց լճացող արիւնը կարծես դիւթել էր ինձ:

— Բռնեցէ՛ք, բռնեցէ՛ք, ճշացին ուրիշներ...

Ես անցայ նրանց մօտով. ոչ ոք փորձեց ինձ բռնել: Բայց երբ թիկունքից աղաղակները բաղմացան, քարացած ջղերս յանկարծ թունդ ելան, ու ես ինձ նետեցի հարեւան փողոցը, ի՞նչ անելու՝ չգիտեմ: Ահաւոր աղմուկով մարդիկ ինձ հետապնդեցին: Ես փախայ: Դիմացից եկող մէկը բռնեց ինձ...

Կարո՞ղ էի արդեօք խուսափիլ, հաւանարար, եթէ այդ մասին նախապէս մտածած եւ որոշած լինէի: Անմիջապէս ամբոխը ինձ շրջապատեց: Չէի հասկանում, թէ՛ ինչ են ուզում ինձնից. դոռում են, բռունցները ճօճելով յարձակում, այնինչ ես ոչ ոքի հետ դործ չու-



Հարտենբերգ Շքրասէի բիւ 17 տունը, որուն առջեւ, խաչանիշով ցոյց տրուած կէտին վրայ ինկաւ Թալէաթ :

նեմ : Մէկը ինձ քաշքշեց , ուրիշներ սկսան անխնայ
հարուածել . մի գինուած բռունցք իջաւ դիտուս . աշ-
քերս մթնեցին . վար ընկնելուց խուսափելով՝ չոքեցի .
արիւնը աղօսում էր դէմքս . բաղմաթիւ ձեռք ու ոտք
էին իջնում վրաս . անցօր կատաղութեամբ սրտացի .

— Ի՞նչ էք ուզում . ես՝ հայ , նա՝ թուրք , ձե՞զ
ինչ . . .

Յանկարծ ամբոխը ճեղքուեց . մի ստիկան սաքի
հանեց ինձ .

— Հա՛յ են , թո՛ւրք են , խլրատում էր տեղի տուող
ամբոխը :

Գլխիցս արիւն էր հոսում : Հասան ուրիշ ստիկան-
ներ : Ամբոխը յեա քաշուեց : Ինձ դարձրին Հարտեն-
բերդ : Մայթի վրայ նոյն գիրքում ընկած էր հրէշը :
Ստիկաններ , բաղմութիւն , որոշ հեռաւորութեան վը-
րայ , բոլորուել են չորս կողմը :

Անցանք . . .

Գաղաղամ ստիկանները նեակեցին ինձ Շարլոտեն-
բուրդի ստիկանատան մի խցիկը : Ապա յայտնուեց
մի սաշտօնեայ , որ գլուխս վերակապելով փաթաթեց
ու ինձ դուրս հանեց : Ինքնաշարժով փոխադրեցին
դաշտնի ստիկանական բաժինը : Պաշտօնեաների եւ
ստիկանների մի բաղմութիւն կար այստեղ . մէկը ինձ
ներս տարաւ մի աւելի մեծ խուց . . .

Համակուած էի հողեկան այնպիսի մի ներքին դո-
հունակութեամբ , որի նմանը չէի ապրել երբեք : Ար-
ճիճի պէս վրաս ծանրացած տեւական մղձաւանջը չքա-
ցել էր յանկարծ : Ամէն բան փոխուել էր կարծես . կաշ-
կանդուած հողիս աղատ ու լայնարձակ թռչում էր . կար-
ծես էութեամբ ձերբազատուած՝ մաքերս շրջան էին
անում աշխարհի ծանօթ բոլոր անկիւններում : Տէ՛ր
Աստուած , ո՛րքան շատ բան կար մտածելու : Եւ սա-
կայն , ամէն բանից ու տեղից մաքերի մի - մի փշուր

Արայ գլխիս մէջ, որոնք փայլատակում են ու մարում... .

Հանդարտել էի, երբ ինձ առաջնորդեցին բաժնի պետի մօտ: Ինքնութեանս վերաբերող հարցումներին պատասխանեցի: Բայց երբ սկսեց ինձ հարցաքննել ըստ էութեան, Փրանսերէնիս օգնութեամբ խնդրեցի մի հայ թարգման: Գտնուեց Փրանսերէն իմացող, առարկեցի, որ Փրանսերէնս էլ տկար էր հարցումներին ճշգրիտ պատասխանելու համար: Յետ տարին խուցը... .

Իրիկուան դէմ էր երբ դուրս բերին ինձ. երկու ոստիկաններից մէկը դրօշակից հանեց դիմացկուն թեւի մի կծիկ, որի ծայրերին կապուած էին բռնելու յարմար փայտէ գլանաձեւ կտորներ. նա թելը փաթաթեց դաստակս ու փայտերը ափում միացրեց. դուրս ելանք: Մանկութեան օրերին այդ ձեւով ես «ձի» էի խաղում տարեկիցներին հետ: Միւս ոստիկանը միացաւ մեզ թղթերի մի ծրարով: Անցնելով մի շարք փողոցներ՝ կանգ առանք մի շէնքի առաջ, որի ցուցատախտակին սքրուած էր «կենտրոնական ոստիկանատուն»: Երկրորդ յարկարաժնում մի քանի միջանցքներ անցնելով, թրղթատար ոստիկանին հետ մտանք մի ընդարձակ սենեակ: Հակառակ պաշտօնեաների բազմութեան, տիրում էր լռութիւն, մարդիկ կարծես համր էին: Այստեղ մի կարծ ու կլոր մարդ ընդունեց ծրարը, որի մէջ երեւան եկաւ ատրճանակս, ու տոմարի մէջ անցրնելով անունըս, գլխով շարժում արաւ քովնտի կանգնած պաշտօնեային: Դուրս ելայ նրա հետ. միջանցքներում պատահում էին աւլող եւ մաքրող բանտարկեալներ: Ոստիկանութեան կից բանան էի: Միջին մեծութեամբ մի խուց, վեր բացուած փոքրիկ պատուհան. պատին դամուած փայտէ շարժական մահճակալ, որ բաց էր. դէմ ու դէմ պատին ամբացուած այլ ձեւի սարքաւորում, որի մէկ ծայրից երբ քաշեցի, յանկարծ բացուեց մի սեղան. միւս փայտերը շարժելով՝ կազմուեց նստարան, ուր եւ

տեղաւորուեցի ես : Աջ կողմի սլափին դամուած նկատեցի մի դարակ . թէև խիստ յոգնած էի , բայց վեր կեցայ եւ բաց արի . մի պնակ , փայտէ դզալով միասին , ազաման , երկու հողէ ամաններ , որոնցից մէկը ջրով լի , լուացուելու համար հողէ կոնք . օճառ շկար . . .

Պուցիս մէջ արագօրէն թանձրանում էր մթնշաղ : Առաստաղից կախուած ելեկտրական լոյսը շատ բարձր էր եւ կարող էր բացուել միայն դրսից : Երկաթապատ դուռը ունէր հինգ – վեց սանդիմէթր տրամադծով մի կլոր ծակ , որ դրսից փակուած էր շարժական տախտակի լեզուակով : Մահճակալին վրայ երկարած՝ ուղում էի ինձ հաշիւ տալ , բայց ի դուր : Այժմ հակընդդէմ զգացմունքների մի քառս էր մէջս . գոհունակութիւն , որ վերջացած է գործը . դառնութիւն , որ երևի անխուսափելի է բանտում : Ու նոր էի զգում առաւօտեան ծեծի ցաւերը . կողերս ճմլուած էին , գլխիս վէրքը կոտտում էր , ծնկերիս կաշին փրցուած էր . մարմինս ջերմի մէջ այրում էր . . .

Իրիկունը ինձ առաջնորդեցին երկրորդ յարկում մի սենեակ : Ակնոցաւոր , այժեմօրուս մի պաշտօնեայ նստած էր մուտքի դիմաց , գրասեղանի մօտ , որի վրայ տեսայ ատրճանակս : Նրա մօտ կանդնած էր ասիական ախլի մի երիտասարդ , որ ատելավատ դայրոյթով նայեց ինձ : Աջ կողմից մի այլ գրասեղանի մօտ մի այլ պաշտօնեայ ճրագի տակ թերթում էր թղթեր . սեղանի անկիւնում գրուած էր , ճերմակ աստառը դէպի վեր , մի եւրոպական արիւնաներկ զգակ եւ ձեռնափայտ : Այժեմօրուսը սկսեց ինձ հարցաքննել . դժուարութեամբ էի հասկանում նրան . ու մէկ երկու հարցումներին պատասխանելով՝ խնդրեցի հայ թարգման : Քննիչը յամառ էր բոտ երեւոյթին , նոյն բաները գանազան ձեւերով կրկնելով , շարունակում էր հարցումների տարափը : Նրան հետաքրքրում էր , թէ ինչո՞ւ եւ ի՞նչպէս



Մէկ միլիոն հայերու ջարդարար
ԹԱԼԷԱԹ փաշա

սպաննեցի «Թալէաթ փաշա» յին : Բայց ի՞նչպէս կարող էի այդ հարցումներին գերմաներէն պատասխանել, երբ արդէն որոշել էի հրէշի նիւթած սարսափները նըկարադրել ու աշխարհի դատաստանին յանձնել մեծ սճիրի հեղինակներին : Քննիչը ձեռք առաւ ատրճանակս ու սկսեց դարձնել ծոծրակի, քունքերի ուղղութիւններով՝ պարզելու համար, թէ ի՞նչպէս կրակեցի : Պատասխան չստանալով՝ զէնքը վար դրաւ ու նայեց ասիատիպ երիտասարդին :

— Անզղա՛մ, ի՞նչպէս ձեռքդ վրայ գնաց ասլանի պէս այն մարդուն սպաննել, թուրքերէն գոչեց վերջինը :

Թուրք լինելուց աւելի դարմանք պատճառեց նրա հարցումը :

— Այնպէս, ինչպէս նա սպաննեց մէկ միլիոն անմեղներ, պատասխանեցի ես :

— Ուրեմն թուրքերէն գիտէ՞, գոչեց քննիչը :

— Ինձնից էլ լաւ, պատասխանեց երիտասարդը :

— Ուրեմն կարող ենք ձեր օգնութեամբ հարցաքննել. հարցրէք, խնդրեմ, թէ ի՞նչ պատճառով սպաննեց թալէաթ փաշային :

Հարցումը թուրքերէն կրկնելու ժամանակ երիտասարդի ձայնը դողաց : Կտրականապէս մերժեցի թուրքերէն որեւէ հարցումի պատասխանել :

Երիտասարդը մօտեցաւ միւս պաշտօնեային : Վերջինը մի լրացրի մէջ փաթաթեց թալէաթի դիտարկը եւ ձեռնափայտի հետ միասին յանձնեց նրան : Գուրս դրնաց. հաւանաբար աղգականն էր կամ մօտ բարեկամ :

Քննիչը նոր միայն առաջարկեց ինձ նստել ու վերաբերմունքն էլ փոխուեց : Այլօտ կերպով հասկանում էի, որ այժմ խօսում է հայկական ջարդերի մասին : Նա մէկ երկու անգամ յիշեց Լեպսիուսի անունը : Կրքիւնեցի հայ թարգման հրաւիրելու խնդրանքս :

Բանտասենեակում ճրագ կար. քառորդ ժամ չանցած մարեցին ու ամէն ինչ պարուրուեց խաւարով: Այնքան համբ էր բանտը, որ միայն ուշագիւր լսելով կարելի էր հասկանալ, թէ երբեմն շատ զգոյշ, միջանցքով անցնում է հսկիչը: Ժամերով ես տարուած էի այն խնդրով, թէ ի՞նչ եւ ի՞նչպէս պիտի ասեմ, եթէ վաղը ինձ կանչեն հարցաքննութեան հայ թարգմանի միջոցով: Երբեմն անթիւ մտքեր զլխիս մէջ ստեղծում էին իրարանցում՝ զրկելով ինձ նրանց կարգաւորելու հրնարաւորութիւնից. երբեմն էլ կարծես բոլորը մէկ դուրս էին թռչում ու զլուխս պարսպ տակառի պէս դրմբում էր...

Ինձ թւում էր, որ անհրաժեշտ է սկսել Պոլսոյ հայութեան հանրային աչքառու դործիչներին, ժողովականներին, երեսփոխաններին, յեղափոխականներին, խմբագիրներին, ուսուցիչներին, բժիշկներին, դեղագործներին, փաստարաններին, գրագէտներին ջարդից: Ինքը՝ թալէաթը նրանց մօտ իր զլուխն էր պահում Արտիւլ Համխտի հալածանքներից...

Այստեղ ինձ թւում էր, որ նախապէս անհրաժեշտ է պարզել համխտեան ջարդերի եւ տեղահանութեան տարրերութիւնը: Արդ, որո՞նք էին այդ տարրերութիւնները, ասում էի ինքս ինձ: Համխտեան ջարդերը տեւում էին չորս, հինգ, վեց օր, ամենաշատը մի շաբաթ. կանայք ու երեխաները մասամբ կարողանում էին ազատուել. դազազած ամբոխը, յաղեցնելով արեան ծարաւը, բնկնում էր թալանի, կողոպուտի յետեւից: Այդ բարեպատեհ առիթից օգտւում էին շատերը ու մահից ազատւում: Այլ բան էր տեղահանութիւնը. նա տեւական երկրաշարժի նման էր, որից ոչ ոք չէր կարող ազատուիլ: Քնած թէ արթուն, ոտքի վրայ թէ նստած՝ նա կար ու կար, դիշեր - ցերեկ կար, մինչեւ որ վերջին մարդը մեռնէր: Ամէն մի առանձին հայ

մարդու համար նա տեսում էր այնքան, որքան անհր-
րաժեշտ էր, որ նա կա՛մ սրով մեռնէր, կա՛մ կացնա-
հար լինէր, կա՛մ գնդակահարուէր, կա՛մ պապակից
մահանար կամ սովամահ լինէր, կա՛մ գանակոծու-
թեամբ սպանուէր, կամ այրուէր եւայլն: Նախապէս
բնաւ չէր կարելի հասկանալ, թէ ի՞նչ բան էր տեղահա-
նութիւնը, նրա ահեղ ահագնութիւնը սկսեց պարզուել
հետագային, երբ ստիկանները հրամայում էին ան-
դադար քայլել, երբ հեռանում էին ծննդավայրից եւ
յետ նայելով՝ տեսնում էին, որ շէնքերը փոքրացել են,
երբ թոյլեւս չէիր տեսնում գիւլիդ եկեղեցու դմբէթը,
երբ լայնատարած դաշտի մէջ էիր, եւ չէիր դիտեր, թէ
ուր ես...

Գլուխս ցաւում է: Ա՛խ, ինչպէս ցաւում է գլու-
խս. ամենահեռուոր պատկերն անդամ չեմ կարող
պարզել. հնոցի մէջ եմ կարծես, մրմնջացող մի թրմ-
բութիւն համակում է ինձ: Նախամեծար չէ՞ արդեօք
ուղղակի թալէաթի անմիջական կարգադրութիւնից
սկսիլ. յիշել, օրինակ, Սիրքէճիի, Սէլիմէի, Սարա -
Պուրնուի, Սէնճան - Քէօյի, Այաշի, Գալաճքի, Չան-
կըրիի եւայլն գէպքերն ու տեղահանութիւնները: Բայց
ի՞նչպէս որակել այդ գէպքերը եւ ո՞վ կը հաւատայ, որ
ասածներս իրողութիւններ են: Լաւագոյն գէպքում
այժեմօրուս քննիչը կարող է հարց տալ.

— «Շատ բարի. այդ ի՞նչպէս է, որ թուրքիայում
մի իսկական մարդ չգտնուեց, որ գոչէր՝ բաւական է
ու վերջ տար սպանդին»:

— «Ի հարկէ, ստորագասների մէջ եղել են ոմանք,
որ շէմել են թալէաթի հրամանը կարգալով. օրինակ՝
գիշերանոցի մէջ փաթաթուած կուսակալ Մագհարը
գոչել է. «Օ՛, ներեցէ՛ք, ես ի՞նչպէս կարող եմ անմեղ
մարդկանց կոտորելու հրաման արձակել. Էշրաֆը չի
ընդունիր, ներեցէ՛ք», բայց ահաւասիկ սելանիկցի Ա-

բիՖը, դէմքը կասկարմիր, դուրս է քաշում գրպանից մի թուղթ ու ցոյց տալով դռչում .

— «Այն դէպքում կուսակալը ես եմ, ո՞ւր է Գուլայ դիւզի հոճա Գարա - Մէհմէտը» :

— «Էֆէնտի՛մ», լուում է խաւարում խմբուած ամբոխի միջից, լուսնի մի ցուք ընկնում է փաթթոցին ու կազամբի նման ստուեր նետում գետնին :

— «Էնկիւրիի 1200 եւ Սթանսս դիւզի 350 հայերը՝ միասին», դռչում է Արիֆը : Ու գետնին տնկուած կազամբի ստուերը սկսում է շարժուել . զոհերի ազագակները հասնում են մինչեւ Գապլը Պէլ, ուր կրկնացի Զէքին հապճեպով կապկպում է նրանց թեւերը . . .

Օ՛, հաւատացէ՛ք, արեւի սէս ճշմարտութիւն եմ պատմում ձեզ . տասնապետ Ֆիշիլ օղլու Ռեֆիկը դարզանդի տեսարանից փախաւ, իսկ Հասան եւ Սուրշիա շաուշները խելագարուած՝ սկսեցին գլխատել գիակները : Այգպէս ամէն տեղ, Սարը - Գըշլայի եւ Գոնիայի ճամբով դէպի Ատանա - Հալէպ, մինչեւ Տիգրանակերտ ու Ամանոսի լեռները, Այրանի փակուղիները, մինչեւ Օսմանիէ, Հասան - Պէլլի, Իսլահիէ, մինչեւ Ուրֆա - Էէ՛, Էէ՛, լսեցէք, նախ թոյլ տուէք ձեզ նկարագրել Ուրֆայի հերոսամարտը . ձեռք ընկածները 18ից 25 տարեկան մտաւորական, արհեստաւոր, հայրենասէր երիտասարդներ, մէկը միւսից ազնիւ, անձնուէր, ազգայի յոյսերով խանդավառ, ծագկափթիթ երիտասարդներ . նրանցից մէկը միայն վերջին պահին թուլացաւ :

— «Աստուծոյ սիրոյն զնգակով սպանեցէք, որ շուտով վերջանանք», ասաց նա :

— «Հազուատները հանեցէք անվնաս պահելու համար, մարմինները ծակծկեցէք», հրամայեց հազարապետ Հալոն . . .

Եւ իբր թէ քննիչը ասում է .

- «Ընդհանուր ձեւով պատմեցէք» :
- «Ընդհանր» :
- «Այո՛, այո՛, ընդհանուր. օրինակի համար, ի՞նչպէս էին սկսում ջարդերը ընդհանրապէս քաղաքներում» :
- «Ընդհանրապէս քաղաքներում» :
- «Այո՛» :
- «Ընդհանրապէս քաղաքներում երեք օր պայմանաժամ էր տրւում կոտորածի վայրերը զնալու համար. իւրաքանչիւր ոք ազատ էր իր կի՛նն ու երեխան հետը առնելու կամ չառնելու» :
- «Ի՞նչպէս թէ՛ առնելու կամ չառնելու» :
- «Այնպէս» :
- «Իսկ եթէ կոտորածի վայրերը չզնայի՞ն» :
- «Անաստողներին սպանում էր մահուան սլափ» :
- «Որո՞նք էին ջարդի վայրերը» :
- «Նախ՝ արիւնոտ ճանապարհները, Ատապազար
- Պրուսա — Աֆիոն Գարահիսար - Գոնիա — Մերսին . Գասթեմուռի — Չանկըրի — Էնկիւրի — Սուլթանիխան — Ատանա . Սամսոն — Մարգուան — Ամասիա — Սըվազ — Կեսարիա — Մարաշ — Այնթապ — Իսկենտերուն . Շապին Գարահիսար — Երզնկա — Ուրֆա — Հալէպ . Տրապիզոն — Բարերդ — Էրզրում — Մուշ — Պիթլիդ — Ռաս - Էլ - Այն» . . .
- «Ճանապարհները ձգեցէք» :
- «Այա մեծ սպանդանոցները. քառասուն հազարից մինչեւ հարիւր վաթսուն հինգ հազար զոհերով Պողաղլեան, Իւչ - Տէյիբէնլիք, Կանլը - Կէչիա, , Տէր - Զօր» . . .
- «Բաւական է» :
- «Այնուհետեւ առանձին խմբերով կոցնահարուածները, ուրազով տաշուածները, սղոցուածները» :

բահով, բրիչով, մահակով, սակրով զարնուածները, ջրամոյն, ծովամոյն եղածները. հորերի մէջ ողջ ողջ թափուածները»...

— «Հերի՛ք է»:

Աստուա՛ծ իմ, Աստուա՛ծ իմ, ի՞նչ է լինում ինձ հետ...

* * *

Առաւօտեան դուռը բացուելուն պէս ներս մտաւ մի բանտարկեալ ծառայ, որ բարեկամարար գլուխը թօթուեց, ժպտաց, առաւ ջրի ամանը ու քիչ յետոյ վերադարձաւ թարմ ջրով ու մի բաժակ սուրճով. լեզի, տաք ջուր, մի քիչ գարի, առանց շաքարի բայց կազդուրիչ էր:

Մէկ - երկու ժամ ետքը ինձ առաջնորդեցին զրասենեակների բաժնում մի այլ սենեակում, ուր յանկարծ դէմ առ դէմ եկայ Գալուստեանի հետ: Յուզուած սլապուրեց ինձ:

— Բնաւ հող մի արա, ամբողջ գաղութը ոտքի վրայ է քեզ պաշտպանելու համար:

Կեանքը արժէք է ստանում նման հանդիպումների ժամանակ. մէկէն սիրտ առի: Նա վերցրեց, մօտի աթոռից, ինձ բերած շաքարեղէնների եւ բիսկուիտների կապոցները, բայց չփոթութեամբ յետ դրեց:

Գրասեղանի մօտ նստած էր բարեհամբոյր եւ ակնոցաւոր մի մարդ. — Շարլոտեմբուրդի զատարանի գաղտնի խորհրդական՝ պարոն Շուլցէն քեզ հիմա պիտի հարցաքննէ. ես հրաւիրուած եմ իբրեւ թարգման:

Սառնիխուռն վերյիշեցի այն ամէնը ինչ որ գիշերը մտածել էի, բայց քննիչը սկսեց վերստուգել նախապէս կադմուած արձանագրութիւնը:

— Ո՛չ, պարսկահայտաակ չեմ, ասացի, երբ հասաւ այդ կէտին:

— Երէկ այդպէս էք յայտարարել . զարմացած , նայեց ինձ քննիչը :

— Այո՛ , եկել եմ Բերլին պարսկական անցազրով , բայց թրքահայտակ եմ , Երզնկայի Բաղատիճ գիւղից :

— Ինչո՞ւ այդ կեղծիքին զիմեցիք :

— Կեղծիք չէ , այլ անհրաժեշտութիւն . Չարկերից յետոյ ոչ մի հայ չի կարող թրքական անցազիր ստանալ :

Քննիչը մեղմօրէն շարժեց գլուխը :

— Ո՞ւր էք ուսանել :

— Երզնկայի ազգային վարժարանում :

— Այդ գպրոցի վկայականը կը բաւէ՞ր այստեղ համալսարան ընդունուելու համար :

— Ո՛չ , կ'ուզէի ազատ ունկնդիր լինել :

— Գերմաներէն գիտէ՞ք :

— Այո՛ , որքան կարելի էր երեք ամսուան մէջ սովորել :

— Գիտէ՞ք թէ սվ էր Ալի Սալիհ բէյը , որ սպանեցիք երէկ . Հարտենրերդ թիւ 17 բնակարանի մայթին վրայ :

— Այո՛ , թալէաթ փաշան :

— Ի՞նչը ձեզ հարկադրեց այդ սճիրը գործելու :

— Ոճրադորժը ես չեմ , այլ թալէաթը . նա բնաջրնջեց մեր ժողովուրդը . ես կարող եմ ձեզ պարզել նրա գործած սարսափները Պոլսից մինչև Տէր - Զօր :

Այստեղ ես պէտք է ասէի այն ամէնը , ինչ մտածել էի գիշերը , բայց քննիչը աւելորդ նկատեց այդ :

— Ովքե՞ր ձեզ օգնեցին թալէաթ փաշային սպանելու :

— Ոչ ոք :

Չարմացաւ ու յետ նայեց :

— Եթէ անդամ այդպիսիները լինէին, պիտի չկարողանայի տեսլ :

Հայեացքից բացօրոշ էր, որ հասկանում էր այդ :

— Ո՞ր կազմակերպութեան հրահանգով կատարեցիք այդ գործը :

— Անձնապէս :

— Անձնական ի՞նչ հաշիւ ունէիք Թալէաթ փաշայի հետ :

— Շահ մեծ, նրա հրամանով էր, որ բոլոր հայերի հետ միասին սպաննուեցին մայրս, կորայրս, եւ բոլոր ազգականներս : Այդ օրից ի վեր ես ապրել եմ միայն Թալէաթից վրէժ լուծելու յոյսով :

— Ո՞րքան ժամանակից ի վեր հետապնդում էիք այդ գաղտփարը :

— 1915ից սկսած, բայց երեք տարի է ձեռնարկել եմ Թալէաթի հետքը դտնելու աշխատանքին :

— Ի՞նչպէս իմացաք, որ Թալէաթ փաշան Բերլին է :

— Պատահարար, մի թերթի մէջ կարդացի :

— Իսկ ի՞նչպէս գտաք Թալէաթ փաշային Բերլինում :

— Փետրուարի վերջերին, կենդանարանական այդու մօտ մի օր յանկարծ թուրքերէն խօսակցութիւն լսեցի. երեք երիտասարդ թուրքերից մէկը «փաշաս» անուանեց յաղթանդամ մի մարդու, որ զրուցում էր նրանց հետ, բաժանուելու պահին երեքը համբուրեցին նրա ձեռքը : Վերջինը շատ նման էր Թալէաթին, որին կը ճանչնայի թերթերի մէջ տպուած նկարներից : Հետապնդեցի նրան մինչեւ Հարտենբերգ թիւ չորս բնակարանը : Մի քանի օր յետոյ սենեակ վարձեցի նրա տան դիմաց : Վերջին տասը օրուան մէջ առիթներ ունեցայ ստուգելու, որ «փաշաս» կոչուածը Թալէաթն է : Մարտի 15ին, երբ տնից դուրս ելաւ, խփեցի :

— Ուրեմն, ընդունում էք, որ սպանութիւնը կատարել էք կանխամտածումով :

Այդ հարցման խմաստը լաւ չհասկացայ. աւելի ճիշդ ինձ դարմանք պատճառեց Գալուստեանի դէմքի տհաճ արտայայտութիւնը, որով թարգմանում էր նսասածներս :

— Ի հարկէ . . .

— Ես հասկանում եմ, որ վրէժի դադափարը կարող է ձեզ մղած լինել այդ դործին, բայց միթէ՞ ձեր խիղճը չի տանջում ձեզ, սպանութիւնը կատարելուց յետոյ :

— Ընդհակառակն, սիրտս լեցում է դոճունակութեամբ, որ վերջապէս մէկ միլիոն անմեղ զոհերի վրէժը լուծուած է :

— Ուրեմն, դուք եկել էք Բերլին ոչ թէ ուսանելու, այլ թալէաթ փաշային սպանելու :

— Բերլինում մեքենագիտութիւն սովորելու մասին ես երազում էի դեռ պատերազմի նախօրեակին : Բայց տակնուվրայ եղաւ ամէն բան . . .

Քննիչը յետ նստեց՝ ձեռքի մատիտի հետ խաղալով :

— Գիտէ՞ք, որ օրէնքով ձեզ սպանում է մահապատիժ :

— Այո՛, բայց դործս յաջողութեամբ կատարելուց յետոյ, ի՛նչ ուզում է թող լինի :

— Ե՞րբ որոշում տուիք սպանութեան ձեռնարկելու :

— Մօրս անյայտ դերեզմանով երդուել էի թալէաթին սպանել. երբ ձեռքս ընկնէր, անպայման պիտի սպանէի :

— Պատմեցէք, թէ ի՛նչպէս սպանեցիք թալէաթ փաշային :

— Մարտ 15ի առաւօտեան պատուհանից յանկարծ

տեսայ, որ Թալէաթը դուրս ելաւ փողոց ու զնայ դէ-
պի վար. տարճանակս տալի, վրայ հասայ. զուգահեռ
մայթով արագ զնայի, տաջ անցայ. երբ նա բուսական
յետ մնաց, անցայ միւս մայթը, յետ դարձայ նրան
զխմացից խփելու համար: Բայց մէկ – երկու քայլ մնա-
ցած, յանկարծ նա զզաց, սարսափահար նայեց, ուղեց
թեքուել, խուսափել, երբ զնդակը գամեցի գլխին:

— Յիշո՞ւմ էք, որ փողոցը անցել էք երաժշտական
վարժարանի մօտ:

— Ո՛չ...

Քննիչը այնուհետեւ շատ երկար կանգ առաւ, թէ
վերջին պահին ինչ զիւրքի մէջ կատարուեց սպանութիւ-
նը. յետեւի՞ց թէ առջեւից, կողքի՞ց թէ թիկունքից,
ի՞նչ տարածութեան վրայ եւ այլն: Յողնել էի. գլուխս
ցաւում էր, պաղ քրտինքը վիրակապերի տակից ծո-
րում էր: Գալուստեանը ինչ որ բան շնչաց նրան: Վեր-
ջինը ինձ արձակեց...

Երբ դարձայ խուցս, յայտնուեց ծառայ բանտար-
կեայր. նա գլխիս վէրքերը լուաց ու նոր վիրակապեր
փաթաթեց: Այդ աշխատանքի ժամանակ նա անընդհատ
խօսում էր. զխտէր անունս, մականունս, ինչ զործով
մեղադրուելիս, զխտէր ջարդերի եւ Թալէաթի մասին.
զրեթէ քննիչի շափ բան զխտէր: Ջրոտ, բաց գոյն աչ-
քերը կարծես անթարթ էին. զէմքը նիհար, գունատ
ու արտայայտիչ: Ի հարկէ, շատ բան իր ասածներից
չէի հասկանում, բայց միտքը սլարդ էր. նա գտնում էր,
որ շատ լաւ եմ արել Թալէաթը սպանելով եւ ինքն էլ,
եթէ հայ լինէր, այդպէս պիտի վարուէր: Բայց շարժե-
այդպիսի հրէշ սպանելու համար գլխատուել: Եւ հիմա
բարեկամական պարտք ունէր ինձ իմացնելու, որ ամէն
բան կախուած է նախնական հարցաքննութիւնից: Եթէ
ես ասեմ, որ Թալէաթ փաշային սպանել եմ անձնական
վրէժխնդրութեամբ, կարող եմ ստանալ տասնըհինգ

տարուան տաժանակիր աշխատանք: Իսկ եթէ ասեմ, որ սպանել եմ ընդհանուր քաղաքական պատճառներով, այսինքն կանխամտածմամբ, ինձ կարող են գրվխատել: Այս հետաքրքրական մարդու մականունը Լեւին էր: Ասածներից հասկացում էր, որ բանտարկուած է զեղծարարութեան յանցանքով: Արդեօք որեւէ ակընկալութի՞ւն ունէր ինձնից. չգիտեմ. յամենայն դէպս՝ ես տուի նրան Գալուստեանի բերած շաքարեղէնների մի մասը, որ արագութեամբ տեղաւորեց գրպաններում:

Քիչ ետքը նորից յայտնուեց մի ուրիշի հետ. դրան մօտ նրանք վար դրին մի խոշոր կաթսայ. կէսօր էր, կերակուր էին բաշխում. նա պնակս լեցրեց եւ դրեց սեղանին: Ամէն բան կար այդ ապուրի մէջ, բացի մսից ու իւղից. բոլորովին բուսեղէն մի ուտելիք: Լեւինը շշնջաց, որ եթէ կը փափաքիմ, կարող է ինձ լրաթերթ էլ բերել:

Անցաւ երկու երեք ժամ:

— Մոլոմո՛ն, լսեցի:

Մօտեցայ դրան ծակին ու մինչ ես մտածում էի, թէ ինչպէս պէտք է ներս առնեմ ձեռքի թերթը, նա արագութեամբ ներս սահեցրեց դրան տակից «Մորզէն Պաստ»ի մէկ թիւը: Թերթի ճակատին խոշոր գրերով տպուած էր՝ «Նախկին մեծ եպարքոս Թալէաթ փաշան Բերլինի մէջ սպաննուած». տակը՝ «Քաղաքական վրէժ-խընդրութիւն մի հայ ուսանողի կողմից»: Մտածում եմ, որ Լեւինի ասածները «գլխատման» ու «տաժանակիր աշխատանքներ»ի մասին այնքան էլ անիմաստ չէին: Նոր եմ հասկանում, թէ ինչո՞ւ Գալուստեանն էլ տհաճութեամբ էր լսում ընդհանուր բնոյթ կրող պատասխաններս հարցաքննութեան ժամանակ...

Իրիկուան դէմ Շուրցէն շարունակեց հարցաքննութիւնը: Այս անգամ աշխատեցի որքան կարելի է խընդրին անձնական բնոյթ տալ, որ առանց այն էլ մեծ բա-

Ժին ունէր ինձ մղում տուող պատճառների մէջ: Երբ վերջացաւ, յաջողեցի մի քանի խօսք փոխանակել Պալուստեանի հետ: Թուրքերը ցոյց են տալիս մեծ դործունէութիւն՝ դատը շահելու համար: Հայ դազութիւն էլ ամէն կերպ աշխատում է, որ անպարտ արձակուեմ՝ իւրացնելով խնդիրը իբրեւ համազգային հարց: Յերեկուան ցուցմունքներս Պալուստեանը, իբրեւ թարգման, չէր ստորագրել՝ նկատելով դատին համար նրանց աննպաստ հանդամանքը: Նոր էի հասկանում, որ խորնդիրը միայն ինձ չի վերաբերւում եւ պարտաւոր եմ ներդաշնակելու իմ բնթացքը դրսի բարեկամներին հըրահանդներին հետ...

Նոր էի դարձել բանտասենեակ, երբ լսեցի.

— Սոլումո՛ն:

Լեւինն էր: Մի բան սահեցրեց դրան տակով. հայելիի մի փշուր: Այլանդակուած էի. քթիս մէկ կողմը ուռած, աչքիս տակը վէրք, ձախ այտս ծուլատուած, ձակատիս աջ կողմը՝ վէրք...

— Սոլումո՛ն:

Գարձեալ նա:

— Ի՞նչ կայ:

— Հայոց գեապա՞նն էր:

— Ո՞վ:

— Այն մարդը, որ ներկայ էր հարցաքննութեան:

— Այո՛...

Առաւօտեան ինձ նորից կանչեցին հարցաքննութեան. այս անգամ եղեռնադատատեանի հարցաքննիչ ՄանսոյՖէլլի մօտ. ճողատ, ձայնի ջերմութիւնը կորցրած, գէմքի սուր արտայայտութեամբ, տարիքն անցած մէկը: Ամէն կերպ աշխատեցի անձնական քնոյթ տալ խնդրին: Բայց անկարող էի ժխտել, որ սպանութիւնը կատարել եմ կանխամտածօրէն: Վերջին պահին Պալուստեանից իմացայ, որ դազութիւն որոշել է պաշտ-

պանութեան համար հրաւիրել Բերլինի նշանաւոր փաստաբաններին :

Երբ վերադարձայ բանտասենեակ, դուռը բաց էր. Լեւինը լուանում էր յատակը : Կարծես հեռախօսային ցանցով նա կապուած էր բանտի բոլոր ծակ ու ծուկերի հետ . վայրկեան չանցած տեղեակ էր բանտի մէջ տեղի ունեցած բոլոր իրադարձութիւններին : Մանտոյ-Ֆէյլը այն մարդն է, որ դժբախտացրել է Լեւինին, հաշուապահական ակնյայտ սխալը ներկայացնելով իրբեւ զեղծարարութիւն . եւ այն էլ ի՛նչ զեղծարարութիւն . ընդամէնը յիսուն հազար մարքի մի խնդիր, երբ դրամի արժէքը ընկած էր եւ ինքն էլ բնաւ յանցանք չունէր այդ դործում : Ահա թէ ո՛րքան բախտորոշ նշանակութիւն ունի «նախնական հարցաքննութիւն»ը : Գալով ինձ՝ նա դանում էր, որ ես շատ լաւ եմ արել ասելով, թէ «ոճրադործը ես չեմ, այլ Թալէաթն է» :

— Հրաշալի է . բայց նախնական հարցաքննութեան մէջ պէտք չէ ասէիք, այլ դատարանում վերջին խօսքի մէջ : Այժմ դրանով դուք արտայայտում էք ըմբոստ տրամադրութիւն . «Ոճրադործը ես չեմ, այլ Թալէաթը», հասկանո՞ւմ էք, թէ ի՛նչ էք ասել դուք . այսօր մերկ փաստը այն է, որ դուք սպանել էք, իսկ նա մեռել է . ո՞վ պիտի հաստատի, որ նա անցեալում ոճրադործ էր, երբ քիչ առաջ այստեղ արժանանում էր պատիւների . . .

Շեմքում երեւոյց մեղամաղձոտ հսկիչը . Լեւինը ծլկուեց ու, կրակ կտրած, աւարտելով աշխատանքը, դուրս գնաց :

* * *

Հինգ օր յետոյ ինձ փոխադրեցին կենտրոնական քանտը : Անախորժ էր այդ, որովհետեւ արդէն յարմարուել էի կեանքիս պայմաններին եւ ունէի Լեւինի

պէս բարեկամ : Այդ առթիւ ինձանից աւելի ազգուած էր ինքը Լեւինը :

Կենտրոնական բանտը բռնում էր շատ լայն տարածութիւն , բազմաթիւ շէնքերով , մէջ ընդ մէջ բացուող բակերով եւ բաժիններով : Քրէականների բաժնում բանտասենեակները դասաւորուած էին երկշարք՝ մի խոշոր սրահանման տարածութեան մէջ : Սրահի կենտրոնում , դրասեղանի մօտ , տեղ բռնած պաշտօնեան մանրամասն արձանագրեց հազուատներս , վրաս եղած ամէն բան , անգամ ձեռքի թաշկինակս ու մի տոմսով յղեց առաջին յարկը : Բազնիք էր՝ օրինակելի մաքրութեամբ եւ սարք ու կարգով : Բազնիքից դուրս դալով տեսայ , որ հազուատներս փոխարինուած էին բանտայինով : Հազնուեցի եւ մի նոր տոմսով ներկայացայ նախկին պաշտօնեային , որ ինձ յանձնեց հսկիչներէց մէկին :

Այստեղ բանտասենեակը ընդարձակ էր եւ լուսառատ . նոյն ձեւի ծալուող մահճակալ , սեղան , նստաքան , դարակ եւ այլն , ինչ որ նախկին բանտում : Բայց մաքրութիւնը այստեղ զերազանց էր : Հսկիչը ինձ պարզեց տիրող կարգերն ու պարտականութիւններս : Առաւօտը , առաջին զանգակը հնչելուն պէս , պէտք է վեր կենալ անկողնից , լուացուիլ եւ ջրամանը պատրաստ ունենալ : Քառորդ ժամ յետոյ երկրորդ զանգակը նշանակում է , որ պէտք է ջուրը ստանալ , որից անմիջապէս յետոյ պէտք է սենեակը մաքրել եւ աղբը , աւլուքը եւ աղբիւսը դրան մօտ կուտակել : Քիչ վերջը հնչուելիք զանգակի վրայ , այդ բոլորը պէտք է նետուի աղբիւսակալ ժախնոցին մէջ : Ապա , քառորդ ժամ յետոյ , հնչող զանգակը նշանակում է , որ բաշխուում է օրուան հացը : Քիչ յետոյ հնչուելիք զանգակը ազգարարում է սուրճի բաշխումը : Այնուհետեւ հնչում է դրօսանքի զանգակը , յետոյ՝ ճաշի , ապա՝ նորից սուրճի , յետոյ՝ ընթրիքի ,

վերջապէս, սլառկել քնելու զանգակը : Այս կեանքի հե-
ռանկարը սարսափելի էր . . .

— Հիմա ահաւասիկ հնչեցնում եմ իրիկնադէմի-
սուրճի զանգակը, յարեց հսկիչը . . .

Նոյն սնունդն էր՝ ինչ նախկին բանտում : Մի տար-
բերութիւն այստեղ յատկապէս նկատելի էր. ուժիմը
խիստ էր, կարգապահութիւնը՝ երկաթեայ : Գիշերը
մի ամբողջ թաղամաս բռնող այս բանտային աշխար-
հում կեանքը խստաքարացու :

Յաջորդ օրը կիրակի էր : Առաւօտեան սուրճից յե-
տոյ, ինձ այցելեց բանտի քահանան :

Ըստ երեւոյթին, մարդասպանների համար բան-
տում հաստատուած սովորութիւն էր այդ : Գիրուկ,
քիչ կոր, թմրլիկ ձեռքերով, հեղ ու տժգոյն դէմքով
քահանան գիտէր Փրանսերէն, որ աւելի մատչելի էր
ինձ : Իր ներշնչումները սկսեց նրանով, որ դոկտոր
Լեպսիուսի գործերից ծանօթ էր հայ ժողովուրդին վի-
ճակուած տառապանքներին եւ հասկանում էր արար-
քիս պատճառները :

— Բայց Տէրն մեր Յիսուս Քրիստոս պատուիրում
է խմել դառնութեան բաժակը մինչեւ վերջին մրուրը՝
երկնային փառքին արժանանալու համար, ասաց նա . . .

Ամէն մարդ կեանքի մէջ պէտք է կատարի իր սյար-
տականութիւնը : Ու ես համբերութեամբ լսում էի նրա
քարոզը՝ համեմուած Տէրն մեր Յիսուսի - Քրիստոսի
երկրային կեանքի օրինակներով, նրա անսահման նե-
րողամտութեամբ ու տիեզերական բարութեամբ : Քա-
հանան արարքիս համար դատապարտութեան խօսք
չունէր : Նրան շատ լաւ ծանօթ էին մարդկային թույլ-
թիւնները : Բայց որ վրէժը, անգամ նրա զգացումը
դէմ է Աւետարանի սրտին, իրրեւ քրիստոնեայ պարտա-
ւոր էի իմանալ : Այստեղից շատ պարզ էր այն գայթակ-
ղութիւնը, որ մղել էր ինձ յանցագործութեան :

— Բայց Տէրը ոչորմամբ է ու բարի. և բաւական է, որ դուք բռնէք զղջման ու ապաշխարութեան ուղին, որպէսզի թեթեւ ապրէք բանալի կեանքը...

Տեսնելով, որ զերմաներէն դժուար եմ հասկանում ու Ֆրանսերէնս էլ թերի է, նա խոստացաւ ուղարկել ինձ հայերէն Սուրբ Գիրք ու մեկնեց իր այցելութիւնից դուստ:

Եւ իրօք, նստած էի ու չգիտէի, թէ ի՞նչպէս կարելի է սպանել ժամանակը, երբ դուռը բացուեց ու հակիչը ինձ մեկնեց հայերէն շին ու նոր կտակարանները մէկ կազմով: Աչքս ընկաւ Յովնանու Յայտնութիւններից մէկի վրայ, ուր աւուում է.

— «Ու տեսայ, որ ծովէն գազան մը կ'ելլէր, և ունէր եօթը գլուխ ու տասը եղջիւր. և անոր եղջիւրներուն վրայ տասը թագ, ու անոր գլուխներին վրայ հայհոյութեան անուններ կային: Եւ այդ գազանը, զոր տեսայ, բնծու նման էր, ու իր սաքերը արջու սաքերու պէս, և իր բերանը առիւծի բերնին պէս. ու վիշապը անոր տուաւ իր զօրութիւնը, իր աթոռը ու մեծ իշխանութիւն: Եւ անոր գլուխներէն մէկը մահու շափ վիրաւորուածի պէս էր. ու անոր մահուան վէրքը առողջացաւ. և բոլոր երկիր գազանին և տեւէն դարձացաւ: Եւ երկրպագութիւն բրին վիշապին, որ գազանին իշխանութիւն տուաւ, բսելով, ո՞վ է այդ գազանին նման և ո՞վ կրնայ անոր հետ պատերազմ ընել: Եւ անոր մեծ բաներ և հայհոյութիւններ խօսող բերան տրուեցաւ, և քառասուն երկու ամիս անոր իշխանութիւն տրուեցաւ իր կամքը ընելու: Ու իր բերանը հայհոյութեամբ Աստուծոյ դէմ բացաւ, անոր խորանը ու երկինքը բնակողներուն հայհոյելու: Եւ անոր իշխանութիւն տրուեցաւ սուրբերուն հետ պատերազմ ընելու և անոնց յաղթելու, և անոր իշխանութիւն տրուեցաւ բոլոր ցեղերու և ժողովուրդներու ու

լեզուներու եւ ազգերու վրայ: Եւ անոր երկրպագութիւն պիտի ընեն երկրի վրայ բոլոր բնակիչները, որոնց անուաները աշխարհի սկիզբէն ի վեր մօրթուած Գառնուկի կենաց գրքի մէջ գրուած չեն: Ով որ ահանջ ունի՝ թող լսէ: Ով որ գերութեան քչէ, ինքը գերի պիտի տարուի. ով որի սրով սպաննէ, պէտք է, որ ինք սրով սպաննուի. հոս է սուրբերուն համբերութիւնը ու հաւատքը» . . .

Նախապէս գիտէի, որ հայկական ջարդերը տեւել են քառասուն երկու լման ամիսներ, 1915ի Մայիսից մինչեւ 1918ի Հոկտեմբերը, այսինքն տեղահանութեան առաջին հրամանից մինչեւ Մուարոսի գինադադարը: Ու տարուել էի այն մտքով, թէ Յովնանու ահնարկած դազանը նոյն ինքն թալէաթն էր, երբ յանկարծ դուռը բացուեց: Ինձ կանչում էին տեսակցութեան: Նախասենեակում երեք բանտարկեալներ սպասում էին իրենց հերթին: Կէս ժամից աւելի անցաւ մինչև հերթը հասաւ ինձ: Սպասման սրահում բազկաթոռին նստած էր մի վարդապետ, տեսնելով ինձ՝ ոտքի ելաւ, հանգիստւոր դանդաղութեամբ խաչակնքեց, հայեացքը ինձ ուղղած եւ սնդային բամբ առողանութեամբ դռնէն . . .

— Տէրն մեր Յիսուս - Քրիստոսի անուամբ օրհնում եմ քեզ, որ դազանը սպաննեցիր եւ բոլորիս վրէժը լուծեցիր: Քիչ առենէն պիտի մեկնիմ Հոռոմ, բայց շուտով պիտի դամ քեզ խոստովանանքի ենթարկելու եւ այդ հիման վրայ Հոռոմի պապին դիմելու, որ իր օրհնութիւնները ընծայէ քեզի՝ ազգանուէր դործիդ համար . . .

Պաշտօնեան միջամտեց, որ անհասկնալի լեզուով շխոսուի: Հայազգի վարդապետը նուիրեց ինձ Երուսաղէմի մի խաչ ու գնաց: Այնպիսի մի անահնկալ էր այդ այցը, որ կարծես նոյնինքն Յովնան մարդարէն էր: Որտեղի՛ց ուր, մտածում էի, օրուան հողեկան ան-

դոճանքից եւ շփոթութիւններից շշմած, դառնալով նը-
կուզս, Երուսաղէմի խաչը ձեռքիս . . .

Բանաթի մատուռի զանգակները զօղանջում էին
հեծկլտաղին: Ո՛րքան ձայնը նման էր Երզնկայի Սուրբ
Նշանի զանգակների զօղանջին: Մինչ այստեղ մէկ հեղ
զօղանջեց, միւսը կարծես տեւում էր յաւիտեան. այս-
տեղ զանգի հարուածները հարսանիքի պէս խառնա-
փրնթօր էին եւ անհասկանալի: Ներս մտնելով ձեռք
առի Կտակարանները. «Եւ ուրիշ զազան մը տեսայ՝ որ
երկրէն կ'ելլէր ու դառնուկի նման երկու եղջիւր ունէր
ու կը խօսէր վիշապի պէս», գրուած էր այնտեղ, «եւ
առաջին զազանին բոլոր իշխանութիւնը կը վարէր ա-
նոր առջեւ, ու երկիրը եւ անոր բնակիչները կը ստի-
պէր, որ երկրպագութիւն ընեն առաջին զազանին, ո-
րուն մահուան վէրքը առողջացաւ: Եւ մեծ նշաններ
կ'ընէր, ու մինչեւ անգամ երկնքէն կրակ կ'իջեցնէր
երկրի վրայ մարդոց առջեւ: Ու երկրի վրայ բնակող-
ները կը մոլորեցնէր այն նշաններով, որ իր ձեռքը
տրուած էր զազանին առջեւ ընելու. ու բնակիչներուն
կ'ըսէր, որ պատկեր չինեն այն զազանին, որ սրով վի-
րաւորուած էր եւ առողջացաւ: Եւ իշխանութիւն արը-
ուեցաւ անոր, որ զազանին պատկերին հողի տայ, որ-
պէսպիսի զազանի պատկերը խօսի, եւ ով որ զազանին
պատկերին երկրպագութիւն չընէ, դանիկա սպաննել
տայ: Եւ կը ստիպէր ամէնը, այսինքն պղտիկները եւ
մեծերը, ու հարուստները ու աղքատները, եւ աղաա-
ները ու ծառաները, որ իրենց աջ ձեռքին վրայ կամ ի-
րենց հակատին վրայ գրոշմ ընդունին: Եւ որ մէկը
չկրնայ գնել կամ ծախել, բայց միայն ան՝ որ ունի գր-
ոշմը կամ զազանի անունը կամ անոր անունն թիւր:
Հոս է իմաստութիւնը. ով միտք ունի, թող հաշուէ
զազանին թիւր, քանզի մարդու մը թիւ է ու անոր թի-
ւը վեց հարիւր վաթսուներովեց է» . . .

Յիշում եմ, որ ուսւ մեծ գրող Տոլստոյը, իր «Պատերազմ եւ Պաղաղութիւն» գործի մէջ այս առթիւ կատարել է մի փորձ. Փրանսերէն այբբենարանի առաջին ինը տառերը, այսինքն մինչեւ K, իւրաքանչիւրը թըւարկելով միաւորներէ՝ 1, 2, 3, 4, 5, 6, 7, 8, 9, ապա K տառից մինչեւ Zը տասնեակներէ՝ 10, 20, 30 եւ այլն, նա փորձով գտել է, որ «L'Empereur Napoléon»ը կազմող տառերի թուական գումարը հաւասար է 666ի: Բայց այն ժամանակ նա չգիտէր, թէ մարդը մարդուն, բառիս բուն առումով, գազան պիտի լինէր հետադայում...

Նորից գուռը բացուեց. այս անգամ մեզ տանում են եկեղեցի: Բանաարկեալները, գուրս գալով նկուղներից, շարքի են կանգնում դէմքով դիմացինի ծածրակին, որով նոր գուրս եկողները չէին կարող ո՛չ տեսնել եւ ոչ էլ խօսիլ շարքի մէջ արդէն կանգնածների կամ թիկունքում շարուածների հետ: Մատուռի մօտ, սանդուխի մի քանի աստիճաններ բարձրանալով, մրտանք ամփիթատարոնաձեւ մի սրահ, որ դէմի վարսագուրակալ բեմով աւելի շատ յիշեցնում էր թատրոնքան եկեղեցի: Զարմանալի էր նստարանների կառուցուածքը. թէև նրանք կազմում էին իրար թիկունքների թառած շարքեր, բայց ամէն մի նստարան մի առանձնացած վանդակ էր, որից չէինք կարող ոչինչ տեսնել ո՛չ վարը եւ ոչ վերը, ո՛չ ձախ եւ ոչ ալ աջ կողմերից, այդ փայտէ փոսի մէջ կարող էիր նայել միայն դէմը՝ բեմը: Վերեւից իջնող տախտակի մի շերտ ծածկում էր գլուխը. աջ եւ ձախ նոյն ձեւի կառուցուածքներ անջրպետում էին կողքերից. ստերիզ տակ եղած տախտակը երկարում էր այնքան, որ ծածկում էր վարը նստողի գլուխը:

Նստարանների երկու կողմերին, դարակաձեւ փոքրիկ մակարդակների վրայ, դրուած էին մի - մի դիրք-

ևս առի աջ կողմիս դիրքը . Աւետարան էր կաթոլիկներ-
ըի համար . դրի տեղը եւ առի ձախ կողմի դիրքը , այն
էլ Աւետարան էր բողոքականների համար . այն էլ դրի
տեղը՝ սպասելով դալիքին :

Յանկարծ բացուեց վարագոյրը եւ այնտեղ երեւաց
տժգոյն դէմքով քահանան : Նա դէպի մեզ խաչակնքեց
ու սկսեց աղօթել . ապա՝ աղօթքի վերջաւորութեան ,
իր ձայնին հետզհետէ երգի հանդամանք տալով՝ փաս-
տօրէն սկսեց երգել ու յանկարծ սրահը թնդաց անթիւ
ձայներից . անյայտութեան խորքից երգում էին բան-
տարկեալները ե՛ւ մեղմ , ե՛ւ խրոխտ , թէ՛ իրրեւ բո-
ղոք եւ թէ՛ իրրեւ աղերսանք : Հոյակապ էր . կարծես
ոչ թէ մարդիկ , այլ սրահն էր երգում :

Երբ երգը վերջացաւ , քահանան քարոզ խօսեց :
Ոչինչ չէի հասկանում , դիտէի միայն , որ խօսում է
«Սիրեցէք զմիմեանս»ի մասին : Բայց ի՞նչպէս պիտի
սիրէինք միմեանց , երբ իրար երես չէինք տեսնում . . .

Գ Ա Տ Ա Վ Ա Ր Ո Ւ Թ Ի Ի Ն Ը

Եղևոնադատ ատեանի մի նոր հարցաքննութիւնից յետոյ, ինձ թոյլ տուին տեսնուելու փաստարաններէս հետ : Ամսի վերջերին մի օր անակնկալի մասնուեցի՝ տեսնելով առաջին փաստարան Փոն Գորտոնի հետ Յաղօրին, որ եկել էր իբրև թարգման : Վերջին հարցաքննութեան ժամանակ խնդիր եղաւ, թէ ո՞վ է ինձ համար վարձել Հարտենբերգ թիւ 37 բնակարանը . Գալուստեանը զիտէր այդ, իսկ Յաղօրին կարծում էր Բերլինից մեկնած :

— Կարեւորութիւն չունի, շատ էի ուզում քեզ տեսնել, ասաց նա :

Բարձրահասակ եւ թիկնեղ Փոն Գորտոնը եկել էր պաշտպանութեան հրաւիրազիրը ինձ ստորազրել տալու եւ զործիս ծանօթանալու : Բանտի դրասենեակային բաժնում նա ունէր ծանօթներ եւ բարեկամներ, եւ մինչեւ որ ձեռնարկեց զործի, բաւական ժամանակ անցաւ :

— Նոր էի հասել Ուհլանտ, պատմում էր Յաղօրը, երբ յայտնուեց Բէհաէտտին Շաքիրը : Հազիւ անցել էր քառորդ ժամ, երբ յանկարծ տեսայ որ «մոայլադէմ»ը զլիսապատառ վազում է դէպի ժամադրավայրը : Հասկացայ, որ մի բան պատահել է : Վայրկեան չանցած՝ այնտեղից դուրս ընկան Շաքիրը եւ «մոայլադէմ»ը, որոնք դրեթէ վազելով գնացին Հարտենբերգի ուղղութեամբ : Կրնկակոխ հետապնդեցի նրանց ու դեռ Հար-

տեները թիւ 17 բնակարանին չհասած, ուր ընկած էր գիակը, ամէն բան հասկացայ: Ահագին բազմութիւն կար ինչ եղաւ «մուսլաղէմ»ը, չգիտեմ: Ես կանգնած էի Ծաքիրի մօտ, երբ նա մի պահ նայեց սրտաբեկ, ապա գողգոջուն քայլերով մօտեցաւ գիակին: Պահակ կանգնած ոտաիկանը արգիլեց: Ծաքիրը, կարծես քնից սթափելով, նայեց չորս կողմը, ձեռքը մեքենարար տանելով գրպանը: Այդ պահին տարիքոտ մի պաշտօնեայ ձեռքով նշան արաւ նրան, որ մօտենայ ու նայէ: Ծաքիրը գողգոջուն ձեռքով վեր առաւ գիակի գլխին նետուած լաթը ու հաստատեց, որ սպանուածը թալէաթն է: Ականջի տակից մտած գնդակը, կտրելով ուղեղը, դուրս էր եկել գլխի առաջամասից: Ծաքիրը ծածկեց թալէաթի մարմինը ու պաղարիւնը վերադրանելով, ինքնամփոփ եւ դանդաղօրէն յետ քաշուեց: Արտօնող տարեց պաշտօնեան մօտեցաւ նրան եւ ձեռքը սեղմելով ասաց.

— «Շատ ցաւալի գէպք. այնքան շփոթուած ու ցնցուած եմ այս անակնկալից, որ անելիքս չգիտեմ: Ընդունեցէք ցաւակցութիւններս, գոկտոր»:

Ըստ երևույթին, խօսողը ընդհանուր պատերազմի միջոցին եղել էր թուրքիայում եւ լաւ ծանօթ էր Բերլինի թուրք քաղաքական շրջանակներին:

— «Յաւ յայտնելը բաւական չէ, ասաց Ծաքիրը. թալէաթ փաշան մեզ համար ամէն բան էր. նրա հետ միասին թաղուած են նաեւ մեր բոլոր յոյսերը: Փաշան իրեն բաժին ընկած պարտքի հաշիւը միշտ վճարելու պատրաստ էր, կարելի է ասել, որ պարտքի մուրհակը կրում էր գրպանում: Ի հարկէ ոճրագործը հայ է, չէ»:

— «Այո՛, մի հայ երիտասարդ. շատ վատ վիճակի մէջ ձերբակալուեց, ժողովուրդը ուզում էր լինչի ենթարկել նրան»:

— «Բայց դուք ի՞նչ էք անում այստեղ, դուկտոր ժէք», յանկարծ հարցրեց Շաքիրը:

— «Պատահականութիւնն է. արտաքին դործոց նախարարութիւնից հրահանգ ստացայ ստուգելու մեռեալի ինքնութիւնը ու մի ինքնաշարժով վրայ հասայ»:

— «Շատ լաւ, բայց ինչո՞ւ դիակը այսպէս դեռին փռուած մնում է այս ամբոխի առջեւ. ո՞վ պիտի վերցնի դիակը. արդեօք ընդհանուր դատախազութիւնից այդ մասին արտօնութեան պէ՞տք կայ», հարցրեց Շաքիրը: ժէք կոչեցեալը, ըստ երեւոյթին, անկարող էր պատասխանել այդ հարցին. նա մի պահ մտածեց, ապա ծոծրակը քերելով՝ մօտեցաւ դիակին վրայ հսկող պահակ աստիկանին ու նրա հետ երկար խօսքի բռնուեց: Վերջապէս յետ դարձաւ ու ասաց. — «Ընդհանուր դատախազութիւնից հրաման ստանալու պէտք չկայ: Արդէն լուր է տրուած քաղաքապետարանին, որ դան դիակը վերցնեն, բայց դեռ ինքնաշարժը չի եկել. հակառակի պէս բոլոր մեռելարարձ կառքերը այսօր դրադուած են: Բայց մէկն ու մէկը երեւի շուտով կ'ազատուի եւ կը դայ, դիակը կը փոխադրի»: Բէհաէտտին Շաքիրը ապշահար մնաց ու բաւական մտածելուց յետոյ միայն կարողացաւ սսել:

— «Ուրեմն, ընդհանուր պատերազմի մինչեւ վերջին վայրկեանը Գերմանիոյ հաւատարիմ մնացող մի պետութեան վարչապետի դիակին այսպիսի՞ յարդանք էք արտայայտում, որ ժամերով փողոցների մէջ մնայ»:

ժէք կոչոցեալը, յայտնապէս զղածուած յարեց.

— «Քաղաքապետարանում ազատ դիակառք չլինելու պատճառով այսպէս ուշացաւ. եթէ ցանկանաք ծախքը դուք հողալ, իսկոյն կարող ենք մի հասարակ ինքնաշարժ ճարել»:

Կարծես կայծակ իջաւ Շաքիրի գլխին եւ իրօք, ի՞նչ սսել էր այս. ո՞ւր տեսնուած էր, որ մեռելը ժամերով

փողոցը մնայ, ձրի ինքնաշարժ շլինելու պատճառով :
Շտաբիրը բերանարաց նայեց ժէքին, ապա յանկարծ ա-
րագ զնաց զէպի վեր : Քիչ վերը, մայթին վրայ, այդ
պահին մէկը, օձ պար ածողի պէս կրակ կտրած, ձեռ-
նափայտով զծում էր գետնին ու ամբոխի հարցումնե-
րին պատասխանելով՝ ցոյց տալիս գանազան ուղղու-
թիւններ :

— «Թուրքը հասել էր աշտեղ, հայը եկաւ աշտ-
պէս ու յանկարծ կրակեց՝ բա՛հ . թուրքը երեսի վրայ
ընկաւ . հայը բաւական ատեն աշտեղ մնաց . զոչեցի՝
մա՛րդ սպաննեց, բոնեցէ՛ք . զոռացի՝ մա՛րդ սպաննեց .
բայց ոչ ոք տեղից չշարժուեց : Այն ժամանակ հայը
աշտպէս զնաց, յետոյ փախաւ . Ֆաղանէն փողոցում
բոնեցինք, քիչ մնաց սպաննէինք, կարծելով, թէ զօ-
րափար կապպն է . անպիտանը շատ նման էր նրան, արի
տես ուր թուրք է կցեր» . . .

Յաղօրը աշնքան տարուած էր իր պատմութիւնով,
որ Փոն Գորտոնի ներս մտնելը չնկատեց :

— Խնդրեմ նստեցէք, ասաց վերջինը :

Պատմեցի անցեալիս, ներկայիս եւ զործին վերա-
բերող աշն ամէնը՝ ինչ հետաքրքրում էր նրան : Նա
կատարում էր բնդարձակ նոթաղբութիւններ՝ մէջ բնդ
մէջ լրացուցիչ հարցումներ անելով . այդ բնդմիջում-
ներին Յաղօրը պատմում էր :

Նրանից խնդրեցի այլեւս բանտում չերեւալ եւ ես
դարձայ բանտասենեակ :

* * *

Չորս օր յետոյ ինձ կանչեցին երկրորդ փաստաբան
Վէրթաուէրի մօտ : Հաճելի մի նոր անակնկալ էր նրա
հետ տեսնել Վաղային, որ եկել էր Յաղօրի փոխարէն
իրբեւ թարգման :

Բարեձեւ, միջինից բարձր, համակրելի եւ տխուր

զէմքով զոկտոր Վէրթաուէրին զբաղեցնում էին այլ կարգի հարցեր. ամենից առաջ ջարդերը այնպէս, ինչպէս զխանձ էս. ապա մանկութիւնս, ծննդաօրայրս, ծընողներս, ապրումներս, մտասեւեռումներս, անգամ երազներս, զէպքի նախօրեակին ապրած օրերս եւ այլն: Խնդիրներ, որոնք աւելի շատ կապ ունէին անձիս, քան գործի հետ: Նա նոթագրութիւններ չէր անում. թրդթապանակի մէջ ունէր միայն մի թերթիկ իմ մասին, որին երբեմն նայում էր ու շարունակում իր մեղմ ու համբերատար զրոյցը: Կանչել էր եւ մի ուրիշ պաշտպանեալ: Հաճոյքով զիջեց Վաղայի խնդրանքին որ մնամ մի քիչ իր հետ:

— Այո՛, այո՛, սպասեցէք, զեռ շաւարակցի, ասաց փաստարանը:

Բնականարար մեր զրոյցը դառնում էր զէպքի շուրջ: Վաղան ներկայ էր եղել Թալէաթի թաղման:

— Հինգ օր զխակը անթաղ մնաց, սպասում էր նա, ուզում էին Պոլիս փոխադրել, բայց Պոլսոյ կառավարութիւնը մերժեց: Այլ կերպ չէր էլ կարող վարուել, որովհետեւ Եւրոպայի մամուլը զեռ զբաղում է այդ հարցով. մերկացումներ, դատապարտութիւններ ջարդարարների հասցէին ամէն կողմ:

Հայ գաղութները ամէն տեղ արտակարգ ցնծութեան մէջ են. բոլոր թերթերը նուիրում են զէպքին ընդարձակ էջեր: Բայց Թուրքերն էլ անգործ չեն. ամէն կերպ աշխատում են դատար շահել. նրանք յաջողեցին կաշառել մի քանի զբչակներ, որոնք թերթերում հանդէս եկան թրքանպաստ զբութիւններով: Թաղման նախօրեակին նրանք Բերլինը հեղեղեցին մահազոհներով, որոնց մէջ հայերը սրահուում էին վարկարեկիչ խօսքերով: Ստիպուած եղանք գաղութի անունով մի ազգազիր տպագրելու, որի մէջ զէպքը զխաւում էինք իրրեւ հայ ժողովուրդի վրէժի արդար հատուցում:


Թագման օրը նրանք բերել էին բազմաթիւ պսակներ : Աստուտեան ժամը 10ին Հարսենրերդ թիւ 4 տան առջեւ արդէն համախմբուած էր բազմութիւն . նկատելի էին օտարոտի գլխարկներ՝ Փէս, փաթթոց, մորթէ գլխարկներ : Կանաչ հագուստով թուրքեր հսկում էին կարգապահութեան : Այդտեղ էին շտապում լուսանկարիչներ, և շարժապատկերի նկարիչներ : Թալէաթի բնակարանում կատարուեց կրօնական արարողութիւն : Թրքական զեսպանատան աչօթասացը՝ Շիւքրի էֆէնտին երգեց մահմետական աղօթքի կոչը — Ալլահ էֆալէր : Ապա կարգաց մահուան աղօթքը, որից յետոյ կատարուեց մեռելի դատաստանի արարողութիւնը .

— «Աստ հանդէի Մեհմէտ Թալէաթ փաշան, բարձրր առաքինութիւններով օժտուած մէկը, Ալլահի ծառան : Կա՞յ ձեր մէջ մէկը, որ հակառակը պնդէ», ձայնեց Շիւքրի էֆէնտին :

— «Ո՛չ», միարեւոյն գոչեցին ներկաները :

Աղօթասացը սկսեց թագման արարողութիւնը . լուում էին ներկայ կանանց հեծեծանքները : Ժամը 11 և և կէսին դուրս հանեցին զազազը : Արեւելքի երփնեւանդ մի թափօր էր, որ հանդիսաւորապէս շարժուեց Բերլինի բազմամարդ փողոցներով : Ոստիկանական պաշտօնեաներ ճանապարհ էին բացում : Նրանց հետեւում էր պսակներով բռնուոր կառք . ապա յամբաքայլ գնում էին զանազան քաղաքներից եկած 100—150 խլամ ուսանողներ՝ արար, եղիպտացի, հնդիկ, պարսիկ : Բոլորն էլ կրում էին «Իքթիհատ վե Թէրակկը» խորհրդանշանը : Գիակառքին հետեւում էր աղօթասացը՝ մանիչակազոյն զգեստով, ձերմակ փաթթոցով, ճակատին սակիէ երիզներ և կուրծքը շքեց շքանշաններով զարդարուն : Շատ պսակներ կային և մինչև փերջին պահը հասնում էին նորերը : Նրանց մէջ աչքի էին ընկնում Գերմանիոյ արա . գործոց նախարարութեան

ՊԱՆԿԱԹԻ յուշարկառուութիւնը Բերլինի մէջ



և Գերմանեթուրք Մխութեան ծագկեպտակները : Ներկայ էին թուրք գեապանատան սրաչափեանները , գանապան թուրք Նիւսպատասներ , աֆղան և այլ մխութիւնների ներկայացուցիչները : Ներկայ էին նախկին ծափային նախարար Մահմուտ Մուխտար փաշան , Գէրէրար , Փան Յիմմերմանը , Կիւլմանը , զօրավար Չէլէկար , զօրավար Ֆրէս Կրէսիչտաչնը , գանապան նախարարութիւնների վարիչները , գերմանական զբաժնատան վարիչ Կուէրները , աղնուական Օփֆէնհայմը և ուրիշներ : Կառավարութիւնը յայտնեց իր ցուակցութիւնը Փան Շուլէնբերգի միջոցով : Կէսօրին յուղարկուորութեան թափօրը հասաւ գերեզմանատան : Բէհաէտափին Շաքիրը հազիւ կարողացաւ առել իր հրամեշտի խօսքը մեռեալին . բառերը խեղդում էին կոկորդում : Նրան չբջապատել էին արեւելեան բոլոր ազգերի մահմեդականներ . կարծես բովանդակ Արեւելքը ուղարկել էր նրանց իբրև ներկայացուցիչ գոչելու .

— «Մենք պատրաստ ենք նրան փոխարինելու . նրա գործը մեր գործն էր» :

Գամբանականների այս շարքը ստացաւ քաղաքական ցուցի բնոյթ : Բէյրութի արարների կողմից խօսեց Էմիր Շէքիր - Ասլանը . Ռուսաստանի թաթարների կողմից՝ կազանցի Բարիս բէյը : Սօսեց բանաստեղծ Արտիւկասէրը : Ապա խօսք առաւ մուսլի գէմքով մի թուրք , որ վեր հանելով բունցքը՝ երգումի հրաւիրեց ներկաներին գոհի վրէժը լուծելու , ներկաներից շատերը արձագանդեցին երգումին : Սպիտակ գլխարկով մի հնգիկ , ինչ որ գոկտոր Ֆիլայ , խօսեց բոլոր հնչուած ժողովուրդների առանձով : Բերլինի արեւելադիտական ձեմարանի գասախօս Միրզա Հասանը իր գամբանականի մէջ յիշատակեց սարսիկ փիլիսոփայ Սատաիի խօսքերը , ինչ «Մարդկութիւնը մէկ մարմին է . երբ անդամներից մէկը ցաւի , ամբողջ մարմինը ցաւ կը զգայ» :

Գերմանացիներին կողմից Անատոլուի երկաթուղիների նախկին տնօրէն Կիւնթէրը. — «Այժմ մեծ մարդուն անկարող են զնահատել ժամանակակիցները. նրան պիտի փառաւորի պատմութիւնը իր դրչով: Մենք՝ գերմանացիներս մեր սրտերում կրում ենք նրա վսեմ նրկարագրի դրոշմը», ասաց նա: Գերմանեւթուրք Միութեան նախագահը, Եքոզը, դադաղի վրայ դրեց մի ծաղկեպսակ, որի ժապաւէնին դրուած էր.

— «Մեծ քաղաքագէտին եւ հաւատարիմ բարեկամին»:

Գոկտոր Եքոզը մաղթեց, որ Թալէաթի հոգին յաւիտենապէս ապրի գերման եւ թուրք յարաբերութիւնների մէջ...

* * *

Մայիսին վերջացան բոլոր լրացուցիչ հարցաքննութիւնները: Ամսուան վերջերին ինձ քննութեան ենթարկեցին ջղային հիւանդութիւնների մի քանի մասնապէս բժիշկներ: 1921 Յունիսի 2ին սկսուեց դատավարութիւնը:

Միայն այդ օրը դադափար կազմեցի, թէ ինչ հրակայական տարածութիւն էր բռնում բանար յարակից շինութիւններով, պահեստներով եւ արհեստանոցներով: Ինձ անվերջ առաջնորդում էին բակից բակ, ծանրը ու մուսյլ շէնքերի միջով, որոնց դռներով ներս ու դուրս էին անում բանուոր, արհեստաւոր բանաարկեալներ:

Բերլինի նահանգային երրորդ դատարանը գտնուում էր բանտին կից. առանց փողոցի երես տեսնելու, հասանք այդ շէնքին, որի ձախ կողմի երկարածիզ միջանցքի մի դռնից ներս մտանք: Ընդարձակ շէնքի բա-

ժիններում տիրում էր եռուզեռ . համազգեստաւոր սպասաւորներ դէս ու դէն էին դնում թեթեւ վազքի ձեւով . սրաշտօնեաներ ներս ու դուրս էին անում՝ թըլթապանակներ թեւի տակ . դռների մօտ տեղ - տեղ կանգնած էին քաղաքացիներ , սրնք գործ ունէին դատարանում : Շէնքի այս մասում կենտրոնի մուտքը հսկողութեան տակ էր : Պահակների ուղեկցութեամբ ներս մտայ ու ինձ գտայ մի հոյակապ դահլիճում : Բարձր առաստաղը հանդչում էր թեթեւապէս վեր սըլայցող կամարակալ սիւների վրայ . վարը նրանք հեռապատկերներով բաժանում են դահլիճը սրահների , սրնց կենտրոնում փռուած է կիսակլոր դատարանը՝ երեք կողմից շրջապատուած փայտէ ընտիր զարդարանքների ցածրադիր կառուցուածքներով : Ներս մըտնելով խորքի դռնից՝ տեղ բռնեցի ամբաստանեալի յատուկ բաժնում , պահակներից մէկի հետ միասին :

Առաւօտ էր , ժամը 9 : Կամարածեւ սիւների միացման կենտրոնում , խորքի մօտ , կախուած էր մի հսկայ քահ , սրի երկրածեւ զարդարանքները շիթ - շիթ փայլում էին ներս ընկած արեւի ճառագայթների տակ : խորքի մասում ինձ դահլիճից բաժանում էր երեք - չորս աստիճաններով մի բարձրութիւն : Գէպի ձախ , առանձին սեղանի մօտ , նստած էր դատարանի քարտուղարը : Կենտրոնում , նոյն բարձրութեան վրայ , երկարում էր երեք - չորս մէթրանոց սեղանանման մի կառուցուածք , սրի զիմաց նստած էր դատարանի վարիչ դոկտոր Լեմբերզը՝ երկու օգնական դատաւորներով : Կառուցուածքին միւս ծայրին տեղ էր բռնել դատարանի դոկտոր Գոլնիկը : Ինձանից վար ձախ մասում , մի երկարուուն սեղանի մօտ , նստած էին երեք սրաշտօնեան փաստարանները , թարգման Վազան , Գալուստեանի , ինչպէս նաեւ բժշկական փորձագէտների հետ : Նրանց զիմաց , դահլիճի յատուկ բաժնում , սեղաննե-

րի մօտ, երկշարք նստած էին տասներկու երզուեալ տա-
 տենակալները: Քիչ դէպի վար, ետ ու առաջ, աթոռ-
 ներին տեղ էին բռնել վկաները: Առաջին շարքում աշ-
 քրս ընկաւ սեւեր հազած տիկին Թալէաթին, որ անք-
 թիթ նայում էր ինձ: Նրա ձախ կողմին նստած էր
 օրիորդ Լեոյա Բայլընդոնը, աջ կողմին՝ տիկին Շաել-
 բաումը, տիկին Դիտմանը, ապա՝ Թէրզիպաշեանները,
 Էֆթեանը, Արէլեանը եւ մի քանի անձանօթներ: Աւելի
 առաջ, դէպի դահլիճի կենտրոնը, կային թղթակից-
 ներ: Դահլիճի կենտրոնից դէպի առաջամասը, ընդար-
 ձակ տարածութեան վրայ, ամփիթատրածեւ կառույց-
 ուած էին նստարաններ հանրութեան համար, որոնք
 ամբողջութեամբ գրաւուած էին: Ձուլաճեռ մասե-
 րում ներկաների մի մասը մնացել էր սաքի վրայ, ա-
 ռաջանալով դէպի կենտրոնը՝ փոստարաններին տե-
 րդուեալներին յատկացուած բաժինների ուղղու-
 թեամբ: Գերմանացիներից դատ, կային բուսական թի-
 ւով թուրքեր եւ հայեր:

Դահլիճում տիրող խոր լուսթիւնը ընդհատեց
 դոկտոր Լեմբերդը՝ բանալով առեանը: Պաշտպան Փոն
 Գորտոնը խնդրեց, որ իրազեկների խմբի մէջ լուսին
 նաեւ դոկտոր Լեպսիուսն ու Լիման Փոն Չանտերսը,
 իբրեւ հայ իրականութեան ծանօթ վկաներ: Դատախա-
 ղը թէեւ դիտել տուեց, որ դէպքը տեղի է ունեցել ոչ
 թէ Հայաստանում, այլ Բերլին, բայց առաջարկի դէմ
 չառարկեց: Դիմացի դռնից ներս մտան յիշեալները:
 Նախադահլ Մի քանի խօսքով վկաներին յիշեցրեց ի-
 րենց պարտականութիւնները, ապա երկու խմբի բա-
 ժանեց նրանց ու բարձրաձայն կարգալով առաջին ստի-
 թով լսուելիք 19 վկաների անունները, խնդրեց բոլո-
 րից դուրս ելնել սրահից եւ սպասել հրաւէրի:

Սկսուեցին ինքնութեանս վերաբերող սովորական
 հարցումները՝ մանկութիւնս, ծնողներս, կրթութիւնս,

Երզնկան, ջարդերը: Նախագահը երկար բարակ կանգ-
առաւ գէպքերի վրայ: Վերջապէս աւարտելով այդ
նախնական հարցումները, անցաւ դարձի հետ անհշու-
թիւն ունեցող շրջանին:

— Ջարդերից յետոյ ե՞րբ եղաք Երզնկայում:

— 1916ի վերջերին, սուսների գրաւումից քիչ յե-
տոյ:

— Հարագատներից ո՞վ գտաք այնտեղ:

— Ոչ ոքի, բոլորն էլ սպաննուած էին. քիւրտերի
մօտ գտնուեց միայն եզրօրս տասը տարեկան աղջիկը:

— 17 հոգուց մնացել էր միայն նա՞:

— Այո՛:

— Երզնկայում ձեր տան մէջ եղա՞ք:

— Այո՛:

— Ի՞նչ տեսաք այնտեղ:

— Տան մի մասը խորտակուած էր, զոները, սպա-
տուհանները քանդուած եւ կոտորուած, իսկ միւս
մասում էին սուս գինուորներ: Շատ վատ եղայ մեր
տունը գտնելով աւերակ: Անցայ մեր ընդարձակ ստր-
տէզը. աւերուած ու հիմնայատակ եղած, ծառերը
կտրուուած ու տապալած. ամէն ինչ ամայացած էր.
պարտէզի խորքում գետին ընկայ:

— Ուշաթա՞փ եղաք:

— Այո՛:

— Ո՞րքան տեւեց այդ:

— Չգիտեմ:

— Երբ ուշքի եկաք, ի՞նչ արիք:

— Գնացի իսլամացած հարեւան մէկ ընտանիքի
մօտ, քաղաքի միակ ազատուած հայերը:

— Ուրեմն, դուք միայն մէկ ընտանիք գտաք քա-
ղաքի նախկին բնակչութիւնից եւ այն էլ իսլամացա՞ծ:

— Այո՛:

— Իսկ երբ ուսաները Երզնկան գրաւեցին, դարձ-
եալ քրիստոնեա՞յ դարձան :

— Ի հարկէ :

— Ուրեմն, Երզնկայի բնակչութիւնից միայն նը-
րա՞նք էին մնացել :

— Այո՛, եւ մի քանի անհատներ, ընդամէնը քսան
հոգի :

— Որքա՞ն մնացիք Երզնկա :

— Մի քանի ամիս :

— Յետոյ ո՞ւր գնացիք :

— Թիֆլիս :

— Ե՞րբ, գուրս ելաք Թիֆլիսից :

— 1918ի աշնան :

— Ո՞ւր գնացիք :

— Հիւսիսային Կովկաս :

— Ի՞նչ էիք անում այնտեղ :

— Հիւանդ էի :

— Ի՞նչ հիւանդութիւն ունէիք :

— Ջղային տաղնապ, վերջը հիւանդացոյ տի-
ֆով :

— Քանի՞ անգամ կրկնուեցին այդ Ջղային տաղ-
նապները, ձեր հայրենի տունը վերստին տեսնելուց
յետոյ :

— Մի քանի անգամ, ստոյգ չեմ յիշում :

— Ե՞րբ մեկնեցիք Կովկասից :

— 1919ի սկզբին :

— Ո՞ւր գնացիք :

— Պոլիս :

— Ի՞նչ նպատակով :

— Հարազատներիս հետքը փնտռելու :

— Այն ժամանակ Պոլսում տեղի էր ունեցել յեզ-
ըրջում, ո՞րքան մնացիք այնտեղ :

— Մօտ մի տարի :

- Յետոյ ո՞ւր գնացիք :
- Փարիզ :
- Պոլիս կամ Փարիզ գէպքերի շուրջ տարազիր-
ների հետ խօսո՞ւմ էիք :
- Քիչ անգամ , մօտ բարեկամներիս հետ :
- Ո՞վ էր համարւում այդ խժողովութիւնների
հեղինակը :
- Նրանց մասին իմացայ Պոլիս , լրագրներից :
- Աւելի առաջ գիտէի՞ք , թէ ով է ջարդերի հեղի-
նակը :
- Ո՞չ :
- Ե՞րբ այն համոզման եկաք , որ թալէաթ փա-
շան է նրանց հեղինակը :
- Պոլիս եղած ժամանակ , լրագրներից :
- Այն ժամանակ գիտէի՞ք , թէ ո՞ւր է թալէաթ
փաշան :
- Ո՞չ :
- Միջամտեց պաշտպան Փոն Գորտանը :
- Ամբաստանեային Կուզէի հարցնել , թէ արդեօք
կարգացել է լրագրների մէջ , որ թալէաթ փաշան այդ
խժողովութիւնների համար Պոլիս գինուորական առ-
եանի կողմից գատապարտուած է մահուան :
- Կարգացել եմ , երբ գետ Պոլիս էի եւ երբ տկա-
նուոր ջարդարարներից Քեմալը կախազան հանուեց .
լրագրներից գիտէի , որ թալէաթ եւ էնօլեր փաշաներն
էլ գատապարտուած են մահուան :
- Երզնկայի մէջ ո՞րչափ հայ բնակչութիւն կար :
- Մօտ քսան հազար :
- Բոլոր բնակիչները տեղահանուեցի՞ն ու ձեր
Երզնկա վերադարձին միայն մէ՞կ բնատնիք տեսաք եւ
մի քանի անհատներ :
- Այո՛ :
- Կուզէի իմանալ , թէ ամբաստանեայր գիտէ՞ ,

որ 1908ին հայերը, Երևանասարդ թուրքերի, մասնաւորապէս թալէաթ եւ էնվեր փաշաների հետ միասին, առաջ բերին յեղափոխութիւն եւ իրենց ազգային յայտերը նրանց վրայ էին դրած, բայց յետոյ դարձուելի կերպով յուսախար եղան, երբ տեսան, որ Երևանասարդ թուրքերը Սուլթան Ապախուլ Համիտից էլ փառ են վարւում հայերի հետ, դարձաւ նախադասին երրորդ պաշտպան Նիմայէրը:

— Գիտէի, որ հայերը գործակցել են Երևանասարդ թուրքերին: Բայց յետոյ խիստ յուսախար եղան, երբ տեղի ունեցան Ատանայի ջարդերը, որոնց գոհ գնացին 40,000 հայեր:

* * *

Նախադասի առաջարկով քարտուղարը կարգուի է բացման վճիռը.

— «Մեքենագիտութեան ուսանող համարուած Սոգաման թէհլիրեանը, ծնուած 2 Ապրիլ 1897 թ. Բաղասիճ, թրքահայտակ եւ հայ բողոքական, որ բնակուում էր Շարլսթենբուրգ, Հարաւենբերգ փողոց 37, Գիտմանի մօտ եւ 1921ի Մարտ 16ից ի վեր գտնուում է բանտում, մեկազրուում է 1921 թ. Մարտ 15ին Շարլսթենբուրգի մէջ թրքական նախկին մեծ եպարքոս թալէաթ փաշային դիտամբ սպանելու եւ սպանութիւնը կանխամտածութեամբ կատարած լինելու համար: Ոճրագործութիւնը նկատի կ'առնուի, ըստ պատժական օրինացրքի 211րդ յօդուածի: Այդ հիմքերով բանտարկութիւնը շարունակուում է: Բերլին 16 Ապրիլ 1921, Նահանգային Երրորդ դատարան. պատժոյ 6րդ սենեակ»:

— Եթէ այս մեկազրանքին այս կամ ոչ ասելու ստիպուիք, ի՞նչ պիտի պատասխանէք, դարձաւ ինձ նախադասը:

— Ո՛չ:

— Խնդրեմ հարցրէ՛ք թէ ինչո՞ւ իրեն յանցաւոր չի համարում, գիմեց նախապահին պաշտպան Փոն Գորտանը :

— Ինձ յանցաւոր չեմ համարում, որովհետեւ խիղճս հանդիստ է :

— Խիղճդ ինչո՞ւ հանդիստ է, հարցրեց նախապահը :

— Մարդ եմ սպաննել, բայց մարդաստղան չեմ :

— Ասում էք, որ ձեր խիղճը մաքուր է, բայց հարց տուէք ձեզ, արդեօք Թալէաթ փաշային ուղս՞ւմ էիք սպաննել :

— Այդ հարցումը չեմ հասկանում, չէ՞ որ ես նըրան արդէն սպաննել եմ :

— Ուղում եմ ասել, թէ նրան սպանելու ծրագիր ունէ՞ր՞ք :

— Ո՛չ :

— Փարիզից ե՞րբ եկաք Փրնեւ :

— 1920ի վերջերին :

— Իսկ Բերլին :

— Դեկտեմբերի սկզբին :

— Յունուարի՞ն տպրում էիք Աուգսբուրգեր փողոց 51 :

— Դեկտեմբերին :

— Յետոյ բնակարանը փոխեցի՞ք :

— Այո՛ :

— Ե՞րբ :

— Դէպքից մօտ երկու շաբաթ տուաջ :

— Ի՞նչ էր այդ տեղափոխութեան պատճառը :

— Որոշել էի Թալէաթին սպանել :

— Այդպէս վարուելով դորձը նախապատրաստո՞ւմ էիք :

— Այդ ժամանակ ինձ համար հօօր ներքին պահանջ էր Թալէաթը սպանելը :

— Աւրեմն, դուք մտադրած էիք նրա մօտե՞րը բընակուել:

— Այո՛:

— Ասացէք, խնդրեմ, ճի՞շդ է որ դրանից առաջ ստուգել էիք, որ Թալէաթը գտնուում է Բերլինում:

— Այո՛, մօտաւորապէս հինգ շաբաթ առաջ ես նըրան տեսայ:

— Ո՞ւր:

— Կենդանաբանական պարտէզի մօտ լսեցի թուրքերէն խօսակցութիւն, ուր մէկին «փաշա» անուանեցին: Յետ նայելով տեսայ, որ Թալէաթ փաշան է. հետեւեցի նրան: Հարտենբերգ փողոցի սկզբի մասում երեք ուղեկիցները հրաժեշտ տալով նրա ձեռքը համբուրեցին, իսկ Թալէաթ փաշան մի ուրիշի հետ տուն մտաւ:

— Աւրեմն ստոյգ չէ՞, որ դուք աւելի առաջ գիտէիք, որ Թալէաթ փաշան գտնուում է Բերլինում:

— Ո՛չ:

— Ի՞նչ պատճառով ժամանակին գիմել էք պրոֆեսոր Կասիրէրին:

— Հիւանդ էի, ջղախին տապնապներ եւ գլխապըտոյաներ էի ունենում:

— Ե՞րբ էր այն ջղախին տապնապը, որի միջոցին դրամատան մի պաշտօնեայ ձեզ վեր հանեց ու Երուսալէմէր փողոցից տուն տարաւ:

— Չեմ յիշում...

— Այն ժամանակ դեռ ապրո՞ւմ էիք Աուգսբուրգեր փողոցը:

— Այո՛:

— Որո՞նք էին ձեր ծանօթները:

— Թէրզիպաշեան, Էֆթեան, Գալուստեան, Արէլեան:

- Յունուարից այս կողմը օրիորդ Բայլընդոնից դաս առնելուց դատ Ի՞նչ էիք անում :
- Այցելում էի ծանօթներին :
- Կարծեմ պարի դա՞ս էլ էիք անում :
- Այո՛, մէկ անգամ :
- Ճի՞շդ է, որ դասերի ժամանակ ջղային տաղնապ էք ունեցել :
- Այո՛ :
- Ի՞նչպէս էիք ձեր նախորդ տանտիրոջ տիկին Շակիրաումի հետ :
- Շատ լաւ :
- Տիկին Գիամանի մօտ էլ դո՞հ էիք :
- Այո՛ :
- Ի՞նչպէս եղաւ, որ սպանութիւն գործեցիք :
- Սենեակին մէջ քայլում էի, երբ Թալէաթ փաշային տեսայ իր բնակարանի պատշգամում : Ողջ էութեամբ ցնցուեցի. նա էր, որ սպանել էր մօրս, կորորս, հարազատներին եւ հազարաւոր աղաակիցներին : Տեսայ, որ դուրս է գալիս, ատրճանակս առի, վաղեցի եւ զնդակահար արի :
- Դուրս եկած ժամանակ Թալէաթը գիմացի՞ մայթի վրայ տեսաք :
- Այո՛ :
- Իրեն մօտեցաք եւ Հարտներերդ փողոցը կտրեցի՞ք :
- Փողոցի այս կողմով վաղեցի մինչեւ իրեն հասայ եւ անցայ, յետոյ փողոցը կտրեցի եւ վրայ հասայ :
- Երեսը զխտեցի՞ք, հետը խօսեցի՞ք :
- Հետը չխօսեցի, մայթի վրայ նրան հաւասարուեցի եւ կրակեցի :
- Գլխի՞ն նշան տարք :
- Բոլորովին իրեն մօտեցայ :

- Յետոյ ի՞նչ եղաւ :
- Այսքանը միայն գիտեմ, որ Թալէաթ փաշան
դեռին ընկաւ, գլխից արիւն էր հոսում, ու շորս դին
խմբուած էր բազմութիւն :
- Չաեսա՞ք, որ Թալէաթին ընկերանում էր մի
կին :
- Ո՛չ :
- Տիկին Թալէաթը չաեսա՞ք :
- Ո՛չ :
- Սպանութիւնից յետոյ ի՞նչ արիք :
- Չեմ յիշում :
- Չէ՞ք յիշում, որ փախել էք :
- Փախչելու ոչ մի կամք չկար մէջս, բազմութիւ-
նը հարկադրեց՝ յարձակուելով վրաս :
- Ի՞նչ մտածեցիք ձեր արածի մասին :
- Սրտի դո՛ւննակութիւն էի զգում :
- Իսկ այսօ՞ր :
- Դեռ այսօր էլ եղածից շատ դո՛ւ եմ :
- Ծեծի ժամանակ չէ՞ք յիշում թէ ինչ ասացիք
ամբոսին՝ ձեզ արդարացնելու համար, հարց տուեց
պաշտպան Նիմայէրը :
- Ասացի, որ ես հայ եմ, իսկ նա թուրք. ձեզ հեռ-
անջութիւն չունի :
- Կ'ուզէի իմանալ, թէ ամբաստանեալը ի՞նչպէս
ճանաչեց, որ այդ անձը Թալէաթն է. առա՞ջ տեսել
էր նրան, թէ պատկերների վրայով ճանաչեց, ասաց
դատախոսը :
- Նրան չէի տեսել, լրագրների մէջ տպուած
պատկերներից ճանաչեցի :
- Երզնկայում հայերից դատ ուրիշ ի՞նչ ազգեր
կային :
- Քսանից - Երեսուն հազար թուրքեր . . .

Նախապահ Լեմբերդը անցաւ վկաների հարցաքննութեան :

Շարլոտենբուրգի վաճառական Յսէնը պատմեց , թէ ինչպէս հաւասարուեցի թալէաթին ու կրակեցի .

— Մի քիչ առջեւից անցնում էր մի կին որ ուշաթափ եղաւ . նախ՝ վեր հանեցի այդ կնոջ՝ կարծելով , թէ վիրաւորուած է : Յետոյ ամբաստանեալի յետեւից վաղեցի ու Գաղանէ խողոցում ձերբակալեցի նրան : Բնական է , հաւաքուեց բազմութիւն . մարդիկ անխնայ ծեծում էին ամբաստանեալին . մէկը բանալիով շարունակ հարուածում էր գլխին . ուրիշներ դռում , կանչում էին . . .

Վկային եղած հարցումներից պարզոււմ է , որ ուշաթափ եղած կինը անցորդ է եւ ոչ թալէաթին կինը , ինչպէս գրել էին թերթերը : Նախապահը խնդրում է յայտնել տիկին թալէաթին , որ նրա վկայութեան այլևս պէտք չունի եւ կարող է մեկնել :

Յաջորդ հինգ վկաները տարբեր երանգներով կրկնեցին նոյնը : Շարլոտենբուրգի ոստիկանութեան պետ Գնասը , որ առաջին հարցաքննողն էր ինձ , աշխատում էր փաստել , որ սպանութիւնը կատարել եմ կանխամտածումով : Ապա՝ կանչուեց առաջին տանախրուհին՝ տիկին Շտելրամը : Կարծես անցել էր շատ ժամանակ ու կարօտի մի զղացում յայտնուեց այդ պահին իմ մէջ դէպի նա . կարճ ժամանակում դարձել էր հարազատ՝ այդ օտար կինը : Նա ծեր աչքերով նայեց դէպի ինձ ու ասաց .

— Այո՛ , ամբաստանեալը բնակուել է իմ մօտ . իր մասին միայն լաւ կարող եմ վկայել : Շատ պարկեշտ ու համեստ էր . սպասուհի չունիմ եւ ինքս եմ կատարում տան դործերը , սակայն ինչ որ կարող էր , անում էր ինքը՝ ինձ չծանրարեռնելու համար , իր կօշիկները

մաքրելը չէր ձգում ինձ : Ամէն տեսակէտով շատ համեստ ու պատուաւոր էր :

— Հիւանդացա՞ւ ձեզ մօտ , հարցրեց նախապահը :

— Չափազանց ջղային էր . չէր կարողանում քնել :

— Գիտէի՞ք , որ այցելում էր բժշկին :

— Այո՛ , պրոֆեսոր Կասիրէրին :

— Չզարմացա՞ք , որ յանկարծ տեղափոխուեց :

— Ինչպէ՞ս չէ . այդ առթիւ հարցումիս պատասխանեց , թէ բժիշկը ասել է , որ դադի լոյսը վնաս է իրեն եւ պէտք ունի արեւի լոյսի : Հաւատացի , որովհետեւ շատ ջղային էր :

Փորձազէտ բժիշկ Լիպմանը երկար բարակ հարցաքննութեան ենթարկեց նրան հոգեկան վիճակիս մասին :

Նոյն ձեւով վկայեց իմ մասին նաեւ միւս տանտիրուհիս , տիկին Դիտմանը : Դէպքի մասին ասաց .

— Մարտի 15ի առաւօտը , դէպքի օրը , սպասուհիս ինձ լուր տուաւ , որ պարոնը սենեակում լաց է լինում , ասացի՝ հանդիստ թող , դուցէ մերձաւորներից մէկը մեռել է . քիչ յետոյ դուրս ելաւ :

— Որեւէ կասկած չունեցա՞ք , հարցրեց նախապահը :

— Ամենեւին , մինչեւ որ սպասուհիս տուն վերադարձաւ եւ ասաց , թէ պարոնը սպաննուած է : Խե՞նթ ես , ի՞նչ ես , ասացի , յետոյ իմացայ , որ ինքը մէկին սպանել է :

— Ամբաստանեալը սովորական հանդարտութեա՞ն մէջ էր այդ օրը :

— Մի օր նրա ծանօթներից մէկը եկաւ եւ ասաց , թէ պարոնը հիւանդ է եւ արեւոտ սենեակի պէտք ունի , ասաց տիկին Դիտմանը երկար պատմութիւն անելու մտադիր . . .

— Չեղ մօտ եղած ժամանակ ոչինչ չնկատեցի՞ք :

- Ո՛ւն :
- Ուսանողներ էր :
- Այս՛, շատ քիչ անգամ էր դուրս գալիս :
- Այցելուներ ունէ՞ր :
- Բնաւ :
- Նկատե՞լ էք վրան ջղայնութիւն :
- Ամաչկոտ էր . չէր կարող երեսս նայել, շփոթ-
ւում էր :
- Ահարեկուած էր :
- Չարհուրածի երեւոյթ ունէր :
- Ծանր խորհուրդներից հալածուածի՞ պէս :
- Այո՛ :
- Հիւանդագին երեւոյթներ նկատե՞լ էք :
- Ո՛ւն : Բայց ինքը ասում էր, որ հիւանդ է, ջղա-
յին :
- Ամբաստանեա՛լ, դարձաւ ինձ նախագահը, ո՞վ
գնաց տիկին Դիտմանի մօտ ձեզ համար բնակարան
վարձելու :
- Հայ Ուսանողական Միութեան նախագահը :
- Այստե՞ղ է :
- Ո՛ւն . . .
- Ամբաստանեալը նեղուածի՞, թէ ընկճուածի
տղաւորութիւն էր թողնում, հարցրեց Դիտմանին՝
փորձադէտ Արամանը :
- Վարանոտ էր, գոնէ իմ կարծիքով շատ վարա-
նոտ էր երիտասարդը, ասաց ժպտալով, հայկացիքը
Արամանից դարձնելով ինձ :
- Ամբաստանեալի ձեզ մօտ եղած ժամանակ ա-
տրըճանակը տեսե՞լ էք, տիկին Ծանկրաում, դարձաւ
նախագահը նախկին տանտիրուհու :

- Ո՛չ :
- Ամբաստանեալի դոյքերը շա՞տ էին :
- Ո՛չ , միայն մի սնտուկ ունէր , որ միշտ բաց էր :
- Ամբաստանեա՛լ , դարձաւ ինձ նախագահը , ո՞ր էիք պահել ատրճանակը :
- Սնտուկիս մէջ :
- Տիկին Շտելբրաումի մօտ նո՞յնպէս :
- Այո՛ , սնտուկիս մէջ էր :
- Ես չեմ տեսել , մըմնջաց տիկին Շտելբրաումը :
- Չարմանալի է , որ յաճախ նայել էք սնտուկը եւ ատրճանակը չէք տեսել :
- Չեմ կարող ասել , թէ սնտուկը յաճախ նայել եմ , ասաց զուսպ բարկութեամբ տիկին Շտելբրաումը . . .
 Հերթը հասաւ մանկահասակ վարժուհու՝ Լեոլա Բայլընդոնին :
- Դուք ամբաստանեալին լեզուի դա՞ս էիք տալիս :
- Այո՛ :
- Ի՞նչ կարող էք ասել իր բարք ու վարքի մասին :
- Յունուարի 18ից սկսած դաս էր առնում . սկըզբում սովորում էր շատ լաւ , բայց վերջը ցրուած էր :
- Ասե՞լ է ձեզ , որ հիւանդ է եւ դիմել է բժիշկի :
- Վերջը պատմեց , որ եղել է պրոֆեսոր Կասլրէրի մօտ , դեզ է ընդունում , աշխատելը դժուար էր իրեն համար : Մի դասի ժամանակ նկատեցի , որ նոյնիսկ չէր կարողանում դրածը կարդալ . յայտնի էր , որ հիւանդ է . եւ իրեն ասացի , որ այսուհետեւ դասերը շարունակելը աննպատակ է : Դրանից յետոյ դասերը ընդհատուեցին :
- Ե՞րբ էր այդ :
- Մօտաւորապէս Փետրուարի երկրորդ կէսին :
- Յետոյ դարձեալ եկա՞ւ :

— Մի անգամ էլ եկաւ եւ ասաց, որ իրեն վատ է զգում. արդէն երեւում էր, որ հոգեկան վիշտ ունէր. շատ ախուր էր :

— Այդ ախրութեան վրայ խօսում էր :

— Մի անգամ միայն, երբ դասի բերումով իր հայրենիքի մասին հարցրի, ասաց, որ ինքը այլևս հայրենիք չունի, իր բոլոր հարազատները սպաննուած են : Ա՛յնքան բացայայտ էր արտացոլում այս պատասխանի մէջ տառապանքը, որ այլևս չուզեցի հարցնել :

— Չի՞ կարող պատահել, որ դասերը ընդհատուած լինեն Մարտի սկզբին :

— Կարող է :

— Գուցէ Մարտի 5-ից քիչ առաջ, բնակարանը փոխելուց յետո՞յ :

— Նոր բնակարանից այլևս չեկաւ :

— Գուցէ իրական պատճառն էր, որ ստիպուած էր բնակարանը փոխել եւ դասերը ընդհատել :

— Չգիտեմ : Մարտին, դէպքից մօտ մի շարափ առաջ, հեռաձայնով ինձ լուր տուաւ, որ բնակարանը փոխել է եւ դասերը պէտք է վերսկսի, երբ իրեն լուր զգայ :

— Ամբաստանեա՛լ, ինչո՞ւ ընդհատեցիք դասերը :

— Առողջական վիճակս լուր չէր :

— Տիկին Դիտմանի մօտ եղած ժամանակ չէի՞ք ձանձրանում :

— Ինչո՞ւ պիտի ձանձրանայի :

— Քանի որ այլևս դաս չունէիք :

— Դասերը ինձ մասնաւոր հաճոյք չէին պատճառում . . .

Որքան կարող էի հասկանալ, ինչիրո՞ւ դառնում էր «կանխամտածումի» շուրջ, որ դեռ մնում էր մութ ու հոգեկան հիւանդ վիճակներով պարուրուած : Կանչուեց Երուանդ Արէլեանը. իրեն ուղղուած հարցումների

բերումով սրտամեց սրբի դասի ժամանակ սրտահաճ
դիտասպտոյտս, բժկին այցելելս, կենցաղս, վիճակս :
Վերջինի առթիւ նախազահը հարցրեց .

— Խօսե՞լ է ձեզ հետ, թէ հարազատների կորչա-
եան պատճառը ով էր :

— Ո՛չ :

— Թալէաթի Բերլին գանուելու մասին խօսք չա-
րա՞ւ :

— Ո՛չ :

— Տիկին Գիտմանի մօտ փոխադրուելու մտադրու-
թեան մասին ձեզ կանխաւ յայտնե՞լ էր :

— Ո՛չ : Բայց մի օր խնդրեց ինձնից տիկին Շտեյ-
բաումին յայտնել, որ բնակարանը ուղում է թողնել,
որովհետեւ բժիշկը ասել է, թէ զաղի ճրագը վնաս է
իրեն :

— Ուրեմն փոխադրուելու իբր պատճառ ձե՞զ էլ
իր առողջական վիճակը ցոյց տուաւ :

— Այո՛ :

— Ձեզ ասե՞լ էր, որ Հարտենբերգ փողոցը բնա-
կարան է գտել :

— Ո՛չ, չգիտէի թէ ո՛ւր է գտնուում նա :

— Տեղափոխուելուց քիչ առաջ իր բարք ու վարքի
մէջ փոփոխութիւն նկատեցի՞ք :

— Ո՛չ :

— Երբեք Թալէաթին սպանելու մասին ձեզ չի՞
խօսել :

— Ո՛չ :

— Բայց չէ՞, որ յաճախ միասին էք եղել :

— Յետոյ ես էլ դրա վրայ դարձացայ :

— Գիտէի՞ք, որ Թալէաթ փաշան բնակուում է
Հարտենբերգ փողոցում :

— Ո՛չ :

— Ձեզ հետ Թալէաթի մասին չի՞ խօսել :

- Ո՛չ :
- Նախադասը յետ նստեց :
- Հայերդ ջարդերի մասին խօսելիս ինչի՞ վրայ էք առաւելապէս ծանրանում , հարցրեց պաշտպան Փոն Գորտոնը :
- Մեր գլխով անցածները վրայ :
- Ամբաստանեալը չի՞ պատմել ձեզ , որ ջարդերին իր հարազատները կորցրեց :
- Այո՛ , մի անգամ . բայց առհասարակ այդ մասին չէինք խօսում :
- Շատ զարմանալի է այդ , ընդմիջեց փորձապէս Լիսիմանը :
- Մի օր Լեպսիուսի «Հայերն ու Գերմանիան» գիրքը ձեռքս էր . թարգմանեցի նրան մի քանի տող . յանկարծ գիրքը ձեռքիցս խլեց ու ասաց . «Չդէ՛ . հին վէրքերը չբանանք» :
- Ուրեմն խուսափո՞ւմ էր այդ դէպքերը յիշելուց :
- Կ'երևի թէ . . .
- Ոչինչ պարզեց նաև Էֆթեանի եւ Թէրզիպաշեանի հարցաքննութիւնը : Բայց ահա Շարլոտենրուրդի դատարանի դատանի խորհրդական Շուլցէն , որ հարցաքննել էր ինձ Մարտ 16ին , սկսեց փաստել սպանութեան կանխամտածումը :
- Ամբաստանեալի պատասխանները դեռ բաւական յստակ յիշում եմ , ասաց նա , առանց դժուարութեան խոստովանեց , որ Թալէաթին սպանել է գիտակցութեամբ եւ գիտումով : Իսկ երբ հարցրի պատճառը , ասաց թէ Թալէաթը այն մարդն է , որի հրամանով սպանուել են իր մերձաւորները Հայաստանում . դրա համար էլ որոշել է լուծել հարազատների վրէժը եւ այդ նպատակով էլ եկել է Բերլին : Ատրճանակը ձեռք է բերել հայրենիքում . աշխատել է դանկել Թալէաթի

հետքը, որը գտնելուց յետոյ, նրա բնակարանի զիմաց վարձել է սենեակ՝ զիտելու եւ հսկելու նպատակով: Մէկ օր էլ նշմարելով, որ Թալէաթը դուրս է գալիս, ատրճանակը առել է ու վրայ հասել. որեւէ սխալմունքից խուսափելու համար, անցել է զիմացը եւ համոզում գոյացնելով, որ անցորդը նոյն ինքն Թալէաթն է, նրան սպանել է:

Մինչեւ այդ թմրած դատախազը, այժմ կատարում էր նոթագրութիւններ՝ անելով լրացուցիչ հարցումներ: Ունկնդիր հասարակութեան մէջ սրուել էր հետաքրքրութիւնը: Պաշտպաններս աշխատում էին արժեզուրկ դարձնել Շուլցէի վկայութիւնը: Սկսում էր սլայքարը: Նախ վկայութեան զգալի հարուած հասցրեց թարգման Գալուստեանը. նա ասաց, թէ այդ օրը ես ի վիճակի չէի ցուցմունքներ տալու, որովհետեւ ծեծուած, տիուած եւ ուժաթափ էի: Շուլցէն հաստատեց, որ իրօք խոշտանկուած էի, սակայն բոլորովին հանդարտ մէկի տպաւորութիւն էի թողնում: Նախագահը ցանկացաւ պարզել, թէ միթէ հարցումների բնոյթով չէի՞ն թելադրուած պատասխանները: Պաշտպան Նիմայէրը խնդիր յարուցեց, թէ ի՞նչ ձեւով է կատարուած ցուցմունքներիս թարգմանութիւնը եւ արդեօք Գալուստեանը չի՞ արտայայտել այդ զէպքում իր անձնական տրամադրութիւնները: Բարեմիտ Շուլցէն յիշեց, որ թարգմանը բերել էր իր հետ ինձ համար շաքարեղէններ եւ իր այն առարկութեան, թէ ի՞նչպէս կարելի է մարդասպանին շաքարեղէններ տալ, բացառանչել է. «Ի՞նչ մարդասպան, մեզ համար նա մեծ մարդ է»: Տոն Գորտոնը բռնեց Գալուստեանի այդ խօսքերի սուղից փաստելու համար անձնական տրամադրութիւնների հաւանականութիւնը թարգմանութեան մէջ: Իր հերթին՝ Գալուստեանը յայտնեց, թէ ա՛յնքան կասկածել է պատասխաններիս ճշդութեանը, որ հրաժարուել

է հարցաբննութիւնը ստորագրել: Նախագահը ճշդեց
այդ պարագան, որով նախնական ցուցմունքներս ար-
ժեկուրկ կզան . . .

* * *

Միջօրէի կէս ժամուայ դադարից յետոյ, դատա-
վարութիւնը վերսկսուեց տիկին Քրիստինէ Թէրզի-
պաշեանի հարցաբննութեամբ: Պաշտպան Փոն Գոր-
տոնը նախագահից խնդրեց վկան հարցաբննել ջարդերի
մասին:

— Պատերազմի ժամանակ ո՞ւր էիք բնակուում,
հարցրեց վերջինը վկային:

— Կարին էի:

— Այդ ձեր հայրենի՞քն է:

— Այո՛:

— Այնտեղ տեղահանութիւններ կզա՞ն:

— Այո՛, Յուլիսին բնակիչներին ժողովեցին ու
յայտնեցին, որ պէտք է թողնեն քաղաքը:

— Քաղաքի մէջ կզա՞ն ազդարարութիւններ, թէ
հայերը պարտաւոր են դադարել:

— Նախ ստիկանների միջոցով լուր տուին քա-
ղաքի հարուստներին, ապա յայտնեցին բոլորին, որ
քաղաքը պիտի պարպուի, որովհետեւ սաղմապիտօրէն
զանուում է վտանգուած շրջանում: Քաղաքի հարուստ-
ները ութ օր առաջ տեղեկացան այդ մասին, իսկ մնա-
ցածները՝ մէկ օր առաջ միայն: Յետոյ պարզուեց, որ
կզածր խարկութիւն է եւ միայն հայերը պիտի աքսոր-
ուին:

— Բնակչութիւնը մէ՞կ անդամից դուրս հանեցին
քաղաքից:

— Չորս անդամից:

— Չո՞րս խմբով:

— Չորս խումբ ութ օրուայ մէջ:

— Ետ մնացողներին յայանի՞ էր, թէ ի՞նչ են լի-
նում նախընթաց խմբերը :

— Ո՛չ :

— Ճշդուա՞ծ էր որոշ ուղեկէտ :

— Նախ Երզնկա պիտի գնայինք :

— Դուք ո՞ր խմբի մէջ էիք :

— Երկրորդ :

— Նկարագրեցէք, ո՞րքան մարդ տեղահան եղաւ,
դուք ո՞րչափ առաջացաք եւ ի՞նչ պատահեց :

— Մեր ընտանիքը բաղկացած էր 21 անձից . նրան-
ցից միայն երեքը մնացին :

— Ո՞րքան մեծ էր խումբը :

— 500 ընտանիք :

— Ձեր հարազատները ի՞նչպէս մեռան :

— Մեր ընտանիքը բաղկացած էր 21 հոգուց : Վար-
ձել էինք եղան երեք սայլեր ու նրանց մէջ գետեղել ինչ
կարելի էր . մեզ հետ առինք ուտելիք եւ դրամ : Կարծում
էինք, թէ Երզնկա պիտի գնայինք, հայրս, մայրս եր-
կու եղբայրներս, երիցազոյնը 30 տարեկան, երեք
մանչ, փոքրիկը վեց ամսական, ամուսնացած քոյրս իր
ամուսնու հետ, վեց տղայ, երիցազոյնը 22 տարեկան :
Իմ աչքովս տեսայ բոլորի կորուստը, միայն երեք հո-
գի ողջ մնացին . . .

Տիկնոջ ձայնը դողաց, դողդոջ ձեռքը տարաւ կրծ-
քին ու յարեց .

— Երդուում եմ, որ Պոլսոյ հրամանով տեղահան-
ուեցին :

— Ի՞նչ կերպով :

— Երբ քաղաքից դուրս ելանք, Կարնոյ բերդի
գոտերի առջեւ սատիկանները հաւաքեցին ու սկսեցին
ղէնք փնտուել : Դանակ, անձրեւանոց եւ այլն առին :

Հասանք Բարերդ : Երբ անցնում էինք այս քաղաքին
առջեւից, տեղ - տեղ դիակներ տեսանք :

— Դիտակները կարճից եկող նախընթաց խմբերից էին :

— Ո՛չ, Բարերգից : Ապա՝ հասանք Երզնկա : Խոտտայել էին բնակարան տալ մեզ, բայց ջուր խմելու անգամ հրաման չտուին :

— Ի՞նչպէս տեղի ունեցաւ ջարդը, որի ընթացքում ձեր հարազատները սպանուեցին :

— Երբ բաւական ճամբայ առաջացանք, խմբերից 500 երիտասարդներին ընտրովի դատեցին. դրանց մէջ էր մէկ եղբայրս, որ յաջողել էր փախչիլ ու մեզ մօտ դալ, աղջկան հազուստներ հազցրինք նրան : Միւս երիտասարդները ջարդուեցին . . .

Նախագահի յօնքերը վեր թռան դարմանքից, աչքերը խոչորացան :

— Ի՞նչ եղան ընտրուածները, առայ նա :

— Չարդուեցին ու ջուրը թափուեցին :

— Ո՞ր տեղից դիտէք :

— Աչքերովս տեսայ :

— Տեսաք, որ դե՞տր թափուեցին :

— Այս՛, դետր նետուեցին եւ հոսանքը քչեց տարաւ բոլորին :

Նախագահը թուքը կուլ տուաւ :

— Յետ մնացողները ի՞նչ եղան :

— Պաղատեցինք, լացինք, բայց մեզ սուիններով առաջ մղեցին :

— Ո՞վ :

— 30 սատիկան եւ մի ջուկատ գինուոր :

— Ապա ձեր հարազատները ի՞նչ եղան :

— Սալլերը թափել էին ամէն բան, դնայել. ինչ կարողացանք՝ չարակեցինք ու հասանք Մալաթիա : Բայց թոյլ չտուին քաղաք մտնել ու մեզ քչեցին լեռները : Այստեղ այրերին կանանցից բաժանեցին : Ընդա-

մէնը տասը մէթր մեզնից հեռու բոլորին կայնահար արին . . .

Շատ անսովոր նիւթ էր նախադասի համար ու դժուարութեամբ էր վարում հարցաքննութիւնը :

— Այրերն ու կիները , հարցրեց նա :

— Ա՛չ , միայն այրերին ջարդեցին : Երբ մթնեց , սատիկանները եկան ու գեղեցիկ կանանց ու ազջիկներին առեւանդեցին : Դիմազբողներին սուիններով խոցատում էին , սրունքները պատում . նոյնիսկ յղի կանանց կողերը փշրում էին . . .

Մեծ իրարանցում առաջացաւ սրահի մէջ : Տիկին Քրիստինէն յետ նայեց ու դողդոջ ձայնով գոչեց .

— Երգմամբ հաստատում եմ այս . . .

Շշմած նախադասը իրեն դտաւ :

— Դուք ի՞նչպէս ազատուեցիք :

— Եզբօրս սպանեցին . մայրս երբ տեսաւ այդ , վար ընկաւ մեռաւ . յետոյ մի թուրք ուղեց կնութեան առնել ինձ . գիմազրեցի , տղաս սպանուեց . . .

— Ի՞նչպէս ազատուեցիք , գոչեց նախադասը մըլ՝ ձաւանջից ազատուելու ակներեւ ցանկութեամբ :

— Հեռուից նշմարեցի ծուխ . այստեղ տեսայ եզբօրս կնոջ , որի երկունքը սկսուել էր : Քշեցին Սամսէք . կինը մնաց այնտեղ . . .

— Քանի՞ հոգի մնացիք :

— Մօտաւորապէս 600 հոգի :

— Իսկ ձեր ընտանիքի՞ց :

— Հայրս , երկու եղբայրներս եւ ես :

— Ուրեմն , Սամսէ՞ք եկաք , մեքենամար հարցրեց նա :

— Այո՛ , այստեղ հիւանդացաւ հայրս , նրան էլ տարան . թէև եղբայրս յաջողեց նրան բերել , սակայն իրիկունը մեռաւ . . .

— Իսկ երկու եղբայրներ՞րդ :

— Ողջ են . . .

Նախադահր, յետ նայելով, խորունկ շունչ առաւ :

— Այդ բոլորը իրականութիւն է, թէ երեւակայութիւն :

— Պատճառս իրականութիւնից շատ պակաս է :

— Դուք Սամսէ՞ք մնացիք :

— Ո՛չ, քչեցին Սառուչ . . .

— Լա՛ւ, ընդհատեց նրան իր հարցումից զղջացած նախադահր, ո՞վ էր համարում այդ արհաւիրքների պատասխանատուն :

— Ամէն բան կատարում էր էնվեր փաշայի հրամանով. զինուորները ստիպում էին մեզ ծնրադրել եւ աղօթել նրա արեւշատութեան համար, որ մեզ կեանք է շնորհել . . .

Այդ խօսքերը նոր շարժման ու յուզման տեղիք տուին հասարակութեան մէջ՝ ընդհատելով տիկնոջ խօսք առաւ պաշտպան Նիմայէրը :

— Հասկանալի իրարանցումից պարզ է, որ վկայի ասածները թւում են անհաւատալի : Բայց մենք ունինք մեր տրամադրութեան տակ հազար ու մէկ նման զեկոյցներ : Սակայն, որպէսզի վկայի արժանահաւատութեան վրայ ամենաթեթեւ տարակոյս իսկ չծագի, պիտի խնդրէի, որ այժմ երկու լաւատեղեակ իրազեկները՝ պ. պրոֆեսոր դոկտոր Լեպսիուսը եւ վսեմաշուք Լիման Փոն Չանտերսը հարցաքննուեն այն ժամանակուայ թրքական ոստիկանութեան եւ զինուորականութեան մասին :

Վաթսունը անց, բայց զեղեցիկ ճակատ, կարճատես կապոյտ աչքեր, մանկունակ բերան, ալեխառն կարճ մօրուք, պիրկ ու խիստ այտեր, այսպէս էր դոկտոր Եոհաննէս Լեպսիուսը. նրա կատարած ջանքերի եւ զիմումների յիշատակը դեռ շատ թարմ էր, ու հայերի երախտապիտութիւնը զէպի զերման հայրենասէ-

րը շատ մեծ : Ջարդերի շրջանում նա լոյս քննարկեց իր «Bericht über Lage des Armenischen volkes in der Türkei» աշխատութիւնը, որ եղաւ առաջին մեծ գործը սարսափների մասին : Գերման գրաքննութիւնը ջանք չխնայեց այդ գրքի տարածումը սահմանափակելու եւ ամէն կերպ աշխատեց, որ գերման մամուլի մէջ թուրքերի մասին հանրային կարծիքը «չպղտորուի» : Պատերազմի բովանդակ տեւողութեան, դէպքերի մասին գերման մամուլը իրաւունք չունէր ոչ մի բառ յիշատակելու : Այս սլայմաններում հալածական հայասէրը անցրնում էր իր օրերը արտասահմանում՝ նպաստի եւ օգնութեան գործերով : Հետագայում Լեօպոլուսը իր վերոյիշեալ աշխատութիւնը հրատարակեց լրացուած «Der Fodesgang des Armenischen volkes» խորագրով : Ապա նա շատ մեծ ծառայութիւն մատուցեց ճշմարտութիւնը պարզելու գործին՝ գինադադարից անմիջապէս վերջը հրատարակութեան տալով Ջարդերի ու տարագրութեան շուրջ գերման արտաքին գործոց նախարարութեան մէջ եղած փաստաթղթերը «Deutschland und Armenien» մեծահատոր գրքով : Այժմ նա սկսեց իր խօսքը սուր ակնոցների միջից կապոյտ աչքերը կենտրոնացնելով նախագահին վրայ :

— Ընդհանուր տեղահանութիւնը որոշեց Երիտասարդ Թուրքերի կոմիտէն՝ Թալէաթ եւ Էնվեր փաշաների գլխաւորութեամբ, որոնք գործադրեցին որոշումը երիտասարդ Թուրքերի օգնութեամբ :

«1915 թ. Ապրիլին ձեռնարկուած տեղահանութիւնը վերաբերում էր Թուրքիոյ մէջ եղած բոլոր հայերին՝ շատ քիչ բացառութեամբ, որոնց մասին պիտի յիշեմ : Պատերազմից առաջ Թուրքիայում կար քնդամէնը 1,850,000 հայ : Թուրքիոյ մէջ ստոյգ մարդահամար չկայ. այս թիւը ճշգրտւած է եղած վիճակագրական տեղեկութիւններից, որոնք ներդաշնակուած են հայոց

Պատրիարքարանի ազգահամարին: Հայ բնակչութիւնը պատերազմից առաջ տարածուած էր Եւրոպական Թուրքիոյ մէջ (Պոլիս, Ադրիանուպոլիս, Ռոստոսդօ) եւ Ասիական Թուրքիայում (Անատոլու, Կիլիկիա, Հիւսիսային Ասորիք, Միջագետք): Հայերի մեծ մասը ապրում էր արեւելեան Անատոլիայում, հայկական լեռնաշղթայի վրայ, հայ ազգի հին հայրենիքում, վեց վիլայէթներէ մէջ՝ Կարին, Վան, Բաղէշ, Դիարպէքէր, Սերաստիա եւ Խարբերդ: Արեւմտեան Անատոլիայում, Պոլսոյ դիմաց, Մարմարայի հարաւային եզերքներում բնակւում էր ազգի մի խոշոր բեկորը: Հարաւային Անատոլուի մէջ Կիլիկիա՝ Տաւրոսի տափաստանով եւ Ալեքսանդրիոյ ծովախորշին սահմանակից հիւսիսային ասորական երկիրներով՝ կազմում է հայկական հին հայրենիքի մի մասը:

Լեզուները վար առաւ ակնոցները, սրբեց՝ թարթելով յոյնած աչքերը:

— Անատոլիայի ամբողջ հայ բնակչութիւնը տեղահանուեց բարձրագոյն հրամանով, դէպի հիւսիսային եւ արեւելեան եզրը Միջագետքի անապատի՝ Տէր-Չօր, Ռակիա, Մեսկենէ, Ռասիւլ — Այն, մինչեւ Մոսուլ: Տեղահան եղան մօտաւորապէս 1,4000,000 հայ, ասաց նա ակնոցները դնելով ու ձայնին ուժ տալով յարեց.

— Ի՞նչ է նշանակում այս: Թալէաթի ստորագրած հրամանագրի մէջ ասուած է. «Տեղահանութեան նպատակն է ոչնչացում»: Եւ համաձայն այս հրամանագրի՝ դորժը առաջ տարուեց, արեւելեան Անատոլուի նահանգներից դէպի հարաւ տեղահան եղած ամբողջ բնակչութեան միայն տասը տոկոսը աքսորաւայր հասաւ. մնացած 90%ը ճանապարհին սպաննեցին. կանայք ու աղջիկները առեւանգուեցին ոստիկանների եւ քրտերի կողմից, մնացածն էլ մեռաւ անօթութիւնից



Նկարին մէջ կ'երեւին Թէհլիրեան, գերման
եւ քուրժ պաշտօնատարներ կառախումբի մէջ
եւ տեսարան մը հայկական ջարդերէն:

Աւ ուժասպառութիւնից : Այն հայերից , որոնք քշուեցին Արեւմտեան Անատոլիոյ , Կիլիկիայից եւ Հիւսիսային Ասորիքից , անապատի եզրի հաւաքատեղիներու՝ հետզհետէ կուտակուեց հազարաւոր մարդկանց բազմութիւն : Սրանք յետոյ ոչնչացան մեծ մասամբ սիստեմաթիք սովով ու ջարդերով : Երբ հաւաքատեղիները լեցում էին նոր խմբերով այնպէս , որ այլեւս տեղ չէր մնում , նրանք դունդ դունդ առաջնորդուած էին անապատ եւ այնտեղ մորթուում : Թուրքերը սսում են , թէ իրենք որդեգրեցին հաւաքատեղիների դադափարը անգլիացիներից , որոնք կենտրոնացրին Հարաւային Ափրիկէում բոերներին : Պաշտօնապէս յայտարարուած էր , թէ աքսորները նախազգուշական կարգադրութիւններ են , սակայն անհատապէս հեղինակաւոր անձինք բոլորովին յայտնի կերպով ծանուցում էին , որ աքսորի նպատակն է հայ ժողովուրդի բնաջնջումը : Ասածս հետեւում է այն փաստաթղթերից , որ ես հրատարակեցի՝ հաւաքելով կայսերական դեսպանութեան եւ արտաքին գործոց նախարարութեան արձանագրութիւններից , մանաւանդ գերման հիւպատոսների եւ Պոլսոյ գերման դեսպանների զեկոյցներից :

Լեպսիուսը դուրս հանեց թաշկինակը , հակատը արբեց ու մտացիր ասաց .

— Գուք այստեղ լսեցիք մէկ զեկուցում տիկին Թէրզիպաշեանի քաշածների ու տեսածների մասին տեղահանութեան ժամանակ : Այդպիսի զեկոյցներ , թանձրբ մանրամասնութիւններով , որոնք բոլորն էլ անձնական փորձառութեան գրոշմ ունին , հարիւրներով տպագրուած են մեծ մասամբ գերման , մասամբ էլ ամերիկեան եւ անգլիական հրատարակութիւնների մէջ : Իրողութիւնները անտարակուսելի են : Գործադրման եղանակները ամէն տեղ նման են տիկին Թէրզիպաշեանի պատմածներին : Հակառակ պարագային , պէտք է


հարց լինէր, թէ ի՞նչպէս կարելի է այնքան կարճ ժամանակի մէջ միլիոնաւոր մարդիկ սպանել: Այդ հնարաւոր է եղել ամենավարագ միջոցներէ շնորհիւ, ինչպէս ապացուցուեց նաեւ Պոլսոյ դատավարութեան ընթացքում, որ տեղի ունեցաւ Թալէաթ փաշայի եւ ընկերներէ դէմ այնտեղ, սլատերազմական տառանքի առջեւ: Ատեանը կազմուած էր մի զօրարաժնի հրամանատարից, երեք զօրավարներից եւ մէկ հարիւրապետից: Ամբաստանութեան հինգ կէտերից առաջինը վերաբերում էր հայկական ջարդերին: Պատերազմական տառանք, 1919 Յուլիս 6ին, մահուան դատաւարտեց ջարդերի բոլոր ղլխաւոր հեղինակներին՝ Թալէաթ, էնվեր, Ջեմալ եւ դուկտոր Նազրմ: Հայերին ոչնչացնելու հրամանի կատարումը Պոլսից յանձնուեց վալիներին, միւթէսարիքներին եւ դայմազամներին, այսինքն՝ նահանգային, դաւառական վարիչներին: Այն պաշտօնեաները, որոնք չէին ուզում կատարել արուած հրահանգները, պաշտօնանկ էին լինում: Օրինակի համար, Հալեպի վալին, Ջելալ փաշան, մերժեց իր վերայէթի մէջ տեղահանութեան հրամանները կատարել: Թալէաթը նրան պաշտօնանկ արաւ եւ տեղափոխեց Գոնիա: Ջելալ փաշան այստեղ իր հովանաւորութեան տակ առաւ դեռ ողջ մնացած հայերին: Հետեւանքը եղաւ այն, որ այստեղից էլ վրձնուեց ու այլեւս մնաց առանց պաշտօնի: Եւ սակայն նա մէկն էր այն արժանաւոր եւ արդարակորով վալիներից, որ ունէր Թուրքիան: Մի ուրիշ վալի, Ռաշիտ բէյը, Դիարսպէքիւրի մէջ, մարդախոշոշների ձեռքով սպանել տուեց երկու դայմազամ, որոնք յանձն չառին դուրս հանել տեղահանութիւնները: Հրամանները անսաստօղ թրքական բնակչութեան, պաշտօնեաների ու զինուորականների դէմ դործադրուած էին բռնութիւններ: Երբորդ զօրարաժնի մի հրամանատար ազդարարեց, թէ ով հայերին օգնու-

թեան հասնի, իր տան մէջ պիտի սպանուի եւ տունն էջ պէտք է հրկիզուի: Եթէ պաշտօնեաներից ոեւէ մէկը օգնէր հայերին, պէտք է անյասպաղ պաշտօնանկ լինէր եւ պատերազմական ատեանի առջեւ քաշուէր:

Դատարանը, հասարակութիւնը կարծես քարացել էին այդ անլուր յայտնութիւնների առաջ: Լեպսիուսը շարունակեց.

— Հայերի սկզբնական 1,850,000 թուից տեղահանուեցին 1,400,000 հոգի: Մնում էր, ուրեմն, 450,000 մարդ: Սրանցից 200 հազար մարդ ազատ մնացին աքսորից, զլիսաւորապէս Պոլսոյ, Իզմիրի եւ Հալեպի բնակչութիւնը: Հալեպի հայութեան ազատուելուն մէջ դեր կատարեց դերման հիւպատոս Ռէօսլէրը, այն՝ որ համաձայնական մամուլի մէջ զբոսարտուեց իբրեւ ջարդեր կազմակերպող: Իզմիրի մէջ զօրավար Լիման Փոն Չանտերսը արդելք եղաւ հայերի տեղահանութեան: Նոյնը արաւ ընդհանուր մարաջախտ Փոն Դեր Գոլցը: Երբ նա եկաւ Բաղտատ, իմացաւ, որ Բաղտատի հայերը աքսորուած են Մոսուլ եւ Մոսուլի հայերէ հետ միասին պիտի տեղահանուին դէպի Եփրատ, այսինքն՝ դէպի մահ... Մոսուլի վալիին ազդարարեց, որ արդիւում է տեղահանութիւնը. իսկ երբ վալին նոր հրաման ստացաւ տեղահանութեան ձեռնարկելու, Փոն Դեր Գոլցը ներկայացրեց իր հրամարտիւնը: Էնվեր վաչան ստիպուած եղաւ տեղի տալ Փոն Դեր Գոլցին իր դրած թղթի մէջ աւելացնելով, թէ «Իր վերին հրամանատարի իշխանութիւնը իրեն իրաւունք չի տալիս թրքական պետութեան ներքին գործերին խօսնուելու»: Պոլսոյ մէջ դեսպանները արդելք եղան հայերի տեղահանութեան: Թոյլ տուէք այստեղ մի անցողակի դիտողութիւն անել: Յաճախ կարդում ենք, թէ հայկական ջարդերը հետեւանք են այն բանին, որ հայ վաճառականական դասակարգը կեղեքել է թուրքերին եւ

Թուրք բնակչութիւնը զայրացած՝ ինքնաբերաբար ուղի է ելել հայերի դէմ: Նախ՝ ապացուցուած է, որ ոչ 1895 — 96 թուերի ջարդերը եւ ոչ էլ վերջին ջարդերը ժողովրդական ինքնաբուխ խլրտումների հետեւանք չեն, այլ պետութեան վարչական հրամանների դործադրութիւն: Ապա՝ փաստօրէն Պոլսոյ, Իզմիրի, Հալեպի նման վաճառատեղիներն ու հայ վաճառական դասակարգն էր որ փրկուեց մահից թէ՛ այն ժամանակ եւ թէ՛ հիմա, մասամբ էլ նրա համար, որ ի վիճակի էին իրենց փրկելու: Սրա դիմաց Անատոլուի ամբողջ գիւղացիութիւնը, որ կազմում է հայ բնակչութեան 80 առ հարիւրը, արհեստաւորների հետ միասին, որոնք մեծ մասամբ հայեր են, ճամբուեցին անապատ եւ ոչնչացան: Հայ բնակչութեան մնացորդը, մօտ 250,000 հոգի, տեղահանութիւնից զերծ մնաց, սահմանամերձ վիլայէթների ուղտական գրաւումով եւ ապաստանեց Կովկաս: Այն ժամանակ ուսաները առաջացան վանայ ծովի արեւմտեան եղերքները: Երբ նահանջեցին, հայերին միասին առին, բայց ոչ նրա համար որ հայերը սիրելի էին նրանց. Եանուշկեւիչը, Նիկոլայ Նիկոլայեւիչի սպայակոյտի պետը, որ այն ժամանակ Կովկասում հրամանատար էր, յայտարարեց, թէ Ռուսաստանը դատարկուած երկրների մէջ հայերի փոխարէն պիտի բնակեցնի ջիւրտ եւ կոզակ զաղութներ, որպէսզի կազմուի գինուորական մի լայն զօտի թուրքերի դէմ. ուսաների նպատակն էր ձեռք անցրնել «Հայաստանը առանց հայի»: Յամենայն դէպս, ուսա առաջախաղացութիւնը փրկեց մօտ 350 հազար հայերի կեանքը, թէեւ ուսական նահանջը նրանց զրկեց իրենց երկրից: Այդ տարագիրները մինչեւ օրս ապրում են Կովկասում շատ անձուկ երկրամասի վրայ, տարիներով սովի ու մեծ նեղութիւնների ենթակայ: Մարդ ակամայից ինքն իրեն հարց է տալիս, թէ ի՞նչպէս պատմա-



ՄՈՂՈՄՈՆ ԹԷՂԻՅԵՆԻ ԴԱՏԱՎՈՐՈՒՄԻ ԵՆԻՆՆԵՐԸ
Գառարանին խորքը, դատարանը իր երկու օգնակներով :
Առանց աջ կողմը, բնիկ. դատարանը: Նկարին ձևը կող-
մը, ոտքի վրայ, ամբաստանալ ՄՈՂՈՄՈՆ ԹԷՂԻՅԵՆԸ:
Անոր առջև, սեղանին հով, պաշտպան փաստարանը:

կանօրէն հնարաւոր եղան նման դէպքեր : Պիտի փորձեմ համառօտակի սլատասխանել այս հարցին :


«Հայկական հարցը ինքնարոյս մի տունկ չէ, այլ եւրոպական դիւանագիտութեան ծնունդը : Հայ ազգը զո՛հ դնաց Ռուսաստանի եւ Անգլիոյ քաղաքական շահերի հակամարտութեան : Լոնտոնի եւ Պետերբուրգի ճատարակի մէջ հայը զինուոր էր, որ երբեմն առաջ էր քաշուում, երբեմն զոհուում : Մարդասիրական յորջորջումները, «քրիստոնէից հովանաւորութիւնը» սլատրուակներ էին :

Լեպսիուսը յիշատակեց մի շարք յայտնի սլատմական փաստեր, թէ ի՛նչպէս Ապտիւլ Համիտի օրով սլտութիւնների կողմից առաջագրուած հայկական բարենորոգութիւններին նախորդել ու յաջորդել են հայերի կատորածներ, հասնելով վերջապէս Երիտասարդ Թուրքերի օրով հայ ժողովուրդի բնաջնջման :

Ապա վերադառնալով տեղահանութեան, խիստ յուզուած նկարագրեց հայ մտաւորականների տարազրութիւնն ու ջարդերը :

— Թալէաթի անձնական բարեկամ, Սորհրդարանի հայ անդամ Վարդգէսը դեռ ձերբակալուած չէր, սլատմում էր նա « դնաց Թալէաթի մօտ հալածանքների սլատճառը հասկանալու : «Մեր ծանր օրերին մեր կոկորդին կպաք եւ հայկական բարենորոգման հարցը յուղեցիք, հիմա մենք պէտք է օլտուինք մեր նպաստաւոր դրութիւնից եւ ձեր ազգը այնպէ՛ս ցիրուցան տնենք, որ 50 տարի ձեր մտքից հանէք բարենորոգումների դադափարը» : Վարդգէսը վրայ բերաւ . «Ուրեմն, ուղում էք շարունակել Ապտիւլ Համիտի դո՞րծը» : Թալէաթ ըսլատասխանեց . «Այո՛» : Այս սլտանալիքի համաձայն էլ կատարուեց դործը : Պոլսոյ սլատերազմական ատեանի դատաւարութիւնը, «Journal officiel»ի զեկուցման համաձայն, սլարզում է, որ աքսորը որոչել

է Երիտասարդ Թուրքերի կոմիտէն, եւ Թալէաթ փա-
շան, կոմիտէի հոգին եւ նրա ամենապղծեցիկ մարդը,
հրամայել է բնաջնջումը: Գերման եւ Թուրք փաստա-
թղթերի հիմքերով այս մասին կարելի է զրաւոր զե-
կուցում ներկայացնել: Իմ այս խօսքերի նպատակն է
պարզել, որ սեւտութիւնների քաղաքագիտական խօ-
ղերը հասցրին այնտեղ, որ նախապէս Ապաիւլ Համի-
տը, ապա Երիտասարդ Թուրքերը այնքան կասկածոտ
զարձան հայերի դէմ, որ եկան այն եզրակացութեան,
թէ ուրիշ բան չի մնում անել, բայց եթէ միայն ոչնչա-
ցնել հայերին...:



ԿԱՏԱԽԱԶԸ ՊԱՀԱՆՋՈՒՄ Է ՄԱՀԱՊԱՏԻԺ

Շշմեցուցիչ ապաւորութիւն թողեց Լեպսիուսի դեկուցումը ոչ միայն անտեղեակ հասարակութեան, այլ եւ փաստաբանների, դատաւորների վրայ: Տոն Գորտոնը խոստովանեց, որ այդպիսի լրիւ գաղափար չունէր այդ դարհուրելի դէպքերի մասին: Հասարակութիւնը արտայայտում էր իր յուզումը շշուկներով: Դատախազ Գոլնիկը շփում էր գլուխը առջևը դրած թղթերի վրայ հակած: Երդուեալները դեռ խորատուգուած էին կիսատ մնացած նոթագրութիւնների մէջ: Նախագահը մի պահ չիմացաւ ասելիքն ու անելիքը: Առիթից օգտուեց պաշտպան Վերթաուէրը եւ մի քանի հարցումներ ուղղեց դոկտոր Լեպսիուսին.

— Ինչո՞ւ Անգլիոյ եւ Ռուսաստանի քաղաքական խաղերը նպաստեցին հայերի բնաջնջման:

— Որովհետեւ թուրքերին ներշնչեցին այն վախը, թէ ուզում են Հայաստանից անկախ պետութիւն կազմել, իսկ այդ պէտք է վտանգէր Ասիական թուրքիոյ գոյութիւնը, պատասխանեց Լեպսիուսը:

— Առաջ այնպէս գիտէինք, թէ հայերի եւ թուրքերի փոխադարձ ատելութիւնը հարիւրաւոր տարիների հնութիւն ունի, որովհետեւ առաջինները քրիստոնեայ, երկրորդները մահմետական են:

— Համաթրքական, համխարամական պետութիւն ստեղծելու երեւակայական գաղափարը, որի մէջ քրիս-

տանեաները տեղ պիտի չունենային, Կամիաէի եւ Էն-
վեր փաշայի մտայղացումն է :

— Ուրեմն, որպէսզի հայերն էլ բալկանեան ժողովուրդների պէս չազատագրուին, որոշեցին նրանց ոչնչացնել :

— Այո՛, կոմս Մեատերնիխը, որ 1918ին Պոլսոյ գերման դեսպանն էր, Յուլիսի 30 թուակիր, իր գեկոյցին մէջ գրում էր. «Հայերի դործը վերջացած է : Երբ-տասարդ թուրքերի վոհմակը անհամբեր սպասում է այն բողէին, երբ Յունաստանը պիտի դառնայ թուրքիոյ դէմ : Յոյները կազմում են թուրքիոյ քաղաքակիրթ տարրը : Բայց նրանք էլ պէտք է ոչնչացուին, ինչպէս հայերը» : Այսպէս էր գցում կոմս Մեատերնիխը :

Նախագահը անցաւ թուրքիոյ իրադարձութիւններին իրազեկ միւս վկային՝ Օտտօ Լիման Փոն Զանտերսի ցուցմունքներին : Բարձրահասակ, կլոր դէմքով, բարեձեւ Զանտերսը, հակառակ որ ծեծում էր 70ի գոները, պահպանել էր իր թարմութիւնը : 1913ից սկսած, Վիլհելմի կողմից Պոլիս ուղարկուած զինուորական պատուիրակութեան պետն էր. նա վերակազմեց թրքական բանակը եւ ինքն էլ վարեց զօրակոչը 1914 Օգոստոսին, թուրքիան պատերազմի մէջ մանկուց երեք ամիս առաջ :

— Կ'ուզէի պ. գոկաոր Լեպսիուսի տաածներին մի քանի բան աւելացնել զինուորական տեսակէտից, ասաց նա : Իմ կարծիքով պէտք է երկու մասի բաժնել այն ամէնը, ինչ տեղի ունեցաւ Հայաստանում եւ օրակուում է «հայկական ջարդ» անունով : Նախ՝ Երբ-տասարդ թուրքերի տեղահանութեան հրամանը : Կարող ենք թուրք կառավարութիւնը ամբողջապէս պատասխանատու նկատել այս կարգադրութեան համար, իսկ հետեւանքների համար՝ միայն մասամբ : Ազա այն

կոխները, որոնք տեղի ունեցան Հայաստանում. հայերը ինքնապաշտպանութեան էին դիմել. թուրք կառավարութեան հրահանգած զինաթափութեան չէին ուզում ենթարկուիլ, եւ ուսաների հետ միացած պայքարում էին թուրքերի դէմ: Բնականաբար այդ կոխները ջարդի համար դուռ բացին: Կարծում եմ, որ սըրանք զանազանելի բաներ են: Զինուորական եւ քաղաքական վերին պաշտօնեաների ղեկոյցների հիման վրայ, որոնք զինուորական տեսակէտից անհրաժեշտ էին գտնում արեւելեան Անատոլուն հայերից պարսկել, թուրք կառավարութիւնը հրամանագրեց տեղահանութիւններ:

Այս այն էր ինչ ասել էր Լեպսիուսին էնվերը, մեծ մարդասէրի դիմումին առթիւ՝ զոնէ ծովեզերքի հայութեան կեանքը խնայելու:

— Քանի որ վերամանացիների դէմ սխալ ու անձիշդ բաներ են ասուած, շարունակեց զօրավարը, կ'ուզէի այստեղ շեշտել, որ կովկասեան ճակատում զնդապետները եւ հրամանատար զօրավարները բազկացած էին թուրքերից: Արդէն ասացի, որ այս զինուորական եւ քաղաքական պաշտօնեաները ղեկուցել էին Պոլիս կացութեան մասին. այդ հիման վրայ սկսուեց տեղահանութիւնը, որի գործադրութիւնը գտնուում էր ամենավատ ձեռքերի մէջ: Պէտք է աւելցնել, որ թրքական աստիկանութիւնը պատերազմից առաջ շատ լաւ էր: Մենք 85,000 հոգի եւ մի բնտրեալ գունդ: Բայց նրանք մուծուեցին բանակի մէջ, եւ փոխարէնը ստեղծուեց օգնական աստիկանութիւն, որ լաւ տարրերից չէր բաղկացած, մասամբ աւազակներ, մասամբ էլ թափառաւոր ջրիկներ էին: Այս մարդկանց մէջ կարգապահութիւնը բնականաբար չնչին էր: Ահա այս պարագաները պէտք է հաշուի առնել, երբ խօսք է լինում հայերի գաղթի ոտնն տեղի ունեցած խժոճութիւնների մասին:

Թուրք զինուորները չէին այլ խժուժութիւնները հրահրողները, այլ սատիկանական մի պատահական կազմ, որ կարիքը հարկադրեց ստեղծել: Ապա պէտք է նկատի առնել, որ թրքական էտապը այնքան խեղճ էր, որ ոչ միայն հայեր, այլ եւ շատ թուրք զինուորներ մեռան սննդի պակասութիւնից, հիւանդութիւններից, կազմակերպութեան բացակայութիւնից: Հազարաւոր թերասուն զինուորներ մեռան իմ բանակի մէջ Գելիպոլուի արշաւանքի ժամանակ: Ես կարծում եմ այս բոլորը անհրաժեշտ է հաշուի առնել, յարեց զօրավարը ու քիչ մտածելով՝ շարունակեց. վերջապէս չի կարելի անտեսել, որ ուղեկից խումբը մասամբ ազդուած էր «սուրբ պատերազմ»ի դաղափարից եւ հայերին նկատելով քրիստոնեաներ՝ կարծում էր, թէ նրանց հետ խստութեամբ վարուելը բարի դործ է: Ստորագաս պաշտօնէութիւնը կարող է այս կիրքը աւելի արծարծած լինել: Արդէն քրդերն էլ, որոնք թշնամի էին հայերին, միշտ յարձակուում էին նրանց վրայ ու ջարդում...

Զօրավարը դուրս քաշեց դրպանից մետաքսէ թաշկինակը, լայն ճակատը սրբեց ու սեղմող օձիքը մատներով լայնացնել փորձելով՝ շարունակեց.

— Ինչքան դիտեմ, գերման կառավարութիւնը այն ժամանակ արաւ հնարաւորը հայերի թշուառութիւնը մեղմելու համար, որքան թոյլ կը տային պարագաները: Բայց նրա համար դժուար էր այդ: Յատկապէս դիտեմ, որ դեսպան Մետտերնիխը վճռական բողոքներ ուղղեց կառավարութեան՝ հայերի դէմ եղած կարգադրութիւնների համար: Մեզ համար, որ այնքան կասկածների ենթարկուեցինք, կարող եմ ասել, թէ ոչ մի գերման սպայ հայերի դէմ ուղղուած կարգադրութիւնների մէջ մասնակցութիւն չի ունեցել: Ընդհակառակը՝ միջամտեցինք, ուր կարողացանք: Պէտք է

շեշտեմ, որ ես երբեք հայերի մասին թալկաթի կողմից ստորագրուած մի հրաման չեմ ստացել: Իմ ստացած հրամանները ստորագրուած էին էնվերի կողմից եւ թեթեւ էին, երբեմն էլ բոլորովին անիմաստ: Օրինակի համար, մի անգամ հրաման ստացայ բոլոր հրահաններին ու հայերին սպալակոյտից հեռացնելու: Բնականաբար հրամանը չգործադրուեց, որովհետեւ նրանց պէտք ունէինք իբրեւ թարգմանների: Այսպիսի անիմաստ հրամաններ յաճախ էի ստանում:

Թուաց, թէ զօրավարը աւարտեց իր խօսքը, նախադա՛ւր անգամ համապատասխան շարժում արուարայց յանկարծ Չանտերսը կարեւոր բան յիշողի պէս սասց .

— Երբ 1916ի Փետրուարին լուր ստացայ տեղակալ Վիրմարից, թէ վալին ուզում է Ադրինուպոլսի հայերին ու հրեաներին աքսորել, անցայ Պոլիս եւ իմ ջանքերով դեսպան կոմս Մետտերնիխի եւ դեսպան իշխան Պալաւիշինի ընդդիմութեամբ աքսորը կանգ առաւ: Մի ուրիշ անգամ Իզմիրում, երբ վալին գիշերը անկողիններից դուրս էր հանել 600 հայ, վաղո՛նների մէջ լեցրել եւ ուզում էր տեղահանել, սպաննացի զինուորներիս միջոցով հրացանի բռնել իր սատիկաններին, եթէ մէկ հայի վնասէ. վալին ստիպուած եղաւ հրամանը յետ առնել: Այս իրողութիւնը պատմում է իր գրքի մէջ պ. դոկտոր Լեպսիուսը: Այս է մօտաւորապէս այն ամէնը ինչ գիտեմ: Կ'ուզէի շեշտել, որ ես ոչ եղել եմ Հայաստանում, ոչ նրան մերձեցել եւ ոչ էլ թուրքերի կողմից ինձնից խորհուրդ է ուզուել հայերի դէմ ձեռք առնուելիք միջոցների մասին: Ընդհակառակը, ամէն բան մեզնից ծածկուած էր, որպէսզի գաղափար չունենանք քաղաքական ներքին իրադարձութիւնների մասին: Արատաստմանի մամուլի զրպարտութիւններից ամենամեծն այն է, որ իբր թէ, մենք մասնակից ենք

և զէլ այդ կարգադրութիւններին : Ընդհակառակը , մեր պարտականութեան համաձայն՝ միջամտեցինք ուր կարողացանք : Ինձ ենթակայ շրջանում ապրում էին ցիրուցան հայեր ևւ քիչ առաջ յիշած դէպքերը միակն են , որ ինձ պատահեցին : Թէ ո՛րքան Թալէաթը մասնակից էր հայերի դէմ եղած կարգադրութիւններին , չգիտեմ : Որքան ինձ յայտնի է , հայերի տեղահանութեան գլխաւոր հրամանը եղաւ 1915 Մայիս 20ին : Յամենայն դէպս կոմիտէի մտայնութեան արդիւնքն էր այդ , որ ապա ստացաւ նախարարութեան ընդհանուր հաճութիւնը : Գործադրութիւնը , ինչպէս ասացի , վայիների ու նրանց ենթակայ պաշտօնեաների ևւ ամենից աւելի ահուկի ոստիկանութեան ձեռքն էր : Ամէն պարագայի մէջ պարտքս ևւ նկատում ասելու , որ հինգ տարիների ընթացքում , երբ ևս Թուրքիա էի , Թալէաթի ստորագրութեամբ հրամանագիր հայերի դէմ չեմ տեսել ևւ ոչ էլ կարող եմ վկայել , թէ այդպիսի հրամանագիր տրուած է . . .

* * *

Չանտերսի խօսքից յետոյ ստեղծուեց մի կացութիւն , որ կարծես դատուողը ևւ չէի , այլ Թալէաթն ու ինքը : Անկապ , զուրկ ներքին համոզումից , ձեւական , անսիրտ ևւ , որ գլխաւորն է , անճիշդ գեկուցումը ոչ մի ազդեցութիւն ունեցաւ : Ոչ միայն դատարանը , այլ ևւ բանիմաց հասարակութիւնը հասկանում էր , որ չի կարելի «գինուորական անհրաժեշտութեամբ» մի ամբողջ ժողովուրդ ոչնչացնել . որ շիտակ չէ «վերին» պաշտօնեաների յանցանքը վաթաթել «վարին»ների վզին , երբ նրանք գործադրում են վերինների հրամանը . որ կարելի էր վերջ տալ սպանդին , եթէ իրօք տեղահանութեան որոշումը գործադրում էր սխալ . որ անիմաստ է վերապահ լինել այդ որոշման հանդէպ ու

մասնանշել «վատ» դործադրութիւնը, որ վերջապէս յերբերուած քաղաքական անցուղարձերի մէջ, այնուամենայնիւ, յանցանք չունէին հազարաւոր երեխաներն ու կանայք:

Պաշտպաններս ակնյայտօրէն հիասթափուած էին իրենց կողմից հրաւիրուած իրազեկի գեկուցումից: Շատ փափկանկատօրէն այդ հիասթափութիւնը արտայայտեց Փոն Գորտոնը:

— Վսեմաշուք տէր, ասացիք, թէ եւ ոչ դրական կերպով, բայց յամենայն դէպս արտայայտուեցիք այն իմաստով, որ խժդուժութիւնների պատասխանատուները սասորազաս պաշտօնեանն[՞] ըն են:

— Անդժութիւնների եւ ոչ թէ տեղահանութեան, պատասխանեց դորավարը:

— Վսեմաշուք Լիման Փոն Զանտերսը մեզ խղճի անհանդստութեան մէջ ձգեց, դարձաւ Փոն Գորտոնը նախագահին, նա ասաց, որ Թալէաթ փաշան չէ պատասխանատուն խժդուժութիւնների, այլ այն անկարգ մարմինները, որոնց յանձնուած էր տեղահանութեան հրամանների դործադրութիւնը: Հայերի մէջ ախրող ընդհանուր ըմբռնման եւ մասնաւորապէս պ. դոկտոր Լեպսիուսի համոզման հակառակ է այդ: Ես պարտք եմ համարում այստեղ ներկայացնել Հալեպի փոխ-վարչութիւնից ստացուած հինգ հեռագիրներ...

Փոն Գորտոնը ջղայնոտ շարժում արաւ դէպի նախագահը, բայց կեցաւ եւ յարեց.

— Այս հեռագիրներից երկուսը կ'ուզէի այստեղ կարդալ. սրտֆեսոր Լեպսիուսը քննել է...

— Փաստը կանխած պիտի լինէք, եթէ այդ հեռագիրները այժմ այստեղ կարդաք, ընդհատեց նրան նախագահը:

— Բայց պէտք է տեսն, թէ ի՞նչ կայ նրանց մէջ, վրայ բերեց Փոն Գորտոնը յուզուած եւ տոանց թոյլ-

Հայաստանի ԽՍՀՄ-ի Գերագույն Կոնստիտուցիոնալ Կոլեգիայի նախագահ
ՍՈՂՈՄՈՆ ԹԵՂԼԻՐԵԱՆԻ
Հայաստանի ԽՍՀՄ-ի Գերագույն Կոնստիտուցիոնալ Կոլեգիայի նախագահ
ՍՈՂՈՄՈՆ ԹԵՂԼԻՐԵԱՆԻ
Հայաստանի ԽՍՀՄ-ի Գերագույն Կոնստիտուցիոնալ Կոլեգիայի նախագահ
ՍՈՂՈՄՈՆ ԹԵՂԼԻՐԵԱՆԻ



ՍՈՂՈՄՈՆ ԹԵՂԼԻՐԵԱՆԻ
փաստաբաններէն
պ. վերճնա. ուիէր

ՍՈՂՈՄՈՆ ԹԵՂԼԻՐԵԱՆԻ
փաստաբաններէն
փրոֆ. ՆԻՄԱՅԷՐ

Հայաստանի ԽՍՀՄ-ի Գերագույն Կոնստիտուցիոնալ Կոլեգիայի նախագահ
ՍՈՂՈՄՈՆ ԹԵՂԼԻՐԵԱՆԻ
Հայաստանի ԽՍՀՄ-ի Գերագույն Կոնստիտուցիոնալ Կոլեգիայի նախագահ
ՍՈՂՈՄՈՆ ԹԵՂԼԻՐԵԱՆԻ
Հայաստանի ԽՍՀՄ-ի Գերագույն Կոնստիտուցիոնալ Կոլեգիայի նախագահ
ՍՈՂՈՄՈՆ ԹԵՂԼԻՐԵԱՆԻ

տուութեան սպասելու շարունակեց .— հեռագիրները հաստատում են, որ Թալէաթը անձամբ հրաման է տրուել բոլոր հայերին, մանուկներն էլ միասին, ոչնչացնելու: Նախապէս հրաման է տուել միայն այն երեխաներին պահել, որոնք ի վիճակի չեն յիշելու, թէ ո՛վ են եղել իրենց ծնողները: Յետոյ, 1916ի Մարտին, այդ հրամանը փնջուել է և մանուկներն էլ նկատուել են Թուրքիոյ համար վնասակար տարր: Այս հեռագիրներքի ճշդութեան մասին կարող է վկայել գրադէտ Արամ Անտոնեանը, որ ստացել է Հալեպի փոխ - վարչութիւնից անգլիացիների գրաւումից յետոյ ու տրամադրել հայկական պատուիրակութեան:

Բայց Փոն Գորտոնին յուզողը ոչ թէ դառն իրողութիւնների մերկացումն էր, այլ ճղճիմ անձս պաշտպանելու մտահոգութիւնը:

— Անձնապէս հնարաւոր, նոյնիսկ հաւանական եմ համարում, ևւ յոյս ունիմ, որ երգուեալները հաւատում են ամբաստանեալին, որ նա հաստատուն ևւ ոչ առանց պատճառի, մինչև սրտի խորքը համոզուած էր, որ Թալէաթն է հայերի դէմ գործուած ահուկի խժողովժութիւնների հեղինակն ու պատասխանատուն: Եթէ այսպիսի համոզում կայ, այդ դէպքում կարող եմ հեռագիրները կարդալուց հրաժարուել:

Հարցը այս ձևով շոշափում էր պաշտպանութեան բարոյական հիմքերը:

— Խնդրում եմ այդ առաջարկը մերժել, խստօրէն միջամտեց դատախազ Գոլնիկը, պարոն նախադահը թոյլ տուաւ շատ ընդարձակ վիճարանութիւններ Թալէաթի անձնաւորութեան մասին: Ոչ ոք տարակոյս ունի, որ ամբաստանեալը համոզուած է, թէ խժողովժութիւնների յանցաւորը Թալէաթն է. դրանով նրա շարժառիթը լիուրի պարզում է: Բացարձակապէս անհրեարին է այս ատեանի առաջ վճռել Թալէաթի յանցա-

աւրութեան խնդիրը. այդ դէպքում պիտի կայացուէր մի պատմական վճիռ, որի համար անհրաժեշտ է տարբեր ատաղձ ունենալ:

Հիմնականին մէջ թէև Փոն Գորտանը դոհացում ստացաւ, բայց ստեղծուած լարումը միանգամից չմարեց: Պաշտպան Նիմայէրը ուշադրութեան արու. որ թալէաթ կառավարութեան վերին պաշտօնեան էր, մեծ վեղիրը, պետութեան ներկայացուցիչը, որ ամէն բանի պատասխանատուն նա էր, եւ այլ կերպ կարծել անհնարին է...

Նախագահը անցաւ բժշկական փորձադէտներին դեկուցման, որոնք դատ - դատ քննութեան էին ենթարկել ինձ բանտում: Դրանցից բժշկական դասի խորհրդական բժիշկ Ռսիիրա Շտորմէրը, վաթսուներեայ չոր ու ցամաք մի մարդ, վերադրում էր ինձ հոգեկան պատճառներով ծնունդ առած վերնոտութիւն, որի հիմքն էին ջղային քայքայումների հետեւանքով ինձ հետ պատահած ուշաթափութեան դէպքերը: Բայց այդ հիւանդութիւնը փոխանակ մեղմելու, ծանրացնում էր դրութիւնս:

— Հոգեկան պատճառներից ծագած վերնոտութեան առանձնաշատկութիւնների թուին եւ պատկանում կամքի այնպիսի տոկունութիւն եւ յամառութիւն, որպիսին սովորաբար շատ հազուադէպ է, ասում էր նա. ըմբռնումների մէջ հետեւողականութիւն, ծրագրի նրբազոյն մշակում մինչեւ նրա դործադրութիւնը, յատկանիշներն եւ այդ հիւանդութեան: Ամէն պարագայի մէջ, նման հիւանդները չնայելով ոչ մի խոչընդոտի, դործադրում են այն ինչ որ մտքերնին դրած են: Սրանով է բացատրւում այն հանգամանքը, որ ամբաստանեալը չխորշեց միջոցներից եւ դժուարութիւններից՝ դանելու իր ատելի թշնամուն եւ խորհրդածելու, թէ ինչպէս կարող էր դործադրել իր ծրագրի-

բը ամենայարժար ձեւով : Երբ իր սենեակից կատարած
հակողութիւնը վերջանում է , նա առնում է զէնքը ,
դուրս վազում . նա ճշդութեամբ դիտում է հագուստը ,
եւ հարուածը հասցնում գլխարկի եւ վերարկուի միջեւ
եղած տեղին : Սրա մէջ ես տեսնում եմ իրազօրծումը
շատոնց նախապատրաստուած սրտումի :

Շատրմէրը չէր ժխտում , որ Հայաստանում տեղի
ունեցած «քսամենի իբրագարձութիւնները» խորապէս
ազդել էին հոգեկան աշխարհիս վրայ , բայց այդ բոլո-
րը չէին ազդել կամքիս ազատօրէն սրտելու եւ գործե-
լու կարողութեան վրայ , որով պատասխանատու էի օ-
րէնքի բովանդակ տրամադրութեամբ :

Այլ տեսակէտ էր պաշտպանում պրոֆ . Լիպմանը :

— Սկզբից իսկ պէտք է ասեմ , որ ամբաստանեալը
հագուստիւտ անկեղծութեան տէր մարդ է եւ ինքն իրեն
այլ եւ այլ շինծու ձեւեր չի տալիս , ասաց նա : Նա մին-
չեւ իսկ շափաղանց վերապահ է , մի տեսակ համակեր-
պում կայ իր մէջ , նա ինձ հասկացրեց , որ ինչ կ'ուզէ
թող լինի , ինքը այլեւս հետաքրքրութիւն չունի կեան-
քի համար : Այս ամէնը չէր բխում իրենից , պէտք էր
շարունակ փորձորել դուրս քաշելու համար : Բոլորո-
վին պարզ է , որ մենք գործ չունինք այստեղ խելագարի
հետ , եւ նրա արարքը տեղի չի ունեցել մտային մթադ-
նած գրութեան մէջ : Խնդիրը այստեղ հոգեկան ծանօ-
ցնցումների եւ «գերարժէք գաղափարի» մէջ է :

Լիպմանը պարզեց այդ գաղափարի զարգացման
ուղին զգայուն խառնուածքի համար՝ ծանր հոգեկան
ապրումների հետեւանքով :

Պերարժէք գաղափարը միւսում է այդ տեսակ բնա-
ւորութիւնների մէջ եւ հեռոյհեռէ նուաճում մարդը ,
նա խաղում է տիրող գեր , միշտ ներկայ է , միշտ հան-
դէս է գալիս եւ բռնազատում մարդուն իր իշխանու-
թեան ենթարկուելու :

Ապա պարզեց, թէ ինչպէս եմ ենթարկուել այդ
զաղափարի իշխանութեան .

— Գերարժէք զաղափարի հիմքն է մօր, հարա-
զաաների, ազգակիցների սպանութեան հետեւանքով
ճնունդ առած վրէժ լուծելու ներքին պահանջը : Մի
անգամ ընկնելով այդ զաղափարի իշխանութեան տակ,
հակառակ կամքին ու ցանկութեան, նա չի կարողացել
ազատուել նրա ճնշիչ ազդեցութիւնից :

Այդ հիմքերով Լիպմանը գտնում էր, որ ես իմ
կամքի լիակատար տէրը չէի՝ սպանութեան ձեռնարկե-
լու պահին : Նա իր զեկուցումը ամփոփեց անուանելով
այդ՝ «յոյզի վերնոտութիւն» :

Պրոֆեսոր Կասիրէրը, որի մօտ եղել էի դէպքից
առաջ, նոր տուեալներով եկաւ հաստատելու Լիպմանի
կարծիքը : Նոյն տեսակէտը պաշտպանեցին միւս երկու
փորձագէտ բժիշկները՝ Բրունօ Հակէն եւ պրոֆեսոր
Էտմունտ Ֆորսաերը : Վերջին երկուսը մինչեւ իսկ տը-
րամագիր էին կարծելու, որ սպանութիւնը կատարել
եմ ազատ կամքի լրիւ բացակայութեան . . .

Օրը լրացաւ, դատաւարութեան շարունակութիւ-
նը յետաձգուեց վաղուան : Իրսի հետ ունեցած շփում-
ներից յետոյ սրուել էր ազատութեան ձգտումս այն-
պէս, որ կարծես առաջին գիշերն եմ բռնաբերուի : Աշխա-
տում էի վերջիչել, համազրել օրուան թեր ու դէմ
տուեալները, հետեւութիւններ հանել դատաւարու-
թեան հաւանական ելքի մասին, եւ ապրելու յոյսը տա-
կաւ աւելի համակում էր ինձ : Բարոյական մի մեծ դո-
հացման առիթ էր յատկապէս Լեպսիուսի զեկուցումը :
Նա պարզարանեց այն բոլորը, որ ես մտածում էի ասել
առաջին հարցաքննութեանս, մօտ երեք ամիս առաջ . . .

Գիշերը երազիս տեսայ մօրս : Իրր թէ անցնում եմ
անծայր անապատի միջով եւ չորս կողմս անհուն տա-
րածութեան վրայ շերտ - շերտ փռուած են աւազակոյճ

տեր ծովի քարացած ալիքների պէս: Եւ գնում եմ
մարդկային բոպիկ հեռքերին հետամուտ, որ մերթ
յայտնուում են ու մերթ չքանում: Յանկարծ տեսնում
եմ աւազուտների մէջ ցնցոտիներում մայրս գետին եր-
կարած, որ անթարթ նայում է ինձ: Ես նետում եմ
յառաջ նրան վեր հանելու համար:

— Ո՛չ, զաւակս, մեռել եմ, օգուտ չունի, տուն
գնա, ասում է նա յոգնատանջ. բայց տեսնո՞ւմ ես ինչ
են արել ինձ. մէկ թիղ հող իսկ չկայ վրաս. գիշերները
սաստիկ ցուրտ է, մրսում եմ, մանաւանդ՝ կողերս:

— Սպասի՛ր, մա՛յր, ես քեզ մի լաւ ծածկեմ:

— Հա՛, ծածկի՛ր, զաւակս, ծածկի՛ր...

Ու ես խնամքով ծածկում եմ աւազներով նրա բո-
պիկ ոտքերը, գրեթէ մերկ կողերը, լանջը, երբ ուզում
եմ անցնել գլխին, նա ասում է.

— Ո՛չ, զաւակս, գլուխս թող բաց մնայ, որ օդ
առնեմ... հիմա լաւ է, շա՛տ ապրիս, դէ՛ տուն գնա...

* * *

Առաւօտեան վերսկսուեց դատավարութիւնը աւելի
մեծ բաղձութեան ներկայութեամբ: Այսօր աւելի մարդ
էր մնացել ոտքի վրայ: Վերնայարկը գրաւել էին դա-
տական եւ այլ սլաշտօնեաներ ու ընտրեալներ:

Դոկտոր Լեմբերդը նիստը բանալով յայտարարեց
դատավարութեան փաստական մասը սպառած, ու ձե-
ւակերպեց երգուեալներին ուղղուած հետեւեալ երեք
հարցումները.

1. Յանցաւո՞ր է ամբաստանեալ Սողոմոն Թէհ-
լիբեանը՝ 1921 Մարտ 15ին Շարլոտենբուրգում մի

մարդ՝ Թալէաթ փաշային գիտաւորեալ կերպով սպա-
նած լինելուն համար :

Պարզաբանեց , որ այդ հարցումը վերաբերում է
անկանխամտածուած սպանութեան : Յաջորդ հարցու-
մը ձեւակերպեց այսպէս՝

2. Արդեօք ամբաստանեալը կատարել է սպանու-
թիւնը կանխամտածութեամբ :

Այս հարցման պէտք էր պատասխանել այն դէպ-
քում , եթէ առաջինին հաստատական պատասխան տրը-
ւէր :

Վերջապէս , եթէ առաջին հարցման հաստատական ,
իսկ երկրորդին ժխտական պատասխան տրուէր , անհը-
րաժեշտ էր ճշդել թէ՛

3. Կա՞ն մեղմացուցիչ պարագաներ : Սուքը այժմ
պատկանում էր դատախազ Գոլնիկին :

— Պարոնայք երդուեալնե՛ր , սկսեց նա , ներկայ
քրէական դէպքի իրաւարանական կողմը չէ , որ բացա-
ռիկ նշանակութիւն է տալիս եւ բացատրում այն բուն
հետաքրքրութիւնը , որ նկատելի է ոչ միայն դատա-
սրահում , այլ եւ մեր երկրում եւ անգամ արտասահ-
մանում : Պատճառը այլ է : Դէպքը իր հոգեբանական
հիմքերով ընդգրկում է համաշխարհային պատերազմի
ժամանակները : Նա շօշափում է հեռաւոր Փոքր Ասիոյ
մէջ կատարուած վայրագ , արիւնոտ իրադարձութիւն-
ները , ու մենք կարծես նորից լսում ենք անցած ընդհա-
նուր պատերազմի սրտը : Դէպքի նշանակութեան միւս
պատճառը դո՛հի անձնաւորութիւնն է : Անանուաների
դանդուածի միջից մի ձեռք բարձրացաւ ու դեռին տու-
պալեց մի մարդ , որ ժողովուրդների մեծ դատեմարտի
ծանր օրերին վարում էր իր հայրենիքի ճակատադիրը
եւ՝ սրը , իրրեւ գերման ժողովուրդի գաշնակից , փառ-
քի ու բախտի բարձունքներին հասաւ :

Նա թեթեւ հազով կոկորդը մաքրեց ու քիչ առաջ
թեքելով՝ շարունակեց .

— Ամենից առաջ պէտք է ճշդել հետեւեալ հարցը .
դէպքը կատարուել է կանխամտածուած՞, թէ ոչ չնա-
խամտածուած : Երբ ինքս ինձ հարցնում եմ այդ մա-
սին, բնականաբար ծնունդ է առնում մի այլ հարց . ի՞նչ
պատճառներ են մղել ամբաստանեալին դէպի այդ
քայլը : Տարակոյս չկայ, որ մենք գործ ունինք քաղա-
քական սոցանութեան հետ : Ամբաստանեալի գրղա-
պատճառը եղել է քաղաքական ատելութիւնը, քաղա-
քական քինախնդրութիւնը : Այստեղ դուք լսեցիք հե-
ռաւոր վայրերում կատարուած շատ բաներ : Կասկած
չկայ, որ տեղի են ունեցել սոսկալի բաներ, հայ ժողո-
վուրդի նկատմամբ կատարուել են սարսափելի բաներ,
ևւ անկասկած է, որ ամբաստանեալի ընտանիքին էլ
զարհուրելի բաներ են պատահել . ճակատագիրը հար-
ուածել է նրան մինչև իր ուղն ու ծուծը, բանի որ
իր բոլոր հարապատները մասնուել են մահուան : Եւ
ասա իր մէջ ծնունդ է առել վրէժի գաղափարը : Ապա ոչ
մի տարակոյս չկայ, որ ամբաստանեալը յանձին թա-
լէաթ փաշայի տեսել է հեղինակը այն ճակատագրի,
որ հարուածեց իրեն, իր ընտանիքին եւ իր ցեղակից-
ներից շատերին : Ու յանձին թալէաթի տեսել է ոչ մի-
այն ներքին գործոց նախարարը, որ կրում է ձեւական
պատասխանատուութիւնը այն ամէնի ինչ տեղի է ու-
նեցել իր պաշտօնագորութեան շրջանում, այ անձնա-
կան ու բարոյական հեղինակը յիշուած սճիրների :

— Պարոննե՛ր, գոչեց ձայնին ուժ տալով Գոլնիկը,
այս գրղապատճառների ճշդումը լիուլի բաւական է
թէ հլիբեանի արարքը պատժա - իրաւական տեսակէտից
դատելու համար : Բայց վկանների հարցաքննութիւնը
տարածուեց նաև այն խնդրի վրայ, թէ թալէաթ փա-

չան իսկապէս անձնական եւ բարոյական հեղինակն է եղել ոճիրների : Իմ կարծիքով, թէեւ արարքը պատժա-
 - իրաւական տեսակէտից դատելու համար բոլորովին միեւնոյնն է թէ նա եղել է թէ չի եղել հեղինակը, այնուամենայնիւ ես պէտք է անդրադառնամ այդ խնդիրներին, որքան նրանք նիւթ դարձան վկաների հարցաքննութեան : Տարակոյսից դուրս է եւ վկաների ցուցմունքներով հաստատուած, որ հայերը եւ իրենց բարեկամները այն համոզման են, որ թալէաթ փաշան է կողմակերպել հայկական սարսափները : Սակայն, պարոններ, այդ կողմնակալ տեսակէտ է եւ զիւրին պիտի լինէր բերել այստեղ վկաների մի ամբողջ շարք, որոնք տեղի ունեցած դէպքերի մասին բոլորովին տարբեր տեսակէտ պիտի պարզէին : Ես խօսել եմ բազմաթիւ գերմանացիների հետ, որոնք թուրքիա էին եւ շատ մօտից ակնհասեալ դէպքերին. նրանք բոլորովին ուրիշ ըմբռնում ունին : Նրանք յայտնեցին, թէ անհերքելի իրողութիւնն է, որ Պոլսոյ կառավարութիւնն է որոշել հայերի բնաջնջումը. թերեւս սխալ հասկացուած, պատական եւ գինուորական ինքնապաշտպանութեան նկատումներն են զրդել՝ տալու տեղահանութեան հրամանը, որ ամէն պարագայի տակ իր արդիւնքով ծայրայեղօրէն ճակատագրական եղաւ . . .


Նախապահ՛ը ընդմիջեց այս մանուածապատ հաւաստիացումը՝ խնդրելով կանգ շտնել այն խնդիրների վրայ, որոնք չեն եղել վկաների հարցաքննութեան նիւթ :

— Ես կարոյ եմ օգտուել այդ իրաւունքից, որքան այդ տարբերութիւնը հանդէս եկաւ իրապեկների տեսակէտների մէջ : Պարոն Լեպսիուսի տուած տեղեկութիւնները, որքան էլ հետաքրքրական են, բայց ինձ համար ունին այն պակասութիւնը, որ զէպքերին տա-

լիս են չափազանց սխալեմագիք եւ ծրագրուած բնոյթ-
գծուար չէ տեսնել, որ դոկտոր Լեպսիուսը եկել է այդ
եզրակացութեան ոչ թէ տեղին վրայ, անձնական փոր-
ձով, դէպքերի ժամանակ, այլ աւելի ուշ ստացած տե-
ղեկութիւններից: Այդ պատճառով կարծում եմ, թէ
իրաւունք ունիմ աւելի ծանրակշիռ արժէք տալու պա-
րոն զօրավար Լիման Փոն Զանտերսի հիմնաւորումնե-
րին. նա այն ժամանակ վարում էր բարձր պաշտօն,
չատ մօտից ծանօթ էր դէպքերին եւ այստեղ որոշապէս
ընդգծեց տարբերութիւնը՝ հայերի տեղահանութեան
հրաման արձակող Պոլսոյ կառավարութեան բժրոնու-
մի եւ տեղահանութիւնը իրադործելու եղանակի մի-
ջեւ: Պոլսոյ կառավարութիւնը տեղեկութիւններ ու-
նէր, որ հայերը ծրագրում էին դաւաճանել, որ համա-
ձայնական պետութիւնների հետ դաւադրութիւն էին
նրութեամբ թուրքերի դէմ եւ վճռել էին, ռազմական կա-
ցութիւնը արտօնելու դէպքում, կոնակից յարձակուել
թուրքերի վրայ ու դլուխ հանել իրենց անկախութիւ-
նը: Պոլսոյ կառավարութիւնը, պետական եւ զինուո-
րական ինքնապաշտպանութեան մտահոգութեամբ,
անհրաժեշտ է նկատել հայերի տեղահանութիւնը: Գա-
լով տեղահանումի եղանակին, պէտք է նկատի ունե-
նալ, պարոններ, որ Փոքր Ասիան այն երկիրը չէ, ուր
տիրում են քաղաքակիրթ ժողովուրդներին յատուկ
պայմաններ...

Այստեղ Գոլնիկը մի պահ մտածեց, որ անհաճ ո-
րակումով պաշտպանեալի յիշատակը կարող է վիրաւո-
րել ու յարեց.

— Ես ուզում եմ զգոյշ լինել արտայայտութիւննե-
րիս մէջ. նկատի ունիմ այն պայմանները, որոնց մենք
վարժ էինք պատերազմից առաջ: Աւանդութիւնը Փոքր
Ասիոյ մէջ վայրագ է եւ արիւնարբու. պարոն իրազեկը



Հայ որբուհիներու եւ գաղթականուհիներու խումբ
մը՝ փախադրուած Փոք Սայիտ 1918 Օգոստոսին:

մատնանշեց, որ այն ժամանակ յայտարարուած էր «սրբազան պատերազմ», և ևհա, երբ այլացեղ, այլահրօն ազգարնակութիւնը տեսաւ, թէ ինչպէս թուրքերը ամէն կողմից հայերին քշելով ժողովում են, այդ բնականաբար եղաւ ազգանշան հայերի վրայ յարձակուելու: Ու հանդէս եկան մարդկային բնաւորութեան ամենատղեղ բնազդները՝ կողոպուտ, սպանութիւն և այլն: Պարոն իրազեկը մատնանշեց նաև, որ տեղահանութեան համար գործի կոչուած ժանտարմները այլևս նախկին բնարանի զինուորները չէին, այլ առանց քրեօտեթեան ժողովուած սինլքորներ, որոնք յետոյ սևփական նախաձեռնութեամբ գործեցին յայտնի սպանութիւնները:

Գոյնիկը այդ պահին նման էր այն միամիտ եւրօպացիներին, որոնք դիւրութեամբ համոզոււմ են հեռու, անձանօթ երկրների մէջ տեղի ունեցած դէպքերի բմահաճ և միտումնաւոր մեկնութեան, երբ նրանց այդ մասին հաւատացնում են, «խելքի մօտիկ» բացատրութեամբ: Յամենայն դէպս, նա թափով վրայ բերեց.

— Այս հիմքերով՝ ես պէտք է ասեմ, որ վկաների հարցաքննութիւնը իրաւունք չի տալիս ասելու, թէ «սպացուցուած է, որ Թալէաթ փաշան այն անձնաւորութիւնն է, որ անձնապէս և բարոյապէս պատասխանատու է կատարուած սարսափների համար»: Այս տեսակէտից ինձ չեն կարող շեղել նաև այն փաստաթղթերը, որոնց բնթերցման առաջարկը եկաւ այստեղ: Ես իրրև գատախաղ գիտեմ, թէ ինչպէս, օրինակի համար, մեզ մօտ յեղափոխութեան տակնուվրայութիւնների ժամանակ, լոյս բնկան նման փաստաթղթեր, որոնք կրում էին կարեւոր անձնաւորութիւնների ստորագրութիւնները, և սակայն, ինչպէս յետոյ,

սարգուեց, կեղծուած էին: Ինձ չի կարող, վերջապէս, թիւրխմացութեան մասնել նաև այն դատավճիռը, որ հանուած է Պոլսոյ մէջ թալէաթ փաշայի դէմ եւ որի մասին այստեղ յիշուեց: Ես չգիտեմ, թէ որքան այնտեղ ճշդուած է առարկայական ճշմարտութիւնը: Կարող է այդպէս լինել, բայց յայտնի է, որ նախկին քաղաքական որեւէ փարչաձեի տապալումից յետոյ, նորին համար նախկինի կողմնակիցները համարուում են ոճրագործներ: Իսկ թուրքիոյ մէջ այդ օրերին կատարուած փոփոխութիւնը աւելի քան բիրտ էր. Կենտրոնական Եւրոպայի պետութիւնների բարեկամ Երիտասարդ թուրքերի կառավարութիւնը հետացուեց եւ նրա տեղ բերուեց մի ուրիշը, որ ստիպուած էր գնալու այդ պետութիւնների թշնամի՝ համաձայնական երկրների հետ: Այս է պատճառը, որ մենք չենք կարող հասկանալ, թէ պարզուե՞ց արդեօք առարկայական ճշմարտութիւնը այդ դատավարութեան ժամանակ:

— Վերադառնամ սպանութեան, շարունակեց Գոլնիկը՝ աչքի անցրնելով իր նոթագրութիւնները, ես արդէն պարզեցի, որ ամբաստանեալը մղուել է այդ գործին այն համոզումով, որ ջարդերի բուն հեղինակը թալէաթն է: Պարոններ, անտարակոյս անազնիւ պատճառ չէ այդ, երբ նկատի առնենք ոճրագործութիւնների ահազնութիւնը: Դա մի դրդապատճառ է, որ կարելի է մարդկայնօրէն հասկանալ եւ պիտի հասկացուի, որքան ժամանակ կան մարդիկ բնդունակ առելու եւ սիրելու: Ու ե՛րբ հարց է լինում, թէ ամբաստանեալը գործել է խորհրդածումով, ինքնին պարզում է այդ: Եթէ դուք ուշադրութեան արժէք, թէ ինչպէս ամբաստանեալը, Երզնկայի մէջ իր հայրական տան աւերակները տեսնելուց յետոյ, անցնում է բովանդակ Եւրոպայի միջով, համուում Բերլին, ձեզ կը պարզուի, որ նստագործուած է վրէժի մոլեգնոս դադափարով: Նա կար-

Ճես մագնիսական ուժով քաշում, բերում է մինչեւ
 այն տան դուռը, ուր ապրում է իր դո՛ճը: Այսպիսով
 բոլորովին ճիշդ է այն յայտարարութիւնը, որ արել է
 նա իր առաջին հարցաքննութեան ժամանակ. նա ասել
 է՝ «Ճնողներին տան աւերակները տեսնելով, որդեղ-
 րեցի վրէժի դաղափարը, որ որոշել էի իրագործել.
 այն ժամանակ էլ զնեցի ատրճանակը»: Այնուհետեւ
 մենք տեսնում ենք, թէ ինչպէս ամբաստանեալը որոշ
 ծրագրով եւ ամէն ինչ կշռադատելով, դիմում է իր
 ծրագրի իրագործման, մենք տեսնում ենք, թէ ինչպէս
 նա թողնում է իր նախկին բնակարանը, ինչպէս պատ-
 ճառարանում այդ առողջական նկատումներով, ինչ-
 պէս է յաջողում նոր բնակարան գտնել թալէաթ փա-
 շայի տան դիմաց, ինչպէս է հետեւում եւ ստուգում,
 թէ ե՛րբ է դուրս գալիս անից թալէաթ փաշան, ինչպէ՛ս
 Մարտ 15ին ատրճանակը առնելով վազում է նրա յե-
 տեից, ապա ինչպէ՛ս անցնում է առջեւ համոզուելու
 համար, թէ նա՞ է արդեօք ու նորից յետեւ անցնելով՝
 տալիս է մահացու հարուածը: Նշանը այնքան լաւ էր
 ասնուած, որ մահը վայրկենական եղաւ...

Մարդարէի պէս ճիշդ եւ իրաւացի էր այս գէյ-
 քում Գոլնիկը:

— Պարոննե՛ր, ասաց նա, հայեացքը սեւեռելով
 երգուեալների վրայ, մենք տեսնում ենք, որ ամբաս-
 տանեալը գործում է պաղարիւն ու ամէն բան ծրագրե-
 լով: Սպանութիւնից յետոյ նա նկատում է ատրճանակը
 ու փորձում է փախչել: Եւ երբ նրան բռնում են եւ սկը-
 սում ձեծել, գոչում է՝ «ոչ սպանուածը, ո՛չ ես գերմա-
 ցի չենք. դուք գերմանացիներդ պատճառ չունէք յուզ-
 ուելու»: Պարոննե՛ր, բոլոր այս պարագաները նկատի
 ասնելով՝ ամէն մարդ պիտի գայ այն եզրակացու-
 թեան, որ սպանութիւնը կատարուած է կանխամտա-

ծումով, պաղարիւնութեամբ եւ կշռադատութեամբ : Այդպէս է նաեւ ամբաստանեալի խառնուածքը, նա տա-
քարիւն եւ դիւրարորբոք մէկը չէ . ընդհակառակն, ինք-
նամփոփ, հանդարտ եւ թախծոտ մի մարդ է, այնպի-
սի մէկը չէ, որ անձնատուր լինի հրճուանքի եւ ուրա-
խութեան, որ պոռթկայ ցասումով, այլ մէկը, որ սր-
ճում է իր մտքերն ու դադափարները : Ես կարծում եմ,
կանխամտածուած սպանութեան հիմնական տուեալնե-
րը կարելի է առարկայօրէն ստուգուած նկատել : Բայց
այդ բուսական չէ ամբաստանեալին պատժելու համար :
Պէտք է քննել, թէ չկա՞ն արդեօք այնպիսի պարագա-
ներ, որոնք անպատժելի են դարձնում արարքը : Աւ-
անա այստեղ է, որ հանդէս է դալիս գերման պետա-
կան պատժազրքի ԾՆրդ յօդուածը, որի համաձայն
պատժելի գործողութիւն չկայ, եթէ նրա հեղինակը
կատարել է գործը անգիտակցարար կամ գործողութիւ-
նը կատարելու պահին գտնուել է մտային հիւանդու-
ղին խանդարման մէջ, որ անհնարին է դարձնում կամ-
քի ազատ արտայայտութիւնը : Այժմ հարց է ծագում,
թէ ամբաստանեալի նկատմամբ գոյութիւն ունի՞ն այդ-
պիսի պարագաներ : Ինքնին հասկանալի է, որ եթէ
փորձագէտները միեւնոյն բանը ասեն, դատարանը բը-
նականարար կը հետեւի նրանց տեսակէտին : Դժբախ-
տարար մենք այստեղ փորձագէտների այդպիսի միա-
համուռ տեսակէտ չունինք, ուստի դատարանը հար-
կադրուած է ինքը որոշելու, թէ իր տեսակէտով ԾՆրդ
յօդուածի տրամադրութիւնները ներկայ դէպքում կի-
բառելի՞ են, թէ չէ : Այս դէպքում անհրաժեշտ է քննու-
թեան տոնել ամբաստանեալի անձնաւորութիւնը, ինչ-
պէս նա ցոյց տուեց ինքն իրեն, դատավարութեան ըն-
թացքին : Ես կարծում եմ, որ նա այնպիսի տպաւորու-
թիւն թողեց, որ կարելի է ասել, թէ գտնուում է մտա-

յին կատարեալ բնականոն բարձրութեան վրայ, իբր պատասխանները հասու են, մեկին և միշտ տեղին:

«Իր անձնոււորութիւնը պէտք է մեզ երևան դառնաւ իր կեանքի բնթացքից, որքան այդ յայտնի է մեզ, նա ապրել է այնպէս, ինչպէս ուրիշ երիտասարդներ. այցելում է իր բարեկամներին և հայրենակիցներին. լեզուի և սարի դասեր է առնում. իր սանտիկիները նկարագրում են նրան իբրև հանգարտ ու պարկէշտ մարդ: Այսպիսով՝ մենք տեսնում ենք, որ վերնոտութեան տաղնապների պահերից դուրս՝ նա մտաւորապէս բնականոն վիճակի մէջ է: Այդ պատճառով ևս կարծում եմ, որ պէտք է միանալ այն փորձադէտների տեսակէտին, որոնք մերժում են Ճարդ յօդուածի գործադրութիւնը:

Գոկտոր Գոլնիկը, իր ասածներից նախ քան վերջնական հետեւութիւն հանելը, մի պահ մտածեց, ըստ երևոյթին նրա համար այնքան էլ դիւրին չէր մարդկայինը հաշտեցնել օրէնքի արամադրութիւնների հետ: Նա սասց.

— Պարոններ, մեր հիմնական օրէնքը կանխամըտածուած սպանութեան դէպքում չի ճանաչում մեզմացուցիչ պարագաներ, ու ևս կարող եմ հասկանալ, որ ոմանց համար խիստ պիտի թուի, եթէ ստիպուած լինեմ պահանջել, որ ամբաստանեալը նկատուի յանցաւոր կանխամտածուած սպանութեան համար: Բայց, պարոններ, պէտք չէ միայն նկատի առնել ամբաստանեալին, այլ նաև զոհին. պէտք է խորհիլ, որ այստեղ կեանքից զրկուած է մի մարդ, որ գտնուում էր լուսագոյն առնական տարիքի մէջ, որի մահը ողբում են իր այրին և մտերիմները և որ, գոնէ իր ազգակիցների և դաւանակիցների մօտ, վայելում էր մեծ հայրենասէրի և պատուաւոր մարդու համբաւ: Ու, վերջապէս պարոններ, այն պարտգաները, որոնք այստեղ լայն

շափով առաջ բերուեցին ի նպաստ ամբաստանեալի և
համաձայն մեր հիմնական օրէնքի, լիովին անշուշտ
հաշուի կ'առնուին ներում շնորհող գերագոյն հաստա-
տութեան կողմից: Ուստի, պարոնայք երդուեալներ և
առաջարկում եմ ձեզ ներկայացուած հարցումներին
տալ գրական պատասխան եւ ամբաստանելը՝ կան-
խամտածուած սպանութիւն կատարած լինելու համար և
յանցաւոր հանաչել:

Աւելի լաւ պաշտպանել թուկաթի դատը՝ հնարա-
ւոր չէր...

Ո՛Չ, ՅԱՆՅԱՒՈՐ ՁԷ

Նախ քան այդ, երբեք չէի պատկերացրել այդպիսի յստակութեամբ ինձ համակած մղումը դէպի Թուլէաթի սպանութիւնը: Ինձ մաղաչափ անդամ չէր դրա ղեցնում անձիս պաշտպանութիւնը, այլ այն՝ ինչ տեղի էր ունենում դատարանում:

Պաշտպաններից առաջին խօսքն ասաց Փոն Գոլտոնը.

— Պարոնա՛յք երդուեալներ, պարոն դատախազը յիշեց, որ եթէ այստեղ ամբաստանեալ Թէ՛Ն լիբեանին մինչև իսկ յանցաւոր նկատէք եւ այդպիսով հիմք տաք, որ նա մահուան դատապարտուի, այդ իսկ պարագային չարիքը մեծ չի լինի, որովհետև հանրայեթեան նախադասը անտարակոյս պատիժը կա՛մ կը մեղմէ եւ կամ ներում կը շնորհէ: Ձեր վրայ ազդեցութիւն դործելու թոյլատրելի ձեւ չէ այդ: Եթէ դուք ամբաստանեալին յանցաւոր նկատէք, նա մահուան կը դատապարտուի եւ ոչ ոք մեղանից չի կարող իմանալ, թէ դերման պետութեան նախադասը ի՛նչ որոշում պիտի տայ ներումի նկատմամբ: Այստեղ պէտք է միայն իրաւունքը որոշել եւ ոչ թէ ներման ճանապարհը ցոյց տալ: Յանձին պարոն աւագ դատախազի ես ուրախ պիտի լինէի ողջունելու մի պաշտպան: Բայց նա հանդէս եկաւ ոչ իբրև պաշտպանը Թէ՛Ն լիբեանի, այլ Թալէաթ փաշայի, եւ այն էլ դժբախտաբար, միայն այնպիսի



ԴՐ. ԱՏՈԼՖ ՅՈՆ ԳՈՐՏՈՆ
Ս. ԹԵՀԼԻՐԵԱՆԻ ՓԱՍՏԱԲԱՆԸ

իրողութիւններէ հիման վրայ, որոնք զեկուցել ու պատմել են իրեն այլ եւ այլ անձեր: Պարոննե՛ր, ես զխտակցարար խուսափում եմ պաշտօնանութեան այդ ձեւից: Հեռագիրներէ մի ամբողջ զինարան ունիմ, եւ այստեղ նստած է մի վկայ, որ պատրաստ է նրանց վաւերականութիւնը հաստատելու: Այդ հեռագիրները այստեղ յայտարարելու առաջարկ արի եւ ինքս էլ յետաւի, որովհետեւ մեզ համար բուսական է, որ ինչպէս իր բոլոր ցեղակիցները, թէ՛ հլիւրեանը համոզուած էր, թէ՛ բոլոր սարսափների հեղինակը թալէաթն է, եւ դուք էլ հաւատում էք դրան: Բուսական է այն պարզ ու անվիճելի իրողութիւնը, որ 1,800,000 հայերից 1,400,000ը տեղահանուել են եւ գրանցից մէկ միլիոնը սպանուել է: Պիտի խնդրէի, որ ամէն մարդ մտածէ, թէ հնարաւոր է այդպիսի մի սպանոց առանց սխտեմագիրք զեկավարութեան եւ ծրագիրի, իսկապէ՞ս թուրք կառավարութիւնը անգոր էր այդ տեւական ազէտի գէմ միջոցներ ձեռք առնելու. հաւատո՞ւմ էք դուք դրան...

Քոն Գորտոնը, իր ձեռքերը իրար բերելով, մի պահ նայեց երգուեալներին, կարծես սոլասելով իր հարցումների պատասխանին ու ձայնի մէջ ցաւի շեշտով ասաց.

Մի քանի օր առաջ հակառակորդների կողմից այստեղ լոյս տեսաւ փողոցային ճաշակի վայել մի գրքոյկ՝ «Թալէաթ փաշայի սպանութեան պաղտնիքը» խորագրով: Ենթադրուում է, որ գործի յետեւը թաղնուած է մի մեծ պետութիւն. «Երիտասարդ հայր, ասուած է այնտեղ, որ յանձն առաւ Թալէաթ փաշային սպանել, բարբարոսական մոլեղնութեան գործիք է, ինչ որ յատկանշում է իր ցեղը: Իր յուզիչ պատմութիւնը, թէ ինչպէս թուրքերը քարշ տուին տարան իր ծնողներին, բնականաբար նպատակ ունի միայն արթնացնել դատաւորների համակրանքը»: Աւելորդ է ասել, թէ արդ

սպանութեան մէջ որեւէ գաղանիք չկայ եւ եթէ այդ
 գրքոյկի հեղինակը երէկ այստեղ էր ու լսեց տիկ . Թէր-
 գիտաշեանի գեկոյցը , հաւանաբար հեռացաւ իր խօսքե-
 րը յետ ասնելու ներքին սահանջով : Մենք ցանկութիւն
 ունէինք այդ ուղղութեամբ աւելի ընդարձակ ապա-
 ցոյցներ բերելու . այստեղ են երկու գերման գթու-
 թեան քոյրեր , որ տեղահանութեան օրերին եղել են
 Երզնկա եւ տեղի ունեցած գէպքերի մասին գեկուցել
 են մեր արտաքին գործոց նախարարութեան : Բայց ես
 հրաժարուեցի նաեւ այդ վկաների հարցաքննութիւնից ,
 որովհետեւ բաւական է այն , ինչ այստեղ պատմեց
 տիկ . Թէրգիտաշեանը : Ես միտք չունիմ այդ զարհու-
 րելի տեսարանները այստեղ վերլուծել : Ասեմ միայն , որ
 այդ սարսափների թողած զարդանդին տակն էր , երբ
 ուսանելի առաջխաղացութեան ժամանակ ամբաստան-
 եալը վերադարձաւ Երզնկա՝ յոյս ունենալով , որ մէկն-
 ու մէկը իր բողոքով գերդաստանից մնացել է ողջ :
 Նա եկաւ ու տեսաւ իր հայրենի տունը կիսաւեր : Բայց
 դարձեալ շատ բան կար մնացած , որ յիշեցնում էր սի-
 բիլիներին , որոնց հետ նա այդտեղ ապրել էր եւ իր
 մանկութիւնը անցրել : Այս , այնքան բան կար դեռ , որ
 նա կարող էր վերստին ճանաչել իր երբեմնի այնքան
 քաղցր ու անդորր օճախը : Ու երբ տեսաւ իր որբացած
 ու ամայացած տունը եւ իրեն պատկերացաւ ջարդերի
 ահաւոր տեսարանները , առողջ մարդու գուակ առողջ
 ամբաստանեալը ուշաթափ եղաւ ու գետին ընկաւ : Այ-
 նուհետեւ ի՞նչ տեսաւ նա Երզնկայում : Քսան հազար
 հայերից մէկ իսլամացած ընտանիք ու մի քանի ան-
 հատներ : Ընդամէնը քսան մարդ՝ քսան հազար՝ հա-
 յերից . . .

Ծոն Գորտոնը ասում էր այդ հատիկ հատիկ , շեշ-
 տուն եւ յամբրնիտաց խօսքերով . յանկարծ նա պոսթ-
 կաց .

— Պարոննե՛ր, սրանք այնպիսի տպաւորութիւններ են, որոնք մարդ չի կարող մոռանալ մինչեւ մահ... Սակայն հետաքրքրական է, որ մեր պաշտպանեալը, համաձայն վկայութիւններին, խիստ վերապահ ու սահաւախօս էր: Եւ խեղապէս, ով որ անսահմանօրէն խոր ապրում է ունենում, նա հաճոյքով չի խօսում: Ու թէ՛ լիբեանը դէպքերի մասին դրեթէ չի խօսում: «Ես հայրենիք չունիմ, իմ հարազատները սպաննուած են», պատասխանում է նա ուսուցչուհուն՝ դասի բերումով իրեն ուղղուած հարցումին: «Զգէ՛, Աստուածդ սիրես, հին վէրքերը չբանանք», ասում է իր բարեկամ Արէլեանին դոկտոր Լեպսիուսի դիրքը կարգալու առթիւ: Պարոննե՛ր, դուք այստեղ չէք տեսնում այն մարդը, որ միշտ կառչած է այդ արիւնոտ դէպքերին, այլ մէկը, որ խուսափում է, աշխատում է խոյս տալ նրանցից: Բայց յանկարծ տեղի է ունենում շրջադարձ. նա պատահարար հանդիպում է թուրքերէն խօսող մարդկանց, որոնցից «փաշա» կոչուածը թալէաթն է: Դրմուար չէ երեւակայել իր ապրած ցնցումը: Մնացածը յայտնի է: Այս է ահա մարդը. եւ ես իմ հերթիս ուղում եմ իրաւարանօրէն պատասխանել այն հարցման, թէ ի՞նչպէս պիտի դատել նրա արարքը: Ամենից առաջ՝ արդեօք կանխամտածումով է կատարուած այդ դէպքը: Պետութեան բարձրագոյն ատեանը իր որոշումների ութերորդ հատորի մէջ մատնանշում է մեր արդի պատժական օրինադրքի եւ նախկին պրուսականի միջեւ եղած տարբերութիւնը սրա մասին: Համաձայն նախկին իրաւունքի, 14 օր առաջ տրուած որոշման դործադրութիւնը նշանակում է կանխամտածում: Այսօր այդ օրէնքը փոխուած է. բարձրագոյն ատեանը վճռականօրէն հաստատում է, որ ոճիրի դործադրման պահն է որոշիչը: Ուրեմն կարեւորը այն չէ, թէ ե՛րբ է տրուած որոշումը, այլ այն թէ տեղի՞ է ունեցել

արդեօք կանխամտածում սպանութիւնը կատարելու
պահին. եւ ազա՞տ էր արդեօք Թէ՛Ն յիրեանը այդ պահին
կրքի, յոյզերի եւ մտապառկերների փոթորկից: Եւ
չե՞մ ուզում այդ հարցման պատասխանը տալ, որ, իմ
կարծիքով, գտնու՞մ է գործի բնութեան մէջ: Անպա-
տասխանատու վիճակի, հոգեկան գործունէութեան
հիւանդագին խանդարման մասին այստեղ մենք լսեցինք
մի քանի փորձագէտների կարծիքը: Պարոն Շտորմէրը,
մեր փորձառու դատարանային բժիշկը, բայց, այնու-
մենայնիւ, ոչ հոգերոյժ, եկել է այն համոզման, որ
մենք այս գէպքում գործ ունինք օրդանական վերնո-
տութեան հետ, որ թէ՛ եւ ազգում է ազատ կամքի աշ-
տայայտութեան վրայ, բայց չի չքացնում կամքի ազա-
տութիւնը: Պարոն պրոֆեսոր Լիպմանը շատ նրբամիտ
կերպով պարզեց, թէ՛ վերնոտութիւնը այստեղ օրդա-
նական չէ. այլ հիւանդութիւնը հանգէս է գալիս իր-
բեւ արդիւնք հոգեկան հզօր տպաւորութեան, — ան-
ցած գէպքերի, հայրական տան կործանման, որոնք
ամբաստանեալը դարձրել են հիւանդ: Այսպէս, ըստ
Լիպմանի, Թէ՛Ն յիրեանը հիւանդ է հոգեպէս, պատաս-
խանատուութեան նուազագոյն գօրութեամբ: Պրոֆե-
սոր Կասիրէրը հիմնականում միացաւ նրա այդ կարծի-
քին եւ ըստ կութեան համաձայն է նրա հետ:

«Ականաւոր մասնագէտ հոգերոյժ պարոն պրոֆե-
սոր Ֆորստերը իր խօսքի սկզբում միացաւ պրոֆեսոր
Լիպմանի եւ պրոֆեսոր Կասիրէրի կարծիքին: Բայց
յետոյ, հիմնուելով հոգերանական նոր փորձերի վրայ,
եկաւ այն եզրակացութեան, որ ներկայ գէպքում
խնդրի մէջ բաժին ունի մի ծանր հիւանդութիւն. «ա-
մէն պարտաւոյժի, այդ առթիւ ունիմ հիմնաւորում
տարակուսանք», ասաց նա: Վերադասնալով խնդրին
եւ ուղղակի մեկնելով պրոֆ. Ֆորստերի այդ տարա-
կուսանքից պարտք ունիմ ասելու, որ օրէնքը այդ առ-

Թիւ չի ընդունում եւ ոչ մի տարակուսանք . ըստ օրէնքի պէտք է լիովին հաստատուած լինի , որ տուեալ անձը պատասխանատու է , ամենադոյզն տարակուսանքն անգամ այս դէպքում միանգամայն անպատասխանատու է դարձնում ենթական : Գատավճիռի պատճառաբանութեան համար բաւական չէ բացասական ճշդումը , թէ երեւան չեն եկել այնպիսի պարագաներ , որոնք կարող էին տարակուսելի դարձնել ազատ կամքը , այլ անհրաժեշտ է հաստատել հակառակ ձեւով , այսինքն՝ որ «այս մարդը պատասխանատու է» : Բարձրագոյն ատեանի մէկ որոշման մէջ տառացի ասուած է . «Ազատ կամքը գոյութիւն չունի այն դէպքում , երբ հոգեկան խանդարման հետեւանքով որոշ մտապատկերներ , կամ զգացողութիւններ եւ կամ օտար ազդեցութիւններ կամքի վրայ իշխում են այնքան ուժգնօրէն որ հիւանդի որոշումը , բնական կշռադատումների միջոցով , դառնում է անհնարին» : Ուրեմն , երբ հոգեկան ուժերի ամբողջութիւնը , ամբողջ Ե՛ս-ն է որեւէ գործի որոշման ազդակը , այս դէպքում միայն կարելի է գործի պատասխանատուութիւնը վերադրել Ես-ին , որպէս այդ ամբողջութեան : «Եթէ մէկի վրայ լիովին իշխող հօրապոյն գաղափարն է , որ առաջ է բերում արարքը , իսկ բոլոր միւս ազդակները մնում են շուքի մէջ , այդ պարագային այլեւս ամբողջ Ես-ը չէ , այլ նրա մի հիւանդոս մասը , որ կատարում է արարքը» , ասում է օրէնքը : Մեկնելով այս տեսակէտից հիմա պէտք է հարց դնել . կարո՞ղ էք վստահօրէն պնդել , թէ ամբաստանեալը այն պահուն , երբ տեսաւ Թալէաթ փաշային , առաւ գէնքն ու դուրս նետուեց յարձակելու համար , կատարելապէս տէրն էր իր բոլոր հոգեկան ուժերին , ազատ կամքով որոշում տալու համար : Մասնազէտ — փորձազէտներից երկուսը որոշապէս ասում են , թէ

«ո՛չ, կարելի չէ յայտարարել, որ նա պատասխանա-
տու էր» . միւսները տարակուսանքներ ունին :

Ֆոն Գորտոնը դարձաւ երզուեակներին .

— Պարոնա՛յք, կարծում եմ այս բացատրութիւն-
ները բաւական են, որ դուք կարողանաք ձեր բռնելիք
դէրժը որոշել : Գիտեմ, որ կարող են սսել, թէ այնու-
ամենայնիւ ցաւալի է, որ գերմանական հողի վրայ
հիւրընկալուած մէկը սպանուել է : Մեր ժամանակնե-
րում, երբ ամէնուրեք տեղի ունին պայքարներ, երբ
հայերի ու թուրքերի միջև զեռ այսօր էլ շարունակ-
ւում են կռիւներ, կատարուած դէպքի հետ անհրաժեշտ
է հաշտուել : Ամէն մարդ ունի այն զգացումը, թէ յա-
մենայն դէպս, Թալէաթի կառավարութեան օրով էր,
որ թափուեց ծով արիւն եւ առնուազն մէկ միլիոն մար-
դիկ՝ կին, երեխայ, ծեր, երիտասարդ՝ ոչնչացան : Եւ
եթէ Հարտենբերգ փողոցում դրա վրայ աւելացաւ մէկ
կաթիլ արիւն եւս, մենք պէտք է մխիթարուինք, որ
տպրում ենք ահաւոր ժամանակներում : Ես միտք չու-
նեմ այտակ վերջնական վճիռ տալու մարդ - Թալէա-
թի մասին, բայց մի բան պէտք է որ սսեմ . անշուշտ
նա էլ, իր մի շարք ընկերների պէս, ձգտում էր ոչնչա-
ցրնել հայ ժողովուրդը՝ ստեղծելու համար զուտ թըր-
քական մի մեծ պետութիւն . անշուշտ դրա համար էր,
որ նա գործադրեց միջոցներ, որոնք մեզ՝ եւրոպացի-
ներիս համար անհանդուրժելի են : Բայց երբ սսում են,
թէ Ասիոյ մէջ կեանքը գնահատուում է շատ փանաքի
եւ նման սարսափները կարելի է հասկանալ, պէտք չէ
մոռանալ, որ նոյն Ասիոյ մէջ են բուտտայականները,
որոնք վերաբերում են մասնաւոր գուրգուրանքով դէ-
պի մարդը եւ նոյնիսկ դէպի կենդանիները : Այնուա-
մենայնիւ ես չեմ ուզում պատասխանատու բռնել այն
մարդը, որ պարկած է հողի տակ : Նրան է պատշաճում
այն ինչ սսել են երկու հանճարեղ Փրանսացիներ՝

Գիւտտու Լը Բոնը եւ Անրի Բարբիւսը համաշխարհային պատերազմի սարսափների մասին. «Առանձին գործիչների յետևը կանգնած են պիներ, դեւեր, որ վարում են նրանց. նրանք միայն պարզ գործիքներն են զանգրւածային, ճիշդ կամ սխալ գաղափարների, ներշնչումների, որոնք գէս ու գէն են նետում մարդկանց, իբրևեւ ճատրակի խաղաքարեր. այդ գործիչները կարծում են, թէ կամեցողութիւն ունին, այնինչ իրականին մէջ, նրանք գործում են ճնշումի տակ»: Որքան էլ ահաւոր լինի ինչ որ տեղի ունեցաւ, մենք այնուամենայնիւ պէտք չէ այնքան փոքրոցի լինինք, որ այդ բոլորը փաթաթենք դժբախտ անհատների վրայը: Բայց աւելի սոսկալի պիտի լինի, եթէ գերմանական դատարանը այդ ճակատադրին միայնէ անարզանքը հանդարտօրէն կշռագատուուպ արգարութեան՝ բնդգէմ անօրինակ փորձութիւնների ենթարկուած այս մարդուն. . .



Ծոն Գորտոնը կարծես սակարկում էր. նրան շահագրգռողը իմ անձիս փրկութիւնն էր բոլոր հնարաւոր միջոցներով: Օրէնքի ձեւական մեկնութիւնը այնուամենայնիւ այն իրաւունքը չէր, որի մասին ասաց նա իբրօսքի սկզբում:

Այլ հիմքերից էր մեկնում դոկտոր Վերթաուէրի պաշտպանողականը: Նրա ձայնը սկզբում հնչում էր մեղմ ու սահուն, սղոքիչ ներքին ուժով օրօրում էր կարծես լսողներին: Բայց այդ ձայնի մէջ քիչ - քիչ զարգանում էր տիրական մի շունչ, որի խթանը խակական իրաւունքն էր:

— Պարոնայք երդուեալներ, ասաց նա, ձեզ ուղղուած հարցաթերթի մէջ նախ պիտի դանէք սպանութեան վերաբերեալ հարցումը: Այդ հարցման «այո՛» կամ «ո՛չ» պիտի պատասխանէք: Եւ ահա այդ է մեր

քննութեան խնդիրը: Ապանութիւնը կանխամտածու-
 մով կատարուած լինելու մասին դուք ժխտական պա-
 տասխան պիտի տաք, զրա մասին աւելորդ եմ համար-
 ում խօսել: Ես պիտի խօսեմ այն մասին միայն, թէ
 սպանութեան վերաբերմամբ տրուած հարցումին «ա-
 յո՞» թէ «ոչ» պիտի պատասխանէք: Արդէն հարցա-
 թերթը ձեզ տալիս է յեցակէտ «ոչ»ի համար, որովհե-
 տեւ այնտեղ չէ ասուած, թէ «ամբաստանեալը սպան-
 նե՞լ է արդեօք Թալէաթ փաշային», այլ՝ «յանցաւոր
 է ամբաստանեալը Թալէաթ փաշային սպաննելուն հա-
 մար»: Ամէն մարդ զգում է, որ ամբաստանեալը ան-
 պարտ պիտի արձակուի: Դժբախտութիւնը նրա մէջ է,
 որ զուցէ խորհէք, թէ քանի որ ամբաստանեալը մարդ
 է սպանել, արդեօք օրէնքը չի՞ պահանջում, որ նրան
 դատապարտենք: Պիտի ասեմ, որ նոյն այդ օրէնքին
 տեսակէտից այդ հետեւութիւնը սխալ է: Համաձայն
 մեր գերմանական օրէնքի, պէտք է անպարտ արձակէք
 ամբաստանեալին: Այն՝ ինչ որ զգում է այնտեղ ամէն
 մարդ ներկայ գէպքում, պատահարար նոյնն է, ինչ որ
 պահանջում է օրէնքը: Պաշտպանութիւնը բնաւ գիտա-
 ւորութիւն չունի անարդար մի որոշումով արատաւո-
 բել համբուր գերման իրաւունքի, որի ներկայացուցի-
 շին էք դուք, ինչպէս եւ մենք: Ամբողջ աշխարհը նա-
 յում է մեզ, ու ձեր որոշումը պիտի լինի այնպիսի մի
 որոշում, որ թերեւս հազարաւոր տարիներ յետոյ էլ
 արժէք ունենայ, որպէս իրաւունքի որոշում: Մեր
 պատժական օրինադիրքը ունի բնդհանուր եւ յատուկ
 մաս. այս վերջինի մէջ մի յօդուածում ասուած է.
 «Այն անձը, որ մարդ է սպանում գիտաւորեալ կերպով
 եւ այլն, նկատուում է յանցաւոր սպանութեան համար»:
 Բայց բնդհանուր մասը վերաբերում է ամէն մի մասնա-
 շար գէպքի առանձինն: Այդ մասի մէջ 51րդ յօդուածը

հրահանգում է, թէ որոշ զէպքերում պատժելի գործողութիւն չկայ, եթէ նոյնիսկ կատարուած է յատուկ մասի մէջ յիշուած յանցանքներից մէկը կամ միւսը, այն է՝ գողութիւն. սպաննութիւն և այլն: Սա այն յօդուածն է, որ վերաբերում է յանցանքի հեղինակի մտաւոր և հոգեկան վիճակին: Երկու յօդուած վարը կայ մի ուրիշը, որի նիւթն է ստիպողական ինքնապաշտպանութիւնը, որի տակ հասկացւում է յարձակման դիմադրելը: Բայց նոյն յօդուածի երրորդ մասի մէջ ասուած է, որ եթէ անգամ ստիպողական ինքնապաշտպանութեան անհրաժեշտութիւնը գոյութիւն չի ունեցել, սակայն տուեալ անձնաւորութիւնը, երկիւզի ու խուճապի մտանուելով, անցել է ստիպողական ինքնապաշտպանութեան սահմանից, դարձեալ նա ազատ է մնում պատժից: Առաջին խնդրի մասին բարձրագոյն տեսանի որոշումը այսպէս է. եթէ անպատասխանատու վիճակը որոշապէս ընդունուած է իրրեւ պատժի հնարաւորութիւնը ժխտող հիմ, այդ պարագային այլևս բաւական չէ դիտաւորութեան ընդհանուր ճշդումը, այլ անհրաժեշտ է պատճառարանել, որ արարքի հեղինակը նոյն միջոցին գտնուած չի եղել Ճարդ յօդուածի կանխատեսած կացութիւններից և ոչ մէկի մէջ: Բաւական չէ ասել, թէ գատավարութիւնը ոչ մի հիմք չունէր ընդունելու անպատասխանատուութիւնը, պէտք է, ընդհակառակն, դրականապէս ճշդուած լինի, թէ արարքի հեղինակը գործը կատարելու պահին, գտնուած չի եղել Ճարդ յօդուածի կացութիւններից ոչ մէկի մէջ: Պէտք է ուրեմն դրականապէս ճշդուի, որ խանգարիչ ազդեցութիւններ գոյութիւն չեն ունեցել: Եթէ որեւէ տարակոյս կայ այդ մասին, այս դէպքում ամբաստանեալին պէտք է անպարտ արձակել: Այդ այն է, ինչ արդէն քիչ առաջ ձեզ պարզեց դոկտոր Փոն Գորտանը՝ ազատ կամքի խաթարման և ամբողջական Ես-ի

մասին խօսելով: Ես կ'ուզէի մէկ բան աւելացնել. հազարաւոր տարիներէց ի վեր ժողովուրդի մէջ առածի ձեւով յեղյեղում է «մարդու գլուխը դառնում է» ասացումա՞քը: Այդ նշանակում է, որ նման դէպքում ազատ գիտակցութիւնը խանգարուած է: Այդ վիճակում մարդ անում է այն, ինչ ուրիշ որեւէ դէպքում պիտի չանէր: Թոյլ տուէք յիշեմ բարձրագոյն ատեանի մէկ վճիռը: Հակաճառելու տրամադրութիւն ունեցող մի անհատ գնում է եկեղեցի: Քահանան քարոզ խօսում է մի նիւթի մասին, որ բոլորովին հակոտնեայ է այդ անհատի կարծիքին: Նա լսում է հեազհետէ աւելի մեծ ուշադրութեամբ: Բորբոքում, կատաղում է. եւ ասլա այն աստիճան ինքն իրեն մոռանում, որ բարձրաձայն գոչում է, «լուէ՛, սո՛ւտ ես խօսում»: Այդ անհատին քաշում են դատարան՝ պատարազը խանդարած լինելուն համար: Բայց նրան անպարտ են արձակում, որովհետեւ քահանայի ասածների ազդեցութեան տակ նրա գիտակցութիւնը խանգարուել էր եւ արիւնք այնպէս ուժգնօրէն խփելի գլխին, որ այդ բոսկին նա այլեւս իր կամքի տէրը չէր:

Գոկտօր վերթաուէրը կարծես բացի երգուեալներից ոչ ոքի չէր տեսնում ու իր խօսքերը կարծես ուղղուած էին նրանցից միայն մէկին:

— Արդ, այն ամէնը, ինչ այստեղ յայտնուեց ամբաստանեալի մասին սպանութիւնը կատարելու պահին, կարելի է վերածել մի քանի կէտերի: Առարկայօրէն եթէ ուզում էք դատել ամբաստանեալի կամքի, տրամադրութեան եւ հոգեկան վիճակի մասին իր տրարքի վայրկեանին, նկատի պէտք է առնէք, որ նա պատկանում է հարաւային ազգի, որ աւելի դիւրագրգռելի է, քան պաղարիւն հիւսիսցին: Բացի այդ՝ նկատի առէք, որ ինչպէս ասաց պարոն դատախազը, այդ երկիրը արիւնոտ աւանդութիւն ունի: Յայտնի է, որ

Թուրքերը ուր սաք են կոխում, արիւնստ գրօշակը տա-
 նում են առջեւից: 1683ին նրանց մենք տեսնում ենք
 Վիեննայի գոների առջեւ. եթէ այն տանն այտակ էլ
 գային, Գերմանիոյ մէջ շատ բան չէր մնայ: Որոշ ար-
 րիւնստ աւանդութիւն կայ այդ հարաւային ազգերի
 մէջ, եւ ոչ միայն թուրքերի, այլ եւ հայերի: Դրան տ-
 տարկայօրէն միանում է այն, որ հայերն ու թուրքերը
 պաշտօնապէս պատերազմի մէջ են: Ուր հանդիպում են
 այդ երկու ազգերը, հանգէս են գալիս իբրեւ թշնամի-
 ներ եւ իրենց իրաւունքն են համարում գէժ առ գէժ
 գալ իբրեւ պատերազմողներ: Երբ ամբաստանեալը
 գէպքից անմիջապէս յետոյ իրեն ծեծողներին ասայ՝
 «Ես հայ եմ, նա թուրք, ձեզ չի վերաբերում», պէտք
 է աւելացնէր՝ «բացի այդ, մենք պատերազմական ու
 վրէժխնդրական մտայնութեամբ ենք ապրում իրար
 դէմ»: Այդ գուք այտակ լսեցիք նաեւ այն, որ թու-
 ռէաթր դատապարտուած է մահուան: Դատաւճիռնե-
 րը կա՛մ ընդունում են կա՛մ ժխտում: Եթէ մենք
 չուզենք ճանաչել ուրիշ դատարանի վճիռը, չենք կա-
 րող պահանջել, որ ուրիշները մեր վճիռները ճանա-
 չեն: Թալէաթի մահավճիռը արուած է պատերազմա-
 կան ատեանի կողմից: Ես առհասարակ բարեկամ չեմ
 պատերազմական եւ զինուորական դատարաններին:
 Բայց ուր որ կան պատերազմական եւ զինուորական ատ-
 եաններ, այնտեղ անտարակոյս կան նաեւ պարկեշտ դա-
 տաւորներ, որոնք ճիշդ վճիռներ են տալիս: Ոչ մի կաս-
 կած չունիմ, թէ այն բարձրաստիճան եւ կրթուած դա-
 տաւորները, որոնք մեծ խնամքով քննեցին եւ դատեցին
 Պոլսոյ սճրագործներին, տուին նաեւ ճիշդ եւ արդար
 դատաւճիռ...

Դատախազը ահաճութեամբ թօթուեց ուսերը ու
 նսթադրեց:

— Անթույլատրելի է սակ, թէ վճիռը տեղի է ու-

Նեցել անդլիական նաւային թնդանօթների ճնշման տակ: Ես երբեք չեմ լսել, որ անդլիական դատաւորները այդ ձեւով ազդեն արդարադատութեան վրայ: Անդլիոյ մասին կարելի է ասել ինչ կ'ուզէք, բայց անդլիական արդարադատութիւնը օրինակ է ծառայել բաշտր ժամանակների եւ բոլոր երկրների համար: Ծիշդ պիտի լինէր քննել այդ դատավճռի հիմքերը եւ այն ժամանակ պիտի տեսնէիք, որ հայկական կոտորածները, չորս ուրիշ մեղադրանքների հետ միասին, ճշդբւած են եւ դրա համաձայն էլ մահուան են դատապարւած ամբաստանեալները: Դատապարտուածներից մէկի նկատմամբ, որ գտնոււմ էր Պոլսում, մահավճիռը զործադրոււմ է: Ես անձնապէս գէմ եմ մահուան պատժին, ինչպէս նաեւ սպանութեան: Սակայն թալէաթը այդ մահավճռից յետոյ ստիպոււմ եղաւ փախչել եւ թաղնուել կեղծ անունով, որպէսպի վճիռը իր նկատմամբ չզործադրուի: Այդ վճռի արդարութեան մասին ես ոչ մի տարակոյս չունեմ: Նկատոււմ եմ միանգամայն ապացուցոււմ, որ թալէաթը յանցաւոր էր վերադրոււմ չարագործութիւնների մէջ: Բայց այդ վրճիռը ազդեցութիւն է ունեցել ամէն հայի վրայ. ամէն արդար ու խորհող մարդ պէտք էր մտածել՝ «այդ մարդը դատապարտոււմ է մահուան, ուրեմն նա՛ զործել է այդ ոճիրները, հետեւարար արժանի է մահապատժի»: Վերջապէս նկատի պէտք է առնել այն ամէնը, որ կապ ունի ստիպողական ինքնապաշտպանութեան հետ: Այդ մարդիկ՝ Էնվերն ու թալէաթը՝ ապրոււմ էին Գերմանիայում կեղծ անունով: Այստեղ խօսք եղաւ, թէ նրանք Գերմանիոյ «հիւրերն» էին: Այդ ես վճռապէս պիտի մերժեմ. ես չեմ հաւատոււմ, որ գերման կառավարութիւնը թոյլ տար, որ իրենց հայրենիքը լքած փախաւմ նման ոճրագործներ, իրրել «հիւր», կեղծ անուան տակ թաղնուէին այստեղ: Թալէաթն էլ անշուշտ

քիչ յետոյ պիտի գնար աշտակից Էնփերի յետեւից՝
հայ ժողովուրդի դէմ նորից գաւելու : Եւ եթէ մէկը ,
երբեւ ազատարարը իր ժողովուրդի , նրան սպանում
է , անշուշտ առաջնորդում է այն սարսափից , որ այդ
մարդը հայ ժողովուրդի թշնամին է ու եթէ դուրս գայ
Գերմանիայից , նորից պէտք է հայ կանանց ու երեխա-
ներին կտտորի : Լայն խմաստով՝ ամբաստանեալի ա-
րարքի մէջ կայ բռնադատում ու ստիպագոյական ինք-
նապաշտպանութիւն . . .

Թւում էր , թէ շրջապատից միայն ևս էի հասկա-
նում նրան ու ցաւ էի զգում այդ ասթիւ :

— Պարոնայք երգուեալներ , պիտի շուգէի դատա-
սրահի մէջ խօսք անել քաղաքականութեան մասին , Ե-
թէ պարոն դատախազը այդ ուղղութեամբ արտասա-
նած չլինէր մի շարք բաներ ի նպատակ թալէաթի : Նա
ասաց , որ սպաննուել է «Գերմանիոյ գաշնակիցը» : Այդ
ճիշդ չէ : Թալէաթը և կոմիտէն գաշնակիցներն էին
պրուսական և գերմանական գինուորական կառավա-
րութեան : Գերման ժողովուրդի գաշնակիցներ այդ
մարդիկ երբեք չեն եղել : Ճիշդ է , որ նրանք տապալե-
ցին հին թուրք կառավարութիւնը և ծով արեան գնով
մօտ ասար տարի իշխանութեան տէր մնացին . ճիշդ է ,
որ գերման նախկին կառավարութիւնը գաշնակից էր
նրանց : Բայց թէ թալէաթն ու ընկերները գաշնակից-
ներն են գերման ժողովուրդին , այդ ևս երբեք և ոչ մի
պարապայի տակ չեմ կարող ընդունել : Թալէաթը կա-
րող էր անհատապէս շիտակ մարդ լինել , բայց նա ուղ-
մատենչ գահլիճի մէկ անդամն էր . մէկը նրանցից , որ
թէև գինուորականի համազգեստ չի կրում , բայց կա-
ղամարի առջև նստած՝ հրամաններ է յղում և գա-
ղանօրէն պաշտպանում բռնութեան գրօշակը : Մի ամ-
բողջ ժողովուրդ տեղահանելու հրամանը ամենից հրէ-
շային բանն է , որ կարող է ծնունդ առնել միայն սաղ-

մատենչ ուղեղի մէջ: Եթէ, ինչպէս այստեղ ասուեց, Երիտասարդ Թուրքերի կոմիտէն համոզուած էր, որ լաւ ժանտարմները հեռացուած էին ու մնացել էին միայն սինլքորները, այդ դէպքում իրաւունք չունէր տեղահանութեան հրաման արձակելու: Եւ եթէ տեղահանութեան գործը այնուամենայնիւ յանձնեց նրանց, որեւէ ինքն է պատասխանատուն հետեւանքներին: Եթէ հայերը մինչեւ իսկ դաշնակցած լինէին ուրիշ ժողովուրդների հետ եւ դաւաճանած, Երիտասարդ Թուրքերը այնուամենայնիւ գիտէին, որ կային հազարաւոր կանայք, երեխաներ, սրոնք այդ գործից ոչ մի լուր չունէին, եւ հետեւաբար տեղահանութեան հրամանի առաջին պայմանը պիտի լինէր խիստ կարգադրութիւն՝ հոգալու կանանց, երեխաներին եւ այն այրերին մասին, սրոնք կապ չունէին «դաւաճան»ների հետ: Եթէ եւ հակառակ չլինէի մահուան պատժի, ամէն ցարպայի մէջ արդարացի պիտի նկատէի այդ ա՛յն անձի համար, որ «ոսպմական անհրաժեշտութեան» նկատումով մի հրաման է տալիս, առանց իր վրայ ասնելու նրա հետեւանքների պատասխանատուութիւնը անմեղների նկատմամբ: Եւ պարզապէս բարբաժանք եմ համարում այն ամէնը, ինչ ասուում է այդ «ոսպմական անհրաժեշտութեան» մասին: Եթէ այնտեղ, առանձին լեռնային գիւղերի մէջ մնար ժողովուրդի այս կամ այն հատուածը, այդ բնաւ կապ չէր ունենալու «ոսպմական անհրաժեշտութեան» հետ:

Նա դարձաւ դէպի նախագահը, շունչը պահեց, ապա ասաց ծանրօրէն.

— Հայաստանը միշտ զրգռել է նուաճողական ճրգտումներ ունեցող ազգերի ախորժակը: Հայկական բարձրաւանդակի ժողովուրդը միշտ աւարն է եղել այդ ազգերի: Աւելի քան 500 տարուց ի վեր Հայաստանը բռժանուել է երեք մասի: Հնուց ի վեր օտար ցեղեր,

մէկը միւսի յետեւից, մըրիկի պէս անցել են Հայաս-
նի վրայով: Այն ցեղերը, որոնք ամայի դարձրին Առա-
ջուոր Ասիան, Հունգարիան եւ հասան մինչեւ Հռենոս,
Ատախլլայի պէս մարդիկ, որոնք դեռ մնում են մեր
յիշողութեան մէջ, ամենաքստմենի կերպով աւերել
են Հայաստանը՝ ոչնչացնելով ժողովուրդին: Այդ բազ-
մաչարչար արհեստաւոր ու երկրագործ ժողովուրդի
դէմ էր, որ յարձակուեց Երիտասարդ Թուրքերի կա-
ռավարութիւնը: Երիտասարդ Թուրք ասելով իրապէս
պէտք է հասկանալ հին Թուրքը, իսկ հին Թուրքը նոյնն
է ինչ բռնի ուժի մարդը, սաղմասպաշտը: Երբ պատե-
րազմը ծագեց, Երիտասարդ Թուրքերի կոմիտէն մտա-
ծեց, որ այժմ կարող են հայերի հաշիւը մաքրել, ո-
րովհետեւ աշխարհի մեծ պետութիւններից եւ ոչ մէ-
կը կարող պիտի լինի այդ բանը նրանց արդիւլել: Բայց
այս միակ հիմքը չէր. կար նաեւ կրօնական ատելու-
թիւնը եւ մոլեռանդութիւն, ուզում էին կոտորել քը-
րիստոնեաներին եւ յոյս ունէին, որ Ղուբանի սահման-
ներում կարելի պիտի լինի աւելի դիւրութեամբ իրա-
դործել բռնի ուժի հին - թրքական դադափարը: Ու Ե-
րիտասարդ Թուրքերը առիթից օգտուեցին իրենց հե-
ռաւոր սահմանի վրայ ապրող այդ միակ քրիստոնեայ
ժողովուրդին ոչնչացնելու: Նրանք շահարձակուեցին
այդպէս վարուել Պոլիս ապրող հայերի հետ: Բայց հե-
ռաւոր վայրերում, վալիներին ուղղուած հեռագիրնե-
րով, որոնց պատճէնները մեր ձեռքն են, հրահանգեցին
մինչեւ վերջին մարդը բնաջնջել: Եւ ահա մենք ունինք
մեր առջեւ սպանութիւնը մի ժողովուրդի, որի ոչըն-
չացման պատասխանատուութիւնը ընկնում է Երիտա-
սարդ Թուրքերի կոմիտէի եւ մասնաւորապէս նրանց
ամենաազդեցիկ նախարար Թալէաթի վրայ:

Վերթաուէրը այժմ խօսում էր այնպէս, որ կար-

Ճեւս դատարանը դատապարտում է իրեն եւ ասում է իր վերջին խօսքը .

— Պարոն երդուեալներ , 1921 Մարտ 15ի անաշտեան ամբաստանեալի հողու մէջ տեղի է ունենում իր ժողովուրդի հազարամեայ տանջանքների հաշուեկշիւը , որին միանում են 1915ի համատարած կոտորածները : Ակամայից յիշում եմ վիլհելմ Տէլլի դէպքը : Գեասիւրը ծաղրում է եւ անարգում ժողովուրդին , դատապարտում է նրան ստրկութեան , ստիպում է Տէլլին՝ իր հարազատ որդու գլխին դրուած խնձորը նետով զարնել : Աշխարհի երդուեալ դատաւարներից ո՞րը պիտի դատապարտէր Տէլլին , եթէ նա իր նետով դատին տապալէր կուսակալին : Կա՞յ արդեօք աւելի մարդկային բան , քան այն , ինչ այստեղ մեր աչքի առջեւ պարզուեց . . .

Նա մի պահ կանգ առաւ , կարծես լսելու , թէ մէկը սիտի հակաճառի՞ իրեն :

— Մէկ միլիոն սպանուածների , մի ամբողջ ժողովուրդի վրիժառուն է , որ կանգնած է այդ ժողովուրդի սպանութեան համար պատասխանատու անձի դիմաց : Նա հանդէս եկաւ ներկայացնելու արդարութեան ողին ընդդէմ բռնի ուժի սկզբունքի : Նա եկաւ իրբեւ ներկայացուցիչը մարդկայնութեան՝ ընդդէմ հակամարդկայնութեան , ներկայացուցիչը պայծառ իրաւունքի՝ ընդդէմ խաւար անիրաւութեան : Նա հանդէս եկաւ իրբեւ բողոքը ճնշուածների՝ ընդդէմ ճնշողների հաւաքականութեան : Նա եկաւ յանուն մէկ միլիոն սպանուածների՝ ընդդէմ մէկի , որ , ուրիշների հետ միասին , այդ ոճիրի մեղքն ունի : Նա հանդէս եկաւ իրբեւ ներկայացուցիչը իր ծնողքի , քոյրերի , եղբայրների , վերջապէս իր եղբօր երկուքուկէս տարեկան զաւակին : Հայ ազգի հազար տարիներից ի վեր , մինչեւ ամենախորք ձերխան , կանգնած է նրա յետեւում : Նա կրում է դրօ-

շակը արդարութեան, մարդկայնութեան, վրէժխընդ-
րութեան: Այս խոհերով էր, որ նա դուրս նետուեց
մէկի դէմ, որ պղծել տուաւ իր ընտանիքի պատիւը,
հրամայեց ոչնչացնել ամէնքի բարօրութիւնը եւ մի ամ-
բողջ ժողովուրդ բնաջնջել տուաւ: Հիմա դուք, պարս-
նայք երգուեալներ, որոշեցէք, թէ ի՛նչ է տեղի ունեցել
նրա հոգու եւ մտքի մէջ սպանութիւնը կատարելու
պահին. նկատի առէք միայն, որ մարդկութեան աչքը
ազդուած է ձեր այդ սրտումին... Դա Արդարութեան
աչքն է:

Վերթաուէրը սպառեց այն բոլոր ինքնարդարա-
ցումների իրական արժէքը, որոնք շրջան էին անում
նաեւ դատասարահից դուրս իթթիհատականների կող-
մից ջարդերը բացատրելու, արդարացնելու նպատա-
կով: Այդ պայմաններում դատը գտնում էր սպօրինի
մի դործ, դուրկ ամէն բարոյական հիմքից:

* * *

Կիլի համալսարանի իրաւագիտական բաժնի պրո-
ֆեսոր գոկտար Նիմայէրը փորձեց պարզել խնդրի այդ
կողմը: Նա կանգ առաւ օրէնքի տառի ներքին իմաստի
վրայ. օրէնքը միայն իր ձեւական բնոյթով անկարող
է ի յայտ բերել արդարութիւնը: Չկայ գրեթէ եւ ոչ մի
բժրոնում, իրաւագիտական կանոն, օրէնք կամ յօդ-
ուած, որ մարդ չկարողանայ պաշտպանել ինչ - ինչ
տրամաբանական հիմքերով: Բայց առանց օրէնքի ոգու
բժրոնման, տրամաբանութիւնը անզօր է երեւան հա-
նելու արդարութիւնը: Իրաւաբանական գաղափարնե-
րի եւ յօդուածների մէջ տրամաբանութիւնը անհրա-
ժեշտ է, որպէս ազդակ թեքնիքի, լուսարանութեան,
նախապատրաստման, հրահանգման համար: Սակայն
արդարադատութեան իրազորման համար չի կարող
վերջնական ու վճռական ազդակը լինել: Եւ դրա մէջ է

Երգուեալներն զառարանն իմաստը, որ կոչուած է մէջ
կողմից զնահաակ զէպքի էութիւնը սեփական ազատ
հայեցողութեամբ, անկախ ձեւական ապացուցման կա-
նաններէն, միւս կողմից՝ զնահաակ օրէնքի տրամադ-
րութիւնները:

— Իրաւագիտութեան կոչումն է հասկանալ կա-
պակցութիւնները եւ մեռեալ յօդուածներին կենդանի
իմաստ տալ, ասում էր նա. այդ համապատասխանում
է կեանքի իմաստին, պետութեան, հասարակութեան,
մարդկային համակեցութեան իմաստին: Օրէնքի այն
յօդուածը, որի հիման վրայ դուք, պարոնայք երգ-
ուեալներ, պիտի տաք ձեր վճիռը, ասում է. «Ով որ
գիտաւորեալ կերպով մարդ սպանէ, նա՛ եթէ սպա-
նութիւնը կատարել է կանխամտածումով, պատժում
է մահուամբ»: Այսպիսով, եթէ դուք ձեզ ուղղուած
հարցման պատասխանէք «այո», Ապոստոս Թէոփիլեանի
զլուխը կ'ընկնի գահիճի կայնի տակ: Բայց ենթադրե-
ցէք, թէ փոխուած պայմանների մէջ մէկը դատ է բաց
անում նոյնինքն պաշտօնական գահիճի դէմ, ամբաս-
տանեալով նրան կանխամտածուած սպանութեան մէջ:
Չէ՞ որ «ով գիտաւորեալ կերպով մարդ սպաննէ, նա՛
եթէ սպանութիւնը կատարել է կանխամտածումով,
մահուամբ է պատժուում»: Այս գէպքում պարոնայք
Երգուեալներ, դուք նոյնպէս պէտք է ասէք «այո»:
Այստեղ, Բերլինում 40 տարի առաջ իրաւագիտութեան
մի ուսուցիչ այդպէս էլ պնդում էր: Բայց խնդիրը այն
է, որ ներկայ գէպքում օրէնքի մէջ աչքաթող է ար-
ուած մի փոքրիկ բան. պատժական օրինադրքի բազ-
մաթիւ յօդուածների մէջ վճառապէս չի առուած, թէ
պատժելիութիւնը կախում ունի ասպորինութիւնից եւ
ասպորինութեան գիտակցութիւնից. աւելացրէք քիչ ա-
ռաջ յիշուած օրէնքի մէջ մէկ բառ այս ձևով. «Ով որ
ասպորինի կերպով մարդ սպանէ...», այս գէպքում

Ճիշդ էլ լինի ու ներգաշնակ այն դիտակցութեան հետ, թէ պատժելիութեան համար միշտ պահանջուած է ապօրինութիւն: Սրա հետ մէկտեղ պէտք է լինի եւ ապօրինութեան դիտակցութիւն: Թէ՛հլիբեանի մէջ այդ դիտակցութիւնը հանդէս է գալիս յարարներար, ազգայնօրէն գունաւորուած. նրա ապօրինութեան դիտակցութիւնը քննարկելու ժամանակ պէտք է մեկնէք այն իրողութիւնից, որ արեւելքցիների համար, որոնց թուին են պատկանում նաեւ հայերը, թէ՛եւ ընդունել են քրիստոնէութիւն դեռ 300 թուին, իրաւունք, կրօն, բարք միեւնոյն բաներն են: Մենք լսեցինք, թէ ինչպէս պարոն նախագահի այն հարցման՝ արդեօք ամբաստանեալը իրեն յանցաւոր նկատո՞ւմ է, մեղադրեալը պատասխանեց, «ոչ». ու ապա, երբ պարոն նախագահը նրան հարցրեց. «Ինչո՞ւ դուք ձեզ յանցաւոր չէք համարում», ամբաստանեալը պատասխանեց. «Միզմ հանգիստ է»: Շատ հասկանալի է այդ. նրա համար քարոյական եւ իրաւական հասկացողութիւնները նոյնիմաստ են: Նա մտածե՛լ անգամ չի կարող, թէ ինչ որ քարոյակէս ճիշդ է, իրաւաբանօրէն կարող է անճիշդ լինել: «Մարդ եմ սպանել, բայց մարդասպան չեմ», ասաց նա. նա չի կարող ենթադրել, թէ ինչ որ քարոյական տեսակէտից լաւ է, կարող է իրեն մահապարտ դարձնել: Ես կատարելապէս համոզուած եմ, որ ամբաստանեալի մաքուր խիղճը ժայռի նման ամուր այն դիտակցութիւնն է, թէ ինքը դործել է իրաւունքի համաձայն, իսկակա՛ն իրաւունքի, որպիսին միայն արժէք ունի իրեն համար: Սրան գալիս է միանալու ամբաստանեալի վերաբերմունքը դէպի իր ժողովուրդը: Հայերը մի մեծ ընտանիք են: Նրանք մեծ պետութիւն էին: Թուրք պետութեան մէջ նրանք ապրեցին երկար ժամանակ որպէս համբերատար մի ժողովուրդ: 1830-ին, երբ ազատագրուեցին յոյները, 40ական թուական-

ներին՝ եղիպտացիները, աւելի ուշ՝ դանուբեան իշխա-
նութիւնները, բուլղարները, ռումանացիները, սերբե-
րը, սեւ լեռնացիները, արաբացիները, հայերը համբե-
րող ու հանդարտ էին, որովհետեւ յոյս ունէին, որ ի-
րենց համար էլ բարենորոգութիւններ պիտի լինեն, ի-
րենց կեանքն ու գոյքը պիտի ապահովուին եւ հնարա-
ւորութիւն պիտի ստանան որոշ շափով մասնակցելու
իրենց ներքին գործերի կառավարութեան: Այդպէս էին
գոնէ 1878ին Բերլինում կնքուած 61րդ յօդուածի արա-
մադրութիւնները: Բայց փոփոխութիւն չեղաւ ու զնա-
լով աւելի վատթարացաւ կացութիւնը: 1896ին ես եր-
կու անդամ եղայ Պոլիս եւ ինչ որ լսեցի ահա՛ատեսներ
բից 1895 — 96 թուերի հայկական կոտորածների մա-
սին, սոսկալի տպաւորութիւն գործեց վրաս: Ապա տե-
ղի ունեցան Սասունի ջարդը, Ատանայի կոտորածը,
վերջապէս, 1915ի տեղահանութիւնն ու ընդհանուր
ջարդերը: Եւ 1921ի Մարտ 15ին կատարուեց այն, որ
բոլորս գիտենք: Ուզենք չուզենք՝ պէտք է ընդունինք,
որ այս գառավարութիւնը այնպէս չէ, ինչպէս ամէն
մի ուրիշը. նա պայթեցնում է այս սրահի նեղ շրջա-
նակները եւ ստիպում է մեզ դարձնել մեր նայուածքը
հետուսր կապակցութեան վրայ, եւ փորձել հասկանալ
ուրիշ ժողովուրդներին, ուրիշ մարդկանց, ուրիշ պայ-
մաններ եւ արդար լինել նրանց հանդէպ: Մենք ստիպ-
ուած ենք տալու Երկրորդ շրջանային դատարանի եւ
երդուեակների դատարանի վճիռը այնպիսի իմաստով,
որ լայնօրէն լուսարանուած լինեն իրաւունքի էութիւ-
նը, մարդկութեան ձգտումները, գործի կապակցու-
թիւնը: Եթէ ուզէք այդպէս վարուել, ես չեմ կարծում,
որ դուք մահապարտ եկատէք Սոցիալական Թէհիբեանին:
Դատավարութեան այս կապակցութեամբ, ի վերջոյ
կ'ուզէի, որ դուք ձեզ հարց տայիք, թէ ի՞նչ արդիւնք
պիտի ունենայ դատավճիռը. արդիւնք՝ ոչ թէ քաղա-

քահան կամ ուրիշ առումով, այլ ի՞նչ արդիւնք պիտի ունենայ դատավճիռը բարձրագոյն արդարութեան կամ այն բարիքների տեսակէտից, որոնց համար սպրում ենք՝ կեանքը, տանելի եւ արժանավայել դարձնելու ձգտումով . . .

Նխմայէրի խօսքից յետոյ, սկսուեց մի կատարեալ մենամարտ դատախազի եւ պաշտպաններիս միջեւ: Գատախազին այլեւս զրադեցնում էին ոչ այնքան օրէնքի թելադրութիւնները, սրբան դատի բարոյական հիմքերը, որոնց այնպիսի հարուած հասցրին բոլոր երեք պաշտպանները: Իր խօսքը այս մասով ամբողջութեամբ ուղղուած էր Վերթաուէրի դէմ:

— Երկրորդ պարոն պաշտպանը, ասաց նա, կարծես ուզում է մարդկութիւնը բաժանել երկու մասի. ռազմապաշտների, որոնց սրտից դուր խլել է արդարութեան, մարդկայնութեան ու կարեկցութեան զգացումը, եւ մնացածների, որոնք պահում են իրենց հոգու մէջ այդ բարձր յատկութիւնները: Գուք դիտէք անշուշտ մեծ բանաստեղծ Հայնրիխ Հայնէին. նա ամէն առիթով ըմբոստանում էր քրիստոնէութեան ազդեցութեան տակ առաջացած կենցաղային սկզբունքների դէմ եւ փառարանում դասական Յունաստանի կենսութիւնը: Բանաստեղծի հռչակաւոր քննադատներից մէկը նրա մասին ասում էր. «Երբ նա աւելի տարիքոտ դարձաւ, աշխարհի մէջ այլեւս ուրիշ բան չէր տեսնում բաց միայն վտիտ նազովրեցիներ եւ պարարտ յոյներ»: Նոյն բանն է յիշեցնում երկրորդ պարոն պաշտպանի բաժանումը ռազմապաշտների եւ ոչ ռազմապաշտների: Բաց այդ տեսութիւնը եւ թողնում եմ իրեն, իսկ մի ուրիշ տեսակէտին վճռապէս պիտի հակաճառեմ. նրան հաճելի չեկաւ, որ եւ որակեցի սպաններւածին որպէս գերման ժողովուրդի հաւատարիմ դաշնակիցը: Ես պէտք է կրկնեմ, որ թուրք ժողովուր-

զը կուուեց ուս ուսի գերման ժողովուրդի հետ եւ ան-
պայման կարող է որակուել, որպէս այս վերջինի դաշ-
նակիցը: Ես պատուարեր չեմ նկատում ժինչեւ որոշ
աստիճան ուրանալ անցեալը, ի՛նչ էլ լինի անհատի
քաղաքական տեսակէտը: Ես պէտք է ամենախիստ կեր-
պով բողոքեմ, որ պարոն պաշտպանը Թուրքիոյ այս
քաղաքականութեան երկու պաշտպաններին՝ Էնվեր եւ
Թալէաթ փաշաներին որակեց այստեղ վերաւորական
ձեւով, որպէս իրենց հայրենիքը լքած փախած սճրա-
դործներ:

— Համաձայն պատժական օրինադրքի 190րդ յօդ-
ուածի, ասաց այդ առթիւ վերթաուէրը, պատժելի
դործողութեան մասին լուրը կամ տարածայնութիւնը
սպաւնուցուած է նկատուում, երբ օրինաւորապէս դա-
տասպարտուած է այդ դործողութեան հեղինակը: Թա-
լէաթ, Էնվեր, Ջեմալ փաշաներն ու դոկտոր Նազրմը,
Թրքական տոմարով 1335 Յունիսի 10ին, հանրային
պատերազմական ատեանի կողմից, որ կազմուած էր
ախանաւոր դատաւորներից, դատասպարտուած են որ-
պէս հեղինակ անարդ սճիրի, այն է՝ հայերին կոտորե-
լու եւ անմեղների սպաննուելուն համար: Այս դատավճի-
որ օրինական է: Ու սխալ է եւ գերման օրէնսդրու-
թեան հակառակ՝ ասել, թէ ես մարդիկ վերաւորելու
յանցանք եմ գործում, որ ամենամանարդ սճիրի համար
օրինաւորապէս դատասպարտուած անձերին անուանում
եմ սճրադործներ: Թէ իրենց հայրենիքը լքած փախած
այդ սճրադործները, որոնք ապրել են այստեղ կեղծ
անուններով, վայելե՞լ են արդեօք որեւէ սպամապաշ-
տի այդ պաշտպանութիւնը՝ այդ ինձ յայտնի չէ: Ապա
պարոն դատախազը ասաց, որ Թուրք ժողովուրդը,
իրբեւ հաւատարիմ զինակից, կողք կողքի կանգնած է
գերման ժողովուրդի հետ: Այդ անշուշտ ճիշդ է եւ ոչ
ոք գրա հակառակը չի պնդել: Բայց Թուրք ժողովուր-

դը, պատասխանատու չէ պատերազմի համար, ինչպէս
պատասխանատու չէ ե՛ւ զերման ժողովուրդը: Ու թա-
լէաթ եւ էնվեր փաշաներն էլ պատերազմ յայտարարե-
լու համար չէ, որ խնդրոյ առարկայ են դարձել այս-
տեղ, այլ նրա համար, որ ձեռնարկեցին տեղահանու-
թեան, որի հետեւանքով հայ ժողովուրդի նկա՛ւածամբ
գործադրուեցին այնպիսի սոսկալին սճիրներ, որոնց
նմանը մարդկային պատմութեան մէջ չկայ: Ես ան-
ձամբ ի վիճակի չեմ հասկանալու, թէ ինչպէ՞ս կարելի
է այս խնդրի մէջ քաղաքականութիւն խառնել: Ստոր-
նութեան այս թաղաւորութեան մէջ փոշխանում է ամէն
քաղաքականութիւն, ու ես չեմ կարող հասկանալ, թէ
ինչպէ՞ս կարելի է բառ անգամ արտասանել ի նպաստ
տեղահանութեան հրամաններին: Չէ՞ որ զերման ժո-
ղովուրդն էլ անիրաւութեամբ ամբաստանուած է այդ
գործին նպաստած լինելու մտքով: Միայն անվերապահ
մերժումը այդ տեսակ սկզբունքների, դատապարտու-
մբ նման սճրային հրամանների կարող է՝ ապահովել
մեզ այն յարգանքը, որի իրաւունքը մենք ունինք: Երբ
ես յետոյ ասացի, թէ սողմապաշտները բռնի ուժի
պաշտպաններն են, նոր բան չասացի եւ ես ապշում եմ,
որ պարոն դատախազը ընդունեց այդ իբրեւ նորու-
թիւն: Ով որ, ինչպէս զերման ժողովուրդը, տուժել է
սաղմապաշտների ստոր արարքներից, պէտք է ատէ
եւ աշխատի արմատախիլ անել նրանց: Ռազմապաշտ-
ները ժողովուրդից դուրս են. նրանք հայրենիք չունեն,
ունեն միայն բռնի ուժի զգացումը, որի նպատակն է
ճնշել իրաւունքը: Դատարանը պէտք է արդարօրէն դա-
տէ, ամբաստանեալին արդարութեամբ հատուցանէ:
Մենք՝ պաշտպաններս այստեղ գթութիւն չենք մու-
րում, մենք ուզում ենք միայն, որ պատժական իրա-
ւունքը կիրառուի: Իսկ պատժական իրաւունքը ներկաջ

նէսպէս յանցաւորութեան հարցումի տրուելիք ժըխտական սպաստխանն է :

Այդպէս է , որովհետեւ այն պահին , երբ ամբաստանեալը փողոց իջաւ եւ ատրճանակը ուղղեց իր զոհի դէմ , ազատ չէր նրա կամքը , նա ինքը չէր , որ փողոց էր իջնում , իր մէջ իջնում էին տարերքը , միլիոնաւոր սպանուածները . նա՝ կարելի է ասել տանում էր իր անջեւից իր ամբողջ ժողովուրդի դրօշակը , բոլոր խոշտանգուածների , սղծուածների , լլկուած ընտանիքների դրօշակը . . .

Նա հայեացքով շանթահարեց դատախազի աթոռը ու դարձաւ երգուեալներին .

— Որքա՞ն յաճախ դուք ստիպուած էք եղել դատելու սրեւէ ամուսին , որ դատնալով տուն տեսնում է իր կնոջ անհաւատարմութիւնը եւ սպանում նրան : Որքի՞ մտքից կ'անցնի դատապարտել այդպիսին : Իսկ այստե՞ղ . չէ՞ որ անպատուած են մի ամբողջ ժողովուրդի բոլոր կոյսերը . . . Հայնրիխ Հայնէի օրինակը , որ մէջ բերեց դատախազը , ինձ բոլորովին չտպաւորեց , որովհետեւ ես աւելի քիչ բանաստեղծ եմ , քան պարոն դատախազը . . .

Այս խօսքերի վրայ սրահում առաջացած խլրառքը մի սրահ ընդհատեց նրան :

— Մեր կառավարութեան նկատումները , այն կառավարութեան , որ դաշն էր կռել թալկաթ եւ էնվերփաշաների հետ , ինձ վրայ նոյնպէս չազդեցին , որովհետեւ այդ դաշինքը կնքելուց առաջ նրա մասին ոչ ոք չի հարցրել իմ կարծիքը , ինչպէս նաեւ գերման ժողովուրդի կարծիքը : Միակ բանը , որ վրաս ազդում է այն է , որ դուք սխալ բան չանէք՝ կարծելով որ եթէ ամբաստանեալը մարդ է սպանել , ուրեմն յանցաւոր է : Վերջ ի վերջոյ այն՝ ինչ ուզում է պարոն դատախազը , յանդում է հետեւեալ հարցումին . «սպանե՞լ է արդէօք

ամբաստանեալը» : Այն ինչ մենք ուզում ենք, որ դուք ձեզ հարց տաք. «Յանցաւո՞ր է ամբաստանեալը՝ սպաննած լինելու համար» : Մենք խնդրում ենք ձեզ, որ այս ստիժի բարեհաճիք հետեւելու մեզ :

Բանավէճը վերջացաւ :

Նախագահը երդուեալներին արաւ անհրաժեշտ թեւոյրութիւնները՝ պարզելով նրանց, թէ որ հարցման ինչպէս պէտք է մօտենան եւ ձայների ինչ մեծամասնութեամբ որոշում պիտի կայացնեն : Վերջիները մեկուսացան խորհրդակցելու :

Այնքան շատ էին օրուան տպաւորութիւններս ու սրտապնդիչ՝ գործի շուրջ պարզուած բարոյական մթնոլորտը, որ ամէն մի պատիժ թեթեւ էր թւում ինձ : Մօտ մի ժամ տեւեց երդուեալների խորհրդակցութիւնը, որի ընթացքում ես մտքով դեզերում էի այն քոլոր վայրերը, ուր ծանօթ, բարեկամ, մօտիկներ ունէի : Բուն կեանքը երեւի բազկացած է նման ժամերից . . .

Երդուեալները յայտնուեցին. մէկը նրանցից դողդոջուն ձայնով կարգաց՝ աչքերին շատ մօտ բռնած թուղթը .

— «Պատուով ու խղճով վկայում եմ, որպէս երդուեալների որոշումը՝ յանցաւո՞ր է ամբաստանեալ Սոդոմոն Թէհլիբեանը 1921ի Մարտ 15ին Շարլոտեմբուրգում մի մարդ՝ Թալէաթ փաշային սպաննած լինելուն համար :

— Ո՛չ : Օտաօ Ռայնիկէ, երդուեալների գլխաւոր» :

Յանկարծ սրահը դղրդաց բուռն, որտարնդոստ ծափերից : Նախագահը ստորագրեց որոշումը՝ խնդրելով նոյնը անել քարտուղարին եւ կարգալ :

— Ամբաստանեալը արձակում է անյարտ պետական սնտուկի հաշուին, յայտարարեց նախագահը, երբ վերջինը աւարտեց ընթերցումը . . .

Նոր, աւելի երկարատև ծափեր ընդհատեցին նրան :

— Բանտարկուրեան հրամանք ունիստանեալի նկատմամբ ջնջուած է...

Պերման հասարակութիւնը կարծես ուզում էր Մարտ 15ին իմ գէժ գործած սխալը դարձանել : Գատուորները մեկնել էին, բայց դեռ շարունակուում էին ծափերն ու ցնծութեան աղաղակները : Վայրկեանի մէջ իմ առջև յայտնուում են հայրենակիցներս, պաշտպաններս. նրանք ձեռք են մեկնում ինձ, շնորհաւորում : Ձեռ հասկանում, թէ ի՞նչ պիտի անեմ, մինչև որ պահակա յիշեցնում է, որ պէտք է գնալ բանտ : Կարճ տևեց ճանապարհը եւ քիչ աւելի երկար՝ արձակման ձեւականութիւնները : Երբ յայտնուեցի փողոցում, այնտեղ դեռ խմբուած էր բազմութիւնը : Հասարակութեան խանդավառութիւնը ցոյցի բնոյթ ստացաւ : Իրարանցման մէջ մէկը առաւ ինձ իր հօր բազուկների մէջ ու հեկեկալով սկսեց համբուրել : Մշեցի Գարեգինն էր : Էֆթեանը, Արէլեանը, Գալուստեանը, Չաքարեանը, ինձ հրում են գէպի մի ինքնաշարժ, որի մօտ կանդնած են սատրիկաններ : Ներս ընկնելով՝ միւս կողմից տեսնում եմ տիկին Շթելլապուսմին, Գիտմանին, օրիորդ Բայրնդոնին, որոնք շարժում են թաշկինակները :

Մի յայն պողոտայով աջ ու ձախ մեզ ուղեկցում են տասից աւելի ինքնաշարժներ : Հայրենակիցներս առաջնորդում են ինձ մի տեղ, ուր խմբուած են գաղութի բոլոր հայերը...

ԱԶԳ. ՊԱՏՈՒԻՐԱԿՈՒԹԵԱՆ ՆԱԽԱԳԱՀ
ՊՕՂՈՍ ՆՈՒՊԱՐ ՓԱՇԱՅԻ ՆԱՄԱԿԸ
ՏՈՒԹ. Ե. ԼԵՓՍԻՈՒՍԻՆ

6 Յունիս 1921

Սիրելի սոսք . Լեփսիուս ,

Թերթերու մէջ կարդացի Թէհլիբեանի դատավարութեան ընթացքին ձեր վկայութեան մանրամասն գեղուցումը : Անաչառութեան եւ արդարամտութեան ազնիւ զգացումով յիշատակեցիք ու դատապարտեցիք էն վեր ու Թալէաք փաշաներու հրամանով գործադրուած վայրագութիւնները , բացատրելու համար արարքը անոր , որ Պերլինի դատարանը հանուած էր :

Ձեր մեծ սիրտէն ուրիշ կերպ չէի սպասեր , յիշելով ձեր քաջութիւնը ու անձնուրացութիւնը , որով դուք երբեք չվարանեցաք ստանձնելու հայութեան պաշտպանութիւնը , այնպիսի շրջանի մը , երբ այդպէս ձեռնարկ մը աղետաբեր է , մանաւանդ ձեզ համար :

Մեր հայրենակցին անպարտ արձակումը անգամ մը եւս ապացուցուց , որ դատաւորներ կան Պերլինի մէջ եւ չեմ տարակուսիր , որ ձեր միջամտութիւնը մեծապէս ծառայեց լուսաբանելու եւ շարժելու Խիզնը անոնց , որոնք անմեղ հոշակեցին Թէհլիբեանը :

Իմ , Ազգ . Պատուիրակութեան եւ համայն Հայութեան կողմէ , բոլոր սրտով ձեզի կը յայտնեմ մէք խոր երախտագիտութիւնը շահագրգռութեան այս նոր փաստին համար , որ կը բերէք մեր դատին ի նպաստ :

Ընդունեցէք , սիրելի Լեփսիուս , իմ լաւագոյն ըզգացումները :

ՊՕՂՈՍ ՆՈՒՊԱՐ

Յ Ա Ի Ե Լ Ո Ի Ա Ծ

Իր ժամանակին Թալէաթի սպանութիւնը բաւական զբաղեցրեց հայ եւ օտար մամուլը: Թարմ տպաւորութեան տակ, թերթերի զրութիւնները արտայայտում են ժամանակի տրամադրութիւններ, շօշափում են յարակից խնդիրներ ու դառնում հայկական ջարդերի ու Թալէաթի շուրջ:

Գերմանական մամուլը.— Դէպքի բերումով Թալէաթի սպանութիւնը մեծ տեղ է դառել գերմանական մամուլում: Հակառակ պաշտօնական շրջանների համակրական ելոյթներին Թալէաթի յուղարկաւորութեան ժամանակ, գերման թերթերը չեն օգտագործում սպանութիւնը հայերի դէմ: Միայն «Deutsche Allgemeine Zeitung»-ը, իր Մարտ 16ի (1921) առաւօտեան համարի մէջ յարձակում է հայերի վրայ: Չակերաների մէջ առնելով «Մարտիրոսադրութիւն», «Հայկական հարց», «Տարադրութիւն» եւ այլն, յօդուածագիրը չի մոռանում այն սլարգունակ ասացուածքը, թէ տասը հրեայ հաւասար է մէկ յոյնի, իսկ տասը յոյն՝ մէկ հայի: Թերթի կարծիքով «ամէն մի եւրոպացի զրգուանք է զգում հայի հանդէպ»: Թուրքը պատուաւոր է ու իր խօսքի տէր, իսկ հայը՝ խաբերայ: «Նա իր կնոջը ամուսնացնում է թուրքի հետ նրան սպանելու համար»: Միամիտ ընթերցողին այս կարգի բաներ հրամցնելով, թերթը գրում է.

«Ներխոտասարգ Թէհլիրեանը մօտեցաւ ծերունի մեծ վեգիրին, ուսին զարկեց օրպէս մի հին ու սիրելի բա-

րեկամի, բարեւեց ու խփեց : Հարազատ հայկական ձեռք :

Նայն համարի մէջ կայ մի ուրիշ յօդուած, Իրն թուլուն ստորագրութեամբ, հաւանարար արար .

«Մի հայ ուսանող, Թէհլերեան անունով, սարժա-տեցի (Պարսկաստան), զգում է իրեն այն մարդը, որ կոչուած էր թալէաթ փաշայից լուծելու վրէժը հայկական ցաւերի, որոնց մեղքը թալէաթի վրայ էր բար-դուած :

Այս նպատակով երիտասարդ պարսնը Հայաստանից, իր թելագրիչներէ կոչմից, ուղարկուած է Գերմանիա : Թալէաթ փաշան, որ Իթթիհատ վէ թէրակկը կուսակցութեան միւս անդամների հետ միասին աշխատում էր թուրքիոյ ամբողջութիւնը պաշտպանելու, մղում էր կռիւ հայկական, ինչպէս նաև օսմանեան պետութեան միւս ազգերի անջատագական ձգտումների դէմ :

Այդ անշուշտ բաւական չէ սպանուածին պատասխանատու համարելու այն զգրախառութեան համար, որին ենթարկուեց հայ ժողովուրդը պատերազմի ընթացքում : Սակայն Ententeի անիրաւ գրգռումը թալէաթի դէմ, նրան պատժելու՝ Միջին Արևմտայի պետութիւնների հետ գաշնակցելուն համար, մտքերը արդէն պղտորել էր : Տաք գլուխ երիտասարդներ, որոնք աէրորիտական միջոցներով գործող Գաշնակցութեան կամիտէի ազգեցութեան տակ են, համարում են թալէաթը՝ ոգին բոլոր հայկական սարսափների : Այս աւելութիւնը երևան եկաւ մի այնպիսի ժամանակ, երբ ենթագրւում էր, թէ կրքերը վաղուց հանդարտել են եւ որեւէ հիմք չկայ հայ - թրքական հին վէճերը նորից մէջտեղ հանելու : Բացի այդ՝ հայերը թալէաթից վախենալու ամենափոքր պատճառն ինկ շունէին, որովհետև այն օրուանից, 1918ի աշնան, երբ թալէաթն ու

էնվերը Պոլիսը ձգեցին եւ մեծ վեղիբութիւնը յանձնեցին Թէվֆիկ փաշային, քաղաքական բեմից հեռացան» :

Սուրբ բուրժուազիայի բերան «Berliner Tageblatt»-ի 16-ի համարում գրում է այն ամէն լաւը, ինչ կարող է ասել Թալէաթի մասին՝ զարմանալի պաղարխնութեամբ հաշտեցնելով ոճրագործութիւնը մարդկային բարեմասնութիւնների հետ: «Թալէաթ փաշան կոմիտէի քաղաքապետ» խորագրով յօդուածի մէջ տուած է:

«Մարդասպանի ձեռքով մեռաւ այն մարդը, որ գրեթէ տասը տարի անընդհատ զարբնում էր Թուրքիոյ ճակատագիրը իբր առաջնորդող միտք: Կիսով չափ մոռացուած, իր փոխ առնուած անուան տակ պահուելով, իր կեանքի փշրուած գործը ողբալով, եւ սակայն ո՛վ գիտէ ինչ նոր ժամերի սպասելով էր ապրում նա: Վաղուց է, որ գիտէր թէ իր այնքան արագ, փայլուն եւ արկածախնդրական կեանքը նոյնքան արկածախնդրական վախճանի պիտի յանգի: Յայտնի է, որ սպանութիւնը գուտ քաղաքական բնոյթ ունի: Սպանողի անունից յայտնի է, որ հայ է: Կասկած չկայ, որ ժամանակից ի վեր հայ մտկոռանդներ բնկած են Թալէաթի, էնվերի եւ Ժէոն Թիւրք միւս պետերի յետեւից Եւրոպայի եւ Ասիոյ մէջ եւ նրանց հալածում են, ինչ-

պէս որսորդը որսին: Արար աշխարհ գիտէ, թէ ինչո՛ւ: Արդէն դոկտոր Լեպսիուսի հրատարակութիւններից բոլորն էլ գիտեն, որ 1915ի զարնան Ժէոն Թիւրք կառավարութիւնը փորձեց, իրեն օրինակ առնելով Ապտիւլ Համիտի նախորդ կառավարութիւնը, բռնի միջոցներով բնդմիշտ լուծել հայկական հարցը: Թալէաթը, որ սկզբում այս ձեռնարկին համամիտ չէր, յետոյ էնվերից, միւս գիտնորականներից եւ ծայրայեղ կենտրոնականներից համոզուեց եւ այս անգամ



ՍՈՂՈՄՈՆ ԹԵՂԻՐԵԱՆ իր ՋԱԻԿՆ ԵՒ ՇԱՀԻՆ
- գաւակներուն հետ, 1934ին, Պելկրատ:

Լիրեն յատուկ կամքով բնաջնջման միջոցների դիմեց :
Մը այս ոճիրը իր մահով քաւեց :

«Այս կերպ դատելով՝ նա դո՛ւրստ գնաց քաղաքական
մահափորձի : Բայց այս չի նշանակում , թէ իր ընդհա-
նուր քաղաքականութեան , իր պետական գործունէու-
թեան ու ասպարէզի հակառակորդները իրենց հաշիւը



1. — ՍՈՂՈՄՈՆ, 2. — կինը՝ ԱՆԱՀԻՏ, 3.
— հարսը՝ ԱԼԻՍ, 4-5. — մանչ զաւակները՝
ԶԱԻԷՆ եւ ՇԱՀԷՆ, 1951 Փետրուարին Գա-
ղապլանֆա :

մաքրեցին : Որոշ է թէ , իբր պայքարող եւ կրքով տար-
ուող աննկուն մէկը , Թալէաթը շարունակ ունեցել է
հակառակորդներ , ինչպէս նաեւ հիացողներ : Բայց
միմիայն զինուորական պարտութեամբ առաջացած
ժէ՛օն Թիւրքիզմի տիրապետութեան անկումը չի նշա-
նակում , թէ իր սրգեղրած դադափարներն էլ յօդս

յնդեցին : Ժէօն Թուրքիոյմը շարունակում է ապրիլ եւ իր կողմը ունի ժողովուրդի մեծամասնութիւնը , որքան էլ անկումից ի վեր դաշնակիցների գրամամն տակ , Պոլսում , խամաճիկներու պէս եկող գացող բոլոր կառավարութիւնները բազկացած են իր հակառակորդներից : Անգարայի ազգայնականները , որոնք յաջողեցան Սեւրի դաշնագիրը պատուել , սողորուած են կոմիտէի բուն գաղափարներով : Իրաւ է , որ այդ գաղափարներին այս օրուան մարդիկ յարմարեցնում են իրենց քաղաքականութիւնը՝ փոխուած արամազբութիւնների համաձայն : Թալէաթն էր , որ ամենից յամառ եւ ազգու կերպով առաջնորդեց Թուրքիոյ ճակատագիրը նոյն այդ գաղափարները իրականացնելու ջանքով , ո՛չ թէ իրր մեծ վեղիր , որովհետեւ այդ բարձրագոյն պատուին արժանացաւ շատ ուշ , պայտերագմի ընթացքին , եւ ոչ էլ իրր ներքին գործոց նախարար , 1911ից սկսած եւ ընդհատումներով , այլ իրր նախագահ «Միութեան եւ Յառաջդիմութեան» կոմիտէի , որի մէջ էր Օսմանեան պետութեան բուն իշխանութիւնը , «Կարմիր Սուլթան»ի անկումից յետոյ : Կառավարութիւնն ու երեսփոխանական կազմը զնալով աւելի կամ նուազ շափով կոմիտէի ձեռքում հլու գործիք դարձան եւ գործադրող օրգաններ : Թալէաթը կարող էր իր մասին ասել . «Կոմիտէն ես եմ» : Անժխտելի է , որ այս անձերի շրջանում , ուր տիրում էր արկածախրնդրական ոգին եւ խառնակ պատեհապաշտութիւնը , Թալէաթն էր ամենազօրուոր անհատականութիւնը , իր նպատակին ձգտող խառնուածքը եւ անվիճելիօրէն ճանաչուած քաղաքագէտի տաղանդը» :

Անցնելով Թալէաթի գործունէութեան՝ թերթը գրում է :

«Իր մեթոաները , անշուշտ , ամէն ժամանակ չէին կարող նման լինել արեւմտեան մեթոաներին : Ու թե-

բեւս դժուար թէ կարելի լինէր միայն այս մեթոտնե-
րով Արախւ շամիաի ժառանգութիւնը կարգաւորել :
Իր յաջողութիւններն էլ սահմանափակ չէին : Վերջա-
պէս յաջողութիւն պէտք է նկատել, որ նա կարողա-
ցաւ ներքին ու արտաքին այնպիսի խառնակութեան
մէջ ժէօն թիւրք սեփմը պահել : Եւ յետոյ այն բա-
րենորոգումների գործը որին ձեռնարկել էին ժէօն
թիւրքերը, միայն երկար աշխատանքի արդիւնք կարող
էր լինել, եւ դրա համար էլ իրը նախապայման ան-
հրաժեշտ էր արտաքին խաղաղութեան մի յարմար դե-
տին : Այնինչ տասը տարուց ի վեր, սկսելով այն օրից,
երբ Իտալիան իր ձեռքը երկարեց Տրիպոլիին, Թուր-
քիան այլեւս չկարողացաւ երբեք դերձ մնալ պատե-
րազմից : Թուրք ժողովուրդը ահապին գործ կատարեց
եւ իրեն պարտադրուած այս վերջին պատերազմների
մէջ ծանր կորուստներ տուց : Կարելի է տեսլ, որ հա-
մաշխարհային պատերազմը, որին մասնակցելու հա-
մար Թուրքերը արդէն առաջին ամիսներէն իսկ որո-
շում էին տուած, իրենց պարտադրուած էր : Քաղա-
քական պարզ գատողութիւնը բացատրում է, թէ ին-
չո՛ւ : Թալէաթը, Էնվերը եւ բոլոր միւս պատասխանա-
տուները Ռուսիոյ հակառակորդների կողմը անցնելուց
զատ չէին կարող ուրիշ բան անել այնպիսի մի պատե-
րազմի մէջ, որի բուն իմաստն էր Ռուսիոյ կողմից
Պոլսոյ գրաւումը : Եւ նրանք իրենց գաշնակիցների ու-
ժերը սխալ չէին պարզել, միայն թէ Պերմանիայում
տիրող քաղաքական միտքը չէին կարողացել ըմբռնել :
1918 Մեպտեմբերին, բուլղարական ճակատի ջախջա-
խումից քիչ առաջ, Թալէաթը եկաւ Բերլին միայն
տեսլու, թէ «այլեւս չենք կարող» : Երբ ամէն ինչ կո-
րաւ, այստեղ մնաց եւ կ'երեւի թէ ամբողջ ժամանակը
անցրեց քաշուած՝ գիտելով, եւ սպասելով : Համաձայ-
նական պետութիւնների Պոլսոյ գահիճին ուղղուած

պահանջը նրա յանձնումի մասին՝ դերման կառավարութիւնը մերժեց, եւ իրաւունքով: Իր ամենակատարի թշնամիները սակայն կարողացան նրա հետքը գտնել: Բայց նրանք չկարողացան արգիլել, որ Լոնտոնի խորհրդաժողովի մէջ տարուած թրքական, ինչպէս նաեւ իր հայրենիքի համար բացուող լաւագոյն ապագայի հեռանկարը իր վերջին օրերը զեղեցկացընեն»:

Նոյն ոգւով է արտայայտուած եւ «Berliner Morgen Post»ը.

«Հայ-թրքական արիւնոտ պայքարին, որ տարիներ անընդհատ տիրում է Թուրքիայում, տարօրինակ դիպուածով դո՛ւր գնաց Գերմանիոյ մայրաքաղաքում Թուրքիոյ առաջնակարգ դէմքերից մէկը: Թալէաթ փաշան սպանուեց մի հայի ձեռքով: Դաշնակիցների հալածանքներից, — նրանք Թուրքիայից պահանջում էին յանձնել Թալէաթը, — նա յաջողութեամբ ազատուեց: Բայց հայերի վրէժխնդրութիւնը, որոնք նրան նկատում էին պատճառ պատերազմի ընթացքում հայկական կոտորածների, անշունչ դետին փռեց նրան: Յանձին Թալէաթի Թուրքիան կորցրեց իր ամենից ուժեղ մարդկանցից մէկին. մէկը՝ այն հաղուազիւտ անհատներից, որոնք արժանաւորապէս իրաւունք ունին քաղաքագէտի պատուարեր անունը կրելու: Նա իր անօրինակ եռանդը, իր բոլոր ձգտումները եւ կարողութիւնը նուիրեց իր հայրենիքին այնպիսի մի ժամանակ, երբ օսմանեան կայսրութեան սպառնում էր կազմալուծում: Իր ուժեղ ուսերով յենարան եղաւ նրան: Կապած չկայ, որ նա կը դարձնէր Թուրքիան, հակառակ Տրիպոլիի եւ բալիանեան պատերազմներին, կենսունակ, թերեւս արդիական պետութիւն, եթէ համաշխարհային պատերազմը չլինէր»:

Պահպանողական թերթերից «Berliner-Lokal An-

zeiger» իր Մարտ 16ի առաւօտեան համարի մէջ խօսելով Թալէաթի սպանութեան պատճառների մասին՝ անաշտօրէն գրում է .

«Թուրքիոյ 1908ի ազատագրական կռիւներէն ի վեր էնվերի եւ Թալէաթի անուները դարձան ամենաժողովրդական: Էնվերը իր ձեռքն առաւ շարժման զինուորական զեկը, Թալէաթը նրա սգին ու միտքն էր: Հայերի հանդէպ վերջինի անասճամօրէն դաժան ձեւով հանդէս գալն էր, որ շարժումը իր նպատակին հասցրեց: Թուրքիան շատ վաղուց արդէն կազում էր իր ստորադաս պաշտօնէութեան անկարողութեան պատճառով: Ու թէեւ Թալէաթը կարող էր այդ անընդունակ պաշտօնէութիւնից շօգտուել, բայց իր հըրամանները որեւէ թիւրիմացութեան տեղի չէին տալիս եւ նա գործադրեց բոլոր միջոցները իր ստորադաս պաշտօնէութիւնը հայ ազգարնակութեան դէմ հանելու, իսկ վերջիններն էլ իրենց կողմից այնպիսի ձեւով վարուեցին հայերի հանդէպ, որ նոյնիսկ ժամանակին քրիստոնեաների դէմ սկսուած հալածանքները ստուերի տակ մնացին: Հազարաւոր հայեր քշուեցին գէպի անապատները եւ մասնուեցին սովամահութեան: Դէպի Մոսուլ եւ Բաղտատ տանող ճանապարհները, ինչպէս եւ շատ ուրիշ վայրեր, ծածկուեցին հայրերի դիակներով, որոնք առանց որեւէ պատճառի իրենց տուն ու տեղից քշուելով սովամահութեան ենթարկուեցին: Սրանով պէտք է բացատրել, հայերի տեսակէտից առաջնորդուելով, շատ իրաւացի ատելութիւնը գէպի Թալէաթ փաշան: Արդէն կասկածից դուրս է, որ նրա սպանութիւնը միայն քաղաքական գրգայատճառներից առաջացած մի գործ է»:

Իր անցեալին անվայել, մի անստոյգ գիրք է բունել սոցիալ - դեմոկրատական կուռակցութեան պաշտօնաթերթ «Worwarts»ը: Յայանի էր, որ դեռ այդ ժա-

մանակ գունադերձ էր եղել նախկին յեղափոխական սոցիալիստական այդ թերթը, բայց որ արդէն իսկ ուրացել էր նաև իր խիղճը՝ պէտք է անակնկալ համարել: Մարտ 16ի առաւօտեան համարում էրվին Ֆարթի ստորագրութիւնը կրող մի յօդուածում, թերթը փորձում է ոչ միայն մեղմել Թալէաթի մեղքը հայկական կոտորածներին մէջ, այլ և ջարդերը բացատրում է որպէս «Արևելեան ժողովուրդների նախնական մակարդակի» արդասիք:

«Ուշագրաւ ոճիրը, որ կատարուեց Երեքշաբթի օր նախկին եպարքոս Թալէաթ փաշայի դէմ և որ ունեցաւ արիւնոտ վերջաւորութիւն, նորից քաղաքական ուշագրութիւն հրաւիրեց Թուրքիոյ վրայ: Թալէաթ փաշան շրայուցիչ արագութեամբ, զեռ շատ երիտասարդ տարիքի մէջ, հասաւ ամենարարձր դիրքի թուրք պետութեան մէջ: Պետական մարդու հազուադիւրս բնգունակութիւն ունէր: Նրա քաղաքական և էնվեր փաշայի զինուորական ղեկավարութեամբ, Թուրքիան պատերազմի բովանդակ բնթացքում, մինչև զժրախտ վախճանը, ամուր կերպով կանգնեց Գերմանիոյ կողքին: Թուրք կատափարութիւնը Թալէաթ փաշային մահուան դատապարտեց: Մօտաւորապէս այդ ժամանակից ի վեր նա սպրում էր Գերմանիայում միշտ ուշադիր զգուշութեամբ: Ոճրագործը պարսկահայ է: Ոճրագործութեան պատճառները զեռ յայտնի չեն: Բայց կասկած չկայ, որ ոճիրը կապ ունի հայերի տարագրութեան հետ, որ կատարուեց պատերազմի բնթացքին, երբ Թալէաթը գործի գլուխ էր: Ինչպէս երևում է, այս ոճիրը ազդային վրէժխնդրութեան մի գործ է: Հայկական սարսափները և Բելզիայի մէջ իրր թէ կատարուած առասպելական շարիքները, հետուից հնարաւորութիւն չեն տալիս յստակ գաղափար կազմելու Արևելքի քաղաքականապէս ծանր մթնոլորտի

մասին : Շիտակ չի լինիր Թուրքիոյ մէջ կատարուած
քոլտր դժբախտ դէպքերի մեղքը փնտռել միայն մէկ
կողմի մէջ : Արեւելեան ժողովուրդների զարգացման
նախնական վիճակը բացատրում է գաժանութիւնը ազ-
գային և կրօնական պայքարների , որոնց ընթացքին
նոյնիսկ Լերոպական բարձր դաստիարակութիւն ստա-
ցած մարդիկ անկարող են լինում խեղդելու արիւնա-
խանձ բնազդները և որոնց իբրև ապացոյց կարելի է
յիշել նոյնիսկ ներկայ սպանութիւնը : Ի հարկէ մարդ
չկայ , որ հերքէ վերջին պատերազմի ընթացքում հա-
յերի կրած տառապանքները կամ արդարացնէ այդ :
Բայց այդ տառապանքները բացատրելի են արեւելեան
ազգերի փոխ - յարարերութիւններով և Թուրքհայկա-
կան պայքարների պատմութիւնով : Թալէաթ փաշան
անձնապէս մեղադրում էր հայկական սարսափների
պատասխանատուութեամբ : Բայց աւելի ճիշդ և ար-
դար պէտք է լինէր նրա անձը չչփոթել մեծ եպարքո-
սութեան իր պաշտօնի հետ : Կարելի է ճշգրիտ կարծիք
կազմել՝ նկատի ունենալով , որ Թալէաթ փաշան իբրև
Թուրք պետութեան ղեկավար , պատերազմի յատուկ
բաղաբական պատճառներով , ստիպուած էր ձեռք առ-
նել բաղաբական բիրտ միջոցներ , որոնց , պէտք է խոս-
տովանիլ , պատերազմի ստեղծած հոգեբանութեան
չնորհիւ գաւառային վարչութիւնները հասցրին ծայ-
քայեղ վայրագութեան : Մեզ համար պարզ է , որ այս
քոլտրը հայերի մէջ ստեղծեցին կիրք և ատելութիւն :
Եթէ սճրագործութիւնը ներկայացուի իբրև ազգային
վրէժի գործ , պէտք է ստել , որ հետեւանք է հայկա-
կան սարսափների մտադրղութեան : Բայց այդ ոճի-
քը նոյնքան քիչ ներելի է , որքան պատերազմի ընթաց-
քում Անատոլուի մէջ անհամար հայերի վրայ գործը-
ւած ոճիրը :

«Ֆորվերց»ի այս պիպատոսական գիրքը գերման

մամուլի մէջ առաջ բերեց բանավէճ: Անկախ սոցիալիստների օրգան «Freiheit»ը, մէջ բերելով վերի յօդուածից կտորներ, գրում է:

«Այս արտայայտութիւնները ոչ այլ ինչ են, եթէ ոչ ձգտում՝ արդարացնելու թալէաթը, հայկական կոտորածների հեղինակը: Ծորվերցի վարիչները, ինչպէս պատերազմի ընթացքում կամ դրանից առաջ նոսկէի իշխանութեան շրջանում, հիմա էլ աշխատում են ամէն մի զազրելիութիւն ծածկել: Նրանք «պետական անհրաժեշտութիւն» են նկատում այն ամէնը ինչ տեղի ունեցաւ թուրքիայում: Իսկ թալէաթ փաշային՝ իբրև անհատ, գառնուկի տեղ են դնում, որովհետեւ նա միայն «քաղաքական եւ պատերազմական պայմանների մէջ» էր, որ իբրև եպարքոս հայերի հանդէպ կոտորածի միջոցներ կիրարկեց, եւ իր գործադիր մարմիններն էին, որ «չափազանցուած խտութեան» հասցըրին այդ միջոցները: Պարոն Բարթը շատ որոշ կերպով ասում է, թէ խաղաղ պայմանների մէջ թալէաթ փաշան երբեք այդպիսի խիստ «միջոց»ների չէր գիմել: Այդ մտայնութեան դէմ բաւական է մէջ բերել պարոն Թէոտոր Վոլֆի խօսքերը թալէաթի մասին «Ֆերլիներ Տաղերլատի» էջերից.

«Ուզում են, որ միայն թալէաթի վրայ շճանրանան հայերի հանդէպ կատարած սարսափների մեղադրանքներն ու հակակրանքները, ուզում են նոյնիսկ ենթադրել, որ թալէաթը աւելի քիչ մաս է ունեցել հայ ժողովուրդի ոչնչացման մէջ, քան աւաղակարարոյ էնվերն ու կոմիտէի միւս անդամները: Գերման արտաքին գործոց նախարարութեան թոյլտուութեամբ Եռհաննէս Լեպսիուսի հրատարակած գիւանագիտական փաստաթղթերից պարզ երևում է, որ թալէաթը ոչ միայն Պիզատոսի գեր է կատարել, ոչ միայն խաբել է հանգստացուցիչ խօսքերով գերման ներկայացուց-

չին, որ հայերի հանդէպ կատարուած զազրելի ոճիր-
ների համար բողոքել է, այլ եւ ներկայացուցչութեան
անդամ դուկտոր Մորամանտին պարզապէս յայտնել է,
թէ «ներքին թշնամին պէտք է բացարձակապէս ոչնչաց-
նել, օգտուելով համաշխարհային պատերազմից»: Նա
մի քաղաքապէտ էր, որ ուզում էր երկրի մէջ միատար-
րութիւն ապահովել, օտար կրօնների ժողովուրդները
ոչնչացումով, ինչպէս Սպանիոյ Փիլիպպոս Երկրոր-
դը: Նա կարող էր մեղմ միջոցներ գործադրել, բայց
սիրում էր ասել՝ «որ ոչ լուիցէ ունկամբ, լուիցէ թի-
կամբ»: «Ահա այսպէս է ներկայանում ըստ բուրժուա-
կան քաղաքապէտ Վոլֆի այն մարդը, որին ներողա-
միտ Ծորվերցը զարգարում է լուսապսակով», եզրա-
կացնում է «Ֆրայհայտը»:

Նոյն թերթը իր վերաբերմունքը արտայայտում է
Մարտ Աի առաւօտեան համարում այսպէս.

«Թալէաթ փաշան մէկն էր Երիտասարդ Թուրքերի
կոմիտէի առաջնորդներից, որոնք Թուրքիան պատե-
րազմի մղեցին ու երկիրը անդունդ առաջնորդեցին:
Երիտասարդ Թուրքերի կոմիտէի եւ գերման կայսերա-
կան կառավարութեան ներկայացուցիչների միջեւ շատ
սերտ յարաբերութիւն էր տիրում: Եւ երբ Երիտասարդ
Թուրքերի իշխանութիւնը ընկաւ, ղեկավարներից շա-
տերը փախան Գերմանիա, ուր գտան հիւրասէր ապաս-
տանարան: Երիտասարդ Թուրքերի ղեկավարները օգ-
տագործում էին իրենց պաշտօնները, հարստանալով
հսկայական կաշառքների միջոցով, զօրքի մատակա-
րարման գործը կապալի տալով: Գրամների մի մասը,
որ պարզապէս զոգացել էին ժողովուրդի զրպանից,
տեղաւորեցին արտասահմանի գրամատներում: Այս
տեսակ գումարներ կան եւ գերմանական զանազան
գրամատներում. գումարներ, որոնց օգնութեամբ քա-
ղաքական ոճրագործները կարող են անհոգ կեանք վա-

քել՝ իրենց երկիրը դժբախտութեան մէջ գլորեցուց յետոյ: Այդ մարդկանց փառաշուք սպրուստի մասին զայսպիսի կարգելու համար բաւական է այն փաստը, որ թալէաթ փաշան Հարտենբերգեր շտրասէում ինք սենեակներէից բազկացած բնակարան ունէր: Թալէաթ փաշայի իշխանութեան օրով էր եւ պատերազմի ժամանակ, որ հայկական անողոք սպանդանոցները կարգուեցին, որոնց զոհ զնաց մէկ միլիոն մարդ: Այս եւ ուրիշ ոճրագործութիւններէ վրիժառութեան համար էր, որ զնդակը թալէաթ փաշային զգետնեց: Գերման կառավարութեան համար այնքան էլ պատուարեր չէ, որ նա թրքական պատերազմական ոճրագործներին ազատ հիւրասիրութիւն է շնորհում: Միջազգային սոցիալիստական պրոլետարիատի ներկայացուցիչներէ հանդէպ նա չեղաւ երբեք այսպէս հիւրընկալ»:

Աւելի հետաքրքրաշարժ է Ծորվեցի դէմ ուղղուած Հերման վենտելի յօդուածը, որ լոյս տեսաւ նոյն կուսակցութեան պատկանող դաւառական մի օրգանի՝ «Die Volkstimme»-ի էջերում «Թալէաթը, հայերն ու սոցիալիզմ» խորագրով: Յօդուածագիրը ասում է.

«Այո՛, Հարտենբերգեր շտրասէում ատրճանակի հարուածի բոցերում մի վայրկեանի մէջ տեսանելի եղաւ մի ամբողջ ժողովուրդի աննկարագրելի մարտիրոսագրութիւնը»:

Մանրամասն խօսելով հայկական հարցի ծագման, հայ ժողովուրդի ազատագրական ձգտումների մասին, յօդուածագիրը ծանրանում է Աբախուլ Համիտի պանիսլամական եւ պանթուրանական ծրագիրների, ինչպէս եւ 1895 — 96 թուականների ջարդերի վրայ: Անելով քաղուածքներ Martin Niepageի զբքսիկի տարագրութեան եւ ջարդերի նկարագրութիւններից, նա վերջացնում է յօդուածի այդ մասը թալէաթի յայտնի խօսքե-

րով, «Տաշխը ներքին թշնամիների հետ հիմնապէս մաքրելու սրտչման» մասին և շարունակում .

«Վերջնապէս, այս հրէշը զնդակի մը հարուածով մեռաւ շատ արագ կերպով, մինչդեռ հարիւր հազարաւորներ, սրտնց կորուստը նրա հաշուի մէջ պարտքի կողմը պէտք է արձանագրել, զանդայ և տանջալից մահուան դատապարտուեցին : Մի քանի ամիսներ ատաջ, երբ Փարիզում այրանայի յայտնի Ֆէստալ և զահի թիկնածու էստտ փաշան, իրրեւ «իր ժողովուրդը անբարոյականացնող», սպանուեց մի երիտասարդ անաւուտի կողմից, Ֆրանսայի երզուեալները նրան անպարտ արձակեցին : Այն մարդը, որ երիտասարդ հային՝ այն հային, որ յիրաւի շատ աւելի հիմքեր ունէր թալէաթի վիճակը ճշդելու՝ դատել ուղենայ, պիտի մտածի անպայման, որ Բերլինը այս քաղաքական սպաննութեան վայրը չէր լինի, եթէ թալէաթը յանձնուէր պատերազմից յետոյ կազմուած թուրքոյ կառավարութեան, իր սեփական ժողովուրդից դատուելու համար : Սակայն իրաւական պատժական պատասխանատուութիւնը որ կողմից էլ լինի, զկտրը ամեն սոցիալիստի համար արեւի պէս պարզ է : Բայց արի ու տե՛ս մի կուսակցութեան մեծ թերթ, որը իր դիրքով կոչուած է ուրիշներին օրինակ ծառայելու, իր ջանքերի մէջ ճգնում է հայ ժողովուրդի զահիճին չբմեղել և այն էլ ամէն հնարաւոր միջոցներով : Շունչը սպառելու շափ «օրեկախզմով» զինուած, նամաւածում է, որ «չնորհիւ քաղաքակրթութիւնից և արեւմտեան Եւրոպայից հետո ու խտացած մթնոլորտում պարուրուած լինելուն, հայկական սարսափների ճշգրիտ գնահատութիւնը անհնարին է» և գանում է, որ «արեւելեան ժողովուրդների նախնական մակարդակը դարձնում է հասկնալի աղգային և կրօնական կոիւնների խտութիւնը» :

«Այս արդէն չափազանցութիւն է : Տասնեակ տարիներ շարունակ սոցիալ-դեմոկրատիան հպարտ էր նրանով, որ մարդկութեան արժանիքը պահում էր բարձր, իր վաճանք ամէն տեղ տալիս էր ճնշուածներին, իսկ սուրբ ճնշողների դէմ պարզում : Բոքսերների կռուի ժամանակ, արեւելեան Ասիայում Գերմանիոյ կատարած խտութիւնների դէմ ամենայն ուժգնութեամբ բողոքեցինք, առանց նկատի առնելու «դէպքերի ճշգրիտ գնահատման անհնարինութիւնը, շնորհիւ քաղաքակրթութիւնից եւ արեւմտեան Եւրոպայից հսկայական հեռաւորութեան խտացած մթնոլորտին» : Ամբողջ աշխարհի առաջ մենք խարազանեցինք գերման պատերազմական վարիչներին, երբ նրանք, հարաւարեւմտեան Աֆրիկայում, Հերերոնիին Կալահարի անապատները քշեցին՝ քաղցի ու ծարաւի մահուամբ սպաննելու, եւ մենք այն ժամանակ չգամանք, որ նեղրերի նախնական մակարդակը «հասկանալի է դարձնում այն անողոր խտութիւնը» : 1900ին Փարիզի միջազգային սոցիալիստական համագումարը պարզեց, թէ ով է մեզաւոր հայկական ջարդերի մէջ : Երկու տարի յետոյ Էտուար Բերնշդայնը «Հայ ժողովուրդի տանջանքներն ու Եւրոպայի պարտականութիւնը» գրքով ճշդեց այդ : Արդեօք այս բոլորը միանգամից դո՞ւրս ընկան մօտայից : Արդեօք թրքական տիրող դասը բաց քա՞րդ ստացաւ մեզնից, չորս տարի գերմանական դժբախտ պատերազմական քաղաքականութեան լծորդած լինելու պատճառով : Արդեօք անհասկանալի երկչոտութի՞ւն է տիրում մեր մէջ պարզ ասելու այն ինչ որ տեղի պիտի չունենար եւ այսպէսով մենք մեզ վարկաբեկում ենք եւ կամ թէ վախենում գրանով դաշնակիցների ջրաղացին ջուր լեցնել» :

Թերթերից տմանք զանց են առնում Թալէաթի դէրը, ծանրանալով գլխաւորապէս դէպքերի վրայ : «Die

Westdeutsche Landeszeitung»ը խօսելով Ատանայում
ևւ յետոյ պատերազմի ընթացքում տեղի ունեցած ջար-
դերի մասին գրում է .

«Իրականի մէջ ի՞նչ է նշանակում 1,400,000 տղա-
մարդկանց, կանանց եւ երեխաների տարագրումը :
Ըստ թրքական կառավարութեան ցուցմունքների եւ
խօսքերի, խաղաղ եւ օրինական փոխադրում նոր բնա-
կավայր, բայց իրականի մէջ կողոպուտ ժողովուրդի
ամբողջ ինչքերի, ջարդ ժողովուրդի արական մասի,
երիտասարդ կանանց եւ աղջիկների արդելափակում
թրքական հարէմներում ու քրդական գիւղերում, երե-
խաների վաճառում գերիների շուկայում, եւ մնացած-
ների շարատանջ մահը հիւանդութիւնների ու սովի մի-
ջոցով . . . : Մտաւոր գնահատութեամբ տարագրուած-
ներից 800,000 մարդ սխտեմադիք ջարդերից եւ սովից
մեռել են : Քաղցը եւ հիւանդութիւնները արդէն լրաց-
րին թրքական գէնքի սկսած դործը : Եւ վստահօրէն կա-
րելի է ասել, որ այն ինչ դործուած է այս ժողովուրդի
դէմ, պատմութեան անցեալ զանազան դարերի մէջ իր
նմանը չունի : Մարդ ուղղակի անկարող է հաւատալ,
որ դեռ եւս 20րդ դարում մեր հողադնդում հնարաւոր
է մի ամբողջ ժողովուրդի ոչնչացումը այսպիսի ասոե-
լի պայմաններում : Բայց արժանահաւատ չէ՞ղոք, ամե-
րիկեան եւ չվեցարական հիւստատոսական պաշտօնեա-
ների վկայութիւնները որեւէ՛ կասկած չեն թողնում
Հայաստանում կատարուած քստմնեցուցիչ սարսափնե-
րի մասին» :

Ոմանք էլ շօշափում են պաշտօնական Գերմանիայի
պատասխանատուութեան խնդիրը, անջատելով նրա-
նից գերման ժողովուրդը : Այսպէս, օրինակ, «Vos-
sische Zeitung» ի միջի այլոց ասում է .

«Հայկական ջարդերը մեր հակառակորդների քա-
րողութեան մէջ ճակատագրական դեր խաղացին, իսկ

Գերմանիայ կողմից, նկատելով թուրքիայ գաշնակից լինելու հանգամանքը, հնարաւոր չեղաւ հրատարակել յայտարարել, որ այս սարսափները հանդուրժող ոչ մի գերմանացի չկայ» :

Աւելի որոշ եւ խնդրի բարոյական պատասխանատուութեան ծանրութեան հաշուառումով է գրուած այս առթիւ Մաքսիմիլիան Հարաէնի յօդուածը «Die Zukunft» երկշաբաթերթի մէջ .

«Մենք թուրքերս պարաւոր ենք ու ցանկանում ենք այս համաշխարհային պատերազմը օդապարծել մեր հաշիւը մեր ներքին թշնամիների հետ հիմնովին մաքրելու համար, առանց արտասահմանի գիւանադատութեան կողմից այս անհրաժեշտ աշխատանքի մէջ խանգարուելու» : 1915ի ամբան այսպէս էր խօսում թալէաթ բէյը, այն ժամանակ դեռ եւս ներքին գործոց նախարար, մեր գեոպանական անդամներից մէկի հետ : Ի՞նչ գուրս եկաւ այս անամօթ նախարանից» :

Հեղինակը հինգ ամբողջ էջերի մէջ տալիս է ամերիկեան նպաստամատոյց բնկերութեան տեղեկագրութեան մէջ լոյս տեսած մի ականատեսի պատմութիւնը, ուր կենդանի կերպով նկարագրուած են այն սոսկալի տեսարաններն ու գէպքերը, որոնց ենթարկուել է հայ ժողովուրդը իր տարադրութեան ժամանակ, տալով գրեթէ մէկ միլիոն նահատակ : Ապա ասում է .


«Թալէաթը նախ որպէս ներքին գործոց նախարար եւ ապա իբրեւ մեծ վեզիր գլխաւոր մեղաւորն է : Չնայելով որ նա ուրանում էր, բայց նրա մեղսակցութիւնը ապացուցուած է իր իսկ հայրենակիցների համոզմամբ : Ուսանող թէ՛ չլիրեանը որոնեց եւ գուրս բերեց այդ վախկոտ հրէշի թագստոցը եւ օրը ցերեկով Բերլինի փողոցներում գնդակահարեց իր ծնողների եւ ազգի սպանիչին : Վրէժը իմն է, ասում է Տէրը, եւ արգիլում

է իր նմանի սպանութիւնը : Ո՞վ բարեպաշտներ , ար-
զեօք հայ քրիստոնեայի ձեռքը Աստուծոյ զէնքը չէ՞ր .
իբր բարձր կամքը չէ՞ր արդեօք , որ վրիժառուի միտքը
լուսաւորեց եւ նրան Եւրոպայի ազտոտ խառնափնդո-
րութեան միջով անզգամ շարագործութեան հետքի
վրայ առաջնորդեց՝ աւելի իմաստուն կերպով , քան
զօրավարները արին այդ , իրենց կուրօրէն հպատակ-
ուող զօրքերի միջոցով : Թէ՛հլիբեանը երեւի արեւելք-
ցու տիպ ունի : Մի լաւ հազնուած սպարոն արեան մէջ
ընկած , իսկ մի թուխ սպարոն նրան զնդակահարողը :
Անշուշտ , արիւնազանդ մի խաղ է սկանառեսի աչքում .
անտեղեակ՝ կամբոսի , որ շղո՛հանալով երիտասարդի
ձերբակալութեամբ , նրան վայրագօրէն շարշարեց :
Չարշարեց այնպիսի մէկին , որ հերոս անուանուելու
արժանի է . մի տիպոս , որ շատ յաճախ տրոււմ է
անարժաններին : Կ՛ուզէ թող այդ երիտասարդ կեանքը
մարի եւ կամ թէ մթութեան մէջ զանդազօրէն այրուի ,
հերոսների երգերում պիտի աղբի նա մինչեւ վերջին
հայր գերեզման իջնի : Հայրենիքի ամենանուիրական
սրբատեղում կը դրուի նրա արձանը , ինչպէս ժամա-
նակին Ակրոպոլիսի ստորտում Հարմոսիոսինը եւ
Այխատոզայթոնինը եւ Միտոսեան զազաթներում կը
սուլառնի նրա հողին Տեյլի հետ : Հիպպարինիան , Հիպ-
պիասը եւ Գէսսլէրը համեմատած Թալէաթ - Էնվեր -
Ջեմալի հետ թղուկներ են զազանութեան մէջ : Գերման
ժողովուրդը նրանց հետ անբաժան չորս ամբողջ տա-
րիներ ուս ուսի եզրայրացած էր : Վա՛յ նրան , որ կը
համարձակուէր ամենափոքր ակնարկութիւն իսկ անել
այդ ստահակների ոճրագործութեան մասին (կաշիխ
վրայ փորձեցի) : Ոչ քահանայ եւ ոչ էլ եպիսկոպոս
խղեց այդ լուութիւնը , մինչեւ մեր հին Աստուածը իր
զգուանքը երկրի վրայ թափեց : Չնայած , որ Գերմա-
նիան , այդ ժամանակից սկսած շատ թշնամանքներ կրե-

չու ստիպուած կգաւ, բայց եւ այնպէս չկա՞ն արդեօք յանցանքներ, որոնք դեռ եւս պէտք է քաւել, եւ պատրաստ չենք այսօր մեղաւորներից պարզօրէն զատուիլ, այն մեղաւորներից, որոնք իրենց ընկերակցութեամբ դատապարտեցին մի ամբողջ ազգ անպատուարեր կատկածներով: Պատերազմական մօրալը պատերազմից յետոյ էլ շարունակուած է: Կեդատտ կողոպտիչներ, որոնք եօթը տարի շարունակ Օսմանի ժառանգութիւնը շուայտեցին, մահճեատկանների եւ արեւելեան քրիստոնէութեան հետ վարուեցին աւելի վատ, քան ժանտախտը. եւ այդպէս ազտոտած ու յղփացած՝ անճիատուր եղանցովի կեանքի: Այդպիսի անձանց է, որ տալիս են «սկտական անճնաւորութիւններ» ու երբեմն էլ «նշանաւոր գլուխներ» անունը: Թալէաթ փաշայի տպաւորիչ թաղման հանդէսի մասին լրագիրները գրեցին. կարծես թէ մեռած լինէր մէկը՝ մարդկային արժանապատուութիւնը աւելցնողներից: Կարծում էք, որ աշխարհը բոլորովին խլացե՞լ է: Թալէաթը՝ իբր սիւն մեր արդար դատի՞, Շէյլոկը՝ իբր քրիստոնեա՞յ...»:

ՀԱՅԿԱԿԱՆ ՄԱՄՈՒԼԸ

Աւելի ընդարձակ էջեր է նուիրել Թալէաթի սպանութեան դադութահայ մամուլը, բայց այդ գրութիւնների մէջ չկան վերարեքնութիւններ ու դնահատութեան տարբերութիւններ, որ ինքնին հասկնալի է: Բոլոր թերթերի գրածները մէկ բան է՝ վրէժի դահայում եւ արդարութեան յաղթանակ: Այդ գրութիւնների մէջ արծարծուած մտքերից աւելի նշանակալից են տրամադրութիւնները, որոնք հանդէս են գալիս միտիթարութեան, ինքնադահայման ու չտեսնուած մի համազգային ցնծութեան ձեւով: Դատելով այդ տրամադրու-



ՏՈՒԹ. ԵՈՂԱՆՆԷՍ ԼԵՊՍԻՈՒՍ
(Մեծ հայասերին վկայութիւնը տես էջ 365)

Թիւններից կարելի է ասել, որ ահարեկումը՝ իրրեկուռող կողմերից թոյլի գէնքը, երբեք չի ներկայացրել աշխարհի խոշոր բարոյական արժէքներ, ինչպէս այս գէպքում: Դէպքից մինջեւ դատավարութեան վերջը, նա շարժման մէջ է դրել գաղութահայութեան բոլոր խաւերը: Թէ՛հիբեանը համազգային գուրգուրանքի առարկայ է ու այդ շարժման առիթը: Յանձին նրահանդէս է եկել մի հաւաքական անձնաւորութիւն, արտայայտելու սրտերում կուտակուած միլիոնաւոր գոհերի արդար վրէժը: Ամէն մարդ նրա կատարած գործի մէջ գգում է այն դոյզն միսիթարութիւնը, որ պատկանում է իրեն անձնապէս ապրած կսկիծներից յետոյ եւ ամէն մարդ այդ գործի մէջ տեսնում է վերապրող հայութեան յարատեւութեան իրաւունքն ու կամքը:

Եւ այդպէս ամէն տեղ, որովհետեւ Թէ՛հիբեանը պատկանում է հանրութեան եւ իր դատը իրենը չէ, այլ ներկայացնում է համազգային մի խնդիր:

Ամերիկայի Հ. Յ. Գաշնակցութեան օրդան «Հայրենիք»ը տալիս է գէպքին այն գնահատութիւնը, որ յատուկ է հայկական բոլոր թերթերին: Ահա Մարտ 18 իտրագրականը՝ Նեմեսիսը խորագրին տակ:

«Կերջապէս» արդարութեան ձեռքը բարձրացաւ եւ գեաին զլորեց բիւրաւոր գոհերու տիրահոջակ դահիճը, օսմանեան աւազակապետութեան նախկին վեզիրը, Թալէաթ փաշան:

Գարշաճձիներու սերունդին այս ախտավարակ ներկայացուցիչը, որ հեռագրական պաշտօնեայի մը զիրքէն բարձրացաւ մինջեւ վեզիրութեան աթոռը, իր գաւաղութիւններով եւ ոճրագործութիւններով վերջին տասը տարուան ընթացքին գերազանցեց Պորճիաներն ու Համիաները, եւ արեան ճապաղիքներու մէջ հաստատեց իր բռնակալական տիրապետութիւնը:

Օսմանեան աւազակապետութեան արիւնտտ պատ-

մութեան մէջ, Թալէաթ կը մնայ իբրև արիւնարբու
զազան մը, դուրկ՝ մարդկային բոլոր զգացումներէն
և յատկանիշներէն, որոնք մարդը կը զատորոշեն կեն-
դանիներէն:

Գաւերու և սաղբանքներու ահաւոր կոյտի մը
վրայ հիմնուած անոր իշխանութիւնը վերջացաւ 1918ի
զինադադարին, ու ան գնաց Թագստոցներու մէջ՝
պարտկելու իր գոյութիւնը, իր արիւնոտ մարմինը,
որ այսօր սատակի վերածուած է Պերլինի մեկ փողո-
ցին մէջ:

Հայ ահարեկիչի գնդակով պայթեցաւ այն ուղեղը,
որ այնքան սաղայէլական ծրագիրներ յղացաւ հայու-
թեան դէմ, քաղաքակրթութեան և մարդկութեան
դէմ: Հայ ահարեկիչին գնդակը ուղղուեցաւ անոր
ուղեղին և ո՛չ թէ սրտին, որովհետեւ այդ ճիւղը
սիրտ չունէր, այլ միայն դիւային ուղեղ մը, ուր կը
տիրապետէին քառսային մտքեր:

Եթէ Թալէաթ ապրէր այս աշխարհի վրայ, և իր
ընական մահով երթար հողին տակ, հայութեան խիղ-
ճին վրայ պիտի ծանրանար ահաւոր մղձաւանջ մը և
բիւրաւոր զոհերու սուրբները պիտի խլրտէին իրենց
անձանօթ հողակոյտներուն մէջ: Լաւ է, որ այդ անխ-
բաւութիւնը ինայուեցաւ հայութեան և անոր բիւրա-
ւոր հայ զոհերուն, որոնց վրէժը կը գոռայ և պիտի
գոռայ գալիք դարերու բնթացքին՝ վերապրող հայու-
թեան հողիին մէջ:

Այս ճիւղին սատակին առջեւ, մեր յիշողութիւն-
ներն անգամ մըն ալ ետ կ'երթան դէպի 1915ի ահաւոր
ամառը, երբ հայութիւնն ամբողջ տեղահանուեցաւ իր
հայրենիքէն և քշուեցաւ դէպի անապատները: Բիւ-
րաւոր կիներու, մանուկներու և ծերերու շարանները
անցան լեռներէ և անծայրածիր տարածութիւններէ
և յետոյ վայրագօրէն խողխողուեցան անապատներուն

մէջ ու լեռներուն վրայ: Այն օրերուն՝ ամբողջ Հա-
յաստանը արիւնի ծով մը դարձաւ: Վիթխարի հրդեհ
մը շրջապատեց մեր հայրենիքը եւ մոխրացուց մեր
երազներն ու խէշալները: Թրքական եւ քրտական վայ-
րենարարոյ խուժանը Թալէաթի եւ անոր ընկերներուն
հրամանով յարձակեցաւ հայութեան վրայ, կոտորեց,
թալանեց, բռնարարեց եւ սրբապղծեց. եւ այս՝ այն-
պիսի ստեն մը, երբ հայութեան երիտասարդ գաւաղ-
ները թրքական բանակին մէջ կը դանուէին, եւ հետե-
ւարար անգօր՝ պաշտպանելու իրենց տունը, պատիւը
եւ տկարներու Ծիղիքական գոյութիւնը: Թրքական
աւագակապետութեան ճիւղը ղեկավարները այդ քանով
չզոհանալով՝ զինաթափ ըրին հայութեան ծաղիկ երի-
տասարդութիւնը եւ կոտորեցին պատերազմի դաշտին
վրայ եւ կամ դօրանոցներուն մէջ:

Ո՞ր ազգը այսքան անարդարութիւն եւ անիրա-
ւութիւն տեսած է այս աշխարհի մէջ: Ո՞ր պետութիւնը
կրցած է այնքան վայրաղ եւ դիւային բլլալ համաշ-
խարհային պատմութեան մէջ: Մեղի գէ՞մ գործուած
անիրաւութիւնն այնքան վիթխարի եղաւ եւ այնքան
ահաւոր, որ մենք կարծեցինք, թէ մարդկութեան սիր-
տը պիտի պայթէր. բայց, աւա՛ղ, կարճ ժամանակա-
միջոցի մը մէջ երեւան եկաւ որ մարդկութիւնն ալ
գուրկ էր խղճմտանքէ եւ սրտէ:

Սակայն, վերապրող հայութեան ջիղերը մնացին
տոկուն եւ անոր հոգին բարախեց գերազոյն վրէժ-
խընդրութեամբ: Բիւրաւոր անմեղ զոհերու ազաչանք-
ներն ու լալահառաչ ճիչերը եւ անոնց վերջին հոնգիւն-
ները արձազանդեցին հայութեան մարտական սերուն-
դի հոգիին մէջ, եւ մէկը այդ սերունդէն, վսեմ, պաշ-
տելի եւ աննուաճ, իր համբուրելի ձեռքը բարձրացուց
զեախն գլորելու համար դարերու ոճրագործը, մարդ-

կային ցեղի անունը արատաւորող ճիւղեր, որ սպաստան գտած էր «ընկերութեան» Գերմանիոյ մէջ :

Այս ժողովուրդը չի մեռնիր երբեք, որքան ատեն որ կ'ապրին յաջորդները այն սերունդին, որ գեաին գլորած է վերջին քառորդ դարու ընթացքին հայութեան եւ մարդկութեան չարախինդ ստիսները, մեր ցեղին Ֆիզիքական եւ ազգային գոյութեան լիբր եւ վայրենարարոյ թշնամիները :

Թալէաթ աւելի վատ եղաւ, քան իր նախորդը՝ Ապտիւլ Համիտ, աւելի յանդուզն եւ անսանձ, քան բոլոր թուրք ջարդարարներն ու Քալանկիները, եւ այդ խի սպառնաւ, հակառակ իր բոլոր խորամանկութիւններուն եւ զգուշութիւններուն, ինքզինքը գտաւ հայութեան մէկ մեծ գաւկին, անվահեր եւ վրէժխնդիր գաւկին առջեւ, որ վայրկենարար փշրեց կոտորածներ եւ նախճիրներ ծրագրող իր գիւլային ուղեղը :

Արդարութիւնը ուշ կամ կանուխ կը յաղթանակէ : Անոնք որ կը կարծեն, թէ կրնան խուսափիլ Նեմեսիսի հարուածներէն, այս առթիւ թող մտածեն լրջօրէն եւ իրենք զիրենք արժանի չզարձենն անիրաւուած ցեղի Տը հրարխային վրէժխնդրութեան» :

Պոլսոյ «Ճակատամարտի» գնահատութիւնը հետաքրքրական ու շահեկան է, որով բնորոշում է գերման եւ թուրք զեկափար շրջանների բռնած գիրքը, ինչպէս նաեւ այդ ժամանակուայ թուրք գրաքննութեան կեցումածքը՝ այս խմբագրականին մէջ կատարած կրճատումներով ու յայտուումներով :

«Ճակատամարտ» իր Մարտ 31ի համարում գրում է, «Իր հաւատարիմ բարեկամին» խորապրին տակ .

«Քոստն օր առաջ, Պերլինի մէկ փողոցին մէջ, հայու մը գնդակով գեաին ինկաւ Թուրքիոյ երէկուան աէրն ու տիրականը :

Հետազիրներն ու թերթերը բերին սպանութեան

ամբողջ մանրամասնութիւնը: Հա՛յ մըն է, որ Թալէ-
աթ փաշան զարնելով ուզեր է իր ցեղին վրէժը լուծել,
քր նահատակ ծնողքին ու բազմաթիւ սպարազաներուն
արեան վրէժը առնել Թուրքիոյ նախորդ Մեծ - Վեղի-
քէն: Ան իր զոհին անձին մէջ կարծեր է տեսնել, ինչ-
պէս յայտարարեր է զինքը ձերբակալողներուն, մեծա-
գոյն չարազորքը, որ իր գերզաստանը փճացուց, ու
փճացուց գերզաստանները իր բիւրաւոր եղբայրնե-
րուն:

Միամիտ չենք կարծելու համար, թէ ահաւոր
նախճիրները, որոնք ամբողջ ժողովուրդ մը անճիտե-
ցին եւ Հայաստանը վերածեցին աւերակներու չարա-
շուք կոյտի մը՝ միակ անձի մը մտքին ծնունդն են:
Բայց կիրքէն, խելագարութենէն կուրցած, ու արեան
խնջոյքներու ծարաւի մարդոց սեւ խմբակ մըն էր, որ
իր արիւնոտ բնազդները իւրացուց, հրահրեց զանոնք
ու կեանք տուաւ անոնց: Ջարդէի, թալանի ծարաւը
կ'այրէր բոլորին ալ հողին, բայց Իթթիհատը աւելի
ճարպիկ եղաւ սարսափները կազմակերպելու հա-
մար... (Գրաքննութիւնը չորս տող յապաւած է):

Թալէաթ մղիչ ուժը, հողին եղաւ այդ կարմիր
խումբին:

Ան առանձին չէր իր ծրագիրներուն ու ձեռնարկ-
ներուն մէջ: Ամբողջ ժողովուրդ մը ծափ կը զարնէր
անոր՝ հրապարակներու վրայ, կամ իր հողիին խորե-
քէն: Շատե՛ր էին, որ ամէն օր անոր ահանջն ի վար կը
փափասային, կամ զինքը կ'ողեւորէին նոր նախճիրներու
համար: Բայց Թալէաթ համադրութիւնն էր բոլոր
բնազդներուն, տեսակ մը խորհրդանշանը կոտորածի,
աւերման, կողոպուտի պապակներուն, որոնցմով ամ-
բողջ ժողովուրդ մը կը տոչորէր զարեքէ ի վեր:

Թալէաթ ծնո՛ւնդ էր իր միջավայրին:

Ահա թէ ինչո՛ւ սուղ հազան բոլորը, երբ իր սպա-

նութեան բոթը ստացան : Թալէաթի մահը , ինչո՞ւ չէ , ազգային սուղի մը երեւոյթն առաւ : Ու մեր հարեւանները , որոնք գեռ երէկ , Գաշնակիցներու Պոլիս մուտքին օրը , հազար անէծք կը կարգային Իթթիհատի ու իր պետին ետեւէն , այսօր չկրցան իրենց կսկիծը դսպել : Աչքէ անցուցէք բոլոր տաճիկ թերթերը , ու իրենց ողբը պիտի նշմարէք դժուար դսպուած տողերու քնդմէջէն : Բոլորը սպացին , բոլորը լացին թուրք հոճային հետ , որ մէվլուտ կարգաց մեծ նահատակին հողիին համար , որովհետեւ ան ինկաւ կեաւուրի մը գընդակով . . . (Գրաքննութիւնը մեկ տող յապուած) :

Տէյլի Թէլեկրաֆի Պերլինի թղթակիցը կ'ըսէ , թէ Թալէաթի յուղարկաւորութիւնը կատարող հոճան , իր ազօթքէն ետք , ներկաներուն սա հարցումը ուղղեց .—

«Ալլահ էֆպեր : Ձեր ներկայութեան պառկող Թալէաթ փաշան բարձր առաքինութեամբ լի մարդ մրեճր , ձեր մէջէն կա՞յ մէկը , որ հակառակը ըսէ» :

Ու բոլորը ոչ կը պոռան :

Ո՛չ պիտի ըլլար , անշուշտ , պատասխանը բոլոր տաճիկներուն : Ոչ եղաւ դժբախտարար գերմաններուն պատասխանը :

Մեզ այնքան չեն զարմացներ սուղն ու կոծը մեք հարեւաններուն : Բայց կարելի չէր առանց ուշադրութեան անցնիլ այն ցաւի արտայայտութիւններուն վերայէն , զորս ցոյց տուին մանաւանդ գերման պաշտօնական շրջանակները ոճրագործի մը զազաղին առջև :

Երէկ կ'ուրանային , թէ ասպատան են ընծայած յանցաւորի մը , որուն անունը Գաշնակիցները գետեղած էին գլուխը թուրք եղեռնագործներուն : Բայց այսօր , մէկզի դրած ամէն դիմակ ու նկատում , գերման վառարարութիւնը ոչ միայն կը մեծարէ իր ներկայու-

Թեամբ շարագործի մը գիտկը, այլ ծաղիկներ կը թափէ անոր դագաղին վրայ:

— Պետական մեծ մարդուն եւ հաւատարիմ բարեկամին:

Պերմանիոյ այսօրուան վարիչները այլևս պէտք չեն տեսներ կեղծելու: Անոնք բացէ ի բաց կ'ընդունին եղբայրակցութիւնը Թուրքիոյ երէկուան զեկաւարներուն, որոնք հուրով ու սուրով կառավարեցին Ալ — Օսմանի երկիրը եւ, սաքի տակ առած արզարութեան, խզճի, օրէնքի սո՛՛քն զգացում, սաքի տակ առած իրենց ժողովուրդին ու պետութեան իրական շահերը, անդէն ժողովուրդները կատարեցին, եւ չորս տարի ամբողջ աշխարհին ասպարէզ կարդացին՝ Պերմանիոյ շահերուն համար: Պերմանիա, ահա՛, չի մոռնար իր հաւատարիմ բարեկամը:

Պերմանիա, նոյնիսկ այսօրուան պաշտօնական Պերմանիան, այս կերպով կը բաժնէ Իթթիհատի բոլոր մեղքերը: Բայց ո՞վ չի գիտեր որ ան, ամբողջ չորս տարի, մեծապոյն զօրավիզը եղաւ Նուրը Օսմանիէ ի խելագարներուն, երբ անոնք իրենց սարսափները կը դարբնէին, հայ ժողովուրդը բնաջնջելու համար: Ո՞վ չի գիտեր, որ ան միշտ ծափով ու ծիծաղով ընդունեց Պապը — Ալիի բոլոր նենգութիւններն ու ոճիրները:

Ան կուգայ անգամ մըն ալ հռչակել իր մեղսակցութիւնը:

Բայց ին՞չ կը խորհի ինքը, զերման ժողովուրդը: Կը բաժնէ՞ ան իր պետերուն մեղսակցի համբոյճը Էղեանագործի մը գիտկին: Ան պիտի հանդուրժէ՞, որ Վիլհելմը շարունակէ բնակիլ իր այսօրուան վարիչներուն հոգիին մէջ, ու ծափերը գեռ տեւեն ուժիմի մը հասցէին, որ աշխարհը փոթորկեց եւ ուզեց ժողովուրդի մը գերեզմանը փորել:

Ո՛չ, մենք չենք կարծեր, որ զերման ժողովուրդը

դոճունակութեան մը զգացումը ունեցած չըլլայ իր հողին խորը, երբ Պերլինի փողոցներէն մէկուն մէջ անսաւ բարբարոսութեան ախոյեանը դիտապաստ ինկած :

Մենք չենք կարծեր, որ քաղաքակիրթ ժողովուրդ մը ուզէ խունկ ծխել անարդ գիտելի մը վրայ, որ երէկ եղեանը կ'անձնաւորէր, եւ սճրապարծի մը պէս անարդէ հէք հայ երխասարդը, որ իր ընտանիքին տասնեակ մը զոհերուն արիւնը դացեր էր պահանջել՝ Գերմանիոյ ազատ երկինքին տակ նոր վայրագութիւններու ծրագիրները երկնող նախկին Մեծ - Վեզիրին :

Ո՞ր գերման դատաւորն է, որ պիտի կարենայ վճիռ մը արձակել այդ տղուն դէմ, որ կարծեց արդարութիւնը դործադրել՝ երբ մեծերը յամեցան : Ո՞չ, մենք կը յուսանք, որ Գերմանիոյ մէջ գեռ գատաւորներ կան» :

Համազգային արամադրութիւնների մուկնոտա եւ անզուսպ արտայայտութեան տիպար օրինակն է հայ Ռամկավար կուսակցութեան Պոսթընի պաշտօնաթերթ «Ազգ» օրաթերթի Մարտ 19ի առաջնորդուողը, «Հայուն արդար վրէժը» խորագրին տակ :

«Արիւնարբու գազանը, Հայ Յեզին ամենավայրագ երդուեալ թշնամին, շան մը պէս գետին փռուեցաւ գիտապաստ՝ հայ կտրիճի մը գնդակէն, Պերլինի մէկ արուարձանին՝ Շարլոթէնպուրկի մէջ, Հարտէնպրիլըրի փողոցին վրայ :

Կեցցէ՛ : Չեռքը դալա՛ր Սաղոմոն Թէհլիրեանի . . .

Այս եզաւ ինքնարուխ եւ հղօր զգացումը, որ երկրաշարժի մը պէս ուժգին ու միաժամանակ ցնցեց հայ սրտերն ի սփիւս աշխարհի, եւ հպարտ դոճունակութիւնը՝ որ անզուսպ հրճուանքով մը դուրս ժայթքեց ամէն մէկ հայու ճնշուած կուրծքէն, ի լուր թուրք բարենի սատակման :

Կառավարական օրինաց առջև՝ Սողոմոն Թէ՛հլիբ-
ձան կրնայ յանցաւոր նկատուիլ կամ ո՛չ, բայց չկայ
մարդկային բարոյականի ու խղճի օրէնք մը, որ ան-
պարտ չարձակէ զայն : Անտարակո՛յս, հանրային դա-
տաստանը — այն ակզիբ օրէնքը, որ արդարութեան
անկաշառ ձայնն է — ո՛չ միայն պիտի չզատապարտէ
հայ կտրիճի մը այս արարքը, այլեւ պիտի փառարանէ
զայն իբրեւ արժանաւոր ընթացքը ո՛րեւէ պատուաւոր
մարդ էակի :

Մենք սպրողներս հրճուանքով կը ծափահարենք
հայ արդար վրէժի այս դործադրութիւնը սճրադործի
մը վրայ, որ պարզ ամբաստանեալ մը չէ, այլ դատա-
պարտեալ մը՝ թէ՛ իր խկ երկրին Պատժական Գատա-
րանէն, թէ՛ միջազգային օրէնքէն եւ թէ՛ մարդկային
բարոյականին ու խղճին առջև :

Բայց մեզմէ շա՛տ աւելի, հայ նահատակներու
ածիւներն են — Տէր էլ Զօրի անապատի տաք աւազնե-
րուն վրայ անթաղ մնացած մեր նուիրական այդ մա-
սունքներն են — որ կը խայտան իրենց ուրախութենէն :

Հայ տառապեալ մամիկին ակե՛ժքը, հարիւր հա-
զարաւոր բռնարարուած ու նահատակ հայ կանանց,
տղայոց եւ աղջկանց — ամբողջ կտրիճ սերունդի մը —
վրէժն էր՝ յանձին հայ հարազատի մը, որ տարիներէ
ի վեր կը հետապնդէր իր ատելութեան առարկան : Եւ
այժմ Տիեզերական այդ Արդարութիւնը կը դործադրու-
ուի :

Վերակազմեալ հնչակեանների օրաթերթը՝ «Պա-
հակ» իր Ապրիլ 12ի խմբագրականին մէջ գրում է,
«Լոյս մը խաւարին մէջ» խորագրին տակ .

«Սողոմոն Թէ՛հլիբեանց ցոյց տուաւ պաշտելի հերո-
սութիւն մը, յամառ եւ աննկուն կամք, խրոխտ ոգի,
անմա՛հ, Եհովայական ատելութիւն, մահը դիմագրա-
ւող զիւցազնական քաջութիւն մը, ցոյց տուաւ այն

քուր չաչկական առաքինութիւնները, որոնք, մեռած կարծուելով Հայաստանի պարտութեամբ, յանկարծ յարութիւն առին, իրենց շողշողուն այլափոխութեան մէջ երեւցան, եւ ամէն Հայ իր էութեան մէջ զգաց այդ առաքինութեանց վերածնունդը, զգաց թէ ըմբոստութիւնը, կռուելու ուղին, վրէժխնդիր ատելութիւնը, որ արդարութեան ուղին է, կ'ապրէին իր մէջ, անոնք փճացած չէին, եւ այսպէս՝ իր սրտին մէջ շօշափելով կենսատու զօրութիւնը այս առաքինութեանց՝ հաւտաց, թէ պիտի ապրէր եւ վերածնէր անդամ մըն ալ պարտութենէն, աւերէն եւ կործանումէն յետոյ: Եւ ահա՛ իր մէջ յաւերժօրէն անմահ եւ սպրոզ այս բարոյական արժէքները զգալով, Հայ ժողովուրդը մոռցաւ հաչկական պարտութիւնը, ձերբադատուեցաւ իր ներքին խռովքէն, յուսահատութեան կաշկանդումներէն, ունեցաւ հաճելի ցնցում մը, իր բնդերքներուն մէջ արբշտալի ճրճուանք մը, եւ այժմ կը դիտէ ապագան անզրդուելի հաւատքովը իր վերջնական յաղթանակին եւ իր յուսադաշտառ վերածնութեան:

Համակ ժողովուրդ մը զահալիժած էր արցունքի հովիտը. մէկ հարուած, մէկ կորովի սիրտ, մէկ մարդ իր հուժկու ասիերուն մէջ բռնած կռուող հայրերու անմահ հողին, զերթ ումբ, զայն արձակեց Մողոքին վրայ, որ կը տիրէ այդ արցունքի հովիտին եւ ահա զայն խորասկող ումբէն ժայթքած բոցերը արեւներ եղան եւ լացող հողիները յուսաւորեցին պարտութեան արցունքի հովիտը: Յուսահատութիւնը մեռած է այլեւս եւ Յոյսը ազատութեան, Լոյսը երջանիկ ապագային կը շողարձակեն: Մողոմոն թէ՛հ իրեան փրկեց ազգին պատիւը»:

ԱՆԳԼՕԱՄԵՐԻԿԵԱՆ ԵՒ ՖՐԱՆՍԱԿԱՆ

Մ Ա Մ Ո Ի Լ Ը

Ընդարձակ կջեր նուիրեցին Թալէաթի սպանութեան նաև անգլեւամերիկեան եւ ֆրանսական թերթերը :

«Նիւ Եորք Ամերիկըն»ը, Ապրիլ 29ի խմբադրակոնով, կատարում է պատմական մի կարճ համեմատութիւն զանգուածային կոտորածների շուրջ, զազափար ապրով հայկական ջարդերի աննախընթաց ծաւալի մասին .

«Սոցաման Թէհլերեան, երիտասարդ մի հայ, բանտարկուած է Բերլինում, Թալէաթ փաշան, Թուրքիոյ նախկին կարգաւոր սպանելու պատճառով : Ամբաստանեալը յայտնում է, որ թուրքին սպանեց ի վրէժ անթիւ հայերի եւ հօրն ու մօրը խոզխոզումին՝ Թալէաթի ժամանակ կատարուած : Մի դիրք որ դրուած է նոյնինքն Միացեալ Նահանգների զեապանի կողմից, հաւանաբար իրրեւ վկայութիւն պիտի չընդունուի : Սակայն, այն ամերիկացիները, որ արեղերական պատմութեան մէջ մեծապոյն մարդասպանը ճանաչուած Թալէաթի սատակման մասին իմացան, պիտի հետաքրքրուին յիշատակներով Հէնրի Մորգընթաուի, որ իրրեւ զեապան աշխատեց հայ ժողովուրդի մնացորդը ազատել թրքական ջարդից : Պ. Մորգընթաու սճիրի ահաւորութեան մասին ասում է :

«Անցեալի մեծ ջարդերն ու հալածանքները թւում են գրեթէ աննշան բաղդատմամբ հայ ցեղի 1915ին կրած տառապանքներին : Տասներեքերորդ դարում Ալ-

քիչէնցիների խողխողումը պատմութեան ամենից
աղեկաւոր դէպքերից մէկն է նկատուում : Մուկոանդու-
թեան այս պոսթիման զոհ գնացին 60,000 մարդիկ : Ս-
Քարթոպիմէոսի ջարդի մէջ սպանուեցին 30,000 մարդ :
Սիկիլիական ջարդը, որ համարոււմ է ամենից գիւա-
յինը, ոչնչացրեց 8000 հոգի : Հատորներ են գրուած
Տակ Վէ Մատայի հաւատաքննութեան վրայ, սակայն
այս հաւատաքննութեան զոհերն էլ 8000ը չեն անցնում :
Պատմութեան մէջ թերեւս հայկական ջարդերին նմա-
նող մէկ դէպք կայ միայն, այդ էլ Ֆերաինանտի եւ
Իդարելայի կողմից հրեաների տեղահանութիւնը եւ
վտարումն է Սպանիայից : Ըստ Ֆրէսկոստ պատմագրի,
իրենց աներից առնուելով արմատախիլ եղան ու քշուե-
ցին Եւրոպա եւ Աֆրիկա 160,000 մարդ : Սակայն այս
բոլոր նախկին հալածանքները երեւում են չնչին բազ-
դատմամբ հայերի տառապանքներին, եւ անուազն
600,000ից մէկ միլիոն հայերի փճացման» :

«Պատերազմի ընթացքում կատարուած ջարդերի
մէջ Թալէաթն է գլխաւոր գրգիշը : Նա բաց է ի բաց
յայտարարեց գեսպան Մորգընթաուին հայ ազգը բնա-
ջնջելու իր նպատակը» :

«Առարկելնիդ աւելորդ է, ասաց Թալէաթը ի սա-
տասխան Մորգընթաուի խնդրանքներին : Արդէն հայե-
րի երեք չորրորդը փճացրինք : Բիթլիսի, Վանի, Էրզը-
րումի մէջ հայ չի մնացել : Այս պահուս հայերի եւ
թուրքերի միջեւ ատելութիւնը այնքան սաստիկ է, որ
անհրաժեշտ է մեր հաշիւները մաքրել նրանց հետ :
Եթէ մենք չանենք, իրենք պէտք է վրէժխնդիր լինեն» :

«Հայերի մեծ մասը խողխողելուց յետոյ, Թալէաթ
Մորգընթաուին արաւ, ինչպէս այս վերջինը որակում
է, «ամենազարմանալի խնդրանքը, որ երբեք լսուած
է» : Այդ խնդրանքն է .

«Խնդրում եմ, որ ամերիկեան կեանքի ապահո-

վարութեան ընկերութիւններից ստանաք եւ մեզ ուղարկէք իրենց մօտ ապահովագրուած հայերի լրիւ անուանացանկը: Բոլոր հայերն էլ մեռել են եւ ժառանգութեան գրամները գանձող ժառանգներ չեն մնացել: Անշուշտ այդ բոլոր գրամները պատկանում են Օսմանեան պետութեան: Հիմա նրանցից օգտուողը կառավարութիւնն է: Պիտի անէ՞ք»:

«Այս առաջարկը, որի համաձայն Միացեալ Նահանգների դեսպանը պէտք է օգնէր թուրքին իր խողխողած ժողովուրդի կեանքի ապահովագիւնը ստանալու՝ այնքան անհանգուրժելի էր Մորգընթաուին, որ գայրոյթով մեկնեց: Թէ ինչ պիտի անէ Բերլինի դատարանը այն երիտասարդի հետ, որ իր մարտիրոսուած ժողովուրդի վրէժը լուծեց նրա գահիճից՝ չզիտենք: Մակայն դժուար պիտի չլինէր գուշակել, թէ Մորգընթաուի գրքից մէջ բերուած վկայութիւնները ինչ ազդեցութիւն պիտի գործէին մի ամերիկեան գատարանի վրայ, ասենք Օբլահոմայի մէջ»:

Նոյնաման գատողութիւններ ու գնահատութիւններ են արտայայտում անգլիական թերթերը, առանց ոչինչ աւելցնելու եղածի վրայ: Ֆրանսական մամուլում խնդրի առթիւ լոյս տեսած յօդուածներից ուշագրաւ է «Փուսնալ տը Դէրայի» քաղաքական բաժնի խմբագրապետ Օդիւստ Կովէնի յօդուածը, ուր բաւական ճիշդ բնորոշուած է Թալէաթը իրրեւ մարդ եւ քաղաքական գործիչ:

Օդիւստ Կովէն «Տէրա»-ի մէջ խօսելով Թալէաթ փաշայի սպանութեան մասին, կ'ըսէ. —

«Եթէ որեւէ սպանութիւն չ'արդարանար, ասիկա կը բացատրուի ինքնիրմէն: Թալէաթը մէկուկէս միլիոն հայերու բնաջնջման հրաման տուողն է: Անտարակոյս, իրրեւ հաւանող եւ մեղսակից ունեցած է Իթթիհատի

կառավարութեան եւ կոմիտէին միւս անդամները եւ գերման դեսպանատուներ: Առանձին չէր գործեր:


Ան վարչաձեւ մը եւ մեթոտ մը կը մարմնացնէր: Բայց իբրեւ հաւատարիմ համիտեան բռնակալութեան, խարդախուած բարենորոգիչի, որոշած էր ջնջել հայ կահան խնդիրը կայսրութեան մէջէն, հայերը բնաջնջելով: Ոչ մէկ ատելութիւն կ'ոգեւորէր զայն. ծրագիր մը կը գործադրէր: Վայրագ եւ շէնչող խղճի կատարեալ հանդարտութեամբ հարթումի եւ կայսրութեան միութեան կը հետամտէր: Այս մարդը որ մերթնչեղ ծիծաղով մը կը խնդար, ամենէն ահաւոր աւերիչներէն մէկն եղած է մարդկութեան: Լուստենտորֆի եւ Վիլհելմի պէս կը տրամաբանէր: Երբ Պ. Մորզընթաու կը մեղադրէր զայն հայերու ջարդերու առթիւ, չէր ժխտեր. «Կը տեսնէք թէ, կ'ըսէր ան, մեզի համար ամենամեծ խնդիրը պատերազմը շահիլն է»: Ան խնդիրը կը լուծէր անհետացնելով զինքը նեղոյ հարիւր հազարաւոր մարդիկը: Ինչպէս Պերլինի իր ախպարները, վիթխարի ծրագիր կը հետապնդէր:

Թալէաթ ամենաուժեղ դէմքն է Իթթիհատի, որ անդունդ առաջնորդեց օսմ. կայսրութիւնը: Պարզ ցրուիչ, յետոյ հեռադրական պաշտօնեայ, նաւերը լեցնող եւ պարպող բեռնակիրներու թիկունքը ունէր: Կրթութենէ զուրկ՝ ուղեղը լեցուած էր անկարգօրէն, բնածին տրամաբանութիւն մը ունէր եւ անդիմադրելի կամք մը: Իր փոքրեւոյթ բարեմտութիւնը եւ կարգ մը գործերու մէջ ցոյց տուած իր դիւրահաղորդութիւնը համակրանքներ վաստկեցուցած էին իրեն: Շատ մարդ խորած էր: Էնվերի եւ Ջեմալի հետ Խալիֆա Սուլթանը վերածեց «իրատէի մեքենա»յի: Ահարեկումի տակ պահեց Սուլթան Մէհմէտը: Մագումով Փոմար, անհաւատ, ազատ մտածող, արհամարհող Գուրանի բո-

չոր պատուէրներուն հանդէպ, անձնատուր եղաւ համիտլամական եւ թուրանական քաղաքականութեան :

Նուազ կաշառելի, գոնէ իր ասպարէզի սկիզբները քան թէ պայքարի ընկերները, ձեռնարկած էր վերանորոգել թուրքիան, ըստ Գրանսական յեղափոխութեան սկզբունքներուն, որոնց մասին միայն հատուկապէս տեղեկութիւններ ունէր : Տանդոնի կերպարանքին տակ, Ռոպիէոի պարզութիւնը կը կեղծէր : Էնվերինքզինքը նափուէսն կը կարծէր, Ջեմալ Պատան եւ Քարիէն միանպամայն կը կեղծէր : Այս եռապետութիւնը կը կառավարէր վեհապետօրէն, առանց ուշադրութիւն ընելու ո՛չ Սուլթանին, ոչ Երեսփ. Ժողովին, ոչ Տերակոյտին : Անոնցմէ ոչ մէկը պերճախօս չէր, երբքն ալ թոյլ կուտային որ խամաճիկները խօսէին, մինչ իրենք կը գործէին :

Թալէաթ բարեկամ նկատուած է Գրանսայի, կարգ մը Գրանսայիներու կողմէ : Թերեւս, արդարեւ, Գրանսայիներու համար աւելի անձնապէս համակրանք ունէր քան գերմաններու նկատմամբ : Սակայն, շուտ ձանձցաւ, թէ կայսրութիւնը բռնութեամբ վերանորոգելու իր գործը կրնայ միայն կատարուիլ Գերմանիոյ հովանաւորութեամբ եւ գործակցութեամբ : Միայն Գերմանիան պիտի կրնար եռապետութեան եւ անոր մարդոց զիկատատորութեան պահպանումը ապահովել : Համակրալիք ըլլալով հանդերձ հանդէպ Գրանսայիներուն, դորս կը խարէր, Թալէաթ վարեց գերման քաղաքականութիւն : Համաշխարհային պատերազմին ծագման տակ, անցաւ Գերմանիոյ կողքին : Գերմանօթուրք զինակցութեան դաշինքը կնքուեցաւ 1914, Օգոստոս 4ին : Այն բոլոր պետութիւններէն որոնց աջակցութեանը վրայ յոյս ունէր աւետրօ-գերման միութիւնը, միայն թուրքիան արդարացուց այդ յոյսը՝ 1914ին :



ՍՈՂՈՄՈՆ ԹԷՀԼԻՐԵԱՆ
Իր նորագոյն լուսանկարը

Մինչդեռ Համաձայնութեան ներկայացուցիչները Բարձրագոյն Դրան հետ կը բանակցէին, չէզոքութեան դաշինք կնքելու համար, փոխանակ նեղուցները գրաւել տալու, թուրք կառավարութիւնը արդէն զինակցած Գերմանիոյ հետ, Ռուսիոյ դէմ յարձակում կը պատրաստէր եւ կ'աշխատէր ամբացնել Տարտանելը:

Թալէաթ գիտէր թէ իր անկողնին մէջ պիտի չմեռնէր: Զինադադարէն ետքը, Պոլսոյ մէջ մահուան գատապարտուած, թերեւս կը դարձանար մինչեւ այսօր վերջացած շրջալուծն, ճակատագիրը գոյն գարկաւ Պերլինի մօտ, իր երկրորդ հայրենիքին մէջ: Այս մարդուն համար, դարձեալ գեղեցիկ մահ մըն է»:

ԹՐԹԱԿԱՆ ՄԱՄՈՒԼԸ

Ինչպէս վերը տկնարկուած է Պոլսոյ «Ճակատամարտ»ը, թուրք մամուլը զանց առաւ Թալէաթի սպանութեան բուն պատճառները, ամէն կերպ քողարկեց զրոյի մամուլին այդ առթիւ յուզած խնդիրները՝ դէպքին տալով սովորական «քաղաքական ոճիրի» բնոյթ: Իրբեւ նմոյշ այդ կարգի զրութիւնների յիշատակենք մէկը: Թուրք թերթերից «Իլէրի»ն գրում է.

«Պատերազմը գլխատման վայրի՝ սպանդանոցի վնասոցն աշխարհը: Արդարեւ այս երկարատեւ իրերսպանութիւնը յոյնեցրեց ու տկարացրեց մարդկութիւնը: Ի՛նչ էլ որ լինի մարդկութիւնը ցանկանում է որ խաղաղութիւնը վերահաստատուի: Սակայն արիւն-հեղութիւնը դեռ շարունակուած է. չեն կարողանում հրաժարուել կռուից: Տեղ տեղ սպանութիւններ ու ջարդեր են լինում: Այդ սպանութիւններից ու շաղրութիւն են գրաւում նրանք, որոնք գործում են ազդային թելադրութիւններով: Ոեւէ ազգի քինախնդրութիւնը

կամ որոշ մարդկանց համազումը եթէ երբեք անհատի մաքի մէջ խտանայ, այդ անձը կարող է ամենից անուելի ոճիրը գործել :

«Արդարեւ յաճախ պատահում են այդպիսի միջադէպեր : Սակայն հապուաղէպ է, որ նրանք տեղի ունեցած լինեն այսպիսի բնդարձակ սահմանների մէջ : Կարճ ժամանակում բաւական քաղաքական ոճիրներ գործուեցին : Պէտք է հետազօտել նրանց պատճառները ու գաղտնիքը հասկնալ : Ազգերը կանգ չեն առնում գոհացութիւնների առջեւ՝ ամէն արդէլք յազթահարելու, իրենց նպատակին հասնելու համար : Չենք ուզում խորաքննել այդ դէպքերի պատճառները : Բայց, անշուշտ խմաստ եւ կարեւորութիւն ունին այդ իրերայաջորդ դէպքերը : Փարիզը երկու դէպքերի թատր եղաւ : Իստափաշային սպանեց Ռուստէմ Աւնին, իսկ Վենիդելոսը վէրք ստացաւ իր մէկ հայրենակցի կողմից մահափորձի ժամանակ : Սպանիոյ մէջ Տաթն սպանեցին : Քիչ յետոյ Բերլինի մէջ էլ մի հայ սպանեց թալէաթ փաշան : Չինացիացիից ի վեր, ստաջին անգամը լինելով, քաղաքական ոճիր գործուեց այնտեղ : Ինչպէս տեսնում ենք, ազգերի ճակատագրի հետ առնչութիւն ունեցող եւ քաղաքական գործերի վրայ ազդող անհատականութիւններ գոհ են գնում գնդակի : Թալէաթ փաշան էլ չաղատուեց : Մեր թուած բոլոր դէպքերում մահափորձերը կատարուած են ազգակիցների կողմից : Մինչդեռ թալէաթ փաշան մի հայի, եւ նոյնիսկ պարսկահայի, կողմից սպանուեց : Ամէն բանի մէջ բացառութիւն կազմող նախկին վարչապետը այս դէպքում էլ բաժանուել է իր նմաններից : Սաուդիւ, քաղաքական յեղաշրջումներին, կոմիտէի պայքարներին մասնակի անձանց վախճանը գնդակն է կամ պարանը : Այսպէս՝ թալէաթ փաշան եւ Վենիդելոսը միեւնոյն դիրքի մէջ են գտնուում : Երկուսին էլ միեւնոյն վախճանն էր սպա-

սում : Երկուսն էլ մահափորձի ենթարկուեցին : Միայն թէ Թալէաթ փաշան օտար քինախնդրութեան զոհ չնաց , զերծ մնալով իր ցեղակցի մէկ ցաւալի յարձակումից» :

Սակայն , որքան էլ երկդիմի ու վերապահ գտնուեց թուրք մամուլը իր ամբողջութեան մէջ , մէկ երկու թերթեր այնուամենայնիւ քաջութիւն ունեցան արդար լինելու Թալէաթի մասին : Այս կարգի գրութիւններէ մէջ յատուկ արժէք է ներկայացնում թուրք նշանաւոր գրագէտ Ճէնապ Շէհապետտինի յօդուածը , որ «Գիշատիչ թռչունները» խորագրով տպագրել է նա «Փէյսամ Սապահի»ի մէջ : Ժամանակակիցներից Շէհապետտինը թերեւս միակն է , որ յաջողել է թափանցել մեծ մարդասպանի ոգու խորքերը ու գրեւորել .—

«Թալէաթ կատաղի փառամուլ մըն էր , երեսփոխանութիւնը շփոհացուց իր մեծամուլութիւնը , անբուական եղաւ նաև նախարարութիւնը , թերեւս մեծ եպարքոսութիւնն ալ արհամարհեց : Ան ամէն օր քիչ մը աւելի ձեռնհասութիւն , քիչ մը աւելի ուժ , քիչ մը աւելի տիրապետութեան իրաւունք շահելու կ'աշխատէր : Ի դին ամէն բանի ուղեց անդուլ ընդարձակել իր ազդեցութեան սահմանները : Ուղեց որ իր շուրջը կադմրւի գովարանողներու օղակ մը , ստրկացողներու շրջանակ մը , փառքի լուսապսակ մը՝ թէև կրկնեւելու լոյթ : Թալէաթի համար դրամը երբեք նպատակ չեղաւ , ոսկին եւ արծաթը կը սիրէր , սրովհետև անոնց փայլով կարելի էր երեւալ : Անոր իտէալն էր «երեւալ» , երեւալ , միշտ երեւալ , միշտ քիչ մը աւելի բարձրանալով երեւալ : Եւ օրին մէկը զայն մեր գլխուն վրայ տեսանք : Այս ստորածինին մէկնակէտէն մինչև հասած դիրքը ուղղահայեաց դիմ մը միայն կայ , հակառակ ստոր գետ չէր յայեցած բարձրանալէ : Քանի իր

առտիճանը բարձրացաւ, այնպէս կարծեց թէ հողին ուղեղը, սիրտը, հմտութիւնը, հայեցողութիւնը եւ հեռատեսութիւնն ալ մեծցան, բարձրացան... : Թալէաթ շատ դիւրաւ ինքնախարէութեան անձնատուր եղաւ, մանաւանդ որ իր սկանջները լեցուեցան շուրջիններուն ներբողականներով : Դիւրին եւ արագ յաջողութիւններով արբեցաւ ինքնավստահութեամբ : Իր առջևը ա՛լ չէր կրնար երեւակայել ո՛չ մէկ պատնէ՛շ՝ որ իր յաղթանակներուն արդեւք բլլար : Կարծես իր իւրաքանչիւր փափաքը ճակատագրի վճիռ մը եւ իր իւրաքանչիւր փափաքը նախասահմանութիւն մըն էր : Իր աստղին ցոյց կուտար երկինքները եւ իր ուժերը չէր հարցուփորձեր «վեր, աւելի, աւելի վեր» ըսելով : Թէ բարձրանալ, թէ տարածուիլ կ'ուզէր. կարելի է ըսել թէ որոշած էր Թուրանի բախտորոշը : Ճիշդ է որ քանի բարձրացաւ, երևաց, բայց իր տեսողութեան շրջանակը չընդլայնեցաւ : Հրդեհի աշտարակին դազաթը բարձրացող կոյր մըն էր : Արեւ կարծեց այն հրդեհ՛ը՝ որ մեզ շրջապատած էր : Անկարող էր զանազանելու կենսատու եւ կիպիչ ջերմութիւնները... առաքինութիւն էր այն սճիւրը՝ որ իրեն նպաստաւոր էր : Կը ճաննար միայն այն օրէնքները, որ իր ցանկութիւններուն կը ծառայէին : Ճշմարտութիւնը ընդունելի էր, ցորչափ բարձրանալու միջոց մըն էր՝ ճիշդ սանդուխի դատիկոններու պէս : Անարգ էին բոլոր այն նուիրականութիւնները, որ իր օգտին չէին յարմարեր : Լեզուին վրայ միշտ հանրային սէր, սրտին մէջ միայն անձին սէր կար : «Մեծ» կը ճանչնար զանոնք որոնցմէ կը վախնար, եւ վախցողներուն մէջ արժանիք կը տեսնէր : Այն արժանիքը որ անոր հետ կը մրցէր՝ հրէշ մըն էր, որուն գլուխը պէտք էր հզմել : Թալէաթի համար ազգային եզրայրներ էին «մէրքէզը ու մումիի անդամները», իսկ հայրենիք էին

«Իթթիհասարի գլխուղները» Վր թշնամիները՝ Իթթիհասարի թշնամի, Իթթիհասարի հակառակորդներն ու ազգին թշնամիներն էին: Կը նախընտրէր որ սեփականը իր ձեռքին մէջ մեռնէր, քան թէ բարդաւածէր ուրիշներու ձեռքին մէջ: Իր փառատենչութեան յազուրդ տալու համար Տրիպոլոսյ սրահերագմբ բացաւ, իր փառատենչութեան յազուրդ տալու համար Պալքանեան սրահերագմբ բանալ տուաւ, իր փառատենչութեան յազուրդ տալու համար գէնքով գրաւեց եւ գրաւել տուաւ Պասար Ալին: Թալէաթ «ոչինչ» մը չէր, «ոչինչ» մը յեղափոխութիւն մը չի կրնար կատարել եւ եթէ անոր «ոչինչ» բանք արդարացում մը գտած կ'ըլլանք իր վարչական սխալներուն: Ան ոչինչ չէր. «գամիթէճի» մըն էր որ կը գերազանցէր Սանտանքին, ահարկու «գամիթէճի» մը... չար տաղանդ մը ունէր. թակարդ լարելու, դարանակալ ըլլալու, յանկարծակիի բերելու բնուէնակ, խարդախ, լարախաղաց, խարերայ տաղանդ մը: Թէ՛ իր անհատական կեանքին, թէ հանրային կեանքին մէջ Թալէաթի յենարանը, լծակը, ուժը տակունսութիւնը միեւնոյն բանն էր. — էնրբիկ:

Շատ խոնարհ խաւէ մը բարձրացաւ ամենէն բարձրը գիրքին շնորհիւ էնրբիկի: Սակայն, իր բախտածառ որքան բարձրացաւ, այնքան յայտնի եղաւ որ արժատները ողբի մէջ էին: Թալէաթ ուր որ ալ բարձրանար, կը տեսնուէր որ սաքին ցեխի ծանր գանդըւած մը փակած է: Անոր եղարքոսութիւնը տեսակ մը օձային արքայութիւնն էր...: Քանի բարձրացաւ, տափառին կարկտանները երեւցան: Կուրծքը բաւականաչափ լայն չէր՝ կարենալ շնչելու համար բարձր սարերու վրայ: Քանի բարձրացաւ այնքան զգաց իր կուրծքի տկարութիւնը եւ մտածեց թէ փրկութիւնը խաւ մը աւելի բարձրանալու մէջ է: Ու այս մտածումով մա-

զըլցեցաւ ու մազլցեցաւ եւ երբ եպարքոսութեան հասաւ, ինքն ալ զզաց իր կուրծքին տկարութիւնը :

Ալ հասկցած էր թէ՛ նոյն իսկ զինք դարպասողներու աչքին «արհամարհուած արձան» մըն էր : Ինքն ալ զզացած էր որ թէ իր դիրքը եւ թէ համբաւը սպասմութեան առջեւ զինքը ամբաստանող վկաներ պիտի ըլլային : Յոյսը անոր համար այլեւս չնշարդելութիւնն էր : Ամէն մէկ յաջողութեան մէջտեղը կար իրեն սպասող անքնութիւն որ որեւէ մղձաւանջէ աւելի տառապազին էր : Կեանքը իր կութիւնը կրճող որդ մը եղած էր, այսերը խոռոչացան կանխահասօրէն եւ մազերը այլևս րեցան քառասուն տարեկանէն առաջ : Կը զզացուէր, որ դազազը պիտի շուշանար անոր իսկական հասակը չափելու :

Հակառակ իր պաշտօնական փայլին, Թալէաթ սպրեցաւ զժրախա : Ամէն բանի արժանացաւ, առանց որեւէ բան վայելելու : Վերջին անգամները զայն տեսայ պաշտօնական հացկերոյթի մը մէջ : Կ'ապահովցնեմ թէ իր յօնքերը վիշտի թոյնով լեցուն էին, այնքան տխուր էր եւ սիրտը արիւնոտ : Կեղծ ծիծաղով մը անտաշ զուարթութիւն մը ցոյց տալու համար այնքան կը բրբնագատէր ինքզինքը որ . . . :

Թալէաթ ունէր սատանայական գոսողութիւն մը՝ որ կը ջանար պարտկուիլ խորամանկութեան մտերմիկ ձեւերու մէջ : Քաղաքական պարտութեան մը հաւանականութիւնը անոր գոսողութեան համար անհանդուրժելի հեռանկար մըն էր : Եւ սակայն կը զզար թէ ամէն քայլ զինքը կը մօտեցնէր այս հաւանականութեան : Ան կը գիտակցէր որ այս յափշտակուած փոռքի համբան ուշ կանուխ պիտի յանդի անկման եւ քայքայման . . . :

Երեք օրէ ի վեր վայրկեաններ կ'ունենամ որ կ'ուզեմ գթալ իրեն, եւ եթէ փոխանակ սովորական յանցա-

ւորի մը պէս փախուստի ամօթը նախընտրելու՝ քիչ մը
աւելի զիմազրական ուժով մնար այն դիրքին վրայ, ուր
ճակատագիրը զինքը բարձրացուցեր էր եւ վախճանա-
կան ժամուն Րոպէսփիէոի մը կորովամտութեամբ քա-
լէր գէպի կառափնատ, օ՛հ, ահա կը զգամ որ իրեն պի-
տի զթայի» :

Վ, Ե Ր Զ

ՅԱՆԿ ՆԻՒԹԵՐՈՒ

	Էջ
Դատատեանը եւ դատավնիւրը	3
Կենսագրական նոթեր	6
Երկու խօսք	9
Յատազարան	21
Մայրիկիս	38
Ա.— Սերպիայից վասպուրական	43
Բ.— Մեծ Եղեռնը	73
Գ.— Մուրատի հետ	98
Դ.— «Մեր հայրենիքը կորցրինք»	127
Ե.— Պոլսում	117
Զ.— Դէպի Ամերիկա	207
Է.— Որսի հետֆերով	235
Ը.— Մայրի վրայ ընկաւ հրէշը	300
Թ.— Դատավարութիւնը	334
Ժ.— Դատախազը պահանջում է մահապատիժ	335
ԺԱ.— Ո՛չ, յանցաւոր չէ	400
Պօղոս Նուպար փաշայի նամակը	428
Յաւելուած	429

ՄԱՏԵՆԱՀԱՐ “ՅՈՒՍԱԲԵՐ,,

Ե . Գ .

ԵՂԻՇԷԻ ՎԱՐԴԱՆԱՆՑ ՊԱՏԵՐԱԶՄԸ	
Թարգմ . դր . Ե . Տէր Մինասեանի , 322 էջ	60
ՄՈՎՍԷՍ ԽՈՐԵՆԱՅԻ ՀԱՅՈՑ ՊԱՏՄՈՒԹԻՒՆ	
Թարգմ . Ստ . Մալխասեանցի 600 էջ	150
գին .00 Ե .դ . կազմուած	110
ԳԷՕԹԷ	
Ընտիր երկեր , թարգմ . Ա . Արեղեան ,	
Ա . հատոր , 364 էջ	100
ՊԱՅԲԱՐ , Նարդոսի , վեպ , 176 էջ	
	30
ՍԻԼԻՀՏԱՐԻ ՊԱՐՏԷՉՆԵՐԸ	
Զապէլ Եսայեանի , 200 էջ	25
ՆԵՂՈՒՅՆԵՐԸ	
Վ . Նաւասարդեանի , 480 էջ	100
ԲՈՂՇԵՒԻԶՄԸ ԵՒ ԴԱՇՆԱԿՑՈՒԹԻՒՆԸ	
Վ . Նաւասարդեանի , 676 էջ	100
ԳԱՂԱՓԱՐՆԵՐՈՒ ՈԳԻՆ	
Վ . Նաւասարդեանի , 230 էջ	50
ԴԷՄԲԵՐ ՀԱՅ ԱԶԱՏԱԳՐԱԿԱՆ ՇԱՐԺՈՒՄԷՆ	
Գ . Լազեանի , պատկերագարդ 400 էջ	80
ԳՈՐՇ ԳԱՅԼԸ ԿԱՏՂԵՐ ԷՐ	
Գ . Թագուորեանի , 424 էջ	60
ՓԱԻՍՏՈՍ ԲՈՒԶԱՆԴԻ ՀԱՅՈՑ ՊԱՏՄՈՒԹԻՒՆԸ	
Թարգմ . աղատդ . Ստ . Մալխասեանցի	80
ՍԻԱՄԱՆԹՈՅԻ ԱՄԲՈՂՋԱԿԱՆ ԳՈՐԾԵՐԸ	
Մէկ հատորով	100

